

F 749
1978



სტუდენტ


1978 1



1978



ეროვნული
ბიბლიოთეკა





ეროვნული
აგენტიანობა
საჯარო მართვის რეფორმების
სახელმწიფო რეგისტრაციის
სახელმწიფო რეგისტრაციის
სახელმწიფო რეგისტრაციის

მხატვრული თარგმანისა და ლიტერატურულ
ურთიერთობათა მთავარი სარედაქციო
კოლეგია

ქ. თბილისი, ს.ა. ბაქ. სსრ
სახელმწიფო რეგისტრაციის
სახელმწიფო რეგისტრაციის
სახელმწიფო რეგისტრაციის

მთავარი რედაქტორი უმთა ნიშნიანიძე

სარედაქციო კოლეგია: **მზია ბაქრაძე, ბაჩანა ბრეგვაძე, ნანა ღარცია (პასუხისმგებელი მდივანი), მამალი თოდუა, ნოდარ კაკაბაძე, კარლო კალაძე, მისეილ კვეცილაძე, ზურაბ კიკნაძე, ვახუშტი კოტიშვილი, კონსტანტინე ლორთქიფანიძე, რომან გეგინეიშვილი, ოთარ ნოდია, ნიკო ყიასაშვილი, თამაზ ჩხენკელი.**

სტუდია

საქართველოს გვერალთა კავშირი

შინაარსი

კ რ ო ზ ა

ვასილ ბელოვი. დურგლების ნაამბობი. მოთხრობა. რუსულიდან თარგმნა გიორგი ბაქანიძემ	5
ალბერ კამიუ. დაცემა. რომანი. ფრანგულიდან თარგმნა ნესტან იორდანიშვილმა	73
ანტონ ჰანსენ ტამსაარე. ფოსტალიონი № 17. მოთხრობა. ესტონურიდან თარგმნა ამირან კალაძემ	128
ჰერბერტ ბეიტსი. ველური ალუბლის ხე. მოთხრობა. ინგლისურიდან თარგმნა ჯურჯან გემაზაშვილმა	146

კ ო მ ე ზ ი ა

ევგენი ვინოკუროვი. ლექსები. რუსულიდან თარგმნა ოთარ ქელიძემ	130
ჩონ ჩხოელი. თერთმეტი სიჯო. თარგმნა ჯარჯი ფხოველმა	142
ავებია ისააკიანი. ჰორაციუსი. ფელერიკო გარსია ლორკა. უილბ შიბენი. ალექსანდრ ბლოკი. ანა ანბაგოვა. ლექსები. თარგმნა თამაზ ჩხენკელმა	160



(22)

იანვარი
თებერვალი

**გსოვლით ლიტერატურის ორთვიური
ალმანახი**

1978

Handwritten mark on the left margin.

შინაარსი

ლიტერატურული მემკვიდრეობა

ჟან-ჟაკ რუსო. შიული ანუ ახალი ელოიზა. გაგრძელება. თარგმნა ნიკა აგიაშვილმა	198
ქმეზი გონაუკები. დღიური (ფრაგმენტები). ფრანგულიდან თარგმნეს ედიშერ გიორგაძემ და გიორგი ლოლაძემ	216

დოკუმენტური კროზა

ლემნარდ მოსლი. გზა კრალისაკენ. ინგლისურიდან თარგმნა ალექსანდრე ჩიკვაძემ	165
--	-----

პ რ ი ტ ი კ ა

ჯემალ აჯიაშვილი. გიგლა სარიშვილი. თამაზ ჩხენკელი	156
რეზო შარალაშვილი. ჰერმან ჰესეს მოგზაურობა ხატმებისა და ამბების მიღმა	231
გარეკანზე: პაულ კლემ. წითელი ვილები	

Handwritten number '5845' on the left margin.

მოთხრობა


რუსულიდან თარგმნა გიორგი ბაქანიძემ

I

სახლი ას წელზე მეტია დგას ამ მიწაზე და სულმთლად დაუღრეცია დრო-ყამს. დამით, როცა მარტოობით ვტკბები, მესმის ნაძვის მორებით შეკრული ჯარგვლის ხანმოთეულ გვერდებს როგორ უტლაშუნებს ფრთებს მარტის ნესტიანი ჭალიკონი. მეზობლის დამეულა ხვადი კატა საიდუმლოდ დაიძურწება სხვენის სიბნელეში და დასტურ არ ვიცი, იქ რა ესაქმება. მთელი შენობა თითქოს წყნარად ფშუტუნებს კატის ნაბიჯთაგან. დროდადრო ხმიერად, ყავარ-ყავარ სკდება ჭერის გახიკინებული, ჩაკაყებული კოჭები, ჭრიალებს გადაღლილი კავეები, სახურავიდან ჩამოცურებულ თოვლის ნამზვლევეებსაც მძიმედ გააქვს თქაფანი და მრავალტონიანი სიმძიმით დაძაბულ ნივნივებში ყოველი ბელტის ჩამოცურებაზე ჩნდება შვება ტვირთის ახსნისა.

მე თითქოს ტანით ვგრძნობ ამ შემსუბუქებას. სწორედ ასევე, როგორც ეს თოვლი ძველი სახურავიდან, ჩემი სულიდანაც ცვივა წარსულის მრავალკეცი ბელტები... დადის და დადის სხვენზე უძილარი კატა, ჭრიალებს კედლის საათი. მეხსიერება არიალებს მთელს ჩემს წარსულს, აი, პრეფერანსში პარტნიორი რომ არევეს ხოლმე ბანქოს დასტას. რაღაც ნამეტანი გრძელი თალია გამოდის... გრძელი და დახვანჯული. სულაც არა ჰგავს კადრების სააღრიცხვო ბარათს, — ქაღალდზე გაცილებით მარტივადაა ყველაფერი...

ამ ოცდაათხმეტი წლის განმავლობაში, რაც ამ ქვეყნად მიცხოვრია, ბარე ოცდაათჯერ დამჭირდა ავტობიოგრაფიის დაწერა და რატომ ზეპირად არ ვიცოდი. მახსოვს, პირველ ხანებში რარიგ მიხაროდა ამ ავტობიოგრაფიების წერა: ვფიქრობდი, ჩემი ცხოვრების ამბებით აჭრელებული ფურცელი ვიღაცას აუცილებლად სჭირდება და უკუნისამდე შეინახება-მეთქი ცეცხლგამძლე სეიფში.



პირველად თოთხმეტი წლისამ დავწერე ავტობიოგრაფია. ტექნიკუმში ვეპირებოდი და დაბადების მოწმობა უნდა ამეღო რაიონულ ცენტრში. ომი სწორედ ახალდამთავრებული იყო. იმ დროს გამუდმებით მშობლებს ვიწვინებოდი, მაგრამ მაინც მეხალისებოდა ცხოვრება. მოზავალი ხომ მთლად უცხოფერი და ტკბილი მეჩვენებოდა.

აი, ასე ატაცებულმა გადავიარე სამაისოდ შემშრალი, სამოცდაათ კილომეტრიანი თემშარა. თითქმის სულ ახალი, ჩატოლადებული წაღები, ძველი პიჯაკი და ბრეზენტის შარვალი მეცვა, საფანტით გახვრეტილი ქუდი მეხურა. საგზლად დედაჩემმა სამიოდ საწყალი კვერი და ერთი თავი ხახვი ჩამიღო აბგაში, ჭიბეშიც ათი მანეთი მედო. ბედნიერი ვიყავი და მთელი დღე-ღამე ისე ვიდოდი რაიონულ ცენტრამდე, გზად სულ ბრწყინვალე მომავალზე ვოცნებობდი. ამ სიხარულს, ვითარცა წიწაკა — თევზის წვნიანს, ჰკაზმავდა შეგრძნება გულოვნებისა: ჭიბეში მამაცურად ვბლუჯავდი ჯაყვას. იმხანაუ ხშირად ხმა გავარდებოდა ხოლმე, პატიმრები გაიქცნენო ბანაკიდან. მეც ყოველ მოსახვევში საფრთხე მელანდებოდა და ხელისგულიც ისე გამოიფლიანდა, ჯაყვა სულ დამისველდა. მაგრამ მთელი გზა ისე გავიარე, ერთი ლტოლვილიც არ გამოსულა ტყიდან, არავის უცდია კვერების წართმევა.

დილის ოთხი საათი იქნებოდა, ჩავედი დაბაში, ვნახე მილიცია და მმაჩი, მივწეჭი პარმალზე და დავიძინე. ცხრა საათზე მოვიდა გამგე, ერთი უცხვირპირო დედაკაცი იყო, მსუქან ლოყაზე მეჭვჭი აჯდა. გამბედაობა მოვიკრიბე და ვუთხარი, რაც მინდოდა. საკვირველი იყო: არც კი შემომხედა, ყურიდან ყურში გაუშვა ჩემი თხოვნა. კრძალვითა და შიშით გასუსული ვიდექი სარკმელთან და მის მეჭვჭზე ამოშუშებულ შავ ბეწვებს ვითვლიდი. ლამის სული გამეპარა...

ახლაც, ხომ ამდენი წელია გასული, ისევ ვწითლდები, იმ დამცირებას რომ გავიხსენებ; მახსოვს, რა მძულვარედ წაიტუტუნა გამგემ, თან შემოხედვაც არ მაღირსა:

— დაწერე ავტობიოგრაფია.

რაც მართალია, ქაღალდი კი მომცა. და აი, ჩემს დღეში პირველად დავწერე:

„მე, კონსტანტინ პლატონის-ძე ზორინი, დავიბადე 1932 წელს ამა და ამ ოლქის ამა და ამ სოფელში. მამაჩემი, პლატონ მიხაილის-ძე ზორინი, 1905 წელს დაიბადა, დედა — ანა ივანის ასული ზორინა დაიბადა 1907 წელს. რევოლუციამდე ჩემი მშობლები საშუალო შეძლების გლეხები იყვნენ და სოფლის მეურნეობას მისდევდნენ. რევოლუციის შემდეგ შევიდნენ კოლმეურნეობაში. მამაჩემი ომში დაიღუპა, დედა კოლწევრია. დავამთავრე ოთხი კლასი და შევედი ამა და ამ სოფლის შვიდწლიან სკოლაში, რომელიც დავამთავრე 1946 წელს“.

მეტი რა უნდა დამეწერა, მაშინ ამით ამოიწურებოდა მთელი ჩემი ცხოვრება. საშინლად დაფეთებულმა გადავაწოდე ფურცელი სარკმელში. გამგემ კარგა ხანს არ მიხედა ჩემს ნაწერს, მერმე თითქოს შემთხვევით დაჰკრა თვალი და დამიბრუნა:

— შენ რა, ავტობიოგრაფიის წერა არ იცი?

...სამჯერ რომ გადავწერე ავტობიოგრაფია, გამგემ ერთხანს მეჭვჭი

იფხანა, მერმე აღგა და სადღაც წავიდა. ამასობაში სადილობის დრომ მოაწია. სადილის შემდგომ გამგემ მაინც წაიკითხა ჩემი ნაცოდვილარი და მკაცრად მკითხა:

— სამეურნეო წიგნიდან ამოწერის ცნობა გაქვს?

გულმა კვლავ რეჩხი მიყო: ამოწერის ქაღალდი არა მქონდა...

და აი, კვლავ მივაბიჯებ სამოცდაათ კილომეტრიან გზაზე, მივდივარ უკანვე, რათა ამოწერის საბუთი გამოვართვა სოფსაბჭოს. ერთი დღე-ღამე და ცოტა მეტი დამჭირდა გზის დასაძლევად, მივდიოდი და უკვე აღარ მეშინოდა ლტოლვილებისა. მინდვრის ყვავილთა ბუტკოებს და მჟაუნას მწვანე ლორთქებს ვჭამდი გზაში. სახლამდე შვიდიოდე კილომეტრი რომ მიკლდა, გონი დავკარგე, ვეება ლოდზე დავწექი გზისპირას და აღარ მახსოვს, რამდენ ხანს ვიწექი ასე, ხელახლა ვიკრებდი ძალას და რაღაც უაზრო ჩვენებებს ვებრძოდი.

სოფელში მთელი კვირა ვთრაქე ნაკელი, მერმე დავეთხოვე ბრიგადირს და კვლავ გავეშურე რაიონული ცენტრისაკენ.

ამჯერად გამგე კიდევ გაბრაზდა ჩემს დანახვაზე. მთელი საათნახევარი, სანამ ქაღალდებს გამომართმევდა, სარკმელთან ვყურყუტობდი. დიდხანს, ნება-ნება იქეჭებოდა საბუთებში და მერმე მომახალა, საოლქო არქივს უნდა დავეკითხო, რაიონულ სამოქალაქო აქტებში არ წერია შენი დაბადებაო.

კვლავ ტყუილად ვხვეტე ეს ამოდენა გზა, თითქმის ასორმოცდაათი კილომეტრი.

მესამედ, შემოდგომაზე, თიბვა რომ მოთავდა, ერთ დღეში ჩავედი დაბაში: უკვე მუხლებიც მომიმაგრდა და საჭმელიც უკეთესი გვქონდა, ახალი კარტოფილი იყო შემოსული.

გამგეს, ეტყობა, უკვე ვძულდი, არც მეტი, არც ნაკლები.

— მე არ შემიძლია შენ მოწმობა მოგცე! — დამიყვირა, თითქოს ყრუ ვიყავი, — არსად არ წერიხარ, გაიგე?


გამოვედი დერეფანში, მივიკუნტე ლუმელთან და... ამომიჭდა გული. ვიჯექი ყარტლიან იატაკზე და ვტიროდი. უილაჯობა, წყენა, შიმშილი, მართობა და კიდევ სხვა რაღაც მიწყლავდა გულს.

ახლა, იმ წელს რომ ვიხსენებ, იმ ნახევრად ბალღურ ცრემლებს, კი მრცხვენია, მაგრამ მაინც ყელში მაწვება იგი ტირილი. ყმაწვილობის დროინდელი წყენა არყის ხის ნაჭდევსა ჰგავს: დრო გავა და ამოშენდება, მაგრამ აღარასოდეს წაიშლება-კი.

მესმის საათის ტაკატუკი და ვმშვიდდები ნელნელა. მაინც კარგი ვქენი, შინ რომ ჩამოვედი. ხვალ აბანოს შეკეთებას დავიწყებ... დავაგებ ცულზე ტარს და სულაც არ ვინადვლი, რომ ზამთარში მომცეს შვებულება.

II

დილით სახლში დავიარები და ვეება ჩალანგრებში აგრიალეზულ ქარს ვუსმენ. მამაპაპეული სახლი თითქოს სიბერეს უჩივის და შეკეთებას ითხოვს. მაგრამ ვიცი, შეკეთება ხელს მოუთავებს: არ ეგების ბებერი, ჩაკი-



რული ძვლების შეწუხება. აქ ყველაფერი ერთ მთლიანობად შეზრდილა და შედუღებულა, უმჯობესია, ხელი არ დააკარო ამ შეთვისებულ მოძრაობას. შეამოწმო ისედაც დროით შემოწმებული მათი ურთიერთგულუბანობა. ასეთი ამბავი როცაა, არცთუ იშვიათად რომ ხდება ხოლმე, სჯობს ძველ სახლს ახალი ამოუყენო გვერდში, რასაც დასაბამითვე კიდევ იქმოდნენ ჩემი წინაპრები. არც არავის მოუვიდოდა თავში ულევური აზრი, — ბალავერიანად დაენგრიათ ძველი სახლი მანამ, სანამ ახალს არ ააშენებდნენ.

ოდესღაც ეს სახლი სეფე-შენობა იყო ნაგებობათა მთელი ოჯახისა. ზედვე იდგა მკვიდრად შეკრული ბედელი, დიდი კარაპანიანი კალო, ორი ერთფერდა საბძელი, კარტოფილის სარდაფი, აბანო; იქვე იყო სანერგე და ცივ, ყინტორა წყალზე ამოყვანილი ჭა. ის ჭა რახანია დაყრუვდა, იგი ნაგებობანიც იავარქმნილან და სახლს ერთადერთი თვისტომილა შერჩენია — სულმთლად გაჭვარტლული, ნახევარსაუკუნოვანი აბანო.

დიდი-დიდი, ერთი დღის შემდეგ უნდა გავახურო ეგ აბანო. აწ შინა ვარ, ჩემს სამშობლოში ვარ და უკვე მგონია, მხოლოდ აქაა ასე კრიალა მდინარეები, ასე ჭვირვალი ტბები. არსად არ იცის ასე აკიაფებული, ნაირფერი აისი. ესოდენ მშვიდი და ზამთარ-ზაფხულ ფიქრიანი ტყეებიც არაა სხვაგან, როგორ აწყნარებს კაცის თვალს. რარიგ უცნაური და სასიხარულოა, ამ ძველი აბანოს მფლობელი რომ ვარ, ეს ახალი ყინულჭრილი რომ მაქვს კრიალა, დათოვლილ მდინარეზე...

არადა, ოდესღაც მძულდა ყოველივე აქაური. დავიფიცე, აღარასოდეს ჩამოვდგამ-მეთქი აქ ფეხს.

მეორედ, როგორც იქნა, დავწერე ავტობიოგრაფია და საფაბრიკო-საქარხნო სასწავლებელში შევედი დურგლობის შესასწავლად. ცხოვრებამ და რაიონული მმაჩის გამგემ, იმ სქელუა დედაკაცმა, გეგმები შემაცვლევინა და ტექნიკუმს ამაცდინა. სწორედ იმ გამგემ, თუმცა პირგამეხებით, გამგზავნა სამედიცინო კომისიაზე, რათა დაედგინათ საეჭვო ფაქტი და ჟამი ჩემი ამ ქვეყნად მოვლინებისა. სარაიონო პოლიკლინიკაში კეთილმა ცხვირწითელა ექიმმა მარტო ეს მკითხა — რომელ წელს გქონდა პათივი დაბადებისაო და ეგრევე გამომიწერა ქაღალდი. არც კი მინახავს ჩემი დაბადების მოწმობა: 'მრომითი რეზერვების წარმომადგენლებმა წაიღეს. ექვსთვიანი პასპორტიც იმათ გააკეთეს უჩემოდ.

ვფიქრობდი, სამუდამოდ მოვშორდი-მეთქი ამ ახრჩოლებულ აბანოებს და სიხარულით აღარ ვიყავი.

მაშ, ახლა რატომაა, ასე კარგად რომ ვარ აქ, ამ ჩემს მამულში, ამ ჩემს დურღუტ სოფელში? რატომაა, გული რომ არ მითმენს და მეორე დღესვე ვახურებ აბანოს?

უცნაურია, დასტურ უცნაური და მოულოდნელია ეს ყველაფერი...

თანაც, აბანო სულმთლად ძველია. ერთი კუთხე კარგა შესამედზე ჩამკლარა მიწაში. ღუმელი რომ ავანთე, კვამლი ზევით კი არ წავიდა ხის საკვამურში, ქვედა წყების დამპალ ძელებში ამობოლდა, თითქოს მიწიდან ამოდისო. ეს ქვედა წყება მთლად დამპალა, შუათანაც შემპალია, მაგრამ მთელი დანარჩენი ძელური კვლავ მტკიცეა და შეუვალი. ათასჯერ განახურები აბანოს სიმხურვალეში გამოწრთობილს, ათეული წლების მწარე ნატისუსალი შეუნახავს...

გადავწყვიტე აბანოს შეკეთება. ძელურის ორი ქვედა წყება უნდა შევცვალო, უნდა მოვფუშო და განვაახლო ტახტები, ღუმელსაც მოვშლო და ახალს დავდგამ. ზამთარში უაზრო ჩანდა ეგ წამოწყება, მაგრამ რაღა ბედნიერი ვიყავ, წინდაუხედავად ვირჩებოდი. თანაც, აბანო ხომ სახლი არაა, შეგიძლია დაუშლელად გამოჰკიდო ჰაერში და ისე გამოუცვალო კედლები, სახურავი. კვლავ მომეახლა ოდესღაც საფაბრიკო-საქარხნო სასწავლებელში შენათვისები მარიფათი ხელოსნისა და ავცეტდი. ღამით, მატყლის საბანში გახვეულს, სულ აბანოს შეკეთება მესახებოდა და ყოველივე სავსებით უბრალო, ხელმისაწვდომი ჩანდა. მაგრამ დილით სხვა პირი გამოუჩნდა საქმეს. ცხადი გახდა, თუკი ვინმეს, თუნდაც რომელიმე ბერიკაცს არ დავიხმარდი, მარტო მე ერთი, შეკეთებას თავს ვერ გავართმევდი. ყველა-ყველა და, რიგიანი ცულიც კი არა მქონდა. ყველაფერი რომ ავწონ-დავწონე, მეზობელს მივაკითხე დახმარების სათხოვნელად, ოლეშა სმოლინს.

სმოლინის სახლის წინ, ლატანზე, გარეცხილი ქვედა საცვალი ეკიდო. ფართოდ მოღებული ჭიშკრისკენ გაჭრილი ბილიკი მოგვილი იყო. იქვე ეგდო გვერდზე გადაბრუნებული მარხილი. ავედი პწკალაზე, კარს წავეტანე და ძაღლის მჭახე ყავყავიც მომესმა. თავი გამოიღო და მეცა. დედაბერი გამოჩნდა, ნასტასია, ოლეშას ცოლი; ძაღლი კარს მოაცილა:

— გაჰქრი აქედან! უყურე ერთი ამ ხულიგანს, არ ეცა ადამიანს?!

სალამი მოვახსენე და ვკითხე:

— კაცი არის შინ?

— გაგიმარჯოს, ჩემო ბატონო.

ეტყობა, მთლად ყრუ იყო. შემიპატიჟა შინ, თავსაფრით მერხი გადამიფერთხა.

— კაცი თუა-მეთქი შინ, სადმე ხომ არ წავიდა? — ვკითხე ხელახლა.

— აბა რა წამსვლელი ეგაა, ჯანდაგი. აგერ, ღუმელზე ახობორიკდა, სურდო შემეყარაო, ჩივის.

— შენ თვითონა ხარ სურდო, — მოისმა ოლეშას ხმა, — და არც დღეს შემყრიხარ, კაიხანია მჭირხარ.

ცოტა რომ წაიკინკლავეს, ოლეშა ძირს ჩამოვიდა და თექურები ჩაიცვა.

— სამოვარი არ დაადგი? არაფერი შენ არ გეყურება... კონსტენკინ პლატონოვიჩ, კაი გამარჯობა შენი!

ოლეშამ, ამ ხეხელა, გამოუცნობი ხნოვანების კოლმეურნემ, მაშინათვე მიცნო. ბერიკაცი შუა საუკუნეების მეკობრეს ჰგავდა, საყმაწვილო წიგნის ნახატიდან გადმოსულს. ჯერ კიდევ ბავშვობაში გვაშინებდა და თავზარს გვცემდა მისი ეს კეხიანი ცხვირი. იქნებ ამიტომ იყო, ფეხი რომ ავიდგიო და გარეთ დავიწყეთ სირბილი, ოლეშა სმოლინი სულ დანაშაულის გამოსყიდვას ცდილობდა და დიდი ხალისით გვიკეთებდა ტირიფის სასტვენებს, ფორანზედაც ხშირად გვსხამდა ხოლმე. შევყურებდი ცხვირზე და ვგრძნობდი, როგორ მიბრუნდებოდა ადრეული ბავშვობის ბევრი, რახანა გადავიწყებული შეგრძნება...

ცხვირი ოლეშას სწორად კი არ ადგა, მარჯვნივ ჰქონდა გადაბრეცილი და ყოველგვარი სიმეტრიის გარეშე მიჯნავდა აპრილის ცვარივით ლურჯ ორ თვალს. შავი, შეჭადარავებული ჯაგარი ნიკაპს უფარავდა. იტყობი, ნე-



ტა ერთი ამის ბიბილოებზე მძიმე საყურეები მანახა და თავზეც ყაჩაღის შლაბა ეხუროს, ანდა ბაღდადი ეხვიოს მეკობრეების ყაიდაზე.

სმოლინმა ჯერ გამომკითხა, როდის ჩამოვედი, სად ვცხოვრობ და რამდენი წელია, რაც იქ ვცხოვრობ. მერმე ცნობისწადილით მკითხა, რა ხელფასი გაქვს და შევებულეხას რამდენს იძლევიანო. ოცდაათხი დღე მაქვს-მეთქი, ვუთხარი.

არ ვიცოდი, ოლეშას თვალსაზრისით ბევრი იყო ეს თუ ცოტა, არადა, სმოლინსაც ამის გაგება ეწადა, ოღონდ ჩემი თვალსაზრისით. ამიტომ, საუბრის თემა რომ შემეცვალა, აბანოზე ჩამოვუგდე სიტყვა. ოლეშას მისხალიც არ გაჰკვირვებია, თითქოს სწამდა, რომ აბანოს შესაკეთებლად სწორედ ზამთარი იყო მისწრება:

— აბანოს ამბობ? აბანო, კონსტენკინ პლატონოვიჩი, მართლაც დიდი საჭირო რამეა. აგერ, ჩემი დედაკაცი აიღე: სულმთლად გამოყრუებულია, როგორც კუნძს ვერ შეასმენ რამეს, ისე მაგასაც, არადა, აბანო უყვარს, ყოველდღე რომ არ გამოშუშდეს, არ იქნება.

ადარ ჩავეძიე რა კავშირი იყო სიყრუესა და აბანოს სიყვარულს შორის, სად ერთი და სად მეორე, და კვლავ მოხმარებაზე ჩამოვუგდე სიტყვა, მეტად სარფიანი პირობები აღვუთქვი. მაგრამ სმოლინი არ ჩქარობდა მკლავების დაკარწახებას. ძალით დამსვა სუფრასთან. ღუმელზე შემომდგარი სამოვარიც უკვე რაკრაკებდა გალობის იშტაზე მოსულ როჭოსავით.

— ვაიმე, კარი! გაიქე, კარი ჩაკეტე! — აწრიალდა ანაზდად ოლეშა. — რაც შეიძლება მაგრად ჩარაზე!

ვერ მივხვდი რა ამბავი იყო და უნებურად გავიწიე კარისაკენ.

— თორემ გაიქცევა. — შემაგულიანა ოლეშამ.

— ვინა?

— სამოვარი, აგე...

უნდა შევჩვეოდი სოფლურ ხუმრობას: გავწითლდი ცოტათი. აჩუხჩუხებული, „გასაქცევად“ მომართული სამოვარი საცაა იშხეფებდა, მაგრამ მაშინვე ჩაცხრა: ნასტასიამ მილაკი მოაძრო და წევა შეუჩერა. ამასობაში ოლეშამ თითქოს ისე, შემთხვევით, გამოიღო თახჩიდან არყიანი ბოთლი, ერთ მესამედზე შენაკლულებული. რაღას ვიზამდი, ცოტა კი ვიყოყმანე და როგორღაც თავიდან ამომივარდა პირველი მცნება ჩემი საშვებულებო წესებისა. გავიხადე ჯუბა და კართან ჩამოვკიდე, ლურსმანზე. დავლიეთ ჩაიში გარეული არაყი, სხვა სიტყვებით რომ ვთქვათ — ცხელი პუნში, ხამ კაცს რომ ნეტარების ოფლს გამოადენს და მერმე, შეუმჩინებლად, სულ სხვა, საოცრად ნათელი და იმედიანი მხრიდან შემოუტრიალებს ხოლმე მთელს სამყაროს. ნახევარი საათიც არ გასულა, რომ ოლეშა არცთუ ისე გულით ცდილობდა ჩემს დაყოლიებასა და დაკავებას, მე კი არ ვუჭერებდი და მალე კიდევ გავეშურე სოფლის ღუქნისაკენ, თან ისეთ სიცქაფეს ვგრძნობდი მუხლებში, ბავშვობაში რომ გამომიცდია ხოლმე.

ირგვლივ ახალნაბარდნივით სუფთა თოვლით გადაქათქათებულიყო ყველაფერი. სოფლებში სადღეო ღუმელები ენთო. ოქროვანი სვეტები კვამლისა ჰაერს კი არ ექსვოდა, განცალკევებით იდგა და ნელიად, უკვალოდ ქრებოდა. გუშინ მოსული თოვლით გაბზინებული ტყეები ახლოს მომდგარიყო და მკაფიოდ ჩანდა. ზრქელ, ნათელ სიჩუმეში ჩაყურსულიყო შემოვარენი.

სანამ დუქანში წავიდოდი და მოვიდოდი, ნასტასია მეზობლებში გადასულიყო საჭორაოდ, ხოლო ოლეშას ალუმინის ლანგრით ციციქნა, მოლურჯო ნიყვი სოკოები შემოემატებინა სუფრისათვის. გავეთავაზეთ ერთმანეთს, დავლიეთ თითოც, მაშინვე გონება გადაგვისხვაფერდა და სწორედ ასე, აი, ზაფხულის ცხელი დღის შემდეგ მორევში რომ ჩაყვინთავს კაცი, ნელნელა ჩავეშვი ოლეშას საუბრების უფსკრულში.


III

— ... შენ, კონსტენკინ პლატონოვიჩ, სჯობია ჩემს ცხოვრებაზე ნუ მკითხავ ნურაფერს. მთელი ჩემი ცხოვრება აბნეული ბიბლიაა სწორედ: ვისაც საით უნდა, იქით გადაჰყავს თავის ტაბიკონზე. ვისთვისაც რა მაქვს გამოსადეგი, ყველა იმას ექაჩება თავ-თავისკენ. ერთს ეს უნდა, მეორეს ის დასჭირდა, მესამეს კიდე — არც ერთი უნდა და არც მეორე, ორივე გვერდზე გადადო. თავისი არშინით ზომავს. ასეა. ახლა, არ იკითხავ, მე რასა ვშვრები? რას და, არაფერს. მე თვითონაც მთვრალ დედაკაცივითა ვარ, აი, რომ დაწვება და აღარც იცის, კურტუმი საითკენ აქვს. ჩემი დღე და მოსწრება ჩემსავ კალთებში ვიბლანდები და ველარ გამოვმძვრალვარ. სწორედ აღარ ვიცი, კალთებია გრძელი თუ ფეხები მაქვს დახლიფართებული. ანდა, იქნებ ხალხმა ამბლანდა ასე?

არადა, მართალი რომ ვთქვა, მუდამ ხომ არ ვიყავი ასე თავგზააბნეული. მახსოვს, დედაჩემმა რომ გამაჩინა, პირველად სიხარულით აღარ ვიყავი, სულ ვცმუკავდი და მთელს ქვეყანას სალამს ვეუბნებოდი. ღმერთმანი, მახსოვს ჩემი დაბადება. ბევრს ვეუბნები, მაგრამ არა სჯერათ ამ სულელებს. გეუბნები, კარგად მახსოვს. ესე იგი, არაფერი მახსოვს, მარტო თბილ ნისლსა ვხედავ ირგვლივ, ვითომც ძილში ვარ, არადა, მაინც მახსოვს. თითქოს კაზმატიდან გამოვედი. მე ვიყავი თუ მე არ ვიყავი, ამას ზუსტად ვერ გეტყვი, იქნება მე არც ვყოფილვარ, ოღონდ მანამდე იყო საგულისხმო... საგულისხმოსაც ვერ იტყვი, აი, კეთილშობილური უფრო ითქმის...

ჰოდა, იმას ვამბობდი, მეც ქრისტესავით დამემართა: ხბოს ბაგაზე დავიბადე და შობა დღეც მოუწია სწორედ. თავიდან მართლა კარგად მიდიოდა ჩემი საქმეები, მერე და მერე დავიწყე ბლანდვა. მივაყოლე და მივაყოლე...

დიდი ოჯახი გვქონდა, რაღა თქმა უნდა. ქესატად ვიყავით ნამეტანი. დედა და მამა ამ ყარტაყურტა ბალებს მაინცღამაინც თავზე არ გვისვამდა ხელს. ზამთრობით სულ ღუმელზე ვეყარენით და აბანოს ჭიებს ულვაშებით ვაპორწიალებდით. ზოგს კიდევ შევხანხლავდით ხოლმე. სამაგიეროდ, ზაფხულში ჩვენი იყო მთელი ქვეყანა, დავშლიგინობდით ბალახში და ჭინჭრებში... ერთი კი ნაღდია: ძაან ბლომად იხოცებოდა ბალები, სათვალავი არ იყო. ოღონდ, უფრო მეტი იბადებოდა და ამიტომ ველარც ამჩნევდნენ ამათ სიკვდილს. ხანდახან მეც ჩამცხებდა ხოლმე ბებიაჩემი გოგრაში, ან ფერდში წამიქიმუნჯებდა: ოლეშკა, შენ მაინც მიგიბარებდეს ადრე და მალე მამაზეციერი, რომ ეგეთმა ბოთემ ტყუილად არ ილაყუნო ამ დუნიაზეო. სხვა დედაბრებიც, ყველა უეჭველ სიკვდილს მიქადდა. კინკრიხოს გამისინ-



ჯავდნენ და აეგრე ამბობდნენ: არა, დია, ამას არ უჩანს სასიცოცხლო პი-
რიო. თუ გაგიგონია, შუალედი აქვს ზოგ ბავშვს თავზე, ამბოხე იტყვიან,
ჩვილობაშივე მოკვდება, ვერ გაატანსო. მე კიდე, ხვიშტი ვუჩვენე ყვილა-
კას. ვიცოცხლე მაგათ ჯინაზე. არც მინანია, თუმცა მაინც დაძაინც არც სი-
ხარულით გადავრეულვარ...

მახსოვს, პირველად წამიყვანეს მღვდელთან აღსარებაზე. დიდმარხვას.
იმხელა ვიყავი, ნიფხავი მეცვა უკვე. ოჰ, პლატონოვიჩ, ამ რელიგიის ამბავს
ნულა მეტყვი! ჯერ კიდევ იქიდან დამიწყო მაგან ნერვების მოშლა. არადა,
მას მერეც რამდენჯერ მომშალა, ვინ მოთვლის! რაღა ბევრი გავაგრძელო,
წამიყვანეს მღვდელთან. დედაჩემმა დამარიგა: ოლეშკა, რაც არ უნდა გი-
თხრან, ყველაფერი კარგად შეისმინე და ყველაფერზე „ცოდვილი ვარ, მა-
მაო“ — აეგრე უბასუხეო. კარგი მღვდელი გვყავდა მრევლში, ლამაზი კაცი
იყო, რაც მართალია. ჰოდა, წარვდექი მღვდლის წინაშე ეს უმანკო ბაღლი.
ყრმაო, რა გქვიაო, მკითხა. ოლეშკა-მეთქი. მონაო ღვთისა, ვინ გასწავლა ასე
უმართებულო ლაპარაკიო? ოლეშკა კი არა, ეს ეშმაკისეული სახელი. არა-
მედ ალექსეი უნდა თქვაო. მეც ვთქვი, ალექსეი მქვია-მეთქი. „ახლა მარ-
ქვი, ყრმაო ალექსეი, რა ლოცვები იცი?“ რაღაც „ცათა შინა“ მოვროტე.
ეხედავ, ბრიყვი ხარ, ვითარცა ჯირკი; კარგია, თუ მარტო ასაკის ბრალიაო.
მე, რად უნდა ორი სიტყვა, ხმა არ გამიღია, მარტო ცხვირში ვიცრინტე-
ბოდი და ეგ იყო. „მარქვი, შვილო ჩემო, ცოდვილი ხარ წინაშე უფლისა?
სხვის ბოსტანში სტაფილო არ ამოგითხრია? მუხუდო არ მოგიპარავს?“ „არა,
მამაო, არ მომიპარავს“. „არცა მფრინველთა ზეცისათა ესროდი ქვებსა?“
„არა, მამაო, არ ვესროდი“.

მაშ რა მეთქვა, თუკი მართლა არც ბედურებისთვის მისვრია ქვა და არც
სხვის ბოსტანებში წოწიალი მქონდა ჩვევად.

შენც არ მომიკვდე, მტაცა ყურში ხელი, მომიჭირა როგორც მარწუხი,
მქაჩავს და მქაჩავს. თან აეგრე ტკბილად, წყნარად მეჭუჭუტუება: „ნუ
ტყუი, შვილო, უფლისა წინაშე, რამეთუ არ მოგიტევენს უფალი ტყუილს.
ნუ ტყუი, ნუ ტყუი, ნუ ტყუი...“

ტირილ-ტირილით გამოვვარდი ეკლესიიდან. ყური მეწვოდა, მაგრამ
უფრო ისა მწყინდა, ასე ტყუილ-უბრალოდ რომ დავისაჯე. აქეთ დედაჩემმაც
დამისართა: დაავლო ხელი ტირიფის წკნელს, ჩამაპრო ნიფხავი და მომცხო
და მომცხო, პირდაპირ იმ ყინვაში გამწკებლა. მირტყამდა და თან დამ-
ძახოდა: აკი გავაფრთხილეს, ცოდვილი ვარ — თქვიო, აკი გავაფრთხი-
ლესო...

ახლაც ზუსტად მახსოვს ის გაწკებლვა. ჰოდა, კარგი. ჯანდაბას, მარტო
ის ერთი ყოფილიყო, ამდენს არ ვიყატყატებდი. მეორედ რომ მივედი აღსა-
რებაზე, მეორედაც ეს ამბავი მომიწია. სულ სიმართლეები ვუთხარი
მღვდელს. მაგრამ ერთი სიტყვა მაინც დამიჯერა?! ის კი არა, მამაჩემსაც
უთხრა, იმან სულმთლად ჯანდრში გამატარა. ამის შემდეგ ვიფიქრე ამ ჩემი
მოკლე ჭკუით: ღმერთო, რა წყალში ჩავვარდე! მართალს ვამბობ — არ მი-
ჯერებენ, ტყუილი ვთქვა, — ცოდვას ვერ ვიქმ, ამისიც მეშინია. აქეთ კიდევ,
ისევ აღსარებაზე მიწევს წასვლა. ისევ ყურების აგლეჯა მაქვს გამოწერი-
ლი... რაღა ვქნა? არა-მეთქი, ვიფიქრე, აწი აღარ ჩავივარდებით ხელში-
მეთქი. აი, რა მოვიფიქრე: განგებ ვიქმ ცოდვას, სხვა გზა არ არი! ჰოდა,

პლატონოვიჩი, მამაჩემს თუთუნი ავწაპნე. თაროდან, ასე მეოთხედი კვერცხი გამოვიდოდა, ჩავიყარე მუჭში, ასანთი ღუმელის თავზე მოვიძებე და, მოვეცა-
ლხენა, შევძვერით მე და ვინკა კოზონკოვი იმათ კარაპანში, დაჯჯექით და
ვსწავლობთ თუთუნის წევას. კაი სწავლა კი იყო, მე და ჩემმა ღმერთმა,
სულ ავახრჩოლეთ იქაურობა. დამეწყო თავის ბრუალი, გულიც მერეოდა,
მაგრამ მაინც ვეწეოდი... მთელი ქვეყანა აეგრე თვალწინ დამიტრიალდა.
ვინკამ მითხრა, მე რახანია ვეწევი, შენაო?.. მე ჩემი ვუთხარი: ცოდვას ჩავ-
დივარ, რაც შეიძლება ბევრი ცოდვა უნდა ვქნა, თორემ აღსარებაზე ისევ
გატყუება მომიწევს-მეთქი.

გამოვძვერით კარაპანიდან, სულმთლად დავბრუვდი, აქეთ-იქით ვბან-
ცალებდი. პირველად დავთვერი ჩემს სიცოცხლეში. აღსარებაზე კიდე, ავ-
დექი და ყველაფერი მოვინანიე. მღვდელმა ერთი სიტყვაც არ უთხრა მამა-
ჩემს, კმაყოფილი იყო ნამეტანი: აი, ჭკუაში ჩავაგდეო, ეგონა...

მას აქეთ იყო, მივყევი და ცოდვას ცოდვაზე ჩავდიოდი. დამანებეს თა-
ვი, ხელს არ მაწენწებდა კაციშვილი. დამიდგა კაი ცხოვრება. მე, ძმაო, აი
რასა ვფიქრობ: მართალია, მას აქეთ ვითომ კი გამიადვილდა ცხოვრება,
მაგრამ სწორედ იქიდან დამეწყო ათასნაირი დომხალი. შენ რას იტყვი, სწო-
რი არ არი?..

IV

მეორე დღეს ჩახჩახა მზემ გამომალვიდა. შიგ თვალეში მიჭყიტინებდა.
გამოვძვერი საბნიდან და გამიკვირდა: კვალი არ დამრჩენოდა წუხანდელი
სმეულობისა, ოდნავ დამნისლოდა გონება და ცოტათი მწყუროდა, სულ ეგ
იყო.

ძირს ჩავედი და ვარჯიშის ნაცვლად კაი ნახევარი ღუჟინი ნაძვის მაგა-
რი მორი დავაპე. ორი დარტყმით სკდებოდა, თუკი ცუღს პირდაპირ შუა-
ში მოვახვედრებდი. გაყინულ ნაპობებს ისე გაჰქონდა წკრიალი, როგორც
ეზოს გადაღმა გალიპულ თოვლს და დილის ცინცხალ, მოჭერილ ყინვას.
ჩავასობდი ცუღს შუაგულ მორში, ერთიანად ავიტაცებდი ძალა, მთელი
ძალით მოვიქნევდი და ხვნეშით ვცემდი ყუას შესხვილ კუნძზე. მორი თავი-
სივე სიმძიმით სკდებოდა შუაზე და ნაფოტები ზრიალა წამოკვნესებით მიჰ-
ქროდა აქეთ-იქით. მსიამოვნებდა ეგ გარჯა.

ათიოდე ღერი შეშა შინ შევიტანე, გავაღე ღუმელის საკეტი, ავაძვრე
ხუფები, სახური გავხსენი. დავხეჩე კვარი და შეშის ერთი ნაპობი სახა-
ბაზო ნიჩბით განივად შევდე ღუმელის პირში. ავანთე კვარი და ნიჩბითვე
დავადე შეშას. მერმე სხვა შეშაც შევახობოლავე ალზე. დატრიალდა ცე-
ცხლის წმინდა, მკვეთრი სუნი. კვამლის თეთრმა ჭავლმა გაუხვია აგურის სა-
ცეცხლეში და საკვამურს აუყვა. დიდხანს ვუმხერდი კვამლის დინებას.
ფანჯრებში იღვრებოდა თუმც ზამთრის, მაგრამ მაინც დიდად სხივოსანი
მზე. ღუმელი აგუზგუზებულყო. ავიღე ორი ვედრო, წავიტანე გათრაშული
საწყლე და მდინარეზე წავედი. ფეხქვეშ ფაიფურივით წკარუნობდა მო-
მალლოდ გატყუბნილი ბილიკი. მზვარეში თოვლი ისე კაშკაშა და ბრჭყვი-
ალა იყო, უნებლიედ თვალეებს მაჭუტვინებდა, ხოლო სახლთა ჩრდილებში

მკვეთრად შეიგრძნობოდა თოვლის სიღრმისეული სიციხურე. მდინარეზე, ფლატის ძირას, კარგა ხანს ვურტყამდი ყინულს. ღამის განმავლობაში ყინულჭრილის პირი გამჭვირვალე სქელ ყინულს მოეფისა. ოლეშას ყინულჭრილზე გადავედი მეზობლად, წამოვიღე ყინვისაგან დაჭირხლული მისი ცული, მოვედი და ყინულჭრილს კიდევები შემოვუკოდე. შემეცოდა ყინულის ჭვირვალე წრე, მინდოდა ამომეღო, მაგრამ დინებამ დაითრია. მესმოდა, როგორ მიხრიგინებდა ყინულქვეშ. აქ კი, ფსკერზე, ჩანდა ქვიშის ნათელი, ციცქნა, წყლით გადიდებული მარცვლები.

თორთქოლებდა ვედროებში მძიმე წყალი და ამის გამო უფრო მყარად, მტკიცედ მივაბიჯებდი აღმართში, ეს სიმძიმე მაკრავდა ბილიკზე. ვედროების ქანაობა რომ ჩამეცხრო, ზოგჯერ ნაბიჯთა სიგრძეს ვცვლიდი, მსუბუქად, ბარაქიანად ვსუნთქავდი, არც ჩემი გულისცემა მესმოდა.

შინ რომ მივედი, წყალი სამოვარში ჩავასხი, რკინის აქანდაზით ავკრიფე ალისფერი, გამოხურვებული ნახშირი და სამოვარში ჩავყარე. სამოვარი თითქმის მაშინვე ახმიადა. სადგარზე რომ შემოვდგი, ავლის მცხუნვარე სუნი ასდიოდა, სპილენძის მუცელში მშვიდობიანად თუხთუხებდა წყალი, ზედ ჯიდასავით ადგა ხუფიდან ამოფრქვეული ორთქლი.

გავხსენი დაკონსერვებული საქონლის ხორცისა და შედედებული რძის ქილები, ჩაი დავაყენე და პური დავჭერი. ვასხამდი ჭიქაში მაგარ, ქარვასავით მოკიანთე ჩაის, თან უცნაურად ვგრძნობდი ხორცისა და პურის პირველქმნილ, ყველასა და ყველაფრისაგან დამოუკიდებელ ძირძველობას. ის მადა მქონდა, კბილები და ღრძილებიც რომ გრძნობენ ხოლმე საჭმლის გემოს. ვნაყრდებოდი და განუწყვეტლივ ვგრძნობდი მხრებში მოძალებულ ღონეს, მეუფლებოდა მოძრაობის, რაიმე მძიმე საქმის კეთების ყინი. მზე კი კვლავ მოსდგომოდა ფანჯრებს, შინ და გარეთაც საოცარი სიმშვიდე, სიჩუმე სუფევდა და ეს წყნარი მოვანება სამოვრის კეთილი, დამამშვიდებელი ჩლიფინით იყო შეფერილი.

თ-თლაახ! არც ვაციე, არც ვაცხელე, ავიჭერ სუფრიდან, სიხარულს გზა მივეცი, ჩავქუქდი, ავხტი, ვცადე ჭერზე ხელისგულების მირტყმა. გამეცინა, რადგან უცებ ჩავხვდი „ხბოსავით აკუნტრუშდაო“ — ამ გამოთქმის მნიშვნელობას. ხელახლა შევხტი, კარადაში წკრიალი ავუყენე ჭურჭლეულობას. სწორედ ამ ყოფაში შემომისწრო ოლეშამ.

— უყურეთ ერთი, რა მეოჯახე ყოფილა! — თქვა ბერიკაცმა. — დაგინახე, ღუმელი რომ აანთე და წყალზე გავარდი. არა, ცოლი უნდა შეირთო, ძმაო.

— კი, ბატონო, ოღონდ პირველს თუ არ გავცილდები.

— არა უშავს ქალია. — ოლეშამ აიღო მაგიდაზე მდგარი პორტრეტი და პატივისცემით შეათვალიერა.

— ვარგა? — ვკითხე.

— ვარგა. კაი თვალციმციმა ქალია. რა, უშენოდ ვითომ დროსტარებას არ დაიწყებს იმ ქალაქში, ჰა?

— ვინ იცის...

— გაიგო ხალხმა ცხოვრების გემო. — თქვა ოლეშამ და თამბაქო გაახვია. — ვინ იცის, იქნებ ასედაც სჯობდეს.

... ავიღეთ ცულები, ნიჩაბი, ხელის პატარა ხერხი. სახლის კარი არ

დაგვიკეთია, დავიძარით აბანოს შესაკეთებლად. სანამ მე აბანოს ირგვლივ თოვლს ავწმენდდი, ოლეშამ ღუმელი დაშალა და წინა ოთახში ფაქონად დააწყო აგურები, გაჭვარტლული რიყის ქვები. მოვფუშეთ დაღრეკილი ტახტები, ავყარეთ ფუტურო იატაკი. სულმთლად დამბალ ქვემოთა ძელს ფენი ვკარი, გავანგრეე და აბანოც განათდა. ოლეშამ ცულის ყუით დაუწყო კაკუნი სხვა ძელებს. მესამე წყების ზემოთ ძელურს წკრიალი გაუდიოდა, მამასადაზე, მყარი იყო კედელი.

ბერიკაცი ზემოთ აძვრა ჭერ-სახურავის შესამოწმებლად.

— ემანდ, არ ჩამოვარდე, — ვურჩიე, მაგრამ ის ხვნეშით განაგრძობდა რაკარუკს.

— ჩამოვვარდები და, ზევით ხომ არ წავალ, მიწას ხომ არ ავცდები. არაა დიდი ხათაბალა.

უკვე ცხადი იყო, რომ სახურავსა და ნივნივებს გამოცვლა არ სჭირდებოდა. დასვენება ვთქვით და ზღურბლზე ჩამოვსხედით. ანაზდად ოლეშამ ხელი წამკრა ფერდში:

— ის ნახე...

— ვინა?

— აგე, კოზონკოვი მოჩლახუნობს კეტით.

ავენირ კოზონკოვი, ჩემი მეორე მეზობელი, არყის ხელჯოხს იბიჯებდა, თოვლში იფლობოდა, მოემართებოდა აქეთკენ. გამოჰყვა ჩვენს ნაკვალევს, გამოაღწია.

— კაი ჯანი მოგცეთ!

— ავენირ პავლოვიჩს, ამხანაგ კოზონკოვს, ჩვენი მდაბალი სალამი! — მოახსენა ოლეშამ.

კოზონკოვი ხმელ-ხელი, მკვირცხლოვალემა ბერიკაცი გახლდათ. თმაც როგორღაც ყოჩაღად გამოსჩროდა ქუდიდან და ქუდიც ყინჩი ეხურა. თეთრი და წვრილი ხელები ჰქონდა, სულ არ უგავდა გლეხის ხელებს.

— რა ქნა შენმა ძროხამ, ხბო არ მოიგო? — ჰკითხა ოლეშამ.

კოზონკოვმა უარის ნიშნად გააპარტყუნა თავისი ყინჩი ქუდის ყურები და განმარტა, ყველიერის კვირა რომ ჩათავდებოდა, მერე მოიგებსო ხბოს ჩემი ძროხა.

— ბერწია ეგ ძროხა, — თქვა ოლეშამ და თვალები მოწკურა, — ღმერთმანი, ბერწია.

— ბერწი რას მიქვია, თუკი მუცელი ატყვია. ჩემმა დედაბერმა თქვა, კუდის ძირი გაუდიდდაო.

— კაი ერთი, დედაბერი რას არ იტყვის. — არ ცხრებოდა ოლეშა. — იქნება არც შეუხედავს ხეირიანად?

— მაკეა-მეთქი ჩემი ძროხა.

— რანაირი მაკეა, ნოემბრის წინეებზე არ გყავდა ბუღასთან? აბა, არ დაიზარო და გამოთვალე, რამდენი თვე გავიდა. არა, ყმაწვილო, ბერწია და კიდევ დარჩენილხარ ურძეოდ.

ვატყობდი, ოლეშა სმოლინი აცუცურაკებდა ავენირს, არც მეტი, არც ნაკლები. ავენირი კი ბრაზობდა და თავგადაკლული უმტკიცებდა, ძროხა დანაგრილებია და კოზონკოვი თავის დღეში არ დარჩებოდა ურძეოდ. ოლეშა არ ეშვებოდა და განგებისად, უფრო და უფრო უჩხიკინებდა.



— რა მაკე! როდის გყავდა ბუღასთან?

— მყავდა.

— ვიცი, რომ გყავდა. როდის გყავდა, შენ ის მითხარი. ჰოდა, კარგი ახლა მოდი, გამოვთვალოთ...

— არაფერი მჭირს გამოსათვლელი, ყველაფერი გამოთვლილი მაქვს ისედაც!

კოზონკოვი ახლა კი დასტურ გამოვიდა მოთმინებიდან და ოლეშას წამოსძახა, გირჩევნია შენს ძროხას მიხედო. მერმე რაღაც მოპარული თივა უხსენა მოიარებით. ოლეშამ განაცხადა, თივა ჩემს დღეში არ მომიპარავს და არც მოვიპარავ, შენ კი მართლაც ურძეოდ დარჩები, რადგან ბერწი ძროხა გყავს და ბერწი რომც არ იყოს, მაინც ხბოს ვერ მოიგებსო.

მე გატრუნული ვიჯექი, ვცდილობდი არ გამლიმებოდა და არ გამენაწყენებინა ავენირი, იგი კი სულმთლად გაწიწმატდა და ოლეშას დაემუქრა: სულ ერთია, ყველაფერს მივწერ, საცა საჭიროა და თივას წავართმევინებ, რადგან მუქთად გაქვს ნაშოვნი, უნებართვოდ მოთიბეო.

— შენ, კოზონკოვ, გირჩევნია მაგ თივით გული ნუ გააწყალე, — ეუბნებოდა ოლეშა, — ნუ გააწყალე, მე შენ გეუბნები! შენ თვითონ, აგე, მთელი სასაფლაო გათიბე; რაო, სოფსაბჭომ მოგცა უფლება, საფლავები მოაშანდაკეო? კი მაგრამ, სანიტარული წესით რომ მასეთი კანონი არსად წერია? აბა, ეგ რა გამოვიდა? შენ ხომ ყველაფერი ფეხებზე გკიდია, მისდგომიხარ და მიცვალებულებს ძარცვავ.

— მე გეუბნები: დავწერ-მეთქი!

— გინდაც მოსკოვში დაწერე, მეტი რაა შენი ხელობა! ისედაც მთელი ქაღალდი გააწყვე, წერ და წერ წერილებს გაზეთში. მერე ყოველ წერილში რომ ხონორარს გაძღვევენ არყის ფულად, აბა ერთი თუ მაინც იფიქრე, მოდი, მეზობელი კაცია, დავპატიჟო, არაყი დავალევიანო? ერთხელაც არ დამპატიჟე, სულ მარტო სვამ.

— დიახაც, ვსვამ! — მოუჭრა ავენირმა. — კიდევაც დავლევ. მე რაიონი მათვასებს, შენსავით კი არა ვარ.

ახლა კი ოლეშასაც დაეტყო სიბრაზე.

— იცი, რა გითხრა, კოზონკოვ, — თქვა მან, — წადი, იმ შენს ძროხას შეუძვერი კუდისძირში.

კოზონკოვი მართლაც ადგა და ლანძღვა-ლანძღვით წავიდა. მერმე მოიხედა და ოლეშას კეტი მოუღერა:

— პიროვნების შეურაცხყოფისათვის!.. ბრძანებულებაა, წვრილმან ხულიგნობაზე!

— იფ, კანონის კაცი... — ოლეშამ ცუღს მიჰყო ხელი. — მაგისტანას მდოგვი უნდა მოსცხო ენაზე.

მეც წავეტანე ხერხს, ვკითხე:

— რა მოგივიდათ...

— რა იყო? — მომიბრუნდა ოლეშა.

— არაფერი, ისე ვთქვი...

— არაფერი არის არაფერი. — ოლეშამ გახეშეშებულ ხელისგულებზე დაიფურთხა. — სულ ლაპარაკი გვაქვს მე და მაგას, არადა, უერთმანეთო-

დაც ვერა ვძლებთ. დღე არ გავა, არ მომინახულოს, პატარა რამე და —
კეტს მიღერებს. ბალობიდანვე ასე ვართ. მახსოვს, გაზაფხული იყო...

ოლეშამ აუჩქარებლად გადმოაბრუნა დამპალი მორი.

უკვე ვეღარ დავიხვედით უკან, აბანოს პირი მოვურღვიეთ და აწ ძალა-
უნებურად კიდევ უნდა შეგვეკეთებინა. სმოლინის დინჯ ლაპარაკს რომ
ვუსმენდი, გამოვიანგარიშე, რამდენი დღის ჯახირი დასჭირდებოდა აბანოს
და მეყოფოდა თუ არა ფული, რომ დურგალს გავსწორებოდი.


ოლეშა ლაპარაკობდა ნება-ნება, წვლილად, აღარც კვერის დაკვრა უნ-
დოდა, აღარც თავის დაქნევა. ის კი არა, შეგეძლო არც გესმინა, მაინც არ
განაწყენდებოდა და ამის იგამო კიდევ უფრო სასიამოვნო იყო მისი ყურის
გდება. მეც ვუსმენდი, ვცდილობდი სიტყვა არ გამეწყვეტინებინა, თან მი-
ხაროდა, როცა რაიმე საგულისხმო, მაგრამ დავიწყებულ სიტყვას ანდა გა-
მოთქმას იხმარდა.

V

— გაზაფხული იდგა-მეთქი, გიყვებოდლი... მე და კოზონკოვი ერთი კბილა
ვართ, ზუსტად ტოლები, ერთად მოვაჯახირებთ ამ ცხოვრებას. აი, კოლოს
გუნდი რომ გინახავს, აეგრე ვიყავით სოფელში ეს წვრილფეხობა. კოზონ-
კოვი და იმისი ძმაც ამ ჩვენს ჯამაათში ტრიალებდა. მახსოვს, მოჭირებული
ლურჯი ფერის ნიფხვები ეცვა ორივეს, პერანგები კიდევ, ისე, შეუღებავი.
ფეხზე, რალა თქმა უნდა, არც იმას ეცვა რამე და არც იმას. იყვნენ გა-
შონგილები, ზანგებივით. ორივეს წვინტილიანებს ეძახდა სუყველა. უფროს
ძმას, პეტკას, ხანდახან ზედ ქვემო ლაშზე ჩამოუვიდოდა წვინტილი, განა
მოიწმენდდა, არა, ეზარებოდა, მოილოკავდა და ეგ იყო, ვითომ არც ჰქონია.
ერთხელაც, მგონი აღდგომის მესამე დღე იყო, ფედულიონოკის გორაზე
ავიხირხლეთ მთელი ურდო. აეგრე ვთამაშობდით: გამოვჭრიდით ტირიფის
წნელებს, წვერზე ტალახის ჩიტებს წამოვაცმევდით და მოვიქნევდით, ვინ
უფრო შორს გადააგდებდა. მართლაც შორს მიდიოდა, ზოგი მდინარის გაღ-
მაც დავარდებოდა ხოლმე. რაც უფრო პატარა ჩიტი იყო, მარჯვედაც ის-
როდი და გაფრენითაც უფრო შორს მიფრინავდა. ამ ვინიას კიდევ, სულ
სხვაზე წინ დგომა უყვარდა; მოასორსოლა კაი ნახევარი გირვანქა ტალახი,
დასვა წნელზე, მოიქნია და ზედ ფედულიონოკის ფანჯარას არ დღლიზა?
ეგრევე შელეწა მინები. კაი დაგემართოს, დავიზაფრეთ ყველაკა. მალევე
მოვეგეთ გონს და, ჰარიქა, ვინ წინ და ვინ უკან, ფავკურცხლეთ შენი მო-
წონებული.

გავიხედოთ, გამოვარდა ფედულიონოკი, ისე იყო გაშეთებული, აგერ-
აგერ კაცს მოკლავდა. ჩვენ კიდევ, გავიფანტეთ მინდორში, ფეხშიშველები
მივტოპავთ ტლაპოებში. მეც აეგრე, გავრბივარ და გავრბივარ. ერთი მოვი-
ხედე, მოგვდევს ფედულიონოკი, პერანგი აცვია, ჩექმებს მოაბრაახუნებს...
ვიცი, ჰა, და ჰა, დამიდგება აღსასრული, გამანიორწყალებს სადაცაა. მომყი-
ვის: დადექ, შე არამზადა, სულერთია, მაინც ვერსად წამიხვალო. მართლაც
დამეწია და ვაი იმ დაწევას, დათვივით დამცხო ტორები, დამჯეგა და დამ-
ბუბნა. არაფერი მახსოვს, მარტო ეს ვიცი, აი, ღორს რომ დანას გამოუსვა-

Handwritten notes on the left margin: 5865, 4984



მენ და ხელს ვერ მოუთავებენ, ისე ვჭყვიროდი. ნაღდად სულს გამაცხები-
ნებდა, მამაჩემი რომ არ მოვარდნილიყო და არ გადავერჩინე. ეტყობა, გა-
იგონა ჩემი ბლოჭინი, კავი კვალში მიატოვა და სწორედ სულზე მომისწრო.

კარგი, მომეშვა ფედულიონოკი, მაგრამ რა გგონია, საშველი დამადგა?
იმაზე მეტი მამაჩემმა მითაქა. ეს ოხერი, მე რომ ჩამემსხვრია ფანჯარა,
ჯანდაბას, არ მცწყინებოდა, მაგრამ აკი როგორ იყო ყველაფერი? ახლა
აღარ იტყვი, ვინკა რანაირად გადარჩა? წვინტილიანი უძახე შენ, არადა, რომ
გაუჭირდა, კი გამოაჩნდა ჭკუა და მოხერხება. მერე აქეთ გვეტრაბახებოდა:
ფედულიონოკი რომ გარეთ გამოვარდა, მე ფეხიც არ მოძიცვლია, იქავე
ვიდგები. აი, აგერ გარბიან, მინდორშიო, უთქვამს. მეტი რაღა უნდოდა, გა-
მოიქცა ეს ამხელა ოყლაყი და რა დიდი დასაჭერი მე ვიყავი.

ვინა კიდე, — ნეტამც რამე დამართოდა! — გადარჩა, ბეწვიც არ შერ-
ხვია თავზე. ორივე მუქთახორები იყვნენ ეგა და პეტკა. მარტო შეშის
დაჩეხვა იცოდნენ, ხერხს გასწევდნენ და ეგ იყო. აღარც მამა აძალეებდა
მაინცდამაინც საქმეს, თავადაც ერთი ხელგაუძრავი კაცი იყო, საქმეს თავს
არ მიაკლავდა. უფრო სჯა-ბაასი უყვარდა და სულ ღუმელზე გორაობდა.
ზამთრობით, ზაფხულში კიდე, იმდენს თივას არ თიბდა, რამდენსაც სა-
თევზაოდ დაიარებოდა. ისა და მამაჩემი ერთ დღეს დაბრუნდნენ იაპონიის
ფრონტიდან. მამაჩემი კოჭლი ჩამოლანღალდა, კაი ცხავივით იყო სულ-
მთლად დაცხრილული, კოზონკოვს — თითიც არ გაკაწვრია, საღსალამათი
ჩამოვიდა. მეზობლები ვიყავით, გვერდი-გვერდში გვედგა ქოხები, მიწაც
ერთნაირად გვექონდა იმათ და ჩვენ, რაღაც ორ-ორი მტკაველი. მახსოვს,
მამაჩემი გულისხმაში აგდებდა: მოდი, ტყე გამოგკაფოთ საზიაროდო. რა
შავ ქვად მინდა ეგ ტყეო? — თქვა თურმე კოზონკოვმა. — სანამ ცოცხალი
ვარ, რაცა მაქვს. ისიც მეყოფაო: ეს ბიჭები თუ დაიზრდებიან, თავად გა-
ანძრიონ ტვინი, მაგათი ღლაპი ზომ არა ვარ, რომ მაგათ საქმეზე თავი ავი-
ტკივო. ვერ დაითანხმა მამაჩემმა და მარტოვამ გამოკაფა ის ახო. საწყალს
მთელი ღამეობით არ ეძინა, ებრძოდა ამ ღაღალუდა ტყეს, ორი ზაფხული
სულ ხეებსა წვავდა და კუნძებსა ძირკვავდა. სელი დათესა იმ ახოზე. მახ-
სოვს, სელი რომ შემოვიდა და პირი გაიხსნა. ხატობაზედაც არ გაგვიშვა
ბაღლები, დაგვსხა და ის სელი გვახვეწინა. მერე კაი მაგარი ცხენი იყიდა
იმ სელით, კარიუხას ვეძახდით. მახსოვს, როგორც კაი პატარძალს, აეგრე
დაჰკანკალებდა იმ ცხენს, არაფერიც რომ არ სდებოდა მარხილზე, აღმარ-
თში მაინც ძირს ჩამოვიდოდა და ფეხით მისდევდა, მარტო თავდაღმართში
თუ დაუჭდებოდა. ჩვენც სულ ამას ჩაგვიჩინებდა. აბა, ბიჭი იყავი და
ოთხით გაინავარდებდი მინდორში!

ახლა, კოზონკოვებს არ იკითხავ, ძმებს? როგორც ძალს, აეგრე კეტით
აბღეზებდნენ თავიანთ რიყუხას. ისიც მაგარი ცხენი იყო, მაგრამ რა გინდა,
იმდენი უქნეს, ნახედნზე დაარწყულეს ყინულჭრილში და კადეც დაიწყო
ხორცის დაყრა. ცოდვით დაიწვოდი: იდგა საწყალი, საათობით იდგა და
ტიროდა. მერე მაგათმა მამამ აიღო და ვიღაც ბოშებს გაუცვალა, თან ფუ-
თიანი ბურვაკებიც გამოუთანიერეს. არადა, ისეთ მთხლეში გაცვალა, მიწის
ხვნა კი არა, ნაკელსაც ვერ აზიდვინებდი. ცოტა ხანში კიდევ მოკვდა ეს
ბოშების ბედაური, თავისი დლით, სიბერით. კოზონკოვმა რაღა ჰქნა? რა და,
სულ ფეხებზე ეკიდა, უფშტვენდა არხეინად. ზოგჯერ კიდე, ისეთი დღე

დაუდგებოდით ხოლმე, აღარაფერი ებადათ, სულ გამოხინკული ჰქონდათ სახლი. წავიდოდა მამა-კოზონკოვი ფულის სასესხებლად, ერთს გამოართმევდა, მეორეს გამოართმევდა, მეოთხის ნასესხებს მესამეს ჩაასესხებდა და აეგრე გაჰქონდათ თავი. ერთხელაც, ისეთი დრო დაუდგა, ყველასი ვალი ემართა და აღარსად ჰქონდა მისასვლელი პირი, მარტო ფედულიონოკთან არ იყო ნამყოფი. მივიდა ფედულიონოკთანაც. დამსხდარან სახლში, პატარა ლუმელთან, თუთუნის გაუხვევით. კოზონკოვმა სთხოვა ფული, თან ჯიბიდან ასანთი ამოიღო და იმით მოუკიდა თუთუნს. არაო, კოზონკოვ, მე შენ ფულს ვერ მოგცემო, უთქვამს მაშინ ფედულიონოკს. კი მაგრამ, რატომო, ჩაჰკითხვია კოზონკოვი, თითქოს შენიანი ვარ, ერთ სოფელში ვცხოვრობთ, რომელი ცხრა მთას იქით გამქცევი მე მნახეო. ფედულიონოკმა კი უთხრა: თავადაც ვიცი, ცხრა მთას იქით გამქცევი არა ხარ, მაგრამ ფულს მაინც ვერ გასესხებო. მეგრე თურმე ცხელი ნაკვერჩხალი გამოჩხრიკა ლუმელში, დაიდო ზედ შიშველ ხელისგულზე და პირდაპირ იმით მოუკიდა. აი, კოზონკოვ, ასე ადამიანურად როცა ისწავლი მოკიდებას, მაშინ მომაკითხე და, ჯანდაბას, სიტყვას არ ვიტყვი, უკანასკნელ კაპიკსაც შენ გამოგიღებ და მოგცემო.

ხომ ასე წელმაგარი გლეხი იყო. ზოგ წელიწადს სამ ძროხასაც კი ყოლიობდა, არადა ერთი ღერი ასანთი რა არი, იგიც კი გამოიზოგა, ცეცხლზე მოუკიდა. არ მისცა ფული, გააწბილა. ადგა მაშინ ეს შენი კოზონკოვი და ვითომც არაფერი, წავიდა. მე, რა კაცი ხარ, ის მინდოდა, თორემ შენი ფული რად მინდოდა, უთხრა. იმდენი მამა უცხოონდა, არ უნდოდა!..

მახსოვს, მე და ვინკა თორმეტი წლისანი გავხდით, სამრევლო სკოლა დავამთავრეთ. ვინკამ რაც კი თავის კალოზე ჭიშკრები ჰქონდა, სულ ღედის გინებებით ააჭრელა. ბავშვობიდანვე ისე კარგი წერა იცოდა, შემირცხვენია ერობის უფროსი. მე კი მამაჩემმა მარტო ანეულის ხვნა მასწავლა. შემიკაზმა ერთ ღდეს კარიუხა და მიმაყენა სახნისს: აი, ოლეშა, აგერ ეს მიწა, აგერ ეს გუთანი, თუ სადილობამდე ეს ნაპირი არ გამოგიხვინია, მოვალ და ორივე ყურს აგახლეჩო. თვითონ სოფელში წავიდა, ახლა რომ აგერ სახლა გვიდგა, ამას აშენებდა მაშინ. განა რამხელა ვიყავი, დიდი-დიდი, ჰა, მაჭს ვწვდებოდი. აჩუ, შენი ჭირიმე, მივყვეთ-მეთქი, ვუთხარი კარიუხას და მივყევით. ჭკვიანი ცხენი იყო, თვითონ მასწავლიდა, საცა გეზად მიმყავდა კვალი, მისწორებდა. მივყვებოდი და სულ შიშის კანკალი მქონდა, ემანდ სახნისი ქვას არ მომიხვდეს და კვალიდან არ ამომივარდეს-მეთქი. სანამ კვალს მივდევდი, კიდევ რა მიშავდა, მაგრამ საქცევზე როცა გავიდოდი, საცა უნდა მოვბრუნებულიყავ და სახნისიც მომებრუნებინა, გული შიშით მიცივდებოდა. რა დიდი ჯანი მე მქონდა, ისე გამიჭირდა, ლამის სიქა გამძვრა. ამ კოლოებმაც სულ დამკბინეს, ხნულში ველარა ვდგებოდი, გან-გან მივქანჯალებდი. ჩავბლაოდი ამ ჩემს მშობლიურ მიწას, ჩავბლაოდი და თვალეში სინათლე მეღეოდა. კარიუხა კიდევ, იდგა და მომიჩერებოდა: ეტყობა იმასაც ვეცოდებოდი ეს ძუძუმწოვარა ღლაბი. კი გავიტანე ის ნაპირი, მაგრამ ვატყობდი, ამ ქვეყნისა აღარ ვიყავი. ხელ-ფეხი მიბლანკალებდა, ენა სასაზე მიმახმა. ცხენი თვითონ გაჩერდა, მე კი დავჯექი პირდაპირ მიწაზე და აი, დასახრჩობ კაცს რომ წყლიდან ამოიყვანენ, აეგრე ვქასქასებდი, მთელი ყარყანტოთი ვხაპავდი ჰაერს, ცრემლი ღაპალუპით მდიოდა. ვიჯექი

და ვტიროდი. ველარც გავიგე, ისე მოსულა მამაჩემი, გვერდში მომჯდომია და ატირებულა თავადაც. ხელები თავზე ჰქონდა შემოჭდობილი და მარტო აეგრე ამბობდა: ეჰ, ოლეშკა, ოლეშკაო...

შენ თვითონ განსაჯე, კოსტია, ეს რეასულიანი ოჯახი, მარჩენალი კი მარტო ერთი დინკილა კაცი, იგიც იაპონური ხიშტით გაფატრული. იმუშავე, შვილოო, მითხრა, რამდენსაც შეიძლება, იმდენი მოხანოო. მეც მეტი რა გზა მქონდა, უნდა მეხნა. წავიდა მამაჩემი და მეორე ნაპირის ხენა დავიწყე...

კოზონკოვებს, ხომ გითხარი, ჩვენს გვერდით ჰქონდათ ყანა. მამა-კოზონკოვიც გუთანს ეკიდა, ხნავდა, ვინია კიდე, უკან მიჰყვებოდა და ნაკელს აპნევდა ხნულში. გავხედე, მამამისი ბუჩქებში შევიდა რაღაც პატარა საქმეზე და მომაშურა ვინიამ: ოლეშკა, მომბეზრდა ეს ნაკელის პნევა, კრაზანებმა დამკბინეს, ნეტა მდინარეზე წავიდოდეთო. ეჰა-მეთქი, ვუთხარი, შენ იმდენი რა საქმე გაქვს, ნაკელის პნევა რა არის, შენს ალაგას მქნა, სულაც არ ვიწუწუნებდი-მეთქი. თუ გინდა, ახლავე გავითავისუფლებ თავსო. წავიდა, სანამ მამამისი ბუჩქებში იყო, აიღო ხნულში ქვა და რაღაც ნაჩქინტელა შეაკვება სახნისში. მოვიდა მამამისი, სახნისი კი არა და არ მიდის, უყარე კაკალი! რამდენსაც გაიწევს, იმდენი კვალიდან ამოვარდება ხოლმე. არადა, არც სახნისის გამართვა იცოდა. წავიდა, ფედულიონოკს ვთხოვ, მიშველისო. სანამ აქეთური, იქეთური, გავიხედოთ — სადილის დროც მოვიდა, ცხენებს უნდა ვაჭამოთ. ვინიასაც ეს უნდა, სიხარულით აღარ არი. ისე გაიწაფა ამეებში, ცოტა რომ შეფერხდებოდა სადმე მამამისი, ეს იმწამსვე პალოს შეუჩხირავდა სახნისს და გახეშავდა. იდგა სახნისი და ვინკაც თავისუფალი იყო. თიბვაზეც ასე, სულ მზეზე იყო მიჩერებული, ტყისკენ როდის გადავაო. ანდა: დედამისი რომ ტყეში წაიყვანდა შეშის საჭრელად, მუშაობა დაეზარებოდა და ცულს დაუმაღავდა ხოლმე დედამისს.

ოლეშა დადუმდა, რათა სული მოეთქვა. მორიგ წოლს თლიდა აბანოს გასათარაზოებლად. მე კი იმას ვფიქრობდი, ლაპარაკი თურმე ყოველთვის როდი აბრკოლებს-მეთქი მუშაობას. ჩვენს მაგალითზე პირიქითაც კი იყო, იფიქრებდი ლაპარაკი ეხმარებოდა ღურგლის ხელებს. თავის მხრივ, მუშაობაც აცხოველებდა ლაპარაკს, ახალი და ახალი მაგალითებით კაზმავდა. აი, თუნდაც: ჩარჩო რომ გამოვიღეთ და მინა გავვიტყუდა, ოლეშას მაშინვე გაახსენდა, რა შავი დღეც დააწია ვინკას განატეხმა ფანჯარამ: გაუყვა ამ ამბავს. მოგონებას მოგონება მიაყოლა და ასე თანდათან შევიდა ეშხში... რაღაცნაირი ჯაჭვური რეაქცია გამოვიდა. შეუჩერებლივ განაგრძობდა თხრობას და მივხვდი: უკვე უზრდელობა იქნებოდა, არ მესმინა ძველი ღურგლის ნაამბობი.

VI

— ჰოდა, სულ ამ ფანჯრის ამბავი მედო გულში, ვერა და ვერ დავუვიწყე. სულ ამას ვაყვედრიდი. მერე ის იყო, პირველად ვქენით ჩხუბი. გცემ-მეთქი, ვუთხარი. მიდიო. მართლა გცემ-მეთქი. ჰოდა, რაღას უყურებო. დავეტაკენით ერთმანეთს იმათ კალოზე. შემიტყვეს შინ და ისევ გატყე-

პა მომიწია: რათა ჩხუბობო. სულ ამ წვინტილიანის გამოისობით მცემდნენ ხოლმე. ერთხელაც, დედაჩემის და მამაჩემის ლაპარაკს წავყარე კუჭი, კოზონკოვს გაწკეპლვას უპირებენო. გამიხარდა, აგრეც მოუხდებდა მამაჩემი, აბა სულ მე ხომ არ უნდა გამჯობონ-მეთქი. მაგრამ, დახეთ, თურმე ვინა კი არა, მამამისი უნდა გაროზგონ. გადასახადი ვერ გადაუხდია და ამაზე მიუსჯიათ. კი შემეცოდა, რაც მართალია. პატარებს რომ როზგავენ, არაფერი, ისედაც გვეკუთვნის წესით, მაგრამ დიდი კაცი წამოაქციონ და შიშველ ტანზე როზგი ურტყან, გაგონილა?

თემის თავი გვყავდა ერთი, კირილო კუზმიჩი. ერთცუცნა კაცი იყო. თავისდღეში გამგეობაში იჯდა უცვლელად. ხელის მოწერაც კი არ იცოდა, მარტო ჯვარს დასვამდა ხოლმე ქალაღზე, მაგრამ რა გინდა: სამკუთხა ქუდი და ხიფთანი ჰქონდა მეფისაგან ნაბობები, რაკი დიდხანს ემსახურნა. ეს კირილო კუზმიჩი, ერთი მწერალი და ერთიც ჩაფარი — მთელი უფროსობა ეს სამი კაცი იყო. მთელს თემზე სამი კაცი. ხუთასი კომლი კი ვიყავით თემში.

ეს კირილო კუზმიჩი მუდამ ხელს აფარებდა ხოლმე კოზონკოვს. ბევრჯერ გამოიხსნა, მაგრამ ახლა კაზაკების რაზმი იყო მაზრიდან შემოწმებაზე. ზოგს ძროხა წაართვეს გადასახადში, ზოგს ხბო, ამ კოზონკოვს კიდე, რა ებადა, აღგნენ და ისევ გაროზგვა დაუნიშნეს. მამაჩემმა არ გამიშვა საყურებლად, რა სანახავი ეგაა, თავის მოჭრა და მოჯაყვაა, მეტი არაფერიო. ვინკა რალას დადგებოდა, გავარდა სასეიროდ. ხომ უნდა ეტრაბახა მერე ჩვენთან, ვნახე, მამაჩემს როგორ როზგავდნენ, აეგრე იყო მორებზე დაფსკვნილი და აეგრე იჭინებოდაო... ეეხ, დედაო რუსეთო! ჰოდა, გაროზგეს ეს შენი კოზონკოვი. ახლა, აღარ იტყვი, რა ჰქნა? იქვე, თათარიანად ფული ესესხა მწერალს და ცელი იყიდა. მოდიოდა შინ და სულ ჩასკვნილ-ჩამარყუჟებულ სიმღერებს მოიმღეროდა. ბუნტყლი აღარ შეარჩინეს კაცს თავზე და მაინც ქუჩურ სიმღერებს უჭახუნებდა... მამ!

მახსოვს, დადგა ჩვენი დროც და მე და ვინკამაც დავუწყეთ გოგოებს თვალების პრაწვა. ცამეტ-ცამეტი წლისანი ვართ ორივე. ერთი რალაც აღგილი უკვე კეტივითა გვაქვს გაბრიქებული. ერთხელაც, მახსოვს, შემოდგომა იყო, საცაა დაფარნა მოაწევდა. ბნელი ღამეები იდგა, გეგონება კუბრში ჩაუშვიათ მთელი სოფელიო. შეშას ვაწყობ კალოსთან. გავიხედოთ, ეს ვინკა მოვიდა. აგერ მოდექ, რალაც გითხრაო. რა-მეთქი? აი, წამო და ნახავო. ჩავკეტე კლიტით კალო და წავყევი. შაბათ-დღე იყო, ბინდი იწყებოდა. ჰაერი სულ ორთქლით იყო დაბურული და კვამლის სუნი დიოდა. ეტყობა, ეს-ესაა აბანოები გაეხურებინათ. წამომყეო, კიდევ მეჩურჩულება. სადა-მეთქი? ახლავე ნახავ, სადაცო.

გავყევი. გადავიარეთ ბოსტანი. ისე ბნელა, თითს ვერ მიიტან თვალთან. ერთი სხვა ბოსტანიც გავიარეთ. უცებ რალაც ლატანი გამიტყდა ფეხქვეშ, ტკაცანი გაიღო. ვინამ ჩამისისინა: ჩუმად, შე ბოთე, არავინ გაიგოს, ისე გამოიარეო. მივიპარე ქურდივით. ვხედავ, რალაც ნაშენია, მგონი ფედულიონოკის აბანო უნდა იყოს. შიგნით კვარი უნთიათ, შუქი ჩანს პატარა სარკმელში. ღუმელის ქვებზე წყალი შიშინებს და ლაპარაკიც გვეყურება. თურმე, ფედულიონოკის გოგოები ბანაობენ. დაიკუზა ეს ვინკა, ხვადკატასავით გამოძვრა მოფარებულიდან და მიაღგა ამ სარკმელს. აბანოში იჭყი-

ტეზა, ქული აეგრე აქვს ჩამოფხატული. მე კიდე, ვდგავარ გაშეშებული, სრულ ჭკუაზე არა ვარ. გაიწია ვინკა, აწი შენ უყურეო. ოღონდ დიდხანს ნუ, მეც მინდა კიდევო. გეგონება, მაგნიტი მეწეოდა, გადაძავეწყდა ყველაფერი, ტანში კიდე, მთლად კანკალი მქონდა შემდგარი. გადახედვით კი გადავიხედე, მაგრამ ისე გავხდი, თითქოს მდულარე დამასხეს ტანზე. კი ვიცოდი, ცუდს ვშვრებოდი, მაგრამ სარკმლიდან მოცილება არ გინდა? ვის ჰქონდა ამის ძალა. ფედულიონოკის გოგოები იყვნენ, კვარი ენთოთ და აეგრე სინათლეში ხვანჩალობდნენ. ერთი რაისკა ვიცანი, მეორე — ტანკა, იმის უმცროსი დაი, ჩვენი ტოლა. ორივენი თეთრყირმიზები, ვარდისფერები. გავხედე, რაისკამ ახალ კვარს მოუკიდა, დგას შუქში, გათანთალებული აქვს ბაყვები. ტანკას კიდე, აი, თეთრი თალგამი როა, ისეთი ფეხები... ვუყურებდი და ტანიან-ფეხიანად ვკანკალებდი. აქეთ ეს ვინკაც მექაჩებოდა, აწი მეო. არადა, სარკმელი ძლივა დგას, მინაც ფომფლოდაა ჩარჩოში და თურმე მთელი ეს ჩვენი უნამუსო ფხაკური ისმის... ჩაჯდნენ უცებ ორივენი და ჰოი, რა იმწვიტინეს! წმიდაო ღვთიშობელო, გადმოვხტი სარკმლიდან, დავაწყდი ამ ვინიას, გადავაფრინდი თავზე და გაყინულ კვალში ვკარი ცხვირი. წამოვხტი და მოვეკურცხლეთ, გეგონება ნიშადური ამოუცხიათო. შევსლიგინდით კომბოსტოებში, ღობეს გადავევლეთ და გავვარდით ამ ჩალუსკუმებულ ღარდაღურდაში. ერთ ვერსზე მოვუარეთ სოფელს, შინ ისე მოვედით.

დილაზე ვხედავ, მამაჩემი მალვიძებს: ოლეშკა, კალოს გასაღები რა უყავიო. რას ვუზამდი, პიჯაკში მიდევს-მეთქი. არაა პიჯაკშიო. მაშინათვე თავში დამცეცხლა, გამოვფხიზლდი. ვეძებეთ, ვეძებეთ, მაგრამ რას ვიპოვიდით, აღარსადაა. ალბათ, სადმე დავკარგე-მეთქი, ვთქვი.

სხვანაირად არ ეწყობოდა, ისევ საკლიტური მოაძრო მამაჩემმა ჭიშკარს და ისე გააღო. საღამოს, გავიხედოთ, ფედულიონოკი გვესტუმრა. მამაჩემი არ იყო, სელი ჰქონდა გასაშრობი და ღამე იქ უნდა გაეთია. მარტო მე და დედაჩემი ვიყავით. აიღე, ოლეშა, ეს შენი გასაღები და მეტი არ დაგეკარგოსო, — მითხრა ფედულიონოკმა, — გუშინ აბანოში ხომ არ იბანავო? დედაჩემმა: გუშინ სულ არ ვაგვიხურებია აბანო, ღუმელია შესაკეთებელიო. მეც ვიცი, რომ არ ვაგვიხურებიათო, თქვა ფედულიონოკმა და ჩაიჭირჭილა. თითქოს ლურსმნებზე ვიჯექი, ყურებზეც ცეცხლი მეკიდა, მერჩივნა, მიწა გამსკდომოდა და თან ჩავეტანე. ფედულიონოკმა გააქან-გამოაქანა თავი და მეტი არაფერი უთქვამს, ისე წავიდა. არც გამთქვა სადმე, კაციშვილისთვის არ მოუყოლია. თავისდღეში ამას არ დავუვიწყებ. ზოგჯერ კი შემხვდებოდა ხოლმე და ჩაიციინებდა: რაო, აბანო არ ვაგვიხურებიაო? მერე და მერე სულ ჩამომეხსნა, აღარ გაუხსენებია ის ჩემი სიგლაზე. აი, ძმაო, კოსტია, ამისთანა აბანო მომიწია...

ოლეშამ ჭაბუკურად მოიქნია და დაასო ცული. სიმშვიდე და სიბრძნე ედგა ბებრულ, ლურჯ თვალეებში, მაგრამ, იმავდროულად, აშკარა სიანცე ეცხო სახეზე.

— ჭეელობაში ჩვენ მარტო ჭამარზეით ვართ აღამიანები.

თამბაქო გააბოლა. გვიან ჩავხვდი ნათქვამს და ვკითხე:

— მერე რა ჰქენი, მოინანიე?

— მღვდელთან, განა?

— ჰო.

— არა, ძმაო, რა შეაღსარებოდა, მაშინ უკვე აღარ დავდივდი მღვდელთან. თუ მონანიებაა, 'მარტო საკუთარ თავთან უნდა მონანიოს' კაცმა. ადამიანს რომ საკუთარი სინდისი შეაწუხებს, იქ მღვდელი სად მოვა.

— მაგრამ, ვთქვათ ყველას არა აქვს ეს სინდისი?

— ეგეც მართალია, ყველას როდი აქვს სინდისი. მაგრამ არც უსინდისოდ ცხოვრებას ჰქვია ცხოვრება. დავჭამდით ადამიანები ერთმანეთს. აი, ცხონებული მამაჩემი, ვითომ არც მკაცრი კაცი იყო, მაგრამ არ უყვარდა აქა-იქა ხალხი. კაცი სერიოზული უნდა იყოსო. არც ბალებს დაათვარებდა კალთას, სულერთია, თავისი იყო თუ სხვისი. სიტყვაშიაც არ იცოდა განსხვავება, რასაც დიდთან იტყოდა, იმას პატარასაც არ დაუმალოვდა. ანდა, რა ჰქონდა დასამალავი? მთელი მისი ცხოვრება ხელისგულივით იყო, ყველა ხედავდა, რა დიდი ღარი და ხაზი უნდა. სიკვდილის დღემდე სულმუდამ ჯაფაში იყო კაცი. ვინც მშრომელია, იმას რა აქვს დასამალავი.

მახსოვს, ყველიერში დედაჩემმა შვირის ბლინები დააცხო. ჯერ მამა დანაყრდა, მერე მე დავჯექი. ეგეთი უფროს-უმცროსობა ვიცოდით ოჯახში. ვიჯექი და ვჭამდი, მამაჩემი კიდევ, ცალუღს ბლანდავდა და მე მიყურებდა. გაგბეხი ერბოიანი ბლინებით, ნიყვი სოკო მივაყოლე და ადგომასაც ვაპირებდი, მაგრამ მამამ: გაჩე, ოლეშკა, რამდენი ცალი შეჭამეო? ხუთმეტემეთქი. აბა, დაჯექი და კიდევ დაურტყიო. არ მინდა, მამი-მეთქი. არა, ჭამეო! მივდექი ისევ, იქით დედაჩემი ისევ აცხობდა, შიშხინი გაუდიოდა ტაფას. რამდენი შეჭამეო?—ისევ მკითხა. ოცდახუთი მქონდა შეჭმული. აბა, კიდევ ჭამეო. ვზივარ და ვქანქლავ. რამდენიაო? ოცდაათი მოვასრულემეთქი. კიდევ ჭამეო! რას ვიზამდი, გავაგრძელე ჭამა. ბოლოს ცალული გვერდზე გადადო და: რა ჰქენი, ოლეშკა, ორმოცდაათს ვერ გასცდი ჯერაო? ორნახევარი და ორმოცს მოვასრულე-მეთქი, მოვახსენე. ვზივართ ასე. მოასრულეო? კი, მამი-მეთქი, ვამბობ და ძლივას ვსუნთქავ. აბა, რახან მოასრულე, მიდი, ქალო, მოუშზადე ამას თოფრა, პიტერში უნდა გავაყოლო კაცებსო! დედაჩემი აფლიქვინდა: რა დროს ამის დურგლობაა, ვერა ხედავ, ლლაპია, ცამეტი წლისა ძლივს მოიყარაო. მაგრამ მამა წამოდგა და თქვა: „აბა, დედილო, ნულა წიწინებ და ფლიქვინებ, მოუტა ბიჭს ახალი ჩექმები!“ მაშინ კი, მოგეცა ლხენა, 'დასრულდა ჩემი დროსტარება და გულის ჯერება, 'მარტო ის ერთი ღამე გავათიე შინ.

თორმეტი დღე ვიარეთ პიტერამდე. ღამითაც გზას ვედექით. ვაჭმევდით ცხენებს და გავუტევდით ოსევე. მივყვებოდი ამ აცვენელ ჯამაათს და ჩემს თავს ვლანძღავდი, 'რა შავ ქვად შინდოდა იმ ორნახევარი ბლინის ჩახეთქვა-მეთქი. გაგიხარია, ვიქნებოდი ახლა ტკბილ ჭუკჭუკში, მივუჭდებოდი გოგოებს ჯარაზე და გავუწევდი ფარტენას. ტანკა როგორც კი გამახსენდებოდა, 'გული სულ ტლინებს მაყრიდა ქურქქვეშ. აქეთ მარხილის კავებს გაუდიოდა ჭრიალი, იქით ცხენები ფრუტუნებდნენ, გარშემო კიდევ, ტყე იყო ჩაწკვარამებული. კაი ქადასავით მიგორავდა ხეებზე წითელი მთვარე, ძუ მგელი თავის ლეგა სატრფოს გაჰყურებდა. ბარემ მებრალეობდა ჩემი ბეჩავი თავი, მაგრამ ტირილს ხომ არ დავიწყებდი: თუმცა ჯერ ძვალი არ გამმაგრებოდა, იმხელა მაინც კი ვიყავი, ღნავილი არ დამეწყო.

ჩავედით პიტერში, მივდექ-მოვდექით. ორ მამასახლისს გავუსინჯეთ კბილი, მესამეზე გავჩერდით. ის პირველი წელი ვერაფერს ხეირს ვნახულვობდი, მარტო ჭამა-სმაზე ვმუშაობდი. თავისდღეში არ დამაფიწყებდა ის პირველი წელიწადი, რაღაც ხოხორიკას ვაშენებდით, ექვსკუთხიან შენობას, სამრეკლო გეგონებოდა, ვიღაც ვაჭარს აეხირებინა. სულ ესენი ვართ: იარიკა, ჩვენსოფლელი კოლია სამოხინი, აქეთ—მიშა ონდრუშიონოკი, სულ ცხრა კაცი და მეათე, მე, ისე, სართად, თორემ რა ანგარიშში ჩასავდები მე ვაყავი. ცული მქონდა ჩემი და ეგ იყო. მახსოვს, მოვპირეთ ცულები და ონდრუშიონოკმა დამიძახა: ოლეშკა, აბა 'შიადექი მორს, ჯერ ლარი ლარტყი და მერე კოჟიყები ჩამოათალო. მეც ავიღე ცული და შივადექი, 'განგანზე გავდგი ფეხები. დაგკარი ერთი და ორი. მაგრამ სულ გვერდულად ვურტყამ, განა ხაზს მივყვები, ირიბად ვუჩაჩუნებ, დედაკაცივით. რაღა ბევრი გავაგრძელო, გჯახირობ ასე და არაფერი გამომდის. გავხედე, კოლია სამოხინს უკვე მეორე მორი დაუწყია, მე კი ეს ერთიც ვერ მივიყვანე შუამდე. გავიხვითქე ოფლში. გავიხედოთ, დაასო ცული ონდრუშიონოკმა, მოგადა. გაიქე, ოლეშკა, ეგერ იარიკას სამართი ლარტყა გამოართვი, თორემ რაღაც ძაან უსწორმასწოროდ თლი, ყმაწვილო. მეც გავვარდი, მივედი იარიკასთან: ივანე ძია, ონდრუშიონოკმა გამომგზავნა, ცოტა ხნით სამართი ლარტყა მათხოვე-მეთქი. კი ბატონო, ამწუთას მოგცემ, პატარა ხანს ავერ დაჯექ, დამიცადეო. ვხედავ, აიღო ერთი ჩამონაჭერი, აეგრე სწორი, ვაი ერთი საყენი იქნება. ერთხანს ხელში ატრიალა, მერე ათისთავს ეკითხება: რა გგონია, მიკოლაი ევგრაფოვიჩ, ეს წავა სამართადო? არა, ივანე კაპიტონოვიჩ, წვრილიაო. ვიდექი და ვიცდიდი. აიღო იარიკამ მეორე ჩამონაჭერი, უფრო მოშსხვილო. ახლოს მოდექ, ოლეშკაო. მივედი და არ დამიწყო იმ სამართით გვერდებში ჟაჟუნი? ცალი ხელი ქეჩოში მქონდა მოვლებული, მეორეთი იმ სამართს ამუშავებდა. ვიკლაკნებოდი, ვსხმარტალებდი, სამართი კიდე, გადი-გამოდიოდა ამ ჩემს ტანზე.... გამასწორეს რაღა. ეს იყო და ეს, მას აქეთ უკვე აღარა ვთლი მორებს გვერდელად, პირდაპირ ლარს მივყვები. გამოთვალე, ორმოცდაათი წელია ვღურგლობ.

...ოლეშამ გუნებიერად ამოახველა.

— რას იტყვი, არ გვეყოფა ამ პირველ ჯერზე? მოდი, ძმაო, პლატონოვიჩ, შაბაში ვქნათ.

გულწრფელად გამახარა ამ წინადადებას და მალე კიდევ წავედით ჩვენ-ჩვენს სახლებში. მრავალი წლის განმავლობაში ახლა პირველად დამეძინა მკვდარივით და ძილში, ფონების მიღმა, მთელი ღამე ტკბილი დაღლილობით მიყუოდა განახლებული კუნთები.

VII

ოლეშასთან რაც მაგარი შეტაკება მოუხდა, ავენირი აბანოსთან აღარ გამოჩენილა. ერთ დღეს ოლეშამ მითხრა, ქალიშვილი ჩამოუვიდა, ანფეა, ბავშვიანადო. ოლეშა, თურმე, აღარ დაბატიყეს ჩაიზე... აბანოს შეკეთება ტაატით მიღწევდა წინ და გადავწყვიტე, მოდი, ავენირსაც მოვიწვევ სამუშაოდ-მეთქი. სტუმრობაც გამომივიდოდა და თან იქნებ ოლეშასთანაც შემერიგებინა, ჩამეცხრო ბერიკაცების ყინული.

ერთხელაც, დილით გულმოდგინედ მოვიპარსე პირი და ატაცებულმა, ვითომ ერთი კაი მომრიგებელი მოსამართლე ვყოფილიყავი, ჩავიცვი თექუ-რები, — ისე მიდულდა გულში სიქველის წყურვილი, რომ მხნედ, მტკიცე გადაწყვეტილებით გავემართე ავენირის ეზოსაკენ. ოღონდ, ეს სიმხნე მალე დაბნეულობად მექცა, რადგან ავენირის სახლისაკენ გაკვალულ ბილიკზე ვეებერთელა ნაგაზი დაყუნცულიყო. ძილმორეულივით ნაბავდა თვალებს, ღუმდა. ყოველი შემთხვევისათვის ჯიბეებში ჩავიყავი ხელები, ღმერთმა უწყის, ამ ქოფაკს რა უძევს-მეთქი გუნებაში. სწორედ ეს არ უნდა მექნა: ჩემი ჯიბეებში ხელების ჩაყოფა ქოფაკს თავდასხმისათვის მზადება ეგონა და წამოიყალყა, საზარლად დაიღრინა. მაშინ კი ვიკადრე ხელების ამოღება და, თავს რომ დამცირებულად ვგრძნობდი, ხელის მტევნები ჰაერში გავასავსავე; ვარწმუნებდი, არაფერი ისეთი არ მიჭირავს, კეთილი სულის არსება გაზღავართ-მეთქი...

ავენირის სახლში ახალდაბადებული ბატკნების სუნი იდგა. თვითონ ავენირ პავლოვიჩ კოზონკოვი თავქუდიანი იჯდა მაგიდის კუთხეში და მესამე კლასის „დედაენას“ კითხულობდა. ღუმელზე ავენირის ბადიში, სლავკო იჯდა, არაბუნებრივი ხმით, გულგრილად და ჯიუტად ღნაოდა, თან ცდილობდა, არ შეეწყვიტა ეს ღნავილი. აქაური ბადიში ყოფილა და არა ჩამოსული, როგორც მოგვიანებით გაირკვა.

— ავენირ პავლოვიჩ, სალამი! — ვთქვი და მაშინვე მივხვდი, ნამეტანი ხალისიანი ხმა მქონდა; გავწითლდი ცოტათი.

ავენირმა ჯერ მედიდურად გამომიწოდა ხელი და თითები მომიჭირა. რა მექნა, მეც მსუბუქად მოვუჭირე თითები. მაგრამ კოზონკოვმა ერთხელაც მომიჭირა და, რაკი ამას არ ველოდი, ისე ჩამოვჯექი მერხზე, თითქოს რაიმე ვალი მემართა მისი.

გავჩუმდით. სლავკო დაჟინებით ღნაოდა ღუმელზე, თუმცა მისი ხმის კილოში იგრძნობოდა, გულისხმაში ჩააგდო ჩემმა სტუმრობამ.

— ქარბუქია. — ვთქვი და გავიფიქრე, საეჭვოა აქ თამბაქოს გაბოლება შევძლო-მეთქი.

— ქარბუქია. — თქვა კოზონკოვმაც.

— ქარბუქია. ხომ არ ცივა ქოხში?

— ჩემს სახლში სითბოა. — კოზონკოვმა წიგნი გადადო.

— აი, შემოვიარე... — უკვე ვგრძნობდი, დაბნეულობა მეძალეობდა.

— კარგი საქმე გიქნია.

— ცოტას ჩამოვჯდები-მეთქი...

— არ გიქნია ცუდი საქმე.

სლავკო ღნაოდა. ღუმილი ისე მქენჯნავი და ხანიერი იყო, რომ ორი დედაბრის სახუმარო დიალოგი გამახსენდა, საოლქო ცენტრში რომ ერთმანეთს შეხვედრიან სეფე-მოედანზე. ერთს გაუჩიერებია მეორე და გახარებულს უკითხავს: ეს შენა ხარ, მატრიონაო? ჰო, მატრიონა ვარ, შენ კი ვინა ხარო? ევგენია ვარ, გრიდინელიო. კი მაგრამ, მეც ხომ გრიდინელი ვარ, ვერ მიცანიო? ვერა, ჩემო კარგო, ვერ გიცანიო, უთქვამს ევგენიას და წასულა თავის გზაზე.

შევეცადე საუბარი გამეხა.

— ტბაზე არ ყოფილხართ, ავენირ პავლოვიჩ?



- არა, ძმაო, არ ვყოფილვარ, დრო უნდა ყველაფერს.
- ჰო, ყველაფერს დრო უნდა, თავისთავად იგულისხმება.
- დრო უნდა და დროება. — ავენირმა ჩაახველა.
- რალა თქმა უნდა...
- საქმეც ეგაა.
- მაშ-მაშ...

მწუხარედ შევათვალაიერე სახლი. სლავკო ჯიუტად და გეგმაზომიერად განაგრძობდა ღნავილს, თითქოს ხელწერილი დაედო — გაზაფხულამდე უნდა ვიდნავლოო. ვოლუნტარიზმის დროინდელი გაზეთებით გაწევილი ჭერიდან საგანგებო შრიფტით აწყობილი საერთო სათაურები იმზირებოდა, იატაკი დაუგველი იყო. კედელზე გესლიანად წიწინებდა საათი — იმდენად ნაძვის გირჩისებრი საწონებით არ მოძრაობდა, რამდენადაც ზედ ჩამობმული საბედლე ბოქლომით. საათის გვერდით კედელზე ეკიდა ფირფიცარზე სახელდახელოდ მიწერილი შეგონება: „ნუ მოსწევთ, ნუ დაანახვიახებთ!“ — თანაც „ნუ“ ნაწილაკი ორივე ზმნას საერთო ჰქონდა და თავში ედგა.

მეტისმეტად ბრიყვულ ყოფაში ვიყავი ჩავარდნილი. ანაზღად ევდოკიამ მიხსნა, ავენირის მეზობელმა. დედაბერი საგანგებოდ, ხოლო მისი სიტყვებით რომ ვთქვათ — სხვათაშორის მოვიდა, რათა შვებულებით ჩამოსული ავენირის ქალიშვილი და მისი ბავშვი ენახა. არადა, გამოიჩქვია, იგი ბავშვიანად სტუმრად წასულა მეზობელ სოფელში, ნათესავებთან. ასე რომ, ევდოკიას ტყუილად მოუწია გარჯა. ამაზე ევდოკია კაიხანს ოხრავდა, მერმე თქვა: კიდევ შემოვივლიო. სანამ გავიდოდა, ღუმელს მიეახლა, საცა ავენირის ბადიში იჯდა, აღნავლებული. ნუ იტყვით, თურმე გუშინს აქეთია ტიროდა, რაკი ისიც არ გაიყოლეს სტუმრობაში.

— სლავკო, რაა სულ რომ ტირი? — ევდოკიამ ტაში შემოჰკრა. — დილით ვიყავი, ტიროდი, ახლა მოვედი და ახლაც ტირი, კარგია განა? დაისვენე, ბატონო.

ღუმელზე სიჩუმე ჩამოვარდა. სლავკოს თითქოს კიდევ გაეხარდა, რომ გააჩერეს. ყოყმანით ამოიფშლუკუნა:

- დავისვენებ, ბებოლო, კარგი?
- კი, ბატონო, დაისვენე. — მოუგურგურა ევდოკიამ.
- მერე კიდევ ვიტირებ.
- კიდევ იტირე, ოღონდ ახლა დაისვენე. — ევდოკია წასასვლელად მოემზადა.

— ევდოკია, ღუქანში ხომ არ მიდიხარ? — ჰკითხა კოზონკოვმა. — იქნება არაყი მიყიდო, ჩაის მივაყოლებდი.

— რატომაც არ გიყიდი, კი, გიყიდი. დიდი დრო არ უნდა მაგას. ავენირ პავლოვიჩმა განჯინა გამოალო და საშაქრეში მანეთიანი და ხურდა ფული გამოჩხრიკა. მივხვდი, მოდგა უამი ჩემი მოქმედებისა: უკანა ჯიბეში ორი თითი ვიტყუე და ფიცხლად დავაძვრე სამმანეთიანი...

გატყდა ყინული. ევდოკია გავიდა, მე და ავენირმა კი „შიპკა“ გავაბოლეთ. უკვე როგორღაც შვებით ვსუნთქავდი, თუმცა ღუმელზე მჭდომი სლავკო ამასობაში კვლავ აზლუქუნდა.

კოზონკოვმა მკითხა, სად ცხოვრობ და რამდენი დღის შვებულება მოგცესო. ოცდაოთხი დღე, კვირეები არ ეთვლება-მეთქი, მივუგე. ავენირმა

თამბაქოს ბოლი გამოუშვა პირიდან და თქვა: უწინ, მენარდეს რომ დურგლად ვედექით, შვებულებას ვინ მოგვაშავებდაო. მერე სიგარეტმა შემეძიქა.

— თამბაქოს მიტოვებას არ ფიქრობთ, ავენირ პავლოვიჩ?

— აბა, რად უნდა მივატოვო? — ავენირს ხველება აუტყდა. — იმიტომ კი არ მივეჩვიე, მერე რომ თავი მიმენებებინა. აი, წინათ, თუ კაცი მწვეველი არ იყო და დურგლად გასვლა მოუწევდა, პირდაპირ ხათაბალაში ვარდებოდა: დასხდებოდნენ კაცები მოსაწევად, შენ კი უნდა გემუშავნა, ვერ დაჯდებოდი. აგერ, ჩემმა გოგომ მითხრა, ხომ მოგკლავს მაგდენი წევაო. მე კიდე, ვუთხარი: 'მოგკვდები და გზაც იქით მქონია-მეთქი. როგორი ამბავია: რაც გიყვარს, იმას თავი გაანებო კაცმა. მახსოვს, ქირაზე წავედით სამი კაცი. მე და სტიოპა ვართ; ხარებიდან კუზმაობამდე ოთხმოცდაათ-ოთხმოცდაათ მანეთად გავურიგდით მენარდეს (თავიდან ვერ მივხვდი, ის მესამე კაცი თუ ოლეშა სმოლინი გახლდათ). მენარდე ჩვენებური იყო, ადგილობრივი, ნაშდვილი ძაღლი. მზის ჩასვლის მერეც გვამუშავებდა. ერთხელ ისე გავმწარდი, მივაგდე ცული, დავჯექი და გამოვაცხადე: არა, ბაბაია, მზის ჩასვლის მერე მე ლოგინში გამიგია მუშაობა-მეთქი. გავირჭე ქამარში ჩემი ცული და წამოვედი, საცა ბინაზე ვიდექით. დავიბანე ხელები, — აღარ ჩანს ეს შენი სტიოპა. არადა, ცულების კაკუნი მეყურება. კარგი, დამაცა, გასწავლი ჭკუას-მეთქი, ვიფიქრე. დამიხედეთ ამ მუშაკაცს, როგორ ეთითლიბაზება უფროსს-მეთქი. ერთი იქაური ძმაკაცი მყავდა, კაი მარდი ვილაცა, მახსოვს, სულ ქათმების პარვაში იყო. მიეპარებოდა ასე, შელამებულზე და ისე დააცხრებოდა, ზოგ ქათამს კვერცხს მოაგდებინებდა ხოლმე. დღესასწაული შემოდოდა, ლუდის ზდა. იგვიდე უნდა, გავისეირნო. არადა, საჭმლის საქმე გვექონდა ჭკად, დიასახლისი შეგვხვდა ვილაც წუწურაქი, სულ მაგიდის ქვეშ ჩრიდა დანას, ემანდ ზედმეტი პური არ მოიჭრანო. ერთხელ, დღესასწაული ჯერ არ მოსულიყო, ფარდულშია ეს ჩვენი დიასახლისი. ვიცოდი, გაიგონებდა და ვთქვი: თითი რომ გავატოკო, ისე ვიზამ, ამ ეზოში ერთი საყოლიც არ გაიჭაჭანებს-მეთქი. კი გაიგონა, მაგრამ მაინც არ შეუშვა ყურში, ისევ ცუდად გვაჭმევდა. კარგი-მეთქი. ერთი გოჭი ჰყავდა. წავიდა სამუშაოზე და მითხრა, ამ გოჭს მიჭმიეო. ავდექი და სალაფავი მიწაზე დავდვარე, საღორეში კი კაი მაგარი კეტით შეველი. ისეთი დღე დავაწიე ამ შენს გოჭს, სულ კედლებზე გადიოდა. მოვიდა დიასახლისი: რა ჰქენი, ავენირ, გოჭს მიჭმიეო? ძაან კარგად ჭამა-მეთქი. შევიდა საღამოს საღორეში და აღარ ეკარება გოჭი, კედლებზე გადის. ეტყობა ცოფიანია, უნდა დაიკლას-მეთქი, მოვახსენე. რა გზა ჰქონდა, იფიშვიშა, მაგრამ დაკლა მაინც. სათოხლავი გვექონდა — ნულა იტყვი...

მალე ევდოკიაც მოვიდა ხელდამშვენებული. ავენირმა გამოფინა სუფრაზე „სათოხლავი“, ბარემ ვედარ ჰგავდა იმ დიასახლისის სუფრას. ევდოკიამ დაიმორცხვა და აღარ დადგა, წავიდა, ხოლო ავენირმა სლაგკოს დაუძახა სადილზე. სლაგკო ჩამოსვლით კი ჩამოვიდა, მაგრამ ღნავილი არ შეუწყვეტია. მამინ ავენირმა არაყი დაუსხა ჭიქაში და მისცა. სლაგკომ მაშინვე თავი ანება ტირილს და მოსაჭახუნებლად გამოიწოდა ჭიქიანი პაწია ხელი. მეორეში — კამფეტი ჰქონდა ჩამუჭული...

კოზონკოვმა დაუტატანა:

— უცებ არ დალიო სულ!

შეპასუხება ვცადე: ბიჭუკელა ექვსი ან შვიდი წლისა თუ იქნებოდა, მაგრამ კოზონკოვმა ყურიც არ გააპარტყუნა, ხუმრობად თუ მძინარეობდა ნათქვამი. ორივეს მიიუჭახუნე ჭიქა... სლავკომ გადაჰკრა, მოიხლარბა, სახე დაუმახინჯდა, მაგრამ სასმელი მაინც იფაიჩერა შიგანში და, ბედნიერმა, შიშით შეხედა ჯერ ბაბუამისს, მერე მე. დაბალუპით ჩამოსკდიოდა ცრემლი, მაგრამ მაინც იღიმებოდა გამარჯვებით გახარებული. ისევ ვუსმენდი აგენირს და ხეირიანად ვერც ვიგებდი, თუ რას ამბობდა...

VIII

ჰოდა, იმას გიყვებოდი, მოვიდა ლუდის ხდა. ჩავხეთქეთ ის ჩემი მონაგარი საჭმელი, ავდექი და სალესი ჩავიდე ჯიბეში. წავედით მე და სტიობა ჯარობაზე, ოლესხა დარჩა, აღარ წამოვიდა. გავიარეთ, გავედით მინდორში. ამოვიღე ეს ჩემი სალესი, ვთხლიშე კეფაში ამ შენს სტიობას, წაიქცა შაშინათვე. მივდექი და ვჟეჟე და ვჟეჟე შენი მოწონებული. ძლივს დამშპა ხელიდან ის უდღეური, გაიქცა. მეორე დღეს მივედი სამუშაოზე, მენარდე მეუბნება: წადი, საცა გინდა, მე აქ მაჩხუბარი ხალხი არ მჭირდებაო. სად წავიდე?

კარგი. გავფურიგდით მე და სმოლინი ერთ ვაჭარს, ეკლესია ჰქონდა ასაშენებელი... ვიყავით ჯვირანახევარი, მორებსა ვთლადით. ერთხელ, ავდექით და გოგოებში წავედით დროის გასატარებლად. ერთი ათშაურიანის მეტი კაპიკი ფული არა გვაქვს. ოლესხას ვეუბნები, მომე ეგ ათშაურიანი, კამფეტებს მაინც ვიყიდი, შენ წინ იარე და ახლავე დაგეწევი-მეთქი. შეველა დუქანში. ბნელა, ის ხანია. ლამპა კი ანთია, ისე კაციშვილი არ ჩანს დუქანში. ახლა, აღარ იტყვი მე ახირებული რასა ვშვრები? რას და ვდგავარ ერთხანს, მერე ვიღებ დახლიდან ერთ თოფ ჩითს და ეგრევე ვიჩურთავ უბეში. ეს რომ ვქენი, ავიღე საწონი და დახლზე ავაბრაგუნე, არავინა ხართ აქ-მეთქი? მოიბინა პატრონმა, სიხარულით აღარ არი. ჰოი, რა მაღლობელი ვარ შენო; ეს ნოქარი სტუმრად წასულა, დუქანი ღიად დაუგდია, შენ რომ არ ყოფილიყავ, ხომ გამოხიკავდნენ ყველაფერსო. ახლა მითხარ, ვაჟკაცო, რა გინდა, რითი გადაგიხადო ეგ შენი სიკეთეო. ვუთხარი, კარგი იქნება ერთ ბოთლ არაყს, ცოტა პაპიროსს და კამფეტს თუ მომცემ ამ საზეიმოდ-მეთქი. რატო ორი ბოთლი არ მომცა, თან სამი კოლოფი პაპიროსი, კაი ნახევარი გირვანქა კამფეტიც იფაიხვია. მაღლობასაც მიხდის აქეთ: ხომ გამფცქვნიდნენ, შენ რომ არ მოსულიყავიო.

...კოზონკოვი ჭიქების შევსებასაც ასწრებდა და სიგარეტსაც განუწყვეტლავ აბოლებდა. ამასობაში ელსადგურმა დენი ჩართო და შუქი მოვიდა.

— „ილიჩის ნათურა“ არ დადგი? — მკითხა კოზონკოვმა. — ჩვენ აგერ, ექვსი ცალი გვაქვს გაბრდღვიალებული. ფარდულშიაც კი გვინთია.

დასცალა ჭიქა და განაგრძო:

— გამოვედი დუქნიდან და მოვცოცხე, დავეწიე ოლესხას. ნახე, რა ნობათი მოვიტანე-მეთქი. თვალებს არ დაუჯერა. დავჯექით თხრილში. ვეპატიუები არაყზე, არა სვამს. უკანვე მიიეცი ეგ ყველაფერიო. მამა გიცხონდა,

განა იმიტომ მომცეს, უკანვე გავაბრუნო? რაღა ბევრი ივილაპარაკოთ, და-
ლია იმანაც. ამასობაში ჩითსაც ამოვაცოფინე უბიდან ყური. ამაზე მთლად
დაიზაფრა, მაგრამ ისევე დავუსხი. ახლოს ტელეგრაფის ხაზი იყო და ვი-
ფიქრე, მოდი ამ ჩითსაც გავზომავ, ბოძიდან ბოძამდე თუ გაწვდება-მეთქი.
დავიწყეთ ზომვა, გავშალეთ, თან ოლებას ვეუბნები, სოფელში რომ მივალთ,
მე თავს მოვიმთვრალებ, შენ კიდე, მლანძღე — ამ სულელმა მთელი ფული
ჩაყარა და დახეთ, ეს რა იყიდა-თქო. სანამ ჩვენ ამ ზომვაში ვართ, თურმე
ვიღაცას ჩამოუვლია ეტლით და ვერკი შეგვიმჩინევია. მეორე დღეს, გავიხე-
დოთ, პოლიციელი არ მოგვადგა? ატყდა ძიება. მიათრევენ ამ ჩემს ოლებას,
მე კიდე, სათივეში ვარ შემძვრალი, იქ ვათევ. არადა, მოეკრიბა მთავრს
თავისი სახელგანთები და გაპარულიყო თვითონაც, არა, ვერ მოისაზრა მაგ-
დენი. მე კიდე, ვერ მოგართვით, ჩემო კარგებო-მეთქი, ვფიქრობ. ვიყავი ამ
სათივეში, შაგრამ კაპიკი ფული არ იმქონდა, რაღა შექნა? არადა, იმ ეკლე-
სიას სწორედ ახალჩაყრილი ჰქონდა ბალავერი. მივედი ღამით. გავუყარე
კეტი, გამოვაჩოჩე სმორები და რაც კი ფული იყო კუთხეებში ჩატნეული,
სუყველა გამოვხიკე. მანეთიანებიც, ათშაურნიანებიც. დავთვალე, შვიდი მა-
ნეთი და რაღაც გამოვიდა. მატარებლის ბილეთს კიდე, ექვსი მანეთი უნ-
დოდა. მეორე დღეს, გავიხედოთ, ჩამოვიდა ის ვაჭარი, გასინჯეს ბალავერის
კუთხეები, რა იხვიშტს იპოვნინდნენ. ჩაატნიეს ფული ისევ. კარგი და პატი-
ოსანი, ამას საჭმელზე მოვიხმარ-მეთქი, ვიფიქრე. შებინდა და ეკლესიას-
თან ვარ გაჩითული. ის იყო, კეტი ავიღე, სმორები უნდა გამოვაჩოჩო, ისე
მწყვდიტეს წელში, სულ ნაპერწკალი დამცვივდა თვალებიდან. თურმე, ყარა-
ული ეყენათ. ძლივს მოვასწარი, გამოვშპი, თბრილს გადავევლე და კალოს
უკან გავკურცხლე, კაცი ვერ მოლანდავდა ჩემს გზა-კვალს. ატყდა ერთი
სტვენა და ყიყინა, მაგრამ ისეთი ყუში ღამეები იცოდა, ვეღარ დამინახეს.
სულ სირბილით მივედი სადგურზე და გავუტიე შინისკენ. ცული, შულდაკი,
ყველაფერი ბინაზე დამრჩა.

...კოზონკოვმა თამბაქოს ნამწვი იატაკზე მოისროლა და კვლავ დაას-
ხა არაყი. ისე ღირსეულად დალია, თითქოს იმდამინდელი იღბლიანი გაქ-
ცევის ჯილდოდ რგებოდა.

— მართალი გითხრა, ზურგი კი მტკიოდა კაიხანს, ეტყობა არაყის ხის
რაღაც იყო, რომ მდღლიზეს.

— არაყის ხისა?

— კავი იქნებოდა, ან რაიმე ეგეთი. მივედი შინ, კაპიკი არ მომიტა-
ნია, გზაში გამქურდეს-მეთქი, დედაჩემს ვუთხარი.

...შევხედე ბერიკაცს: უკვე აზრი არა ჰქონდა ოლეშასთან შერიგებაზე
ლაპარაკს. კოზონკოვს სიმთვრალე მორეოდა, ლაპარაკის იშტაზე მოსული-
ყო, თავის სიჭაბუკეს იხსენებდა. მდუშარედ ვუსმენდი და მათცებდა მისი
მეხსიერება, იმან კი კვლავ დალია არაყი და ანაზად ხლიჩინა, ბერიკაცუ-
ლი ნაღვლიანი ხმით (გააბა სიმღერა. სევედიანად ქდეროდა იმაზე, თუ რა
აგურ-აგურ გაზიდეს მთელი ქარხანა, თითოეული ხრახნი როგორ დაიპა-
რეს, როგორ ხვდებოდა ამხანაგი სეშიონი თავის საცოლეს იქ, „სად აგური
მყუდრო ტალანს ქმნიდა“; შემდეგ ისევ როგორ აგურ-აგურ ხელახლა
ააწყვეს მთელი ქარხანა. სწორედ ამ დროს კიდეც დაბრუნდნენ სტუმრობი-
დან ავენირის ბებრუხანა ცოლი და მისი ქალიშვილი, ბავშვთანად. კოზონ-

კოვმა ყურით არ შეიბერტყა იმათ მოსვლაზე, ჭაღარა ხმელ თავს უფრო და უფრო დაბლა ხრწდა და მღეროდა: „ამხანაგი სემიონი გახდა დიბუტორი“...

— შენ თვითონა ხარ სემიონი... დახე, ისევ გამოიბრუჟა და ენას ვეღარ აბრუნებს პირში. — თქვა მისმა ბებრუხანა ცოლმა.

— ცინაა ამ სახლში უფროსი, მე თუ ქათმები? — კოზონკოვმა მაგიდაზე მუშტის დარტყმა სცადა, მაგრამ ვეღარა ჰქნა.

...ანფეა ცოტათი იყო ჩემზე უფროსი. მახსოვს, სატყეოდან რომ ჩამოვიდოდა, ისა და ოლეშას ქალიშვილი, გუსტია, სულ ერთად დაიარებოდნენ ხოლმე ჯარობებზე. ახლა ტყლარჭევით მომესალმა და ტიხარს იქით გავიდა. მის ვაჟს არც კი გაუხდია, შემოსვლისთანავე რაღაც ბორბალს დაუწყო გულისყურიანად კარკიტი. ზედაც არ შეუხედავს არავისთვის. მივიდა მაგიდასთან, უკითხავად იაილო ორი კამფეტი. ანფეაც გამოვიდა ტიხარიდან; თექურები გაეხადა, კაპრონის წინდები და ტუფლები ჩაეცვა. ბიჭუყელა უბოდიშოდ წაეტანა ხელზე და ბოხი ხმითა ჰკითხა:

— დედი, ბალინჯოებს ფრენა შეუძლიათ?

— აბა, დამეხსენ! — მოიცილა ანფეამ შვილი, მაგრამ ბიჭს უკვე თავად დაავიწყდა, რას ეკითხებოდა. ვხედავდი, რა ძალიან ცდილობდა ანფეა მოსკოვურ კილოზე ლაპარაკს, „ა“-ს ამბობდა „ო“-ს ნაცვლად, მაგრამ მშობლიური სტიქიონი ზოგჯერ მაინც ძალობდა მის გამოთქმაში. ერთხელ „სტაქანი“ უნდა ეთქვა და „სტოქანი“ კი გამოუვიდა.

გვიანი ჟამი იყო, მაგიდაზე თავწაქინდრული კოზონკოვიც თვლემდა. ჩამქრალი ნამწვი გამოსჩროდა გლეხისათვის უჩვეულოდ თეთრ, წვრილ თითებში. გამოვეთხოვე მასპინძლებს და შინისკენ წამოვედი.

IX

მეორე დღით ოლეშა აღარ მოვიდა სამუშაოზე.

„ერთი ამ ბებერ ჯადოქარს დამიხედეთ! ეწყინა, ავენირს რომ ვეწვიე. ევდოკია, რა თქმა უნდა, ჯერ კიდევ გუშინ გაისარჯა და მთელს სოფელს მოსდო ჩემი და ავენირის შეხვედრის ამბავი. ალბათ, ოლეშას ყველაფერი ჩაუკაკლეს. ასე ეთქვათ, სოფლური პრინციპულობა...“

გავხალისდი რატომღაც.

ახლა, მარტოხელა კაცის ამ ჩემს სავანეში ერთკვირიანი გამოკეტვის შემდეგ, უკვე კარგად ვიცოდი, რომ ჭურჭელი უმჯობესია ჭამისთანავე დაირეცხოს, ხოლო ქოხის გამოგვა მაშინაა უფრო უპრიანი, რუსული ღუმელი როცა ანთია და მტვერს ისრუტავს ხოლმე. თუმცადა, ისიც სათქმელია, ღუმელს რომ ანთებ, სწორედ მაშინ გროვდება ბინაში მეტი ნაგავი, გარეთ ეკვრის ფეხებს და შიგნით აუცილებლად სცილდება. ჭურჭლის დარეცხვა კი მაინც მაშინვე სჯობს... ამიტომაც, განხეთქილება რომ არ გაჭიანურებულყო, ჩვენი ამბავი ახლავე რომ გამერკვია, ავდექი და ოლეშასთან წავედი.

სმოლინი ისე მომესალმა, თითქოს არაფერი მომხდარიყოს. იჯდა და ხმა-მაღლა კითხულობდა გუშინდელ გაზეთს. მაშინვე მიანება კითხვას თავი და სათვალე ადამისყაშინდელ კოლოფში შეინახა.



— ღმერთო დიდებულო, შეჰყვები ზოგჯერ ფიქრს და სული შეგე-
გუბებ? კაცს...

— ?...

— რამდენი სხვადასხვა თანამდებობაა ამ ქვეყანაზე. ეს უფროსებიო,
ეს მონაგარიშეებიო; მოადგილეები, გამგეები. დურგლები. საიდან მოაქვს
სახელმწიფოს ამდენი ფული?

— რაც იგოგრაში არ შეგდის, შეეშვა უნდა, შენი საქმე უნდა ნახო. —
გუნებისად თქვა ნასტასია; საკმაოდ ახლოს იჯდა და არაყანს დღვებდა
სათქვეფელათი. — ხალხი აგე ხუთმეტ-ხუთმეტ წელიწადს სწავლობს, გადა-
კითხული აქვთ ყველაფერი. შენ გგონია, ტვინს ეიოლება?

— შენც კითხვით გისკდება თავი, შენმა მზემ. — ზურგი შეაქცია ოლე-
შამ. — მე განა ეგა ვთქვი?

— მაშ, რა თქვი?

მაგრამ ოლეშამ პასუხის ღირსად არ ჩააგდო და მე მომიბრუნდა, თით-
ქოს ნანობდა, რად ჩავყეო დედაკაცს ფუჭ ლაყაფში:

— აი, რა, ჩემო ძმაო, ამის მეტი აღარა ვარ აბანოზე მომსვლელი.

— რატომ?

— რატომ და, ბრძანება მომივიდა კანტორიდან, ნეკერი უნდა ვკაფო
ტყეში, საქონლის საკვები. ბრიგადირმა გამომიარა დღეს, გეყოფა, ბაბულია,
მუქთა ფულის კეთება, ტყეში უნდა ვახვიდეო. თან სიცილით კვდებოდა. რა
იყო, უკვე ამბავი მოგივიდათ-მეთქი? ჰო, მოგვივიდაო. აი, ამოტოლა დებე-
შა შემოვიდაო. კვდებოდა სიცილით.

— რა დებეშა? — ვერა და ვერ ჩავვარდი გულისხმაში.

— რა დებეშა და, დებეშა. ღერბიან ქალაღზე ნაწერი. ნუ გეშინია,
კი არიან მჭაბუნელები ჩვენს სოფელში...

— კოზონკოვი, არა?

ახალა მოვედი აზრზე, ოლეშა კი იჯდა მერხზე და ისე ძიგძიგებდა, ვერ
გაიგებდი, ახველებდა თუ იცინოდა.

— ყველაფერი მუხლებადაა ჩამოწიკწიკებული, ჩემო ძმაო.

არ ვიცოდი რა მეღონა და თვალებსდა ვახსმსამებდი.

— ბრიგადირი სადაა?

— აი, ამწუთას წავიდა თავლაში. გაიქე, მიუსწრებ. მეც ერთი-ორი სა-
ათით გაგალ ტყეში, ნაშუადღევს გამოვივლი, წავძმუშავოთ.

თქვა და სვენეშა-ოხვრით შეუდგა ფეხსაცმელების ჩაცმას, მე კი ბრი-
გადირის საძებნელად გავვარდი.

მე და ბრიგადირი მესამე კლასამდე ერთად ვსწავლობდით. ერთად და-
გვიფუშია ჭკების ბუდეები, ჩილიკა გვითამაშნია, შემოდგომობითაც ერთად
შეგვიწვია კოცონზე კარტოფილი; სულ გამომწვარი გვქონდა ხოლმე შარ-
ვლის ტოტები. იმერმე მან სწავლას თავი მიანება, მე კი შვიდწლელი და-
ვამთავრე და სოფლიდან წავედი. ასე გაიყარა ჩვენი გზები.

— აჩუ, როგორც ვეუბნებიან, ისე დადექი! — მომესმა ბრიგადირის
ხმა.

მას ოლეშას ფართო ხვეწი წამოედო და ცხენს ფლოქვებს ახვეწდა. ცხე-
ნი ფრთხვინავდა, შეშინებული აელმებდა დიდ, იოსფრად მოციმციმე თვალს,
კარგ ფოტოობიექტივს რომ მიუგავდა. ბრიგადირი ისე მომესალმა, თითქოს



გუშინ იყო, კოცონთან რომ ვისხედით და კარტოფილსა ვწვავდით. თუმცა ასეთმა შეხვედრამ ცოტათი კი შემაცბუნა, ჭრცმე დავიწყე დიდი ტყლარჭვა.

— მოდი, გიშველო.

— არა, კაცო! უკვე მოვრჩი. ნახე, კალოშებივით არ გაზრდია ე ფლოქვები? რაო, კრისკო, უკეთესადა ხარ?

— ეგ რა, კრისკოა?

— მაშ!

კრისკომ ძალიანაც დამამაზხსოვრა თავი: ერთხელ კაი ხითლიბაზური განი მიქნა, ზურგიდან იოლად მოიცილა იმ დროისთვის სავსებით უმნიშვნელო ჩემი სიმძიმე და თავის გზას გაუყვა, მე კი რიყის ქვებზე, ფგორავდი და სიმწრით ვიღვლარჭნებოდი. გამეღიმა, რადგან ახლა გულში წამით გამიფაჩუნდა ის გადაუხდელი წყენა. ამოკუზულ ცხვირზე დავადე ხელი. მადლიერი ნდობით ამოიხვიხვინა ღრმად და მშვიდად, მხარზე მომაყრდნო გრძელი, ფართო ჩიჩვირი.

— რას შვრები, როგორ მივდის საქმეები? — ბრიგადირმა სიგარეტი ამოიღო. — ჩაჯექი წვრილშვილში?

მის ხმაში იგივე კილო იგრძნობოდა, რაც ცხენისადმი მიმართვაში — როცა ჰკითხავდა, ხომ უკეთა ხარ, ფლოქვები რომ დაგაჭერიო?

— აბა, რა გითხრა... გოგო მყავს ერთი.

— წუნისმკეთებელი ყოფილხარ. აქეთ დიდხანს რჩები?

— ოცდაოთხი დღე. უქმეები არ ეთვლება.

პატივისცემით, ალალი ცნობისწადილით მისმენდა და მეამა, ლაპარაკის საღერდელი ამეშალა ანაზდად. ვერც კი შევნიშნე, ისე გადმოვულაგე მთელი ჩემი ცხოვრება. შთამომავალთა რაოდენობა და ხარისხი ხომ მკითხა, შერმე გამოიძია, სად და რა თანამდებობაზე ვმუშაობდი, როგორი ბინა მქონდა, მყავდა თუ არა სიდედრი, თუ იყიდებოდა ქალაქში რეზინის ჩუსტები და ომი თუ იქნებოდა უახლოეს ხანში. ბოლო კითხვაზე რაღას ვეტყვოდი, დანარჩენი კი ყველაფერი ჩავუკაკლე. იგიც არ დამრჩენია ვალში, დღეს ბრიგადის კრება მაქვსო, მითხრა; ძალით დამაყენესო ბრიგადირად; კაციშვილი არაა, რომ კოლმეურნეობაში იმუშაოს, სუყველა სადღაც-სადღაც გაიკრიფა და მარტო ბებრები დარჩნენო სოფელში. ისიცა თქვა, შემოდგომაზე სათევზაოდ ვიყავი და ფილტვების ორმხრივი ანთება ავიკიდეო. სიტყვა „ორმხრივი“ რატომღაც საგანგებო კმაყოფილებით წარმოთქვა რამდენჯერმე.

კრისკო მოთმინებით თვლემდა, უცდიდა საუბრის მოთავებას, როცა რაიმეს ქმნა მოუწევდა. ბოლოს აბანოს რემონტი ვუხსენე ბრიგადირს და ვკითხე, ეს რა დებეშა მოგსვლიათ ოლეშას თაობაზე-მეთქი. ბრიგადირმა გაიცინა და, კოზონკოვს რომ ჯულისხმობდა, ხელი ჩაიქნია:

— დაიკარგოს, ერთი, აქედან! ეგ მაღაზიაზედაც ყოველ კვირა წერს საჩივრებს. ბავშვობიდანვე დაეჩვია ამ ჩხრეკას. მე კი აგე, სხვა დარდი მაქვს: ერთი მეჭინიბე ვერ მიშოვია. მოდი, შენ დამიღდექი.

— აკი ევდოკია გყავთ მეჭინიბედ.

— იმას თიაქარი სჭირს.

— მაშ, ბერიკაცები... ოლეშა არ ივარგებს, ანდა კოზონკოვი?

— ბერიკაცებს ახლა ვერსაიდან მიუდგები, ყველა პენსიაზეა გასული.

თორმეტ-თორმეტ მანეთს ბოჭავენ ყოველთვიურად. არა, კოზონკოვი არ იზამს, ოლეშა კი დარაჯადა ფერმაზე.

— აბა ეს რა გამოვიდა, შენ თვითონ გიწევს მეჯინიბეობა?

— ეგრე გამოდის. — ბრიგადირმა კრისკო ახორში შეიყვანა. — იცი რა, მოდი ეს შატუნი იგავხედნოთ, ჰა? ერთხელ შევაბი უკვე.

ცხენების ხედნა სულაც არ იქონდა იგეგმაში. არადა, ბრიგადირის სიტყვამ რატომღაც მაინც გამახარა.

შატუნი კაი სამწლიანი, ვეება ურა ცხენი გამოდგა. სულ ბოლო ახორში ბინადრობდა. ჩანს, მაშინვე იაზრა ცუდი ამბავი, მეტიწმეტად აუთრთოლდა ნესტოები. ღობის მიღმიდან უძრავად ჩანდა მისი თვალების თეთრი კაკლები.

ბრიგადირმა კრისკო თავის ბაგაზე დააყენა, მერმე აღკაზმულობა გამზადა, ლაგამს სადავე გაუყარა, ახალი მარხილი მოათრია საჯინიბოსთან, ხელნა კედლისკენ უქნა, შეიხსნა ქაშარი და ნაძვის ხის პატარა ჯოხი მოამზადა, ჩაიდო ჯიბეში.

— ეს რაღად გინდა?

— ჩიჩვირს ამოვუტრიალებ.


გულში სუსხმა გამკენწლა, მაგრამ გვიანდა იყო, უკან ველარ დავიხვედი. ბრიგადირი უკვე ფრთხილად აღებდა კარს. გაამზადა ქამანდი, იწყო ულაყთან მიახლოება, თან შემპარავად, წყნარად იჩვევდა:

— შატუნ, აბა რასა შვრები, შატუნ, შატუნჩიკ... უჰ შე ბ..., შატუნ-მეთქი!

შატუნმა გავა მოუბრუნა და ბრიგადირიც დედის გინებით გამოხტა ახორიდან. შემდეგ ყველაფერი თავიდან დაიწყო და იმგვარადვე დასრულდა. ბრიგადირმა შესამედ იწყო მიპარვა. ამჯერად ულაყმა ვერ მოასწრო ვიწრო ახორში მობრუნება და ბრიგადირმაც სტყორცნა ქამანდი, ელვისუმალ გადააცვა კისერზე. ცხენი ათრთოლდა, ზე ააღირა ძალოვანი, ფაფარა თავი, მაგრამ რაღა დროს: უკვე რკინა უღრჭიალებდა კბილებში. ბრიგადირმა ტალანში გამოიყვანა. კუნთები უცახცახებდა ულაყს, დაფეთებული ხვიხვინებდა, ყურებს სწურავდა, მზად იყო ერთ წამში დაეღეწა მთელი ქვეყნიერება. ბრიგადირი აღერსიანად, ვითარცა ბავშვს, შეაგონებდა, ქედზე ხელს უთათუნებდა, ვიდრე არ მოაშლეგინა ჩასისხლიანებულ თვალთა ბრიალი.

— აწი ჩვენია!

მაგრამ „ჩვენი“ არ ჩქარობდა ხელნაში ნებაყოფლობით შესვლას. ვხტოდით, ხან აქედან ვუვლიდით და ხან იქიდან, ბოლოს დიდის ჯაფით ჩამოვაცვით თავზე ცალუდი. კუდქვეშ რომ პალდუმს ვუჭერდი, ვიგრძენი, შიშისაგან ოფლი რომ გამომასხდა შუბლზე. გამიკვირდა, რომ ულაყმა ერთხელაც არ ჰყარა ტლინკები, არც ძალოვანი გავა გამკრა და ძუაც კი არ გამცხო სახეში. დავადგით კეხი, მოსართავი მოვუჭირეთ. მთელი ტანი უძიგძიგებდა, მაგრამ გერაფრით დავიჯერებდი, რომ სახელდობრ ჩვენი ეშინოდა, ჩემი და ბრიგადირისა. ბოლოს ხელნაში შევაყენეთ. მკერდით მიადგა კედელს და ახლავდა გავიგე ბრიგადირის ილეთი: ცხენს, არც მეტი, არც ნაკლები, გასაქანი არა ჰქონდა; უკან თუ დაიწევდა, მარხილიც უნდა გაეყოლებინა. მაგრამ აი, ცალუდის კილოებს რომ თასმებით ვუჭერდით, ანახლად უკან დაიწია, იფრთხვინა და ისე აიქნია თავი, რომ ბრიგადირი წამით ჰაერში



დაეკიდა. ბრიგადირმა ჩუმად შეიგინა, ბაგე მოიკვნითა და უეცრად ის სეგ-
დიანი, ველური გამომეტყველება შეეწინა, მის თვალებში, რაც ცხენსა
ჰქონდა. მაგრამ ამაზე ფიქრის დრო სადღა იყო, ბრიგადირი მოუხტა ცხენს,
აღვირში ხელი შესტაცა და, რაც ძალი და ღონე ჰქონდა, თავი ძირს და-
აზიდვინა. მერმე კვლავ მოემზადა ცალულის ჩამოსაცმელად, დრო შეუჩია
და ოდრიკალის ბოლოებზე ხელახლა ჩამოაცვა ჭაპანი. ხელახლა ძალოვნად
გაიძაგრა შატუნი, ძნებივით გაგვიქნია აქეთ-იქით. მაინც არ გამიშვია სადა-
ვე, კვლავ შევაყენეთ ხელნაში.

— უყურე შენ ამ ძუკნას! — ხრინწიანი ხმით თქვა ბრიგადირმა და
თავისი ქამარი ამოიღო ჯიბიდან. — მაგრად დაიჭი!

მთელი ძალით ჩავეჭიდე აღვირს. ბრიგადირმა ქამარი გასკვნა, ყულფი
გააკეთა, ჩიჩვირზე მოარგო ცხენს, ამოიღო ჯიბიდან ის პატარა ჯოხიც,
ყულფს გაუყარა და შიგმოყოლილ ჩიჩვირიანად დაუწყო ტრიალი. ულაცი
სულერთიანად აძიგძიგდა და დადგა, უმაღლესი შეწყვიტა ქშენა, უკულმა ამო-
უტრიალდა თვალები. თითქოს მეც შევიგრძენი ეს საშინელი ტკივილი,
ურუანტელმა დამიარა კბილებსა და თმის ძირებში. რაღაც ერთი წამით
გულში ბრიგადირისადმი სიძულვილი წამომენტო: 'სახე დაპრანჭოდა და ნე-
ლა, უკვე მეორედ ატრიალებდა ამ წნეხს.

— მოუჭირე! — ჩამსისინა და ჯოხი ხელში შემატოვა. — მოუჭი, რაღას
უდგეხარ, ბოთევ!

მეოთხედი ბრუნი გავაკეთე... ცხენი თანდათან ჯდებოდა უკანა ფეხებ-
ზე, ვარდისფერ, სისხლიან ქაფსა ჰყრიდა. მეოთხედი ბრუნიც გავაკეთე, თან
ვგრძნობდი პირუტყვის უშველებელ ტკივილს, სასოწარკვეთილებას, საცო-
დავ ბლანკალს. ბრიგადირმა სწრაფად ჩამოაცვა ცალუდი, ელვისუმალ მიაბა
ლაგამს სადავეები და მიღრიალა: ჩქარა, მარხილზე ახტო. მეც მაშინვე
ავხტი, ხელნა გატკაცუნდა, ულაცი მარჯვნივ მიაწყდა და მსწრაფლ გაჭენდა,
სადავეებს ჩაჭიდებული ბრიგადირი თოვლზე წააპორწიალა, მერმე წამით
გაშეშდა, თითქოს საგონებელში ჩააგდო ყველა ამ ფათერაკმა, რაც თავს
გარდახდა... ეს ერთი წამიც იყო ბრიგადირს, რომ წამომხტარიყო და მარ-
ხილს შემოხტომოდა. პირდაპირ ზედ დამეჭვდარტა. გავქანდით, მივამტკრე-
ვდით ღობეებს, თავს არ ვუჭერდით შიშითა და ტკივილით შეფუცხუნებულ
ენერგიას ბეჩავი, ძალოვანი პირუტყვისა. ახლა უგუნურების, თავდაჯერებუ-
ლობის უცნაური, პირველქმნილი გრძნობა მიდუნდა გულში, ახლახან გან-
ცდილი სიმკაცრის ნაძალი. მხოლოდ შემდეგ მეწვია გაცბუნება, რაღაცნაირი
განხიზვლა, აი ისეთი, ბნელ კიბეზე ასვლისას რომ განიცდის კაცი, როცა
მომდევნო საფეხურს უნდა აადგას ფეხი. საფეხური კი აღარაა და ფეხიც
წამით შეშდება გამოუზომავ სივრცეში...

ნახევარი საათის შემდეგ უკვე სულმთლად ქანცაწყვეტილმა შატუნმა
სისხლიანი ჩიჩვირი წარგო მარტის მკვრივ თოვლში. ბოლქვა-ბოლქვად ას-
დიოდა თრთქლი, საბონის მსგავსი ქაფით ჰქონდა მძლავრი მკვრდი მოსლი-
ბული. ღრმა თოვლში იწვა უძრავად.

— აბა, აწი კი გავიდეთ დედო გზაზე, — ხალისიანად თქვა ბრიგადირმა
და ქამარი გაუყარა თავის ზოლებიან შარვალს. — ივლის, შენი მოწონებუ-
ლი. კანტორაში არ წამოხვალ?



— არა, არ წამოვალ.

დედო გზაზე გასვლას აღარ ვუცადე, გავუყვიე წელამდე თოვლს და ბოსტან-ბოსტან გავეშურე სოფლისაკენ.

X

ოლეშამ პირი არ შემიშალა, სადილობის შემდეგ მოვიდა მართლაც სამუშაოზე. აუჩქარებლად ვარაკუნებდით ცულებს. ნაშუადღევს ამინდი უფრო გამოკეთდა, დათბა. ვეება მზეს ჩახჩახი გაჰქონდა. თოვლი ბრჭყვინავდა შემოგარენში.

— რომ არ იყო სოლი, ცული, გასძვრებოდა დურგალს სული. — წააწყო ოლეშამ, თან სოლსა თლიდა.

მისი გამოხვეწილი ახალი ძელებით უკვე ერთი პირი კედელი შეეკარათ. ანაზდად, საქმეში რომ ვიყავით, ოლეშამ მკითხა, ავენირს ცოლის შერთვის ამბავი ხომ არ მოუყოლიათ.

ცოლის შერთვაზე კოზონკოვს არაფერი ჰქონდა ჩემთვის ნათქვამი.

— რა იყო?

— არაფერი, ერთად ვიყავით მისი საცოლის დასანიშნად. მე ვუთხარი, ჩემი მარხილით წავიდეთ-მეთქი, მაგრამ არა ჰქნა, გაჯიქდა, თავისი გამოიყვანა. მივედით, დავდგით ერთი ბოთლი არაყი, წესი როგორცაა. ხუმრობა ხომ არ იყო, ათ ვერსზე ვართ წამოსულები. ჩვენს მისვლაზე საპატარძლო ტიხარში მიიმალა, მამამისი კიდე, ადგა და: დაიცათ, ბიჭებო, თქვენს ცხენებს შვრიას დავუყრი, მერმე ვქნათ თათბირი და გამორჩევო. მეც გარეთ გავედი, ცხენის დახედვა მინდოდა. ვინაა შიგნით დარჩა. გავიხედოთ, მოიტანა საპატარძლოს მამამ ერთი ხოკერი შვრია, ცხენს დაუყარა და მივიდა, ჭაპანს დაუწყო თვალიერება. ორივე ჭაპანს დახედა. მკითხა: ვისია, ყმაწვილო ეგ მარხილი, შენია თუ სასიძოსია? ჩავვარდი საფიქრალში. ჩემიაო, რომ მეთქვა, იფიქრებდა, სასიძო ნათხოვარი მარხილით მოსულაო, თან ვატყობდი, — ტყუილიც არ ივარგებდა. სასიძოსია-მეთქი. მოვბრუნდით სახლში. აეგრე ეუბნება კოზონკოვს: არა, ჭაბუკო, ვერ მოვრიგდებით მე და შენ, ვერ გაგატან გოგოსო. რა არი, რად არ გამატანო? — ჰკითხა კოზონკოვმა. რა და, ჯვრის დასაწერად როცა წახვალთ, პირველივე აღმართში ჭაპანი გაგიწყდებო. თოკისა გქონია, ჩემი გოგო კიდე, მძიმეა ნამეტანიო...

— ეგრე წამოხვედით?

— ეგრე წამოვედით. ისე შემრცხვა, ჩემო ძმაო, პირდაპირ დავიწვი კაცი.

გავბედე და ვკითხე, შენ თვითონ როგორ დაქორწინდი და თუ გყვარებია ვინმე-მეთქი. ოლეშა მორს აბრუნებდა, გამეპასუხა:

— სიყვარულიო?

— ჰო.

— მაშ, როგორ. კიდეც მყვარებია და მარხილიც არ მქონდა ურიგო. დავნავარდობდი გემოზე. ოღონდ ეგაა, პეჩორას გაღმა წაგრიალდა ის ჩემი სიყვარული.

— რა, თვითონ წავიდა?



— აბა, როგორ გითხრა... მთლად ეგრეც არ ყოფილა.

თქვა და უცებ გახალისდა, დაარტო ცული:

— იარეკა თუ გახსოვს? მაგარი კაცი იყო, მთელს ამ ჩვენს ტყეებში მეორე არ დადიოდა მაგისტანა. მეტყობდა ხოლმე: შენ, ოლეშკა, მთავარია გოგოების არ უნდა შეგეშინდესო. თუ შეგეშინდა, სახეირო არაფერი გამოგივაო. ეგრევე უნდა მიეტევოო. კი იწივლებს და იმწვიტინებს, მაგრამ ჯანი გავარდეს, ყურიდან ყურში გაუშვიო. შეგეცოდება და, მშვიდობით, უკვე აღარ არი შენიო. ოღონდ ეგაა: ნუ მოატყუილებ, ეგ არ არის კარგი საქმე, რა გოგოც არ უნდა იყოს, ყველას პატივისცემა ეკუთვნისო. არც სახგალიოდ გადასდო ხოლმე დღეს გასაკეთებელიო. ასე იცოდა თქმა. მახსოვს, ვუსმენდი და სულ სირცხვილის აღმური ამდიოდა. არადა, მოსმენაც მსიამოვნებდა. მაგრამ მოსმენა ერთია, საქმე — მეორე. საქმე არ გამოძლიოდა არასდროებით... მახსოვს, ქირაზე გავედით, ცხრა კვირა ვიმუშავე და წამოველ, საზამთროდ აღარ დავდექი. ჩამოვუტანე მამას ფული, ჩემთვისაც კაი საახლოზე შილაია წამოვიღე. მოვდიოდი და გული სულ სკვინჩასავით მიფრთქილებდა, მალე სოფელში გამოვალ-მეთქი ჯარობაზე. ახლა, აღარ იტყვი, ტანკა როგორი იყო, ფედულიონოკის გოგო? გეტყვი, აგერ... მახსოვს, პატარები ვართ, კენკრაზე წავედით მე და ვინკა. ტახკაც წამოვიდა. მე და ვინკამ ჩიტის ბუდე ვიპოვეთ და თითო კეტი გამოვჭერით ჩვენ-ჩვენთვის, სელწივი აღარ იგვიკრეფია. ტანკამ კიდე, ამასობაში მთელი კალათა გააციმციმა — ვითომც არაფერი. წამოვედით. გზაში ვინკა მაქეზებს: მოდი, ეგ კენკრა წაეართვათ და შევუჭამოთ, ჩვენ თუკი ხელცარიელები მოვდივართ, ეგ ვინ არი, რაღაზედ აგვიკლოს მერე ტრაბახითო. მორთო ტანკამ ღრიალი, ვინკა კი ხორხოცებს ჭოტივით, სულ წაღლიტა მთელი მონაგარი. კი შემეცოდა, მაგრამ მაინც მივეხმარე ძარცვაში. სულმთლად შევუჭამეთ, თუმცა რა შეჭმა, უფრო მეტი ბალახში დავუპნიეთ... მართლა ძალიან შემეცოდა. აეგრე უკან-უკან მოგვდევდა და პაწია ხელით კურცხლებს იწმენდდა, სულ მოითხვარა სახე. არადა, ვინკა უარესად აბღეზებდა. ისე შემეცოდა, ჩემო ძმაო, ვიფიქრე: ვთხლიშავ, ერთს ყურისძირში ამ ვინკას-მეთქი, მაგრამ რა უნდა მეთხლიშა, მეც ხომ იმისი ამფსონი ვიყავი? აი, იმ დღიდან დამახსოვდა ტანკა ყველაზე მეტად, იმ აბანოს ამბავი კიდე, ფანჯრიდან რომ ვუჭყიტინებდით, — მერმე იყო, სულ სხვა საქმეა.

ჰო, რაც ქირაზე სიარული დავიწყეთ, ტანკა ამასობაში თავადაც მარწყვივით გოგო გახდა. სასწაული ამბავია: მარტო ერთ ზაფხულს აუშვა ტანი, ისე დაქალდა. თმა — ხშირი, წელქვეით ურტყამს; ყურები — თეთრი, გაფითქინებული; თვალები და რა თვალები, მე შენ იგეტყვი აგერ: თვალები კი არა, ორი პატარა მორვეი, ხან ლურჯი, ხან შავი; სადღაც შენს უკან იყურება და ვეღარ გაიგებ რასა ფიქრობს, გეგონება, რაღაც დაავიწყდა და ეხლა ვერა და ვერ იხსენებსო. სიმაღლით აეგრე, ცოტათი ჩემზე დაბალი. სიარულიც ისეთი იცოდა, უყურებდი კაცი და ვერ მიხვდებოდი, მოდიოდა თუ მორბოდა. გეგონება, ბალახსა თუ მოლს დიდ წყალობას უშვრება, ზედ რომ ფეხს აკარებსო. არც უკან მოიხედავდა ხოლმე როდისმე. თავისთავად ასდიოდა ხელზე, სუყველაფერი: ან სიმღერა და ცეკვა-თამაში როდისდა ისწავლა, ან ქარგვა და მაქმანების ქსოვა... იფიქრებდი, დასტურზეციდანაა ჩამოფრენილიო. ანდა, სამუშაოზე რომ გავიდოდა, — გინდა სა-

თიბარში, გინდა სამკალში — იტყოდ: განა მიდის, არა, ჩიტვიტ მიფრინავსო. სულერითია, მინდორშიც წამსვლელი აეგრე იყო და აქეთობასაც, ნამუშევარი რომ მობრუნდებოდა ხოლმე. სიმღერებიც თითქო თავისით გადმოსდიოდა ყელიდან, თითქოს მას არც ეკითხებოდა, თანაც თავ-თავის ალაგზე იყო ყველაფერი. ლაპარაკობდა და თან ძაფს ართავდა ხოლმე... ეს კიდევ... ეჰ, მოკლედ, ჩამოვედი სოფელში. ჯარობაზე აღარ გავდივარ, ველოდები, როდის შეკერავს დედა ახალოხს. მეორე დღეს ახალოხი უკვე დაღამებულია, მესამე დღეს — მარტო ღილების დაკერება აკლია. ვუტრიალებ დედაჩემს, აი, მღვდელი რომ საწიგნეს დასტრიალებს ხოლმე... მახსოვს, მიძინება დღეა, ბიძას ვესტუმრე ოგარკოვოში. სოფლამდე აღარც ვიყავ მისული, გავჩერდი და დავაყურე. როგორც კი ქარი მოუბერავს, ეგრევე მომდის სოფლის ხმაური, ვატყობ: დიდი სეირნობა და დროსტარებაა გაჩაღებული, უკრავს გარმონი, გოგოები მისდევენ ქუჩა-ქუჩა, აქვთ ერთი ცეკვა-სიმღერა. ფედულიონოკიც იქ ჰყავდა ბიძაჩემს დაპატიჟებული, ვიცოდი — ტანკაც იქნებოდა, მეშინოდა მისვლა. უკნიდან შეველ სოფელში, მივაღეჭი ბიძაჩემის სახლს. მთლად გაფიჩინებული მაქვს ხელ-ფეხი, გულიც აგერ-აგერ ამომიხტება და იგამომინგრევს საგულეს. ისეთი ბრაგუნო გააქვს, მთელს ქვეყანას ედება.

აბა, მოვიკრიბე გამბედაობა, შევედი ქოხში. ცეკვაა გახურებული. ვხედავ, ტანკაც წრეშია. როგორც კი შევხედე... წმინდაო ღვთისმობელო, ლამის მოგკვდე, ის წუთი რომ გამახსენდება! მხრებზე წითელი ლეჩაქი აფენია, სარათანი აცვია — ვერ გაძღები ყურებით. ცეკვა-ცეკვით მოდის წრეში. წაღებს მოაბაკუნებს. მე ვითომ ვეღარ მამჩნევს. დედაჩემი კიდევ, უკვე გამორბის, მსვამს სუფრასთან, ქერის ლულს მისხამს. სკასავით გუგუნებს სუფრა, გრიალებს გარმონი, ცეკვავენ დედაკაცები. სალაში ვთქვი. ჭიქა ავიღე. მოგილოცავთ დღევანდელ ზეიმს, სტუმარო და მასპინძელო-მეთქი. ვსვამ და თან ტანკას სიმღერა მესმის, აეგრე მღერის: „გიტარა მაქვს აწყობილი, ტარი — აჭრელებული, ჩემი ბიჭი არ უკრავს და კი ვარ გაჩერებული“. ეეხ!... არადა, მამამისი უკრავდა, ფედულიონოკი. ვერ უკრავდა კარგად. მეტი არ შეიძლება, ისე მომინდა გარმონის ალება და აწიწინება! არადა, როგორ ავდგებოდი, პატივი ხომ უნდა მეცა სტუმრისთვისაც და მასპინძლისთვისაც. დავლიე პირველი ჭიქა, ვიცდი — როდის შემოატარებენ მეორეს. იქით კვლავ ცეკვავენ დედაკაცები, ბრუნავს ფერხული. ტანკა...

მთელი ის საღამო თითქოს ცეცხლში ვიყავი, თავი აღარ მახსოვდა. აღარც ვიცი, როგორ დავიარებოდიტ გარმონით ქუჩა-ქუჩა, რას ვცეკვავდით და როგორ ვცეკვავდით. შემომხედავდა ტანკა, აგერ-აგერ დამწვავდა თვალებით... აი, აქვე მიწა გამისკდეს და თან ჩამიტანოს, თუ იმ ერთი წამისთანა რამე კიდევ მქონდეს ჩემს ცხოვრებაში, ის ერთი იყო და მორჩა. შეევხედავდი ტანკას და გეგონება დამფუფქესო, აეგრე ვხდებოდი. ფეხები თითქოს თავისით მიცეკვავდა, ყელიც თითქოს... ჰმ.

ოღეშა ანაზღად დადუმდა. სისხვი წარბები ჩამოეყარა, ჩაუქრო ბერიკაცულ თვალთა სააპრილო სილურჯე. თვალჩაციებით აფხლაკუნებდა ცულის პირზე ზუმფარას. ვითმენდი, საუბრის დასრულებას ველოდი, მაგრამ დუმდა ბებერი ღურგალი, თითქოს რაღაც დაავიწყდა და ვეღარ მოუგონებიაო. სახეც სავსებით უმეტყველო გაუხდა. ჩავახველე და ხლაწუნით ჩავიყავი

თანბაქოს ამოსაღებად ჯიბეში ხელი. ოლეშა კი მაინც არას იტყოდა უცებ, მკვირცხლად და ხალისით აიქნია ცული, მორში ჩააჭლო.

— შენ, აგერ, ნაკითხი ბიჭი ხარ.

მხრები ავიჩეჩე.

— ერთი ეს მითხარი...

— რა?

— რა უნდა ჰქნა? ზოგჯერ გგონია, კარგი ვქენი, კაცს სიკეთე ვუყავიო.

— შერე?

— შერე შენ თვითონ გამოდიხარ ბრალიანი. აბა, როგორ არ გაიხსენო კაცმა, ანდაზაც ხომ არი: ვისაც სიკეთე ვუყავი, ის გახდა ჩემი მტერიო.

არა მწამს ეგ ანდაზა-მეთქი, ვუთხარი, მაგრამ ოლეშა აღარ მისმენდა, სადღაც ჰორიზონტს მიღმა იტყირებოდა. ისევ ფრთხილად შევაპარე:

— შერე როგორღა იყო...

— რა?

— აი, იმ დღის ამბავი...

— აბა, ისა... ძველი ამბავია, რაღა... ჰო... დამიგო დეიდაჩემმა თივაზე ლოგინი, ვინკა კოზონკოვი კიდე, იქ იყო, თავი მოიმთვრაღა. მოუტანეს იმასაც ქვეშაგები, გაიპრანჭა, სხვენში აძვრა, აქ სინდაო. გავხედე, დასძინებია. ვოგოები კიდე, ჩარდახში არიან, ხვინტრიცობენ. ვწევარ და ვფიქრობ, შევიდე იმათთან ჩარდახში თუ არ შევიდე. თან მეშინია, გამბედაობა არა მყოფნის. რა იქნება, ვოგოებო, თქვენთან მოვიდე-მეთქი? აგე, ჭნავის სახრე გვაჭვს თუ გინდაო, გამოძახეს. სახრისა არ მეშინია, ოღონდ კი შემომიშვიტ-მეთქი. როგორც რა მომადგა ენაზე. გადავედი. ჩემი დეიდაშვილი მიხვედრილი ცოგო იყო, ვგრევე გარეთ ღურთა თავი. 'სამოვრის დაკეტვა დამვიწყებია, აგე, ჭეჭა-ქუხილი იწყებო, მოიმიზეზა, შეძვრა შინ და აღარ გამოდის. მთელს სახლს სძინავს: მასპინძლები, ცოლ-ქმარი, საზამთრო სახლში ათევენ, სტუმრები — ზოგი სად და ზოგი ისად, ერთნი საზავხულო სახლში, მეორენი — პირდაპირ მოლზე. ჩარდახში კიდე, მე და ტანკა ვართ მარტონი. ვინკაც აქაა, წევს თივაზე და ხვრინავს ბარაქიანად. მივუჩოჩდი ტანკას, ჩამოვუჭექი ლოგინზე, თან მუხლები მიცახცახებს შიშისაგან. ტანია, ტანია-მეთქი, ვეუბნები და საბანზე ხელს ვუთათუნებ. სიტყვას არ ამბობს. ვუთხარი: ხომ ხედავ, უშენოდ ჩემი ცხოვრება რაღა ცხოვრებაა, მოდი, ერთად ვიყოთ, სულ ხელის გულზე გატარებ-მეთქი. იდაყვზე წავეტანე, კვლავ არაღერს მეუბნება. თან სულ ვკანკალებ შიშისაგან, რის ომი და რა ომი, ომს სად იქნება იმისთანა. მოხვევინა დავუპირე. რასა შვრები, ოლეშკა, გაჩე, ხელს ნუ მახლებ, ხომ გესმისო. წადი, სირცხვილიაო. აი, კარმა გაიჭრიაღა, წადიო... ოპ, ლენჩი ვარ, დასტურ ლენჩი: ავდექი და გამოვედი, გარეთ ვილაცა კიდე აწიწინებდა გარმონს. დილაამდე ვცეკვავდი. გამთენიამ რომ მოატანა, ავედი ჩარდახში და რასა ვხედავ: მისდგომია ვინკა ამ ჩემს ტანკას და ქღღემს, არის ერთი პროშტაობა... გამოვევარდი, ქოხში შეველ, დავტაცე ხელი დოქს, ვხედავ — ცარიელია, არაფერი ასხია. ჩემი დეიდაშვილი 'კიდე, ძროხის მოწველას აპირებს. ჰოი, შე უნდილო, შენაო, ეს რა საქმე გაუშვი ხელიდანო. ერთი მაგრად გადაიტკარცალა, წამოუსვა სარძეულს ხელი, ზღურბლიდან მომხედა და აეგრე მითხრა: თვითონ ტანკამ დამავალა და მაძებნინა შენი თავი, არადა, როგორ მომეძებნე. ისე გავარდი, თითქოს

თავისდღეში არ გიცეკვიაო. ახია შენზე, ეგრეც მოუხდება შენისთანა დოკ-
ლაპიასო. ენა გამოიყო და გამიჯახუნა კარი. ამასობაში სტუმრებმაც ვა-
მოიღვიძეს ნელ-ნელა. მე კიდე, ბეჩი, შინ გავიქეცი.

...მალე ერთი პირი კედელიც ამოვაშენეთ. მზე გადადიოდა ჰორიზონ-
ტზე, ღუოდა წყნარი, ნათელი დაფიონი. ქუდი მოვიხადე და წლებულს პირ-
ველად შევიგრძენი მზის უილაჯო, მაგრამ სანუგეშო სითბო.

— რაო, აცხუნებს ეგ მადლიანი? — გაიღიმა ოლეშამ.

იმანაც ქუდი მოიხადა და მზეზე აქათქათდა ჩვილივით უბრყვილო მისი
სიმელოტე. სწორედ ამ დროს ავტომანქანის შორეული გუგუნიც მოიჭრა
აბანომდე. პირი არ შეგვითქვია, ისე დაველოდეთ მანქანას; თხუთმეტიოდე
მეტრზე გადიოდა გზა. ოლეშა ცნობისწადილით უმზერდა მოახლოებულ
სატვირთოს, ცდილობდა გაერკვია, ვინ იყო, სად მიდიოდა და რატომ მიდი-
ოდა. მანქანამ დაამუხრუჭა და კაბინიდან ყაჩაღივით გამოიხედა ცხვირ-
პაჭუა სიფათმა, ყურებიანი ქუდით დაგვირგვინებულმა.

— ბაბუ, ჰა, ბაბუ! — დაიძახა შოფერიმა.

— რაო, გენაცვა? — ხალისით გაეპასუხა ოლეშა.

— რა მიწა გიძლებს ამდენ ხანს! — გაიკრიჭა შოფერი და კაბინის კა-
რიც მიჯახუნდა. მანქანამ მხეცივით დაიღმუფლა და გზას მიჰყვა. გავცოფდი,
ეგ რა ხუმრობაა-მეთქი, წამოვავლე ხელი საღუმელე ქვას და შოფერს მი-
ვაყოლე, მაგრამ ვერ მისწვდა, შორს წასულიყო მანქანა. არადა, ბერიკაცს
რომ შევხედე, უარესად შევჩქვიფდი — აღტაცებული გასცქეროდა მანქა-
ნას და პირღიმილიანი ამბობდა:


— აფერუმ, ეგ ქოფაკი, ეგ დამთხვეული, ეგა! ხელათში მიხვდები:
აქაური არ არი!

არც კი გამოვეთხოვე, შინ წავედი. ჯანდაბამდისაც გზა გქონიათ სუ-
ყველას! ღმერთმა უწყის, რა ამბები ხდება! აღარ მინდა თქვენთან საქმის
დაჭერა! მთელი ის საღამო გაბოროტებული დავდიოდი, როგორც სოფელში
დატოვებული ვაცი, როცა მთელი არვე, ყველაზე დაჯანდაგებული ბებერი
თხაც კი საძოვარზეა გასული და ერთმანეთის პირისპირ მართო ეს ვაცი
და უკაცრიელი, პაპანაქებით შეხუთული პატარა სოფელი დარჩე-
ნილა.

— მიმიფურთხებია! — დამარცვლით ვიმეორებდი ხმამალა და თავა-
დაც არ ვიცოდი, ვისზე და რაზე ვბრაზობდი.

XI

მთელი ამ ხნის განმავლობაში პირველად ახლა წამიხდა ნამდვილად
გუნება. აღარც მისაუზმია, ღუმელზე ავძვერი და ბნელში მწოლარე ვაყუ-
რადებდი ჩემს ძველ სახლში დასადგურებულ ღუმირა სიჩუმეს. მალე გა-
ვარკვიე, თურმე ოლეშაზე ვბრაზობდი, იმიტომ, რომ იოტისოდენადაც არ
გაუბრაზდა იმ ხეპრე შოფერს. ამას რომ მივხვდი, უფრორე გავვანჩხლდი.
ოღონდ არც კი ვიცოდი რა მამბრაზებდა და გულშიაც რაღაცნაირი უხერ-
ხული, უამური გრძნობა მედგა. და როცა ოლეშამ მომიხახულა, უცებ ისე-
თი შევგრძნე დაამეუფლა, თითქოს ოდესღაც, დიდი ხნის წინათ უკვე



მქონდა ასეთივე განცდა უხერხულობისა და უსიამო ზულისრევისა, — ჩემი
შივე თავის გამო და ყოველივე იმის გამო, რაც ირგვლივ მერტყა.

ჰო, რაღა თქმა უნდა, ერთ დროს მართლაც განვიცადე რაღაც ამდაგვარი. დიდი ხნის ამბავია, ის-ის იყო სკოლაში შევედი. ახალგაყინულ მდინარეზე სრიალში ყინული ჩამიტყდა, წყალში ჩავვარდი და ბებიაჩემმა გამტყიბა. შინ წამომიყვანა ხელში ატათებული და ლუმელზე დამაბლერტა. ვტიროდი და უფრო შეურაცხყოფა მატირებდა, ვიდრე ტკივილი. უშარვლოდ ვეგდე ლუმელზე და ვზლუქუნებდი. მერე და მერე ჩავთბი, ტანი მომიდუნდა და თვლემა მომერია, მაგრამ არ მინდოდა წყენა დამვიწყებოდა და ძილს ვუძალიანდებოდი. გულში რომ სიბრაზე არ გამნელებოდა, სულ ბებიაჩემის მჯიღებს ვიხსენებდი და ასე ვაცხოველებდი მინავლულ ბრაზს.

საღამოს საუზმეზე დამიძახეს, მაგრამ არ ჩამოვედი ლუმელიდან, ჩემი ჭკუით შიმშილობა გამოვაცხადე. მაინცდამაინც დიდი პატიყი რომ არ დამიწყეს, ამაზე უარესად დავიბოღმე, გადავემტერე მთელს ქვეყნიერებას. ვიწეჭი და ვფიქრობდი, კაციშვილს არ ვებრალები-მეთქი; წარმოვიდგინე, როგორ გავიქცეოდი შინიდან, დავიკარგებოდი სადმე ტყე-ღრეში, მთელი სოფელი დამიწყებდა ძებნას და სამ დღე-ღამეს ვერ მიპოვხიდნენ. ბებიას კი, შებრალებას ვილა ჩივის, სააშკარაოზე გამოჰქონდა ჩემი ხვამიადი: დახეთ ამ ეშმაკისფებს, წამოგორებულა და ფიქრობს, დამაცათ, მე თქვენ გასწავლით ჭკუას, არც ვჭამ და არცა ვსვამო. ვიწეჭი ასე, გულში კი მეწადა ერთხელაც დაეძახნათ, მაგრამ არავინ მეძახდა და ისე ვიწვოდი ჩემივე თავის ცოდვით, ისე ცხოვლად წარმოვიდგენდი ტყე-ტყე ჩემს ძებნას, რომ ცხარედ ვტიროდი. მახსოვს, სანამ დედაჩემი სამუშაოდან არ დაბრუნდა და არ მომეფათილა, ლუმელიდან ფეხი არ ჩამომიდგამს. დედა რომ მოვიდა, ჩამოვედი, ერთხელაც ავტირდი და გული ნელ-ნელა, კარგა ხნის შემდეგ ჩამიდგა საგულეში, მთელი ქვეყნიერება და ჩემი ახლობლებიც ხელახლა თავ-თავის ადგილას დადგნენ, ოღონდ ეგ იყო: სამარეში ისე ჩავიდა, ბებიას ვერა და ვერ მივუტევე იგი წყენა.

ახლა, ეს ყველაფერი რომ გავიხსენე, კვლავ გავხალისდი, მაშინვე თექურებში ჩავდგი ფეხები, წამოვხტი ლუმელიდან, ტანთ ჩავიცვი, გავუგდე კარს ურდული და რაღაი ბრიგადირს დღეს კრება ჰქონდა ნათქვამი, იქით გავეშურე.

კრება ბრიგადირს თავის სახლში მოეწვია. სახლი გაფარლალავებული სოფლის მეორე თავში ედგა, აქედან ხუტორივით ჩანდა და საკვამურიდანაც ისე ამოშლოდა კვამლი, ნახატსა ჰგავდა. აუჩქარებლად გავიარე მთელი სოფელი, მივაბიჯებდი და მარცხენა ბეჭში რაღაც უჩვეულო სუსხსა ვგრძნობდი. სუფევდა სიჩუმე და სინათლე, ყინავდა ცოტათი. ბადრი მთვარე კაშკაშებდა ცაზე და ძირს ისე გაქათქათებულიყო შემოგარენი, თვალს ვერაფერი დაემალეებოდა. სოფლის თავზეც დიდროვანი ვარსკვლავები ჩახჩახებდნენ, გალოკალ შაქარყინულებსა ჰგავდნენ. სიჩუმე იდგა უდიადესი.

ანაწლად ავენიროს ქოფაკი, გზაზე რომ დაყუნცულიყო და თვალს კუსავდა, შემეხშიანა მშვიდი და ძალოვანი ყეფით, მაგრამ სულ მალე ჩემი დარდი აღარა ჰქონდა, დასაყადლებულ შეშასთან მიირბინა, ნახევარი წამით შეყოვნდა, ფიქრიანად ასწია უკანა ფეხი და ისე წავიდა, თითქოსდა

გალი რამ მოეხადოს ღირაეულად. ვიცოდი, მარტო ჩემმა გარეგნულმა გულგრილობამ ქნა, ასე მშვიდობიანად რომ გამეცალა: აბა, როგორმე რომ ავყოლოდი 'მის წამოყეფებას, კარგ დღეს არ დამაყრიდა. თუმცა, არც ასე დამყრია დიდი ხეირი: საკმაო იყო ქოფაკის ხლიჩინა, 'ამაზრზენი ლავლავი, რომ თითოეული სახლიდან თუ საჩეხიდან, წინკარიდან თუ ახორიდან სხვადასხვა ყალიბის უამრავი ხმა იგამოჭრილიყო. აღტყინებულხი მიყეფდნენ ყოველი მხრიდან, ზოგიერთი ხომ მართლაც ძალიან თავგამოდებული იყო. ერთი წილი სხვათა წაბადვით ყავყავებდა, სხვებმა თავადაც არ იცოდნენ რა აყეფებდნენ, ისე, მოსაწყენი ცხოვრებით იგაბეზრებულეებმა გამოიღეს ალბათ თავი. ჯერ ერთობ კოლორიტული წინმე გამოჩნდა გზაზე, მეძებრისა და რომელიღაც დეკორატიული, მარტოდენ გამოყენებითი მნიშვნელობის მქონე ჯიშის შეჯვარებით მიღებული. ეს სუტრაპიანი გახლდათ, ოლეშას ძაღლი. ერთი კი შემიყეფა და მაშინვე გაჩუმდა. სუტრაპიანი კი გაიქცა, მაგრამ ახლა პატარა, ფეხწვრილა ძაღლი გამოვიდა ასპარეზზე, ევდოკიას მინუტკა. ამას ახლორე არ ვიცნობდი და ისე გაბედულად მომეტევა, უნებურად უკან-უკან დავიხიე, იგი კი, ჩემი სისუსტე რა ნახა, თანდათან გაკადნიერდა და ბოლოს კბილიც გამკრა თექურაზე. ესევეთარი სიმედგრე სრულიადაც არ შეესაბამებოდა მის დაგვალულ ტანს. ახლა ბრიგადირის ფეხუცა კაშტანი მომდგა, გონივრულად იცავდა უსაფრთხო მანძილს, მთლად გაწიწმატებულიყო და მალიშალ, 'მისგანვე დამოუკიდებლად ეცვლებოდა გრძნობები. კაშტანის კვალზე შეუწყვეტლივ წკავწკავებდა ვიღაცის ერთცუცნა, ლამის ჯიბეში ჩასასმელი ძაღლი, თანაც მისი წინა ტანი რომ ერთ გამოზაწყრომას აფრქვევდა, უკანა ნაწილი კუდის ქიცინით გამოხატავდა ერთგულებას და ლაქუცს. საოცარია, როგორ შეეძლო ერთი ძაღლის ერთ სხეულს ასე სრულიად საპირისპირო გრძნობების შეერთება: წინა ნაწილი ხომ ესოდენ გააფთრებული გახლდათ, უკანა — პირმოთნედ ცმუკავდა, შენი გულისთვის მზად იყო ცეცხლსა და წყალში გადასავარდნად. „ერთი ამ არამზადას დამიხედეთ!“ — შეჩქვიფებული ვიდექი შუა გზაზე.

— რა დღეში ხართ, თქვე ალქაჯებო! რა დღეში ხართ, თქვე რქიანო ეშმაკებო! — მიხსნა ძაღლების ტყვეობიდან კრებულზე მიმავალმა ევდოკიამ, — დახე, როგორ გამრავლდით და აიხირხლეთ! მგლები მაინც დაგცემოდით ერთხელ და გაეწყვიტა თქვენი სინსილა! ძაღლებივით ირჩებიან, ღმერთმანი, ძაღლებივით, ყაძახს გზაზე ვერ გაუვლია!

იქნებ იმიტომ, ასე უბრყვილო გულისა რომ იყო, სან იქნებ იმიტომაც, მუდამ ცხოველებთან რომ უხდებოდა ყოფნა და მისჩვეოდა მათ, ევდოკიას სულმთლად დაავიწყდა, მართლაც ძაღლებს რომ ელაპარაკებოდა და, რაკი ძაღლებს ძაღლები დაარქვა, ამით კიდევ სავსებით გამოაკეთა საერთო ვაწწყობილება... ასე დაძმურად რომ „ყაძახი“ თქვა ჩემზე, ამან როგორღაც სიმხნე შემმატა, კვლავ აქაურად ვიგრძენი თავი, აღელვებულმა დავიფერთხე თოვლიანი თექურები და ევდოკიას შევეყევი ბრიგადირის ქოხში.

იქ თხუთმეტიოდე კოლმეურნე შეყრილიყო, ორასამ ჩვილს თუ არ ჩავთვლით, ყველაზე უმრწემეს ჩემს მეზობლებს. ისინი ხმამაღალი ჭყლობინით, ანდა არანაკლებ ხმამაღალი ღნავილით ღროღადრო თავს შეგვაახსენებდნენ ხოლმე, რაც, სხვათა შორის, წამსვე აღიკვეთებოდა დედაკაცთა ერთობლივი მეცადინეობითაც.

წინ აღარ გავედი, შესასვლელში ჩამოვჯექი, კარის ზღურბლზე. სახლის ამ ნაწილში ბალები შეგროვილიყო, ყველა, ვისაც კი ფეხები ჰქონდა აღგმული, ჩემს გვერდით კი, ზღურბლზევე, მჭედელი პეტია იჯდა და თამბაქოს აბოლავებდა. ერთიმეორის მიყოლებით შემოხროვდნენ ძალებიც, ოღონდ აქ უკვე ქუჩურად როდი ეჭირათ თავი. მინუტკა, მაგალითად, სახლში ერთობ ალერსიანი, უწყინარი არსება გამოდგა.

ვიფიქრე, აწ კი მოვუსმენ, რას ლაპარაკობენ-მეთქი, მაგრამ პეტია-მჭედელმა მკითხა, შვებულება რამდენი დღისა გაქვსო. პასუხი გავეცი და ახლა მე გკითხე, კრება რაზეა-მეთქი.

— ცარიელი ქაქანია! — ხელი ჩაიქნია პეტიამ და: თუ თევზაობო, მკითხა.

მე ხმამაღლა ვუჩუჩუღე, არ ვთევზაობ-მეთქი, და იქაურობას დავუწყე თვალღებება.

შორიახლოს საქონლის სასმელი წყლით სავსე შავი სალუდე ქვაბი ჩანდა, უფრო იქით ნამჯის ლეიბი იყო აკეცილი, მარჯვნივ კი, საწოლზე, ბრიგადირის ბეზია იჯდა, დროდადრო თეთრ პატარა თავზე ეფერებოდა თავის ბადიშის შვილს, პატარა გოგოცუნას, და ამბობდა:

— ჩემი ტანიუშა ოქრო გოგოა, არაგინაა ქვეყანაზე ამის ფასი.

მერმე მოლაპარაკებებს დააყურადა, მაგრამ, ეტყობა, ველარაფერი გაიგო თავისი სწყრუის გამო და ისევ გოგონას დაუწყო ფერება, ისევ ამბობდა, ასეთი და ასეთი გოგო არისო ჩემი ტანიუშა.

ამასობაში წინ, საცა სინათლე ენთო, საქმე პრეზიდენტის არჩევაზე მიმდგარიყო.

— აბა ვინ? — უკვე მესამედ ეკითხებოდა კრებულს ბრიგადირი.

არაგინ არაფერი თქვა. მაშინ ანაზღად პეტია-მჭედელმა დაიძახა პირდაპირ ზღურბლიდან:

— ცოზონკოვი იყოს მდივნად, თავმჯდომარე — შენ იყავი!

მინუტკამ წამოიღრინა ამ მჭახე დაძახილზე, გაისმა ქალთა ხმები:

— ჰოდა, ძალიანაც კარგი!

— დრო რაღაზედ ვწელოთ?

— კარგია, მეტი რაღა გინდათ!

— ყველანი თანახმა ხართ? — იკითხა ბრიგადირმა; თავის მაგიდასთან წამომდგარიყო, ჯერაც ედგა ზედ სამოვარი. — მიდი, ავენირ პავლოვიჩ, დაიკავე ტრიბუნა. აგერ შენ ფანქარი, სუყველა რეპლიკა ჩაიწერე. მაშ, ამხანაგებო, გვაქვს სამი საკითხი: პირველი — ჩემი, როგორც დეპუტატის ანგარიში, მეორე — მეჯინების არჩევნები, და სხვადასხვა საკითხები.

ოდნავ გავიხედე წირთხლს მიღმა. დედაკაცები შემოსხდომოდნენ დია-სახლისს, ასევე რომ ჩვილი ეპყრა ხელთ, და რიგრიგობით აჰყავდათ ხან ერთი, ხან მეორე ბავშვი, თითოეულს საფუძვლიანად აქებდნენ, არწევდნენ, ბავშვები კი ფეხებს პარჭყავდნენ და მხიარულ ბუმბუტულებს უშვებდნენ ვარდისფერი ბაგეებით. ანფეაც აქ იყო, ბავშვიანად. ბიჭუკელა ისე მოეხიბლა უღალ კატას, რომ თავი ზოოპარკში ეგონა და დედას ფუნთუშასა თხოვდა, კატას ვაჭმევო. ანფეა უყულო ფეხსაცმელებით და კაპრონის წინდებით წამოსულიყო კრებაზე. ახალი შავი ქვედაკაბა ამოდ ლამობდა მისი სქელი მუხლის დაფარვას, ოღეშას მელოტ თავს რომ მოჭავდა.

— ამხანაგებო, საანგარიშო პერიოდში...— დაიწყო ბრიგადირმა ერთმანეთს ნიჰყვა ჰსეთი გამოთქმანი: „აუცილებლობის ძალით“, მოცემულ პერიოდში“, „გრაფიკში ჩასატევად“...

ამის შემდეგ ბრიგადირი ციფრების კითხვას შეუდგა, მაგრამ ერთ-ერთმა ბავშვმა, უფრო სწორედ — ბრიგადირის მემკვიდრემ, აღტყინების ისე ომახიანი, გაუგებარი ყვილი ამოუშვა, რომ მამის ხმაც დაფარა, და ყველანი, პირღმილიანები, უკან მოახედა. დამნაშავეს, კრების შემფერხებელს, ლიაფერი თვალები დაეჭყიტა, დედის მუხლებზე აბრაგუნებდა ნაოჭებიან ფეხებს და გაბადრული შესცინოდა ყველას.

— რა იყო, მიტენკა, უპ შენა! — ტუჩები წამოწიდა და დაუბუხუნა მამამ გაყიშვილს, მაგრამ მაშინვე გაიმართა. — მოცემულ პერიოდში, ამხანაგებო, რძის პროდუქციის მხრივ გვაქვს ჩავარდნები, კერძოდ: ცუდი, დაბალი ცხიმოვანობა...

— მანდ შეგაჩერებ, — გაისმა პეტია-მჭედლის ხმა, — შენ რა, კოლმეურნეობამ დაგავალა ეგ კრება თუ კოოპერატივმა?

— პარტკომიტეტმა, — განმარტა ავენირმა.

— არა, ავენირ პავლოვიჩ, სოფსაბჭომ! — ხმამაღლა გაუსწორა ბრიგადირმა კოზონკოვს. ამასობაში ქალებმა ძსარგებლეს ამ ახალი შეფერხებით და რადიო ჰვავის ფქვილის თაობაზე გააბეს ლაპარაკი.

საწილზე მჯდარი დედაბერი დროდადრო ჩათვლემდა ხოლმე, მაგრამ თავისივე ხვრინვა მაშინვე აღვიძებდა და კვლავ თავზე ესათუთებოდა თავის წყნარ ბადიშიშვილს:

— აფერუმ, ჩემი ტანიუშკა! აფერუმ, ჩემი ოქრო გოგო...

ვედრო ჩამოვარდა კართან.

— ჯანდაბას თქვენი თავი! — ბრიგადირმა ხელი დაჰკრა თავის თეზისებს და დახურა, — არ მძსმენტ და, მიდიოთ, თვითონვე ჩაატარეთ.

მაშინ ავენირ კოზონკოვმა მოკლე შეგონება წარმოთქვა დისციპლინის თაობაზე:

— რაკი მოსულხართ, ბარემ დაუგდეთ ყური, ნულა არღვეთ პროცედურას! — და შემრიგებლურად დაუმატა: — ჩვენ თვითონ ვკარგავთ ჩვენს დროს.

პეტია-მჭედელმა გარვთ გააძევა ქოხში მოხროვილი ძაღლების ერთი ჯგუფი, თანაც თქვა: ეგენი ტყუილად მოსულან, აღარაფერი ესაქმებათ აქაო. ისევ წესრიგი დამყარდა, მხოლოდ ბრიგადირის ბავშვი, მიტია, მართოდენ მისთვის გასაგებ ენაზე აღუღუნებდა რაღაცას.

— მიტრეი, ჰა, მიტრეი! — ხმადაბლა, საბოლოოდ, თითქოს შესვენებას წერტილი უნდა დაუსვასო, თქვა ევდოკიამ და ჭიპზე მოუღიჭინა ბიჭუნას. — დახე, არ გამოგვიფინა შანდალი? აბა, თქვი, მიტია: შანდალი, შანდალი — გოგოების ხანჯალი.

დაამთავრა და ისევ დადინჯდა.

— მეორე საკითხზე გადავდივართ, ამხანაგებო. — ბრიგადირმა ძველისძველი სავარცხლით გადაივარცხნა ნახევარ ბოქსზე შეკრეჭილი თმა. — ამასაც მე ვიტყვი, როგორც ბრიგადირი. თქვენ თვითონ იცით, ამხანაგებო, მეორე ბრიგადის წევრებო, რომ მოცემულ მომენტში ჩვენი ცხენები უმეჯინიბეოდ არიან დარჩენილნი. ჰოდა, თქვენ თავად გადაწყვიტეთ. იმიტომ,



რომ ევდოკიას, ჩვენს მეჯინიბეს თიაქარი სჭირს და მედიცინამ მუშაობა აუკრძალა.

ბრიგადირი დაჯდა და სუყველა გაჩუმდა.

— კაციშვილი არაა, ვინ უნდა დავაყენოთ, — მძიმედ ამოიოხრა ვილაცამ.

ბრიგადირმა ჩემსკენ გამოწყურა თვალი და მოჩვენებითი მხნეობით წარმოთქვა:

— მე ასე ვფიქრობ: მოდით... აბა, მიტია, მიტენკა!.. მოდით, ავენირ პავლოვიჩისა ფთხოვოთ. გაგებული კაცია, არც თჯახი აწევს კისერზე.

— არა, ავენირ პავლოვიჩის მუშაობა არ იქნება! — მტკიცედ თქვა კოზონკოვმა.

— რათა, კაცო?

— რათა და, ჯანმრთელობა არ მაძლევს მაგის ნებას. ნერვიული სისტემის ბაზაზე.

ევდოკიას თავი ჩაელუნა, წინსაფრის კოჩისა წეწავდა, რცხვენოდა, რაკი თავისი ავადმყოფობით საქმე გაუჯანჯლა ყველას, ნამდვილად ქეჯნიდა ეს ამბავი.

— ჰოი, ავენირ პავლოვიჩ, — შეპარვით, გაუბედავად დაიწყო ერთ-ერთმა მწველავმა ქალმა. — დადექი მაგ თანამდებობაზე. აგე, ოლეშაც ვერაა ჯანზე, მაგრამ ფერმაში გამოდიოდა მთელ ზამთარს.

— შენ, კუზნეცოვა, ოლეშას ნუ მადრი მე! ნუ მადრი-მეთქი! ოლეშა ჩემზე ბევრად უფრო ჯანმრთელია! — ავენირი ისე აღელდა, ქალაღებს დაუწყო ფათური და ფანქარსაც ადგილი შეუნაცვლა მაგიდაზე.

კუზნეცოვას მეტი ენა არ გაუძრავს, მაგრამ ამ დროს ანაზღად გამოფხიზლდა ნასტასია, ქმარს გამოექომაგა, უჩვეულოდ ზარიანი ხმით დაიძახა:

— კი მაგრამ, საიდანაა ოლეშა უფრო ჯანმრთელი? უყურე, შენ, ამანაც ჯანმრთელი ნახა, რაღა! ფეხზე ძლივს დაჩუჩუნობს ბერიკაცი და, დახეთ ერთი, ჯანმრთელიო!..

ატყდა ღრიანცელი, ყველა აყაყანდა, ყველა თავისას გაიძახოდა, სხვას არ უსმენდა. ბაღლებმაც მორთეს ღნავილი. მიწუტკამ ყეფა ასტეხა. აღტაცებულმა პეტია-მჭედელმა შიგ ყურში ჩამიჯლოყინა:

— აბა, აწი კი წავა დაკადაკა. დედაკაცები გამოვიდნენ საყადელზე, აღარ იქნება საშველ-სახიდებელი!

მართლაც ისეთი ხმაური ატყდა, კაცი ვერას გაიგებდა. ბრიგადირი გაიძახოდა, რომ „აცილების გარეშე“, ესე იგი ძალით გაამწესებდა კოზონკოს მეჯინიბედ. კოზონკოვი კი კანტორის მუშაკებს ითხოვდა და გაჰყვიროდა, ბრიგადირს უფლება არა აქვს „აცილების გარეშე“ დამაყენოს მეჯინიბედო. აქეთ ნასტასიაც ერთთავად იმას გაიძახოდა, ჩემი ოლეშა დაჯანდაგებულია, ავენირს კი წინანდელზე მეტი ჯანი აქვს: აგე, შეშას ხერხავს და იმოტოლა კუნძებს ატრიალებს, რაღა დათვი და რაღა ეგაო. ევდოკიაც ლაპარაკობდა, ოღონდ რაღაც დაკარგულ კეხსა ჩიოდა. მწველავი კუზნეცოვა იძახდა, მეორე კვირაა, მე თვითონ ვეზიდები საქონლის საკვებს და აწი ივინდაც ციხეში ჩამსვან, მეტი აღარ ვივლი თივის სათრაქავად, ამას რუსული საბჭოთა ენით გეუბნებითო. ბრიგადირის ცოლი კოპერატივში

მოტანილ რაღაც შალეულზედაც ასწრებდა ლაპარაკს და ბაღსაც უგურგურებდა. რადიომაც რატომღაც ახლა წამოიწყო ანაზღად სიმღერა. ვიღაც დიაცი უჩვეულოდ ბოხი ხმით ძმდებდა: „სარკმლის მიღმა ხან დარია, ხან ავდარი, ახლა ძილის დრო-ა-ა!“ მინუტკა ყეფდა და თავადაც არ უწყობდა, ვის უყეფდა. ყველაზე შეუსაბამო, რა თქმა უნდა, მაინც ეს რადიოდან მოდენილი ბოხი ხმა იყო, ქალწულის სიმღერას რომ აცოდვილებდა ეს ვიღაც დედაკაცი. ამ ჰანგის მსმენელს არ შეეძლო არ ეფიქრა: „შენ ალბათ უღვაშეებიცა გაქვს, ლამაზო!“

XII

გარეთ გამოვედი. მთვარე კიდევ უფრო გადიდებულიყო და გაბადრულიყო, ვარსკვლავები ახლა ოდნავ მოციფროდ კიაფობდნენ, ყველგან თოვლი ციმციმებდა. ჩემს ირგვლივ არაამქვეყნიურ სამეფოს ჰგავდა მიდამო. გაბუცებული ვიყავ, ვერ გამეგო, რა შემართებოდა, თავშიაც ისეთი დომხალი მედგა, აი, ქალის ზარდახშვას რომ შეაყანყალებენ და ყველაფერი აირევა: ჩვრები, ცვილის ნატეხები, სათითებები, ცარცის ნაგვეხები, ხურდა ფული, ნემსები, საფოსტო მარკები, მაკრატლები, ქვითრები, ვაზელინის ნაირნაირი ქილები...

კარგა ხანს ვიდექი შუა ქუჩაში და მშობლიურ სახლთა იდუმალ ლანდებს ვავლებდი თვალს. ფიქრი ნაბიჯთა ჭრაჭრაჭრუჭმა გამიწყვიტა, მოვიხედე და ანფეა დავინახე.

— ბუნების ცქერით ტკბებით, არა? — მკითხა და ისე ჩაიცინა, ეტყობა, მიწონებდა ამ საქმეს.

— ისე, სუფთა ჰაერზე... — არ ვიცოდი, რას ამბობდენ ხოლმე ასეთ დროს.

ანფეამ ბიჭი შინ გაგზავნა.

— გაიქე, აგე, სახლს ხომ ხედავ? ღიაა ჭიშკარი. ბებიაშენი გაგხდის, კისელს დაგაღვივინებს.

ბიჭი სკუპ-სკუპით გაიქცა. ანფეა მომიბრუნდა და ისევ ჩაიკისკისა:

— კოსტია, არ ეგეშინია, სახლში რომ მარტო ათევ?

— არა, არ შეშინია.

— აბა, მე ვერასდიდებით ვერ გავათევდი მარტო. მარტოკას რა გაშათევიანებს ამხელა სახლში.

ჩავახველე, იმის ნიშნად, ეგვიგე-მეთქი ნათქვამი.

— ვინმე დიასახლისი მაინც მოგენახა, — მითხრა თითქოსდა ხუმრობით. — თუნდაც დროებითი...

— რაღა დროსია... დავბერდი.

— იპ, რა ბებერი ამბობს! — იგი ოდნავ შეყოყმანდა. — აბა, დროებით, ნახვამდის... შემოგვიარე ხოლმე.

წავიდე, მაღალქუსლიან ფეხსაცმელებს მიაჭრაჭუნებდა თოვლზე. ცალ ხელში ხელთათმანი ჩაებლუჯა და ყოველი ნაბიჯის გაღადგმავზე ღლაღად აქ-

ნეგდა ამ ხელთათმანთან ქელს. შე კი ჩემს სახლში შევედო და ურდული გავუგდე ჭიშკარს. დასაძინებლად რომ ვწვებოდი, გავიფიქრე, ყველა გენი-ალური აზრი თავის დროზე კი არა, ცოტა მოგვიანებით მოხდის-მეთქი. კაცს თავში: „რა ჯანდაბად არ მოვიწვიე, ბარემ აქა ხარ და ილიასახლისე-მეთქი. დავბერდიო, მარტოკას არ მეშინიაო! მეც ერთი...“ დაძინებას ვცდი-ლობდი, ვტრიალებდი, ვხვნეშოდი და ვკრუხუნებდი, მთვარე ზედ თავზე გადმომცქეროდა... ფანტაზია სულ უფრო სწრაფად ატრიალებდა თავის დოლაბებს. „დალახვროს ღმერთმა! სიბილწეა მაინც. შენ კი, ძმაო, კაი თახ-სირი ვიდაცა ხარ. თანაც უბრალო კი არა, ნაღდი, წყალი რომ არ გაუვა. თუმცა შენ რასა კარგავ, თუკი თვითონ ქალი...“ და უცებ, შეშინებულმა ჩემი ცოლი დავაყენე ამ ქალის ადგილას. „აბა, განა ჩემი ტონკაც ეგეოივე არაა? ესენი ყველა ერთნაირია, შენ მხოლოდ დრო და ადგილი მიეცი შე-საფერისი“. — გავიძახოდი ჩემს გულში, ვბრაზობდი და უკვე მძულდა, მე-ზიზღებოდა ცოლი.

— ევას ნაგრამები! ქარაფშუტები! — ვილანძლებოდი ხმამაღლა და ცხოვრების სიმწარესა და უაზრობაზე ვფიქრობდი.

მეხვეოდა ძილის არტახები, მაგრამ ამ ჯავრს ვერ აყუჩებდა. ძილ-ში უფრო მწვავე იყო ეჭვი და ტკივილი. კვლავ გამეღვიძებოდა, ვეებერ-თელა ყვითელი მთვარე მომეფეთებოდა ზედ თვალებზე.

„არა, ცხოვრებაში ისე არ ხდება რაიმე, როგორც შენ გვონია, პირი-ქითაა ყოველივე...“ მეჩვენებოდა, თითქოს ჩემს ძველ სახლსაც არ ეძინა ახლა, ერკინებოდა ამ გრძელ, მთვარიან ღამეს, იხსენებდა საუკუნოვან გარ-დასულ ამბებს და მთელი თავისი მცენარეული არსით თანამიგ-რძნობდა.

სასაცილოა და უაზრო... ეტყობა, ცხოვრება ისეა მოწყობილი, რომ რაც უფრო ბრიყვია კაცი, მით უფრო ნაკლებ იტანჯება. რაც უფრო მეტად გინდა სიცხადე და გარკვეულობა, მით უფრო მეტად გიცრუვდება იმედი. იქნებ, სჯობს, აღარაფერი ეძიო? იცხოვრო და ნეტარი ბრიყვი იყო? კი მაგრამ, ვითვალთმაქცო განა? ისე დავიჭირო თავი, თითქოს აღარაფერი ვიცი?

გამახსენდა, ჩემს პატარა ბიჭობაში ლავგარდანზე მომუშავე მერცხლე-ბის ცქერით რომ ვტყებებოდი, — ისე მარჯვედ 'და ხალი'სთანად აშენებდნენ სარკმელთა ზემოთ თავიანთ ციციქნა სახლებს. თაფლის ხვეწებივით ეწებე-ბოდნენ ერთმანეთს ბუდეები. რამდენიმე დღე სულ იმაზე ვიტეხდი თავს, ნეტავ რისგან კეთდება-მეთქი ეს პაწაწინა სახლები. მინდოდა ხელით გამე-სინჯა, გამეგო, რა იყო ამისთანა. დაბლიდან ერთობ იდუმალი და საგუ-ლისხმო ჩანდა ყოველივე. ბებიას ვკითხე, რისგან აშენებენ ეს მერცხლები ბუდეს-მეთქი. ტალახისგანო. ისე უხეში და არაპოეტური იყო ეს ამბავი, რომ განაწყენებული დავდიოდი, არა მჯეროდა და საღამომდე სულ ბები-აჩემს დავდევი კუდში, ბუდე ჩამომიღე-მეთქი. ბოლოს გრძელი ჭოლოკი ავიღეთ სვიის ბოსტანში და ბებიაშ ლანძღვა-ლანძღვით მოჩქლითა ერთი განაპირა ბუდე, ჩამომიღო. იმწუთას ვეცი, ავიღე მერცხლის ნამუშავევი და... ლაშის თავზე დავთხლიშე ბებიას. ბუდე მართლაც ტალახით იყო შე-გოზილი, ნამჯის წკორებითა და ჩიტის სკიშტლით შეთითხნილი. ფული და-მიმძიმდა, ყველაფერი ბებიაჩემის ბრალი მეგონა...

XIII

სახლში ჯერაც თბილა, დილითაც კი არ იგრძნობა სუსხი, თუმცა ფანჯრის გარეთა ჩარჩოზე, ალაგ-ალაგ, ხორკლიანი ნაყშები მიუხატავს ყინვას. ნელ-ნელა ვიქარვებ წუხანდელ სიმძიმის. ნება-ნება ვხეჩავ კვარს, მერმე ღუმელზე ვხტები საყვების გამოსაღებად. ვთლი კარტოფილს, ვსტვენ დათან ვფიქრობ, პირდაპირ მოვხარშო ეგ კარტოფილი თუ საქონლის კონსერვით ჩავაბუყუყო. სასიამოვნოა, რომ ამის გადაწყვეტა შემიძლია აი, ახლა, როცა კარტოფილსა ვთლი. ისიც მიხარია, საუზმის შემდეგ აბანოს შესაკეთებლად რომ წავალ, ანდა იქნებ სულაც არ წავიდე აბანოში, ტყისაკენ გავუყვე ვიწრო საზამთრო ბილიკს და ფიჭვის ტოტები დავტეხო საცოცხედ, ანდა არაფერიც არა ვქნა და მარტო კურდღლის ნაკვალევი ვნახო, წიწკანების ჟღერტულს დავუგდო ყური, ლიბი თოვლის ცივი ნატეხები ვწუწუნო...

გავაჩაღე ღუმელი, კონსერვიანი კარტოფილი ნელ ცეცხლზე შემოვდგი, თამბაქო გავაბოღე.

ნეტარ მჭვრეტელობაში რომ ვიყავ დანაქმული, ანაზღად კარის ჯახანი მომესმა. ვიღაც მოდიოდა, ხელჯოხს მოაკაკუნებდა. მივხვდი, ავენირ კოზონკოვი მესტუმრა.

ბერიკაცი გაუფრთხილებლად შემოვიდა, ისე, როგორც სოფელში აქვთ ხოლმე წესად. მომესალმა და გახუნებული ქუდი არც მოუხდია, ჩამოჯდა, თუთუნი გაახვია. ჩაიზე დავპატიყე, არ იუარა და პირდაპირ თერმოსიდან ჩამოვუსხი.

— ელექტრონი ათბობს? — კოზონკოვმა თითი მოუკაკუნა თერმოსს.

— არა, ისე.

ეს კი ელექტრონითაა, არა? — ჩართულ ტრანზისტორს მიჰხედა.

— ეს კი.

— სანამდე ზივიდა მეცნიერება.

დაატრიალა დილაკი, „მაიაკის“ სიგნალები გაისმა. გავჩუმდით და ყური დავუგდეთ. ნატიუსუსალის სუნი იდგა ცოტათი და საკვაძურის გამოსაღებად ავედი.

— აგერ მე, მაგალითად, მხუთრი ვერას მაკლებს, — თქვა ავენირმა, — ბავშვობიდანვე ასე ვარ. ზოგი კიდე, უყნოსავს და მაშინვე იხუთება. არა მწამს ეგ მხუთრი, მაგარი თავი მაბია.

— მაგარი?

— დასტურ, მაგარი თავი მაბია. არ მაქვს ცუდი თავი, ტყუილს ვერ ვიტყვი, ვერ დავიბრალებ. ზოგჯერ, აი, ტაბაკოვი მეტყოდა ხოლმე...

— ვინ ტაბაკოვი?

— ფინგანის რწმუნებული, რაიადმასკომში მუშაობდა. ცხრას თერამეტი წლიდან სუყველაფერში ერთსულოვნად ვმოქმედებდით, მარჯვეინა ხელიო, რომ იტყვიან, აი, ისე ვყავდი. როგორც კი ჩამოვიდოდა სოფელში, მაშინათვე მე მომიკითხავდა ხოლმე. ეთქვათ, რელიგიის წინააღმდეგ შეტევას ვაწარმოებთ — ვინ ჩამოაგდებს ზარებს სამრეკლოდან? მე! მახსოვს, ვერავინ გაბედა, ბოლოს მე ავედი. ავტვერი სამრეკლოზე, თანაც ზედ კი-



დღეზე გადმოვდექი და ერთი პატარა გასაჭირიც მოვიცილე, პირდაპირ იქიდან გადმოვათქიშინე, რაღა.

— არა, მართლა?

— მაშ! ანდა, მახსოვს, კრებაა ყოფილ სასეფისკვეროში, წამოდგა ტაბაკოვი. ასე და ასეო, მოქალაქენო, ჩვენ გვსურს ღარიბ-ღატაკთა ჯგუფი შევექმნათ თქვენს სოფელშიო. ხუმრობა საჭმე ხომ არ არი. არაღა, ვინ შევიყვანოთ ჯგუფში? შემოგთავაზებთ, მოქალაქენო, ამხანაგ კოზონკოვსაო. კიდევ ვინა? ვდგები და ვკითხულობ სიას: სენკა პიჩუგინი, ერთი კუზი აქვს ზურგზე და სულ ეგაა მისი ქონება. კატიუშა ბლიახინა, ქალთა საბჭოში გამოგვადგება. ენაც კარგად უჭირის, თანაც მთელი თავისი დღე და მოსწრება გადიაობდა. კოლიაც ამოვირჩიეთ, ისეთი იყო, ენას ვერ აბრუნებდა პირში, თანაც სუყველაზე გაჭირვებული ეთქმოდა. ამ დღის მერე სულ ამხანაგ ტაბაკოვის მეგობარი და შემწე ვიყავი. რაც არ უნდა შემთხვეოდოდა, სულმუდამ კდამიხსნიდა ხოლმე, ბოლოს ოლქში გადაიყვანეს. ახლა ვილატამ მითხრა, პერსონალურ პენსიაზეაო.

კოზონკოვი დადუმდა.

— რა იგონია, მეც რომ გამეგზავნა საბუთები? არ მომცემენ ვითომ პერსონალურს? აგერ, ყველა საბუთები შეეჭროვილი მაქვს.

არ ვიცი, საბუთები უნდა ვნახო-მეთქი, ივუთხარი. კოზონკოვმა გამოიღო კუბიდან რაღაც რვეული თუ ბლოკნოტი, დაკეცილი და კანაფით შეკრული. რვეული ოდესღაც ქალიშვილის ალბომად იყო გახკუთვნილი და ზედ მართლაც „ალბომი“ ეწერა. ქვეშ მიხატული ჰქონდა რომელიღაც არამიწიერი, ნაირფრად ფურცლებგაფურადებული ყვავილი და ერთმანეთზე ნისკარტებმიდებული ორი ჩიტი, ჯვრებს რომ მიუგავდათ ფეხები. პირველ კვერდზეც ყვავილი ეხატა, მეორეზე ლექსი იყო, საცა ასეთი სიტყვები მოხვდებოდა კაცს თვალში: „უხვად წაიღე ცხოვრებისაგან, რაც შეგიძლია“. მესამე კვერდზე კი „სიმღერა“ ეწერა და ამას მოსდევდა ლექსი ვილატ ლამაზ ანდრეიზე, ჯერ რატომღაც ცხვრის ფარას რომ ედგა მწყემსად, შემდგომ კი მხეცების მომთვინიერებელი გამოდგა:

...და შეუყვარდა მხეცთა მწყურთნელი,
ის კანდრიუშა, ბიჭი შავთვალა.

ხუთი თუ ექვსი „სიმღერა“ დავითვალე ანფეას ალბომში. შემდეგ მოდიოდა შადრები, დასტურ გულითადი და ცინცხალი შადრები, და ბოლოს კოზონკოვის ჩანაწერებიც გამოჩნდა: „მოისმინეს კოლმეურნეობის მარხილის მითვისების საკითხი, აგრეთვე ცნობა საფასურის გადახდაზე კოლმეურნეობის ბუღის, მეტსახელად მიქსტურას მიერ ერთპიროვნული ძროხების დამაკების გამო“ („რაღა მაინცდამაინც მიქსტურა?“ — გავიფიქრე, მაგრამ ქვიქრის დრო აღარ იყო): „რიგი შეუგნებელი პირებისა...“, „ნაკვლის საზიდად დასაქმებულია...“

ჩანაწერები ზედიზედ კითხოდნენ: „დაადგინეს, იშუამდგომლონ ზემდგომი ორგანოების წინაშე, რათა დაადონ დამატებითი სანქციები ტყის ფრონტის დეზერტირებს, დაევალოს ბრიგადირებს, დააჯარიმონ ისინი ხუ-

თას-ხუთასი მანეთით ავანსად და ჩამოერთვით კოლმეურნეობისაგან მიღებული ტყავის ჩექმები. გაიგზავნონ ხე-ტყის დაცურებაზე განმყოფებით“.

ამოვიღე ალბომიდან დათბებული, ჩახვადასხვა ქალაქებზე ჩაწერილი საბუთების დასტა. ერთ ქალაქს ნაბეჭდი ასოებით ეწერა: „სასამსახურო ჩაწერები“, ფანქრით კი სახელდახელოდ მოუწოდებდნენ „აქტივისტ ამხ. კოზონკოვს, დაუყოვნებლივ გამოევიდინებინა ტყავის არჩამბარებლები, აგრეთვე სასწრაფოდ გამოეგზავნა ბობოლები დამატებითი სია“. ბოლოში ჩანდა ლამაზი, ზვეული ხელმოწერა.

ამ ჩაწერებზე ძაფით მიემთავრებინათ მილიციის ხელშემწყობი ბრძაგდის წევრობის მოწმობა, ჩასოფლო-სამეურნეო გადასახადიდან და ცულტ-გადასახადიდან განთავისუფლების ცნობა, ცხრაას ოცდაათორმეტი წლით დათარიღებული, აგრეთვე შეტყობინება სამხედრო შექრებაზე გამოძახებისა. აქვე იყო რაიონული ამბულატორიის შტამპიანი ფურცელი, სადაც ნათქვამი იყო, რომ „მოქ. კოზონკოვი ა. პ. 1895 წელს დაბადებული, ნამდვილად გავლილია ამბულატორიულ გამოკვლევებზე და საჭიროებს მძიმე სამუშაოებისაგან განთავისუფლებას ფეხის ღრძობასთან დაკავშირებით“.

გულისყურიანად გადავიკითხე ყველა საბუთი, კოზონკოვმა კი ცალკე შექრებილი საგაზეთო ამონაჭრები ამოიღო ჯიბიდან. ძალიან ბევრი გამოდგა. ზოგი მათგანი ჯერ კიდევ ცხრაას ოცდაათექვსმეტი წლით იყო დათარიღებული. ქვეშ ან „სოფლკორი“ ეწერა, ან ფსევდონიმი „სერგეი ზორკი“, ან ბირდაპირ „ა. კოზონკოვი“.

— არა, ავენირ პავლოვიჩ, ამ საბუთებით არა მგონია პერსონალური მოგცენ.

— რათა, კაცო? გამოითვალე, ცხრაას თვრამეტიდან ხელმძღვანელ სამუშაოებზე ვარ, ღარიბთა ჯგუფშიაც ვყოფილვარ, სოფსაბჭოს მდივნადაც მიმუშავებია. რამდენჯერ ბრძაგადირად ამირჩიეს, ორი წელი მეტეფის გამგე ვიყავი. მერე მთელი ომის განმავლობაში კოლპერატივში ვიმუშავე. არც სესხს ვავრცელებდი სხვებზე ნაკლებად.

— აბა რა გითხრა... რაიონში გავგზავნე განცხადება.

— აკი გავგზავნე რახანია.

— მერე რაო?

— დაკარგეს სადღაც. სუყველგან თაღლითობა და გაიძვერობაა.

ისევ გავჩუმდით. ავენირ პავლოვიჩმა ფრთხილად წანოკრიფა თავისი ქალაქები, ალბომში ჩაალაგა, კანაფით შეკრა ისევე.

— სუყველგან ბიურაკრატებია სავსე, — განაგრძობდა იგი. — არადა, სიმართლით რომ განვსაჯოთ, განა თორმეტი მანეთი უნდა მეძლეოდეს? ზოგჯერ, იყო ხოლმე, სიცოცხლესაც კი ვაგდებდი საფრთხეში, როცა ხელმძღვანელობის საკითხი იყო, არაფერს არ ვუწევდი ანგარიშს. ჰკითხე ვისაც გინდა, ვინც ხნებია, ყველა გეტყვის.

— შენ რა, ავენირ პავლოვიჩ, ნაგანიც გქონდა? — კვლავ დავასხი ჩაი და თექუბები ჩავიცვი.



XIV

— კი, მქონდა ნაგანი. შვიდტყვიანი, ცეცხლმსროლელი. „ინგლისური ბულდოგი“. პირადად ტაბაკოვმა ჩამაბარა ხელწერილით. მითხრა, ფხიზელი თუ ხარ და სადნე ტყეში მიდიხარ, გატენილი გქონდეს, ხოლო ჯარობაზე თუ ხარ წასასვლელი, ვაზნები გამოიღე და შინ დატოვეო. თორემ რა გამოდის, ძმაო? დალევა მოგიწევს ზოგჯერ, დათვრები და თავის კონტროლს დაკარგავ. მე როცა სადმე სტუმრად წავიდოდი, ვიღებდი ვაზნებს და დედაჩემის სახატეს უკან ვმაღავდი.

ერთ ზამთარს, ნიკოლოზობას, ლუდის ხდა იყო მთელს თემში... ერთი აკიმი იყო, ოგარკოვოელი, იმას ვესტუნრე. რახი ჰქონდა, ორი ოთხბოთლიანი, ლუდიც გამოხადა კაი ექვსიოდე ვედრო. ჩვენი ფედულიონოკი კიდე, სამ ოჯახში სტუმრობდა ოგარკოვოში და აკიმათაც იყო. სუფრას მივუჯექი, პირველს მე მისხამს აკიმი ჭიქას. ამაზე ფედულიონოკი ამბობს: „ეს რა არის, აკიმ ოსტაფეევიჩ, მგონი კოზონკოვზე უფროსებიც არიან ამ სუფრაზე, რა იყო, ნცირეწლოვანებიდან იწყებ რიგს? ადრე ასე არ აკეთებდი. თუკი შენს ოჯახში მე სასურველი სტუმარი არა ვარ, კი, ბატონო, ავდგები და გაგითავი-სუფლებ ქოხს“. გაჩუმდა აკიმი, არაფერი თქვა, მაგრამ მეორე ჭიქაზე რომ მიდგა საქმე, ვხედავ, ფედულიონოკს უსხამს პირველად. ეგრევე ავხტი, ძმაო, მერხიდან რაღა. აბა, აკიმ, არცა ვარ შენი სტუმარი და არც აწი ვიქნები-ნეთქი. ავდექი, მივდივარ. წამოხტა აკიმი, მაკავებს, ხელახლა სუფრაზე მაჯენს, ფედულიონოკი კი აგრე ამბობს: — ამას რასა შვრები, აკიმ ოსტაფეევიჩ, რაო, ფეხქვეშ უნდა გაეგო? იქნება, ფული გმართებს მაგისი და დროზე ვერ მიეცი? წავიდეს, თუკი არ ეჯდომილება.“ ეგ კი, რაღა თქმა უნდა ვერ ნოვითმინე, უკვე ისედაც წკიპზე ვიყავი, მანამდე ორ ოჯახში ვიყავ ნასვამი და გახურებული მქონდა თავი. ვეცი ამ შენს ფედულიონოკს, ჟილეტში ჩავაფრინდი მაგიდის აქედან, მოვქაჩე, სულ დასწყდა ლილები. ასტეხეს წიოკობა დედაკაცებმა, არის ერთი აურზაური, გამოვათრიე ფედულიონოკი, მოვაცილე მაგიდას. გაბრაზდა მაშინ აკიმი, მომაცილა, ჟილეტზე ხელი გამაშვებინა და ასე მითხრა: „აი, რა გითხრა, ვინკა, თუკი ჩენი სტუმარი ხარ, ისე იყავი, როგორც სტუმარს შეეფერება, ნუ ააწიოკე აქაურობა, ჩემს სახლში კაციშვილს არ აუტეხია ჯერ ჩხუბი. თუ კინკლაობა გინდა, აგერ შენ და აგერ კარები, მიბრძანდი!“ ფედულიონოკის ნათესაობაც წამოიშალა, მომდგა ყველა-კა. ვხედავ, გლახადაა ჩემი საქმე. მაშინ კი, გაგიხარია, გავაძვრე ჩემი ნაგანი. აბა, მოდიოთ, ვისაც თავი არ მოგძულეებით, ისე მიგაჭედებთ ტყვიას, ადგილიდან ფეხს არ ნოვიცვლი-მეთქი! ეს დავიძახე და სენკამაც, ფედულიონოკის ძმისშვილმა, ფეხი ამიკრა ნაგანზე, გამაგდებინა. ვფიქრობ, კარგი და პატიოსანი, ახლა გავიქცევი დროებით, მაგრამ მერე გავსწორდებით მე და თქვენ-მეთქი.

აივნიდან გადმომიგდეს ნაგანი, ჩამიკეტეს კარი. წამოვდექი ფეხზე. ჩემს გულში ვთქვი: აბა, აწი კი გიჩვენებთ სეირს-მეთქი, სისხლის ცრენლებით იტირებთ ორივენი, ფედულიონოკიც და სენკაც-მეთქი! აკიმსაც დავუმახსოვრებ ამას, სად დამემალება! შენ გგონია, ძმაო, ვერ გადავუხადე? ყველა ფეხებში ამიგორდა მერე, სუყველა, ერთიც არ დამრჩენია. „ავენირ პავლოვიჩ, მაპატიე, შენი ჭირიმე!“ „ავენირ პავლოვიჩ, შედი ჩვენს მდგომარეობაში!“

ერიპა, აქ ავენირ პავლოვიჩი გავხდი, იქ კიდე, ვინკა ვიყავი და, აგერ შენ და აგერ კარები, ნიბრძანდიო!.. ვუთხარი ფედულიონოკს: ჯერ უნდა დავფიქრდეთ, ისე ვერ მიგიღებთ კოლმეურნეობაში-მეთქი. წავედით კრებებზე ვახსენე ტაბაკოვს, ამ კაცის მიღება არ შეიძლება, ორი ძროხა ჰყავს, ორი სამოვარი უდგას, სახლიც ორი აქვს, საზაფხულო და საზამთრო-მეთქი. დარჩა ფედულიონოკი ერთპიროვნული გლეხი და დაადეს ბეგარა. მარტო ტყე უნდა გამოქტანა ას ოცი კუბმეტრი, ხორბალიც იმდენი ჩაებარებინა, აქეთ კიდეც ფული, რძე, თივა. მაშინ კი აჭრიჭინდა შენი მოწონებელი.

კოზონკოვმა უარი მითხრა „შიპკაზე“ და თავისი წეკო გაახვია.

— ოლქში რომ დავწერო?

— რა? — ფიქრებში ვიყავი და კარგა ხანს ვერ მივხვდი, რა მითხრა..

— პენსიის შესახებ, კაცო.

— კი, ოლქშიაც შეიძლება.

— სულ მინდა, თავად წავიდე და ვიჩაღიხო, ოღონდ ვერ დავადექი, ერთი, გზას. აქეთ ეს მუხლიც აღარ მივარგა, დამისუსტდა, აღარ შემიძლია ამდენი წანწალი. არადა, წავალ მაინც. შენ მანდ რომელ ქუჩაზე ხარ? ვაგზალთან ხომ არა? მოგეცა მისანართი. იქნება ჩამოვიდე და შენსას გავათევ.

— სიამოვნებით, როცა გინდოდეთ.

გამოვართვი „ალბომი“ და ქალაქის მისამართი ჩავუწერე სწორედ იმ ადგილის ახლოს, სადაც აღნიშნული იყო, რომ „მოისმინეს საფასური კოლმეურნეობის ბუღის მიერ ერთპიროვნული ძროხების დამაკებაზე და დაადგინეს გადახდეს ყოველ დაგრილებაზე ექვსი მანათი ფულად ანდა ათი შრომადღე შრომადღეების მიხედვით“.

კოზონკოვმა ხელახლა ფაქიზად შეკრა „ალბომი“ და წავიდა. მისი ხელჯობის კაკუნი თანდათან მიწყდა, გაიჭრიალა ჭიშკარმაც. მე კი კიდეც დიდხანს ვიჯექი ფანჯარასთან და ვუმზერდი წყნარ, თოვლიან ქუჩას, აქა-იქ მდგარი მშვილ სახლებს.

შემოდრიოდა ბინდი.

ფედულიონოკის სახლი, სადაც ოდესღაც კოლმეურნეობის კანტორა იყო მოთავსებული, უჩარჩოო, გამოცარიელებული სარკნლებით შემომცქეროდა. ჯერაც ეკიდა ცალ ანჯამაზე სარდაფის კარი, დაეცხრილათ საფანტით, აგურის ტუზივით აჩნდა საკლიტურის ხვრელი. გაბურძგნილი ყვავი იჯდა და ითოშებოდა სახურავზე, ეტყობა არ იცოდა, რა გაეკეთებინა და საით გაფრენილიყო. ყველაფრით ჩანდა, რომ არც არაფერი ეწადა.

XV

დღეებს ჯერაც არ დასტყობოდა გრძელყამიერობა, თუმცა უკვე იწურებოდა იასამნისფერი მარტი. მაგრამ მზე უკვე აღხობდა ოქროსფერ ნალვენთს, საოამოდან მოკიდებული მთელი დამის განწავლობაში წვეთწვეთად რომ რჩილავდა საჩეხის სახურავზე ყინვის ლოლუებს. ქარი ვერ ასწრებდა წყლის წვეთის მოწყვეტას, იყინებოდა წვეთი, ახლა სხვა წვეთები მოგორავდნენ და ისინიც ჩამოვარდნამდე იყინებოდნენ და თავისთავად, უკვე თავისივე სიცივისაგან, იზრდებოდნენ ლოლუები.

ახანო ჯერაც არ იყო მზად. ოლეშა ნამუსიანად მუშაობდა, ამიტომ ხელა მისდიოდა საქმე. სადღაც, გონების შორეულ კუნჭულში უკვე გეგმავდა მარტოხელა კაცის სევდა. ერთხელაც, ჩაი რომ მოვითავე და ტახტზე თათრულად ფეხმორთხმული ვიჯექი, ისე გავზანტდი, რომ ვერა და ვერ გადავწყვიტე ჭურჭლის დარეცხვა. ვიჯექი და ვუცქეროდი, ფანჯრის მიღმა როგორ იზრდებოდა ყინულის ლოლუა.

უცნაურია, რაც უფრო ვრწმუნდებოდი, რომ ჭურჭლის დარეცხვა სულერთია მაინც მომიწევდა და რაც უფრო მალე ვიზამდი ამ საქმეს, მით უკეთესი იქნებოდა ჩემთვის, მაინც არ მინდოდა წამოდგომა და რეცხვა. არადა, რაღაც უნდა მეღონა. ავდექი, ჩავიცვი და ოლეშასთან წასასვლელად მოვემზადე. ეს რომ გადავწყვიტე, როგორღაც მაშინვე გამიხალვათდა გული...

ზედ ოლეშას ჭიშკართან საკუთრივ მისი, ხელნებგამოჩრილი მარხილი იდგა. პარმალთან ნხიარულად დახტოდა ორი ბელურა. ეტყობა გრძნობდნენ, ზამთარი რომ თითქმის დაძლიეს და თანდათან მატულობდა სითბო. უკმაყოფილოდ დაიყვილეს, გადაფრინდნენ ლობეზე და მოჰყვნენ არც თუ ისე სალუქი ბოლოების ქანქალს: აქაო და, ჩვენი ადგილიდან გაგვაძევა და აღარც მიდისო. მაგრამ ჩვენ ხომ ვიცით, რომ ახლავე გაგვეცლებიო. ასე გავიფიქრე, ბელურები რომ წყალში ცხოვრობდნენ, ჩიქვები იქნებოდნენ და პირიქით — ჩიქვები, ამ ბოლო დროს მეთევზეები რაღაც ჩინურ სახელს რომ არქმევენ, იგივე ბელურები არიან, ოღონდ წყალში ცხოვრობენ, თევზები ჰქვიათ, სხვა არაფრით განსხვავდებიან ბელურებისაგან-მეთქი.

რაღას არ იფიქრებ უსაქმო კაცი!

დოყლაპია ვარ-მეთქი, ვთქვი ჩემს გულში და ოლეშას წინკარში შევდგი ფეხი.

— გამარჯობათ!

— შემოდით, დაბრძანდით, — ნასტასიამ შინაქსოვი წინსაფარი გადაუქნია სკამს.

სუტრაპიანს ეტყობა დაავიწყდა ჩვენი უწინდელი მეგობრობა, ერთობ უცხვირპიროდ შემხვდა. ნასტასიან იმავე წინსაფრით შეაგდო ძალი ტახტქვეშ.

— იჯექი მანდ და ნუ ჩხავი! დახეთ, რა ყავყავაა, მთლად კოზონკოვეზისაკენ არ არი?

ამან საგონებელში ჩამაგდო; ვკითხე, კოზონკოვეზი რა შუაშია-მეთქი. პატარა ღუმელს რომ აჩაღებდა, ნასტასიამ თან წვრილად ამიხსნა სუტრაპიანის წარმოშობა. თურმე, თავის მინუტკას ევდოკია კამფეტებსაც აჭმევდა, სკივრში კეტავდა საჯინიბოში წანსვლელი, მაგრამ ბოლომდე მაინც ვერ მიადევნა თვალყური, იმ ფეხწვრილა გაიძვერამ მაინც თავისი ქნა და აჰა, ორი ლეკვი ოგარკოვოში წაიყვანეს, მესამეზე კი პეტია-მჭედელმა თქვა, მე წავიყვანო. მაგრამ პეტიამ თურმე გასინჯა ლეკვი და ბოლოს უარი განაცხადა მის წაყვანაზე. ასე უთქვამს, რად ნინდა ეგ თქვენი აყროლებული ლეკვი, მაგას არათუ წავიყვან, აქეთ მოგცემთ სართს, ოღონდ კი არ გამატანოთო. რაღას იზამდა ევდოკია, ნასტასიას შესთავაზა ლეკვი. ნასტასიასაც შეეცოდა და შინ წამოიყვანა, ოღონდ ეგაა, როგორც კი კოზონკოვის ქოფაკს დაინახავს, სულ იფურთხება და სულ არამზადად ნათლავს ხოლმე.

— პოდა, სულ ტყუილად, — თქვა ოლეშამ; გაფისულ ძაფსა ძახავდა.



— რა ტყუილად? — მიუბრუნდა მას ცოლი.

— იმ ტყუილად, რომ ავენირის ხვადაგი ყვავი-ჩხიკვის მაშინდა, ეგ სულ არაა დამნაშავე. შენ შეცდომაში ნუ შეგყავს კაცი. მართალი თუ გინდა, მინუტკა ბრიგადირის ძაღლთან დაყილებდა, ავენირის ქოფაკი კიდე, ისე ეტორღიალებოდა. სწორედ ამისთანა მფრთხალთან დაიჭერდა საქმეს!

— ნუ ტყუი, ქრისტე ღმერთს გაფიცებ, ნუ ტყუი! ბრიგადირის ძაღლი ისედაც სუყველას ჰყავს ყბაში, მაგას ჩაგრავს სუყველა.

დაიწყო კამათი. ოლეშა თავისას ამტკიცებდა, ნასტასიაც თავისაზე იდგა და რაკი ცოტას წაიყრუებდა, ძალიან ხმამაღლა განოსდიოდა ლაპარაკი. კამათის ნამდვილი დამნაშავე მხოლოდ ერთგულად ფახავდა თვალებს და ხან ერთს მიაჩერდებოდა, ხან მეორეს. ეტყობა, ოლეშას მალე მოსწყინდა ეს პაექრობა, ან იქნებ ნასტასიას საბუთები გამოდგა უფრო საფუძვლიანი, მან დაზავება ირჩია, ხელი ჩაიქნია:

— შენც ერთი! ეშმაკი ვერ გაარჩევს მაგათ ამბავს! ნაგენი მთელი ესკადრილია დასდევდა იმ ძაღლს.

— რა-რა?

— კარგი, არაფერი. ჩაიარა. — ჩაიბურტყუნა ოლეშამ და ხმამაღლა დაუმატა: — თევზი მოხარშე!

— თევზი ეგაა, რაც დარჩა.

— სულმთლად მოხარშე.

ნასტასია კოჭლობით გავიდა სამზარეულოში, ჩამოხსნა ლურსმნიდან ერთი აცმა გამხმარი თევზი. ვკითხე, ფეხზე რა დაგემართა-მეთქი.

— ოჰ, მე შტერი! — გაიცინა დედაბერმა. — სარდაფში ჩავდიოდი, ჩემო კარგო, კარტოფილი უნდა ამომეტანა და კიდეც მოვადინე ბრაგვანი. ეს მეორე დღეა, კოჭლი დავიარები. პატარაობას რამდენჯერ ღუმელიდან გადნოვ-მხტარვარ და ვითომც არაფერი! ახლა კი, დახე, გამომიფუტუროვდა ძვლები, მომიფამფალდა.

— ჰაი, ბებერო, — გულკეთილად უთქრა ოლეშამ, სადგისი ზუბანაში შეარჭო და ღუმელის უკან დადგმულ პირსაბანისაკენ გაემართა.

თუჯიაში უკვე დუღდა სოკოს წვნიანი. მე ვათვალიერებდი ხის ჩარჩოებში ჩასმულ უანრავ ფოტოსურათს, ჩაის შესაფუთავი კილიტით რომ იყვნენ შემკული.

თითქმის ყველა სურათი ასე თუ ისე გუსტიას უკავშირდებოდა, ოლეშასა და ნასტასიას ერთადერთ ქალიშვილს. მე იგი კარგად მახსოვდა, მახსოვდა მას აქეთ, რაც ჯარობებზე დავიარებოდი ჯერაც ღლაპი. გუსტია სატყეოდან ჩამოდიოდა ხოლმე და სულ ანფეა კოზონკოვასთან ცეკვავდა. ძალზე წყობისად და შეხმატკბილებულად მღეროდნენ ხოლმე, რა შაირები არ იცოდნენ. ომი დამთავრდა და ნეგობრების გზაც გაიყარა: ანფეა არხანგელსკში გაემგზავრა, გუსტიაც სადღაც გადაიკარგა.

ანფეას შედარებით ახალი ფოტოსურათი გამოვარჩიე, მინისქვეშ შეედოთ ჩარჩოში. საყურეები ეკეთა, ლბილი კულულები ისე დაეხუჭუჭებინა, თითქოს კრაველიაო. მარცხენა, საათშებნეულ ხელში თაიგული ეჭირა. სურათი გადმოვაბრუნე და წავიკითხე ანფეას ნაწერი: „დახედე სახის მკვდარ ნაკვთებს და მით მოიგონე ცოცხალი. გუსტიას ნელისაგან. სურათი გადაღებულია 30-თი წლის ასაკში“.

ერთი ამას დამიხედეთ! თურმე რისი ანფეა, რახანია ნელი რქნევია! მე სულელმა კი რამდენჯერ ანფეა ვუწოდე. თუმცა, მისდა სასახელოდ, არ წყენია და არ გაუსწორებია, იქნებ აქ, სოფელში, მისთვისაც უფრო ბუნებრივად ჟღერდა თავისი ძველი სახელი.

მომდევნო ხარჩოში თავს იწონებდა ბაიკალის ხედითა და არც ისე ცნობილი კინომსახიობი ქალით დანშვენებული ღია ბარათები, მათ შორის კი, გაყვითლებულ ფოტოსურათზე, ახალგაზრდა წყვილი, ნეფე-დედოფალი, იყო გამოსახული. ჭაბუკს ქრომის ჩექმები ეცვა, გვერდზე საყელოშესაბნევ ხალათზე ქამარი შემოერთყა, კარტუზი ეხურა, გაეწკიპა ლამაზი შავი ულვაშები და დინჯად, ალერსიანად, მორცხვად, ნაღვლიანად მომზირალს ქალის მხარზე დაედო ხელი, ქალი კი, ლამაზი და მკერდბარაქიანი, ქიშმირის ლეჩაქიანი, იჯდა ამპირის სკანზე, ემოსა გრძელი, ბაფთებიანი კაბა, ეცვა უამრავი ღილით დახირხლული მაღალი წალები, ცხვირსახოცი ეჭირა და სათნოდ გამოიციქირებოდა, თუმცა უწყინარი სიმკაცრეც ედგა თვალებში.

ჭეშმარიტად ძნელი გამოსაცნობი იყო ამ ბედნიერ წყვილში ოლეშა და ნასტასია. იქვე, იმავე ხარჩოში იღო გუსტიას და ვილაც წარბა, ნაღდად კავკასიელი ჭაბუკის ფოტოსურათი: ღირსეული ბიჭი კი იყო, მაგრამ ისე გაყინული იჯდა ორივე, კაცს ღმეჭა მოგინდებოდა. ეტყობა, ვიდრე ახალგაზრდებს გადაიღებდა, ფოტოგრაფმა ძალათი, უბოღიშოდ გადაუღუნა მათ ერთმანეთისაკენ თავები, „აბა, არ გაინძრეთო“, თქვა და მერე გააწკაპუნა თავისი აპარატი. კარგი „არ გაინძრეთ“ არის, ღმერთმანი! ისხდნენ თავმიჯრილნი, კისრებმოქცეულნი, აქეთ კიდევ — გაღიმებაც ჰქონდათ ნაბრძანები. მეორე სურათში იგივე ჭაბუკი ცალკე იყო და გაცილებით სანდომიანი ჩანდა — ჯარისკაცული პილოტურა ეხურა, მაისურისამარა იყო და მაისურიდან, ფოტოსურათშიაც კი უხვად იმზირებოდა ხუჭუჭა, კუპრისფერი ფლორა (თუ ფაუნა? მუდამ შემოლება ხოლმე ეს ორი ცნება). შემდეგ, რაც არ ვათვლიერე, ვერსად ვნახე ეს კავკასიელი ჭაბუკი, სამაგიეროდ სხვა ჯარისკაცი, უფრო სწორად — ზემდეგი შემხვდა, ჯერ მუნდირით, მერმე უმუნდიროდ, გუსტიასთანაც და ცალკეც.

— ეგ მეორე ვილაა?

— ეგეც ვარიაგია, — ქუშაღ თქვა ოლეშამ, — მურნანსკელი.

მე ამოვიოხრე, მაგრამ ცოტათი ის ამბავიც მართობდა, რომ ოლეშა თავის სასიძოებს იმდენად ეროვნების მიხედვით კი არ ჰყოფდა „თავისიანად“ და „ვარიაგად“, რამდენადაც იმის მიხედვით, ახლოს ცხოვრობდნენ თუ შორს.

ამასობაში წვნიანიც გამზადდა და ნასტასიამ სუფრა დააფინა მაგიდას. ოლეშამაც დაჭრა ღუქნიდან მოტანილი პური. თავპატიყი არ დამიღია, არ ვუცადე მეორე შეპატიყებას, მაგიდას მივუჯექი. ძალიან გემრიელი სუნი ჰქონდა სოკოს გაროს და სწორედ დროც იყო სადილობისა. ამას გარდა, მშრალ საჭმელზე ნაჩვევ ჩემს სხეულს რახანია სწყუროდა ასეთი წვნიანი შეჭამანდი.

— მარილი თუ გინდოდეთ, თქვენვე ჩაიყარეთ, — თქვა ნასტასიამ, პირჯვარი გადაიწერა და კოვზი აიღო.

ანაზღად სუტრაპინი ყეფით გამოვარდა ტახტიდან: ჭიშკარმა გაიჭრილა. ევლოკია იყო, მარცხენა ხელით თვალს ისრესდა, მარჯვენაში ბარათი ეჭირა.

— აგე, ფოსტალიონმა გოგომ მომცა, გადაეციო.

— კი მაგრამ, თვალზე რა მოგივიდა?

— ჰოი, არ მკითხო, ბზეს ვანიავებდი და რალაც ფუსუნსელა მემიგდო თვალში ქარმა. ამონილე, აგრემც ღმერთი გიშველის, აღარ ვიცი, რა ვქნა!

ნასტასია მთლად ჯადოქრად არა, მაგრამ ოსტატად კი ითვლებოდა სოფელში. აჩერებდა სისხლისდენას, კბილის ტკივილის შელოცვა იცოდა და ხშირად მართლაც აყუჩებდა ხოლმე, იცოდა მუცლის ავადობათა წამლობა, ძირმაგარასაც საიდან გინდა არ ამოიყვანდა. უსასყიდლოდ იქმონდა ყოველივეს, მაღლობის მეტი არა უნდოდა რა. ეგაა, რომ თიაქარს ვერა წაწლობდა. გარდა ამისა, თვალში თუ ვინმეს რაიმე ჩაუვარდებოდა, იმის ამოღების ოსტატიც გახლდათ: ქერის ფხასაც კი, თვალის ყველაზე საშიშ მტერს, არ ძალუძდა მის აქიმობასთან ჭიდილი.

— აბა, დაჯე!

ნასტასიამ დასვა ევდოკია იატაკზე, თავად გვერდით მიუჯდა, ლამის ზურგი-ზურგზე, თავი დაუჭირა და, თვალმოწკურული, შეუდგა ოპერაციას.

ოლეშა შეუჩერებელივ ხვრებდა წვნიანს. სუტრაპიანი, ისევე როგორც, სხვათაშორის, ნეც, ცნობისმოყვარეობითა და თანაგრძნობით მისჩერებოდა დედაბრებს.

— შენ ნუ ქვანქრუშობ, წყნარა იჯექი, ეგრე რას მოვძებნი! — თქვა ნასტასიამ, ვიდრე მეორე ცდას შეუდგებოდა.

— აბა, როგორ ვიჯდე წყნარად, დია, მაგოდენა ენა დამიტრიალე თვალში! — იცინოდა ევდოკია.

ოლეშამ უკმაყოფილოდ, ცერად გახედა დედაბერს.

— გამიხსნეს აქ პოლიკლინიკა. ხეირიანად საჭმელს არ გაჭმევენ.

მესამე ცდაზე ნასტასიამ აღმოაჩინა ნამცეცი, ხოლო მეოთხეზე კიდევ გამოიღო ენისწვერით. ევდოკიამ ნოითქვა სული, ჩამოჯდა მერხზე, უპარპალებდა თვალი. ნასტასიამ კოვზი აიღო.

წვნიანის შემდეგ ფეტვის ფაჟა გამოჩნდა სუფრაზე, ფაჟას მაწონი მოჰყვა.

— აბა, აწი მაგრად ვარ სალამომდე, — თქვა ოლეშამ და ბარათი გახსნა. — აბა, ერთი, წაიკითხე, შენ უკეთ იცი.

გამოვართვი და ხმამაღლა დავიწყე კითხვა, თან ჩემს ნებაზე ვალაგებდი ფიქრში სასვენ ნიშნებს:

„სალანი და გამარჯობა, მამილო და დედილო. სალამს გიძღვნით პირადად ჩემგან და ჩემი ქმრის ნიკოლაისგან, ასევე სალამს გითვლიან ბადიშები, ტოლიკი და შურიკი. როგორც გატყობინებთ, შურიკი ჯამრთელი დაგვებადა, უკვე ტაშის დაკვრაც იცის, შეხედულად უფრო მამამისს ჰგავს, ოღონდ ბებიამისის ცხვირი აქვს. მამილო, რატომ არ აგზავნით ბარათს, მეორე თვეა ველით. ამანათი გამოგიგზავნეთ, ნოიწერეთ მიიღეთ თუ არა ამანათი. მამილო, ჩვენ ძალიან კარგად ვართ, ნიკოლაი ისევე იმ თანამდებობაზე მუშაობს, მე კი თავი დავანებე მუშაობას. შურიკს ვერავის ვუტოვებ და იმიტომ. გთხოვთ ძალიან, იქნება ჩანოხვიდე, დედა, თუ გინდ ცოტა ხანს, თორემ მუშაობის თავის დანებება არ მინდა და შურიკსაც ვერავის ვუტოვებ. კარგი ოთახი მოგვცეს, პატარა ფარდული აქვს და ბოსტანი, გაზაფხულზე დავთესავთ. ასე რომ, იქნება დედა ჩამოსულიყო, წავიდოდი და ვიმუ-



შავებდი ჩემს ძველ ადგილზე, სასადილოში. სხვაფრივ ყველანი კარგად და ჯამრთელად ვართ. გადაეცით მოკითხვა მთელს ჩვენს სოფელს, პირადად კი კოზონკოვებს, ევდოკიას, ბრიგადირ ივანს, პეტია-მჭედელს და ყველას, ყველას. წუხელ სიზმარში ვნახე, ვითომც თივას ვთიბდი პრონინოს ნინდორზე. მეტი რა მოგწეროთ, ველი პასუხს მოუთმენლად, ამ წერილის მიღებისთანავე დაწერეთ და გამოაგზავნეთ. გწერთ თქვენი ქალიშვილი გუსტია თავისი ოჯახიანად“.

ოლეშას მუხლებზე დაეყრდნო იდაყვები, იატაკს დასჩერებოდა, ნასტასიასაც მუხლებზე დაეწყო ხმელი ხელები, ევდოკია კი თვალებს იწმენდდა თავსაფრის ყურით.

— წასასვლელად შორია ძალიან, — თანაგრძნობით თქვა ევდოკიამ და ანოიოხრა, წამოდგა.

მეც ევდოკიას გავყევი, ვაცალე მოხუცებს თავად გადაეწყვიტათ ბედი პატარა შურიკისა, რომელმაც თურმე უკვე ტაშის დაკვრა იცის და მამასა ჰგავს დედაზე უფრო.

XVI

ჭიშკარს რომ გამოვცდით, ევდოკიამ იდაყვზე გამავლო ხელი: — დაიცა, რაღაც უნდა გითხრა...

და იმ ადამიანის სახით, ვინც ისეთი რამ იცის, რაც არავინ უნდა იცოდეს ჩვენ ორს ვარდა, დაუნატა:

— რადიოს გაკეთება მინდა, ბატონო, სულ დამიყრუვდა შინ რადიო. გამომივლიდი საღამოთი.

მე არ ვიყავ რადიოტექნიკის ოსტატი, მაგრამ ვიცოდი, რომ ევდოკიას ჭკუით ინჟინერი ინჟინერია და ყველაფრის გაკეთება უნდა შეეძლოს. მოვალმეთქი, აღვუთქვი და ევდოკიაც კმაყოფილი წავიდა თავის საჯინბოში, ოღონდ სახეზე კვლავ ეცხო იგივე იღუმალის იერი. რა მაინცდამაინც საღამოთი დამიბარა-მეთქი, გამიელვა თავში, დღისით ხომ უფრო ადვილია რადიოს მოწყობილობაში კირკიტი.

არ ვიცოდი, საღამომდე რა ნექნა და ისევ ჩემს აბანოს მივაკითხე. ღროა აწ, მართლა და მართლა! თითქმის მომთავრებული იყო უკვე. კედლის ორი ქვემოთა წყება გამოვცვალეთ, ახალი იატაკი დავაგეთ, ფანჯარაც ჩავსვით. ოლეშა ყოველდღე აქ ჯახირობდა და ნელნელა მიდიოდა წინ საქმე. ყველაფერი ნამუსიანად იყო გაკეთებული, ამწოვი მიღის საკეტიც კი ახალი ფიცრისა შევკერეთ. მარტო ღუნელი დარჩენილიყო.

გადავწყვიტე, ახლავე ამეწყო ღუმელი. დავახარისხე აგური და ქვა, ჭვარტლი გავაცილე აგურის ჯერაც ვარგის ქვედს, გავასწორე ლახუსტაკი, რაზედაც ღუმელის კამარა იდგა. მაგრამ ნახევარი საათის შემდეგ მოვიდა ოლეშა და ისე, რომ არ გავენაწყენებინე, დამიწუნა ნამუშევარი:

— ახალი გამირები გვინდა, ქვედიც ხელახლა დასაწყობი.

წინდახედული კაცი იყო და შინიდან ახალი გამირებისათვის საჭირო ლახუსტაკი და ერთი ვედრო თიხაც წამოეღო. ასე უცებ საქმეზე თავგადაკლული რომ მნახა, აღარ უთქვამს, აქამდე სად იყავიო. დავიწყეთ მუშაობა.

ძველი ქვედი დავშალეთ და ახალი დავდგით სამ პირ აგურზე, თამბაქოს მოსაწევადაც არ დავმსხდარვართ, ისე ამოვაშენეთ ღუმელის კედლები. ახლა ვკითხე, რა გადაწყვიტეთ, თუ მიდის ნასტასია ქალაქში-მეთქი.

— აბა, ჩვენ რისი გადამწყვეტი ვართ, უჩვენოდ გადაწყვეტილა ყველაფერი. — ოლეშამ დააცხინკა. — მოგვიწევს წასვლა. ცოტა ხნით მაინც.

— მერედა, მარტო როგორღა იქნები? ძროხას ვინ მოუვლის, სახლკარს ვილა მიხედავს?

— მერე რა? არაა დიდი მეურნეობა. ნე არაფერი, დედაკაცი მეცოდება, აბა, საქმეა, ადგეს ამ სიბერეში და ასე იწოწიალოს? სადღაც დასაკარგავში? ფეხი არ გაუდგამს ამ სოფლის იქით.

— ჰოდა, წავიდეს, ნახოს ქვეყანა.

ბერიკაცმა თითქოს ვერ გაიგონა ეს „ნახოს“. ყველაზე კარგი აგური შეარჩია და თვალეები მოწკურა:

— უცხო მხარე უცხო მხარეა. მახსოვს, ერთხელ ჭაპანზიდვაზე, ბეგარაზე გამგზავნეს...

— ეს რაღაა?

— ისევ იგივე ამბავი, გზების შეკეთება. არადა, ყველაფერზე კოლმეურნეს უწევდა ჯახირი. ხე-ტყის დამზადება იყო — კოლმეურნე ანზადებდა, ახლა დაცურებაზე მიდგებოდა საქმე — იქაც კოლმეურნე, ხანძარი გაჩნდებოდა სატყეო სახფონდში — კვლავ კოლმეურნე აქრობდა. ეს ახლაა, ყველგან რომ კადრის მუშაკები ჩადგა, თორემ უწინ სულ კოლმეურნის ზურგზე იყო ყველაფერი. გაიხედავდი, სატყეოს ბარაკებზე პლაკატები ეკიდა: „ამხანაგო კოლმეურნეებო, დავამზადოთ მეტი ხე-ტყე, უზრუნველვყოთ მრეწველობა!“ თანაც, ნახევარი კოლმეურნეობა ხელჯაგების კერვაზე იყო გადასული. მე, რად უნდა ორი სიტყვა, კარგად ვიცი, უტყეობაც არ ვარგა. ქული სჭირდება სახელმწიფოს, თანაც უცხოეთი თითო ძირ ნაძვში ოქროებს იძლევა. მაგრამ ტყე თუ ტყეა, მიწაც ხომ მიწაა. ან ერთი იყოს, ან მეორე. კი, ბატონო, კიდევ მოგჭრით და კიდევ დავაცურებთ, ჯანდაბას ჩვენი თავი! მაგრამ ისე გამოვიდეს, რომ ჩვენც გვერგოს რაღაც კაპიკი, თუნდაც იგივე ხელჯაგების საღირალი. არადა, ხე-ტყეს რომ დავაცურებთ, კოლმეურნეობაშიაც ხონ უნდა ვიმუშაოთ მერე, პური ხომ უნდა დავთესოთ, მაშ რაღაზედ გვქვია კოლმეურნეები. არადა, დაცურებას რომ მოვრჩებით, ჰა და ჰა, ვაღაზე ოთხი კვირით გვიან ვიწყებთ თესვას. რა ხეირია? დავთესავთ უხეიროდ, გავლეწავთ უფრო უარესად, აქეთ კიდევ, საანგარიშო წელიც კარზეა მომდგარი. პირველი მცნება — სახელმწიფოს ჩააბარე, მეორე — სათესლე შეინახე, მესამე — უზრუნველყავი სხვა ფონდები. აბა, კოლმეურნეს რაღა დარჩება? მახსოვს, პირველად რომ დაიწყო ხალხმა კოლმეურნეობაში შესვლა. ქათმები რომ ქათმებია, ისინიც ერთ ალაგას შეკრიბეს, ცხვრებიც გააერთიანეს, შინ მარტო კატები შეგვრჩია. უცებ, გავიხედოთ, ბრძანება გამოვიდა, დაიშალა კოლმეურნეობა. ჰოდა, კალო რომ გააღეს, საცა ეს ცხვრები ჰყავდათ შეგროვილი, სუყველა ცხვარი აქეთ-იქით გაიფანტა, თავ-თავის სახლებს მიაშურეს. გამოვიდა მაშინ ფედულიონოკი და აეგრე თქვა: „თავბრუ დაეხვათ და იმიტომ აირივნენო“. მივიდა ის დალოცვილი სოფსაბჭოში და აღარ დაუწყეს ბევრი ჯანჯალი, აიღეს და ინდივიდუალური ბარათი ნიაჩხყეს ხელში. უთხრეს, კულაკურ აგიტაციას ეწევიო. ბიჭებო, თქვენი ჭირიმე, მაპა-

ტიეთ ღმერთმანი, თვითონაც არ ვიცი, როგორ წამომცდა, განგებ არ მოთქვამსო, — ბევრს იძახდა, მაგრამ შენც არ მომიკვდე! ერთი წელი რა არი, ექვს წელიწადში ვერ გადაიხდი. სად არ მიწწერა და სად არ იჩივლა... მახსოვს, ნიადგნენ სახლკარის ასაწერად, მე მოწმედ დამნიშნა ტაბაკოვმა. ვინკა კოზონკოვი ყველაფერს ამოწმებდა, ემანდ რამე არ გადამალონო, ანდა მეზობლებში არ გაიტანონო. დადიოდა ამპარტავნულად. ცოდვა-ბრალი იდგა მთელს სახლში, მოთქმით ტიროდნენ ქალები და გოგოები. მარტო ტანკა არ ტიროდა, იდგა კარადასთან, ქალაღი რა არი, იმაზე უფრო იყო გათეთრებული, იდგა ის ჩენი სანატრელი, მე კი სულ ნისლი მქონდა თვალებში. გამახსენდა, მე და ვინკამ რომ კენკრა წავართვით. ვიჯექი ერთხანს და მერე დამაწყებინა კანკალი. აღარ მოგიწერთმეთქი აქტზე ხელს, ვთქვი. ავდექი და შინ წამოვედი... მერე ეს ამბავიც გამიხსენეს ტაბაკოვმა და კოზონკოვნა. მეორე დღეს წავიდა ფედულიონოვი, წაიყვანა თავისი ჯალაბი. ველარაფერი წაიყოლეს, რაც ზედ ჰქონდათ, იმით წავიდნენ. ვხედავ, ხალხს ემშვიდობება ფედულიონოვი, ერთი ქალიც არ დარჩენილა, სუყველა ტიროდა. მოუტანეს — ზოგმა ღვეზელი, ზოგმა პურის ყუა, ზოგმა ხუთიოდ კვერცხი. მილიციონერი ჩქარობდა, არ დაანება ხალხს გამომშვიდობება. მაშინ მოვიდა ჩემთან ტანკა, მთელი ინოდენა ხალხის თვალწინ მოვიდა და ატირდა საწყალობლად. ტანკა, რაღა... მას აქეთ არც კარგი ისმის იმათი და არც ავი.

— წერილი მაინც არ მოსულა?

— ორჯერ თუ სამჯერ კი მოიწერა პირველხნობას. ფედულიონოვი თავისი სახლის ამბავს ეკითხებოდა მანაჩემს, ხალხიც მოიკითხა, სად და სად არიანო. ეს იყო და ეს. მეც უკვე სად მეცალა ფედულიონოვისათვის: მამა გარდამეცვალა, ცოლის შერთვა მომიწია... სულ ხე-ტყის დამზადებაზე ვიყავი, თავს ვერა ვყოფდი ტყიდან. მახსოვს, დედაჩენი სულ ჩვენი ძროხის სიცოდვით იწვოდა, წავიდოდა ხოლმე ბაკში, მივიდოდა, მიეფერებოდა ჩვენს პესტრუხას და ტიროდა ცხელი კურცხლებით. ბევრჯერ დავუშალე, მაგრამ ტყუილად. როგორც კი რაიმე დღესასწაული დადგებოდა, სულ ძროხის სანახავად გარბოდა. ჰოდა, შეასწრო ერთხელაც კოზონკოვმა თვალი და უბრძანა, ეხლავე შეწყვიტე ტირილიო. მაშინ კი ველარ მოვითმინე ამდენი და პირში მივახალე: შენ, ვინკა, კვირაში შვიდ დღეს ფხიზელს ვერა გნახავს კაცი, სულ გაღეშილი ხარ, არც მზრალად ხვნა დაგიწყია ჯერ, მთელი ბრიგადა დაქცევის პირზე მიიყვანე-მეთქი. ხახვის მენდალი უნდა ჩამოგკიდონ გულზე-მეთქი. ჰოდა, დაიწყო კიდევც იმ დღიდან ჩემი წამება, ორმაგი გადასახადი დამადეს. რაღა არ მომიგონეს: კუდიანი ცოლი გყავსო, შემორავვულ სახლში ცხოვრობო. დამიბარა ტაბაკოვმა კანტორაში, ნითხრა: „აი, მოქალაქე სმოლინ, წახვალ ტყეში, გამოიტან ას ორმოცდაათ კუბმეტრ შეშას და მოგიხსნით კულტგადასახადს, გაძლიერებულ დავალებასაც აგხსნით, გაძლევთ შესაძლებლობას, გამოსწორდე პროლეტარული სახელმწიფოს წინაშე.“ ეჰ, ბიჭებო-მეთქი, ვუთხარი, საცა სამართალია, მე არაფერი მჭირს გამოსასწორებელი, სულაც არა ვარ თქვენს წინაშე დანაშავე-მეთქი. სხვებზე ნაკლებად არ ვმუშაობ, აგე, თქვენ თვითონ მომეცით საგაზაფხულო თესვაზე ეს პიჯაკი, ახლაც აგერ, ტანზე მაცვია-მეთქი. კოზონკოვზე კიდევ, რაცა ვთქვი, მართალი ვთქვი; ხოლო ჩემი ცოლი თუ ხალხს მუწუკებს ურჩენს, რა

ჩემი ბრალია-მეთქი. რა მექნა? გავახმე ორცხობილა და წავედი ხეების სათ-
რაქავად. მომცეს ერთი 'მაკე ჭაკი. ერთხელაც, თვალი ველარ მივადევნე და
ჯირკს წამოსდებია მარხილი. დავიძაგრეთ მე და ეს ჩემი ჭაკი. მივაწვეით და
დავძარით მარხილი: მე კი გავსკდი ჭიბზე, ჭაკს კი იმავ დღეს წაუხდა მუ-
ცელი. ამაზე ორმოცდაათი შრომადლით დამაჯარინეს: განგებ ჰქენი, კოლმე-
ურნეობის ზიანი გინდოდაო. შრომადლეებს ვინ ჩივის, ამ დაბრალებაზე მე-
ტინა გული.

ღმერთმა უშველოს, სატყეოს უფროსი გამომექომაგა, — გეგმას კარ-
გად ვასრულებდი და იმიტომ. არადა, ვინ გიფასებს! ნივედი შინ. არ მომ-
ცეს საშველი, ახლა გზის გაყვანაზე გამგზავნეს, ნადირივით დავიარებო-
დი, გავგარეულდი სულმთლად კაცი. ისე მქონდა წელი მოწყვეტილი, ყოველ
ქვაზე ვჯდებოდი გლახა დედაკაცივით. ვფიქრობდი, ნეტა ერთი კვირა მაინც
მამყოფა შინ, დააცხრე, უფალო, უფროსების გული-მეთქი. მივედი ერთხელ,
მარტო ერთი ღამე გავათიე, გავხედე დილაზე და ისევ ეს შენი კოზონკოვი
მომდგომია ჭიშკარში. „აბა?“ სულ აბა და აბა, კელარ მოვითქვი ადამიანურად
სული. ისევ გზის გაყვანაზე წავედი, ვიმუშავე მთელი სეზონი, სულ მე მქონ-
და გარდამავალი წითელი ქისა. ვინც ყველაზე კარგად მუშაობდა,
იმას ეძლეოდა ეს ქისა თავისი თუთუნიანად. ავდექი და ვიფიქრე, წარმო-
ებაში კაცის ფასი მაინც იცოან, ხედავენ, რას აკეთებ და გიფასებენ: რა მინ-
და სოფელში, წარმოებაში წავალ-მეთქი. მივედი სოფსაბჭოში პირადობის
მოწმობის ასაღებად: დურგლობაზე შემიპირეს ერთ ადგილას, ხელშეკრუ-
ლებაც დამიდეს. ასეა და ასეა ჩემი საქმე, წარმოებაში მივდივარ, აგერ,
ხელშეკრულებაც მაქვს-მეთქი. რაღაზე გინდა მოწმობაო, მითხრა ტაბაკოვმა,
სად უნდა წახვიდეო, კარგი ცხოვრება იქაა, საცა ჩვენ არა ვართ
ხოლმეო. დასტურ, ვფიქრობ ჩენს გულში, მეც სწორედ იქ მინდა, საცა თქვენ
არა ხართ-მეთქი...

— მოგცეს მოწმობა?

ოლეშამ არ გამცა პასუხი, დაღუძდა. გადააწყო ქვები, საჭირო ქვას
ეძებდა, მაგრამ ვერ შეარჩია.

— აი, ყმაწვილო, ეს ქვა არ ვარგა საღუმელედ. ეს ლურჯი ქვაა.
ერთს დადებ და მთელ საქმეს გაათუჭებ. ლურჯმა ქვამ მხუთრი იცის, არ ვარგა
ღუმელში.

არ ვიცი, რა ნიშნებით გამოიცნო ეს გამჭვარტლული ქვა, გადააგდო.
კითხვა გავუმეორე და არც ახლა მიპასუხა.

— რა ჭკუა აქვს, რასაც უბირი ხალხი მოროშავს ხოლმე, არ უნდა შე-
უშვა ყურში, — თქვა მან. — არ დაიმახსოვრო, რაც აქ ვიბეუტებ.

— ხომ არ გეშინია?

— შიშით მაინცდამაინც არ ნეშინია, მაგრამ ხომ გაგიგონია ანდაზა: ვინ
დამღუპა და საკუთარმა ენამო.

— ახლა სხვა დროა.

— სხვა სხვაა...

და უცებ, ეშმაკურად რომ მოპრუწა ბაგეები, ხმიერად გაამწლაკუნა ენა:

— შენ პარტიული ხარ?

დავიბენი:

— როგორ გითხრა... საერთოდ, კი ვარ.



— მაშ, მითხარი, განა სწორია გალავანი სამრეკლოზე მაღალი იყოს?

— ვერ გავიგე... რა გალავანს ანობ?

— გალავანს. მე მახსოვს, სუყველა კი არ იყო მართლა იმ ჩვენი ტაბაკოვისთანა, იმნაირი დევგმირი... დევგმირი კი არა, ხვიშტი!.. მაგრამ კრებებზე ხელების ქნევა და მაგიდის ბრახუნი იმდენი არაფერი, უარესები ხდებოდა. ერთხელ, მახსოვს, გემთსაშენზე წავედი, აგერ პეტკას მამამ ჩამწერა. ხელშეკრულებით ვიყავით, ბარაკები უნდა აგვეშენებინა მუშებისათვის. ჩავჯექი ვაგონში და მაშინათვე ძილი მომერია, ღამე იყო. მგზავრებსაც ეძინა სუყველას. გავხედე, ვიღაც კაცი შემოდის ვაგონში. ნათელი ღამეა, კარგად ჩანს სუყველაფერი. ქორივით იყურება აქეთ-იქით, ისეთი თვალეები აქვს, რძეს რომ ჩახედოს, აიჭრება მაშინათვე. პირდაპირ მე არ ნომდგა? საიდან მოდიხარო, სად მიდიხარო. ვაძლევ საბუთებს, არა სჯერა. ჯერ ფეხდგომელა დამკითხავდა, მერე ერთი ამბავი დააწია: „გამცილებელო! არავინ გაუშვათ ვაგონიდან! მოცილდით, ამხანაგებო, გზას ნუ კეტავთ!“ გაიღვიძა ხალხმა. „თქვენც, მოქალაქე ქალბატონო, გასწით ეგ თქვენი ფეხები!“ ვზივარ და ვუცდი, კიდევ რას იზანს. არადა, რაც არ უნდა ქნას, ჩემთვის ყველა ხათაბალაა. „ეს ასე. მომეცით, მოქალაქევ, ეგ თქვენი ჩანთა!“ ამას მე მეუბნება. მივეცი. ერთი ხელი საცვალი მაქვს შიგ და ორი ჭერის კვერი, შავ-შავი, თუჯისა გეგონება. ცერცვი იყო შენარევი, დაფქვული, თანაც კაი ხნის ფქვილი, დანესტიანებული. გატეხა, ეს რა არისო. ხომ ჩანს, რაც არის-მეთქი. პურიაო? არა, ღვეზელია-მეთქი. არა სჯერა: შენაო, იქნებ ვინმეს დავალებით პროპაგანდას ავრცელებ, აბა, ასეთი ღვეზელი არ არსებობსო. როგორ არა, არსებობს-მეთქი. თან ჩემს გულში ვფიქრობ, იგენს უნდა იჭერდე, ვინც ხალხს ჯიბეებს უცარიელებს, ჩემისთანა საწყალი კაცი რა დასაჭერია-მეთქი. ვარ აეგრე გაჩუმებული. აბა, რა უნდა თქვა. მიყურა, მიყურა და ჩამომეხსნა, წავიდა სხვების საძებრად. მაგრამ ამის შემდეგ ისე ჩავედო ისაკოგორსკამდე, მთელს ამოდენა ვაგონში კაციშვილი არ დამლაპარაკებია. ყველას ქვეყნის დანქცევი ვეგონე. სირცხვილით ვიწვოდი კაცი. ვფიქრობდი, აი, რა მიქნა ამ მამაძაღლმა-მეთქი.

ლაპარაკობდა ოლეშა და ერთობ მარჯვედ ასახიერებდა ხან თავისთავს, ხან ვაგონის შემმოწმებელს.

— ერთსაც გეტყვი, ჩემო ძმაო, კონსტენკინ: ჩემს დღეში ისე არ მიქნია. ცხენზე გაბრაზებულს უნაგირის ტეხა დანეწყო. — ბერიკაცი კვლავ დადინჯდა. — ღმერთმა უშველოსთ. იყო ბრალი, დავუხუჭეთ თვალი...


ამასობაში აბანოც მოგვეთავებინა. უკვე შეიძლებოდა გახურება და ბანობა.

XVII

სახვალიოდ ქალაქს უნდა გავმგზავრებულყავი. წასვლის წინ უნდა მეზანავა. მე და ოლეშა შევეუდექით აბანოს გახურებას. იმან ნაძვის შეშა და ერთი შეკვრა არყის კვარი მოზიდა მარხილით, მეც ვედრო გამოვართვი და წყალი ამოვიტანე ნდინარიდან, გავავსე გოვზაკები.

— გაახურებ? — ოლეშამ თვალეები მოწკურა.

— ისე გავახურებ, შენი მოწონებული.



— აბა, მიდი, მე წავალ, ძროხას უნდა დავხედო.

ჯერ კარგად დავასველე ცოცხი და აბანო გამოვგავე. გავხსენი საკვანთური, შევაწყე ღუმელში შეშა, შევუნთე კვარი. კვარი ხალისიანად, უჩუმრად აბრიალდა, შეშაც ხმელი იყო და ერთობლივ მოეკიდა ცეცხლი. შეშა ბლომად ნოეტანა ოლეშას. აბანოში უკვე ტრიალებდა ოდნავ მწარე ალხი, ღუმელიც ძლიერ მხურვალეებას გამოსცემდა, ზედ დადგმულ რკინის აბაზანაში წყალმა დაიწყო დუდილი. ოქროსფრად ბრწყინავდნენ ნაკვერჩხლები, გამოხურდნენ და ჩაწითლდნენ, ფანჯრის ჩარჩოს სდიოდა გამდნარი ფისი. რაც მახსოვს, ოცი წლის წინათაც კი, ჩარჩო მუდამ ასე იწყებდა აცრემლებას, როცა აბანოში იატაკამდე დავიდოდა ალხი.

ნელ-ნელა ინავლებოდა ნაკვერჩხლები. დავკეტე კარი, სახლში წავედი და ტრანზისტორი წამოვიღე, კალათაში დამალული. დილით გადაცემათა პროგრამა მქონდა მონასმენი და ვიცოდი, დაახლოებით ამ დროს შუბერტის სიმღერები იქნებოდა, „მშვენიერი მეწისქვილე ქალის“ ციკლი. მინდოდა, სანამ გამოვეთხოვებოდი, მოულოდნელად გამეხარებინა ოლეშა. ნიმლები კუთხეში, ტახტქვეშ დავდგი და ცოცხი მივაფარე. დავკეტე საკვამური. თეთრი ფერფლით მოფარული ნაღვერდალი ცოტათი კვლავ ლივლივებდა, მაგრამ მხუთრი გამქრალიყო. შეიძლებოდა ბანაობა. კვლავ შინ წავედი, ამოვიღე ჩემოდნიდან ახალთახალი, სურნელოვანი თეთრეული და პირსახოცი, მერმე ოლეშას მოსაყვანად გავეშურე. გზად ვფიქრობდი, ძველად ჩემი წინაპრები ალბათ ასევე სანეტარო, ამალლებული და მშვიდი სიდიადით მიდიოდნენ-მეთქი სააღდგომო ცისკრის ლოცვაზე. გული სიხარულით მიძგერდა და თან ნაღველიც მქონდა. უსამანო იყო ლურჯი, გაფართოებული ზეცა, დღეს პირველად ჰგავდა საგაზაფხულოს. თოვლი შემლღვალაყო გზაზე. სახლთა სახურავებიდან სწორედ ისე ცვიოდა თოვლის ნაყური, როგორც გაზაფხულზე იცის ხოლნე. არყის ხეებსა და შოთხვის ბუჩქებში განახლების წინათგრძნობა მიმალულიყო, ზამთრის ღბილი, საბოლოო სიმშვიდე და უკანასკნელი სიზმარი. გარშემო მოჩარული ტყეები თითქოს უფრო წამოწეულიყო სოფლისაკენ. საჯინიბოში თავშეკავებით ხვიხვინებდა ულაყი.

ოლეშა აუჩქარებლად ავიდა სხვენზე, ცოცხი ჩამოიღო.


ალბათ ამქვეყნად არაფერი სჯობს აბანოსწინა გრილ ოთახს, გახურებული ფიჭვის ხისა და კედლისიქითა სიმხურვალის სუნით რომ არის გაჯერებული: არყის შტოების მწვანე ცოცხს, ჯერაც რომ არ დაორთქლილა, ხმელი რომ არის, მაგრამ მაინც შემოუნახავს ივნისის სურნელებანი; ღუმელის ქვეშ გამთბარ მიწას; უცნაური, მშობლიური სიძველის შეგრძნებას; ლანქრად წასული თოვლის სუსხს... შენივე ოფლის, შენივე კანის სუნს...

ასე. ჯერ ქურჭი უნდა ჩამოვკიდო. მერმე თამბაქოს გაბოლება, ფეხსაცნელების გახდა, ოდნავ შემცივნება...

ოლეშა კვლავ გარს უვლიდა აბანოს, ათვალეებდა თავის ნახელავს. მე უკვე ტახტზე ვიჯექი, მშრალ, ღბილ და თანაბარ სიმხურვალეში. კანქვეშ მაინც მციოდა და მაკანკალებდა.

— კარგად, კარგად გაგიხურებია, ყნაწვილო. — ოლეშა ზღურბლზე ჩამოჯდა და ნელ-ნელა, დინჯად გაიხადა თექის ჩექმები, სატერფულებს დააჩერდა. — ღმერთო, დიდებულო, არადა, აგერ ახლა გამოვაკერე. იბანავებ?

ეს კითხვა მართლაც ზედმეტი იყო. ძირს ჩავხტი და სპილენძის ჩამჩით



სასინჯად მივასხი წყალი ღუმელის გავარვარებულ ქვებს. მოკლე, მძლავრი შიშინით გამომეპასუხა ქვები.

— აბა, მიდი...

ღუმელი ახნაურდა, მშრალმა, აუტანელმა მხურვალეებამ ალერსით ამოლანდა კანი. ცოცხი დავმდულრე, დამთხვეულივით ავიჭერ ზემოთა ტახტზე და იმწამსვე კერპთაყვანისმცემლად ვიქეცი: სამყაროში თითქოს ყველაფერი თავუკულმა დადგა და ყველაფერმა სხვა, უფრო ფართო აზრი შეიძინა.

— აბა, აწი დავჯდეთ...

დაჯდომა კი შემომთავაზა, მაგრამ თვითონ, თითქოს ცოტა შეყოყმანდაო, კვლავ დაასხა ქვებს წყალი და სწრაფად ამოძვრა ზემოთ ხელახლა. ვიჯექი ტახტზე და აზრის ნატამალიც არ მიკრთოდა თავში. ანაზღად ტრანზისტორი გამახსენდა, შეუმჩნევლად გადავატრიალე დილაკი და აბანოში, ამ ჩემს ძველ აბანოში მოხდა რაღაც ახალი სასწაული. ღმერთმა უწყის, საიდან გაჩნდა ნომდერლის ხმა. ამ ბუნებრივ, საოცრად ნეტარ ბგერებში არაფერი იყო ზედმეტი და გაუგებარი, ისევე, როგორც პურში, ანდა წყალში: ჰანგები უბრალოდ, დაუძაბავად შეერწყო ამ სავსებით შეუფერებელ გარემოს, სულაც არ შეხვდათ რაიმე დაბრკოლება. ოლეშასაც არ გაჰკვირვებია, დაწყნარდა მაშინვე, გაყუჩდა და სულ უფრო და უფრო დაბლა ჩრიდა მელოტ თავს, მერმე ანაზღად გამოფხიზლდა, რაღაცის თქმა უნდოდა და ველარა თქვა.

— ახ, მაგისი დედა...

გახარებულმა დიდის ამბით გამოვიღე ტრანზისტორი და მივართვი.

— აჰა, აიღე! აწ ამითი იბანავე ხოლმე.

— თუკი... თუკი არ გენანება...


— არა. დანანება რას მიქვია!

— ჰმ. მაშ, ასეა. მე კი მეგონა, ვიღაცა ჩემს გულში ზის და მღერის-მეთქი. სულ შიგნით.

— ეგრეც არი.

— რა ცხოვრება დადგა! საინტერესო. სიკვდილი აღარ გინდა კაცს. — ოლეშამ ნეჭა გასაპნა. — პირდაპირ გეტყვი. კოსტია, მაინცდამაინც არა მწამს ღმერთი. აბა, რაღა ღმერთია. თუკი თვალითაც არ მინახავს, ტყუილს ხომ ვერ ვიტყვი. არადა, ზოგჯერ გაჰყვები ხოლმე კაცი ფიქრს. აი, მაგალითად, ცხოვრობს აგერ ადამიანი, უცებ, გაიხედავ და, წაიქცა, მოკვდა. საკითხავია, როგორღა გავიგოთ ეგა? არადა, თუ კარგად ჩაუკვირდები, რაღაც ცუდი გამოდის: იყო ადამიანი და უცებ აღარ არი... სად გაქრა? კი, ბატონო, ვიცი, ეს სხეული მიწაში დალპება: მიწამ გააჩინა და მიწა მიიბარებს. სხეულის საქმე გარკვეულია. ოღონდ, სულს რა ნოსდის? ესე იგი, ეს ჩემი გონება, რაც მე თვითონა ვარ, ეს სადღა მიდის? ხომ მქონდა მე ეს გონებაა თუ რაღაცაა, სული რაღა, რაც მე თვითონა ვარ... სხეული კი არა. თვითონ მე, აი, აგერ რომ ვფიქრობ, აზრი რომ გამაჩნია. იყო და აღარ არი. როგორი საქმეა?

— არსადაც არ დაიკარგები. — ვუთხარი მე. — ამ ქვეყნად დარჩები. აი, ეს აბანო ხომ გამიკეთე... როცა მოკვდები, ჩამოვალ მე შვებულებით, მოვალ საბანაოვ. ასევე ვიფიქრებ, როგორც შენ ფიქრობ ახლა. გამახსენდები. გამოდის, ჩემს გულში მჯდარხარ თურმე, თუმცა უკვე რახანია აღარა ხარ ცოცხალი.



— მეეჭვება რაღაც...

— აბა, საეჭვო რა არი. — ახლა თავადაც მწამდა, რასაც ვეუბნებოდი. — ამ აბანოს სად წაიღებ? ანდა, მე და შენი ამდენი ნალაპარაკები? აიღე აგერ შენი ნასტასია, მაქმანებს რომე გიქსოვს ხოლმე. აღარ იქნება ამ ქვეყანაზე, მაგრამ მისი ლამაზი ნახელავი ხომ იქნება მის შემდეგაც. განა ეს სული არ არი?

— სული...

— აბა შენ რა გეგონა. აი, მე და შენ ახლა სიმღერას ვუსმენდით. მაგრამ ეს ადამიანი ხომ იქნებ ორასი წელიცაა, აღარაა ცოცხალი, მისი სული კი მისსავე სიმღერაში დარჩა. ხომ გრძნობდი ამას წელან. ჰოდა, არსადაც არ დაკარგულა ეს ადამიანი. განა მართალს არ ვამბობ?

— ასეა ალბათ...

— ჰოდა, შენც ასე, აგერ აბანო გააკეთე, მთელი შენი ცხოვრება მომიყევი. არც შენ გაქრები უკვალოდ, ამ შენს ნაქმნარში და ნათქვამში დარჩები.

— აბანო ხომ მე არა ვარ...

— როგორ თუ შენ არა ხარ? — წამოვხტი კიდეც. — როგორ თუ არა ხარ?

— მაგრამ, ვთქვით, მოგკვდი, შენ კი ამ აბანოს დაშლი, ჩემი მონათხრობიც დაგავიწყდება. ჰოდა, ესეც მთელი ჩემი სული, აღარა ვარ, გავქრი. ანდა, იქნებ, შენ არც დაივიწყო, მაგრამ სხვა ხომ დაივიწყებს, ხალხი ხომ ყველა ერთი არაა.

— არც სხვა დაივიწყებს!

ოლეშამ არაფერი მიპასუხა.

XVIII

სანან შინ წავიდოდი, შრომის საფასური შევთავაზე, მაგრამ ბერიკაცმა ან ვერ გაიგონა, ან გაიგონა და ისე მომაჩვენა თავი, თითქოს არაფერი სმენია. მხოლოდ მერმე მივხვდი, სამუშაოს დამთავრებისთანავე და ბანაობის შემდეგ არ უნდა მეხსენებინა ძველი დურგლისთვის ფული. მაგრამ როცა ვუთხარი, აბანო „დავასველოთ“, აღვნიშნოთ მუშაობის დამთავრება-ნეთქი, უარი არ მითხრა, ცოტათი მოლბა, თუმცა არც ისე აღფრთოვანებულა:

— ჩაის დალევა კი შეიძლება. გამოვივლი.

— ნასტასიაც წამოიყვანე.

— გმაღლობ, კოსტია, ეგ კი ველარ წამოვა.

— აბა, ასე ორი საათის შემდეგ გელოდები.

გამოვიანგარიშე, რით შემეძლო სტუმრების დახვედრა, ახლავე მინდოდა სუფრის გაწყობა, მაგრამ გამახსენდა, ევლოკიას რომ რადიოს შეეკეთება აღვუთქვი.

მინუტკამ ისე, ყასიდავ შემიყვდა. მხოლოდ წესისათვის წაიყავყავა და წინკარში დურთა თავი. შიგნით ელექტრონის შუქი ჩახჩახებდა. კარიც ღია იყო, მაგრამ მაინც ლამის კისერი მოვიტეხე ზღურბლზე. წინკარის ბაქანი ყველაფერს ჰგავდა, ოღონდ იატაკს არა: ორი ფიცარი აკლდა, გარდიგარდმო

რალაც მორები და ძელის ნაჭრები ამოჩხორილიყვნენ და კბილებსა კრეჭდნენ, როგორც ღურგლები იტყვიან ხოლმე. ერთ ჭუჭრუტანაზე კი ამანათის ფირფიცარი იყო დაფარებული. ელნათურა ნათლად და კვინატად აშუქებდა საკუთრივ ევდოკიას საღურგლო ხელოვნების ყველა ამ ნიმუშს.

შიგნით შევედი და ცოტა კი შევჩქვიფდი: რადიო მთელი ხმით გაჰყვიროდა ერთობ დაწმენდილ ხმაზე. აფრიკის დამოუკიდებლობაზე გადმოსცემდნენ რალაცას. მაგიდას ანფეა უჯდა, დიასახლისთან მასლაათობდა, აქეთ სამოვარიც დიდ ჩუხჩუხში იყო, ერთ მესანედზე შენაკლულებულიყო წითელ ღვინიანი ბოთლი. ერთ თეფშზე ხმელი ხილი იდო, მეორეზე — ნიყვი სოკოები.

გამარჯობა ვთქვი.

— რა აქვს გაფუჭებული ამ თქვენს რადიოს? მე მგონი, კარგად ლაპარაკობს.

— ახლა კი ლაპარაკობს, — ევდოკია კარისკენ წავიდა. — დილით არ იღებდა ხმას. დაჯე, დაჯე სუფრასთან.

ანფეა, რეპროდუქტორის ხმიანობის დაძლევის რომ ცდილობდა, რალაცას რატრატებდა, თავის ტელევიზორს აქებდა, ასე და ასე ვიყიდეთ და ამას და ამას უჩვენებსო, ევდოკიამ კი ერთი ბოთლი „მოსკოვური“ ჩამოდგა ჩენდა გასაოცრად.

— ჰოი, გაჩერდი, თუ ქალი ხარ, — თქვა სხაპასხუპით. — დაჯექი და შესვი. შეგათბობს ცოტას. დაჯექი, თუ გვიკადრებ. აბა ჰე, მე არა ვარ მაგისი გახსნის ოსტატი.

რა უნდა მექნა, ჩამოვჯექი. ევდოკიამ მაშინვე დამისხა ერთი ჩაის ჭიქა არაყი, თავისთვის და ანფეასათვის კი პატარა ჭიქებში დაასხა წითელი ღვინო. მინდოდა მეკითხა, რა ამბავზე გაქვთ ეგ ქეიფი-მეთქი, მაგრამ არ ვიცი რატომ, რალაცამ ენა დანიბორკა.

— აბა, ნელი, დაიწყე. შეხვედრისა თქვი. — ჩაილაპარაკა ევდოკიამ და თავად უჩვენა ანფეას მაგალითი, ასწია ჭიქა.

ნელი ყასიდად გაიპრანჭა, წამლერებითა თქვა:

— აგერ, კონსტანტინი ჩამოგვრჩა.

გულში სინდისის ხმა გამიფაჩუნდა, მაგრამ არ დავაყურადე ამ ხმას, ორთავეს მივურტყი ჭიქა-ჭიქაზე და სანახევროდ დავცალე. მაგრამ ქალებმა ისე ერთხმად შემომძახეს, თითქოს ვინმემ უბრძანათო: „ოჰ, პლატონოვიჩ, დასცალე, მტერი დაგეცალოს!“ ავწიე და დავლიე დანარჩენი ნახევარიც... ისე უამური იყო სასმელი, ქვასავით გამიჩერდა კუჭში და აბეზრად დამიწყო წიწკნა.

მარილიანი სოკო დავაყოლე და ძალისძალად ჩავახშე გულისრევა. ევდოკია კი ისევ მივსებდა ჭიქას...

ათი წუთიც არ გასულა, ნელ-ნელა მომეახლა თავდაჯერება და, რაც მთავარია, სიკეთე — ევდოკიასადმი, ნელისადმი, ამ ლამაზი სამოვრისადმი, ამ გაზეთებით გაწებულ ქოხისადმი, შიგ რომ ერთი საწოლი იდგა და ერთიც შეთეთრებული ღუმელი, ამ ხვადი კატისადმი და გადიდებული ფოტოსურათისადმი ევდოკიას ვაჟისა. ბოლო ომში რომ დაღუპულიყო „სულ ჩვიდმეტი წლისა“. წუთი-წუთზე იზრდებოდა ეს ჩემი სიკეთე, მინდოდა რაიმე კარგი გამეკეთებინა ევდოკიასათვის, თუნდაც, ვთქვათ, შეშა დამეხერხა



ანდა რიგიანი იატაკი დამეგო წინკარში; ანფესთვისაც, ანუ ნელისთვისაც გამომეკითხა თავისი ამბები, გული გამეკეთებინა.

რა სჭირდა გულის გასაკეთებელი? არაფერი ეტყობოდა საამისო უკვე რახანია იმაზე კამათობდა, სოფელში სჯობს შვებულების გატარება თუ ქალაქშიო.

— ოჰ, არა! ათასჯერ არა, კოსტია, აგიტაციას ნუ მიწევ, ვეთაყვა.

სოფელში ცხოვრებას განა ცხოვრება ჰქვია? ველარსად წასულხარ, ველარავის დალაპარაკებიხარ.

— აკი ჩამოდი...

— ჩამოვედი. რახანია აქ არ ვყოფილვარ და ემიტომაც ჩამოვედი. აჰ, არა და არა.

— მაინც იწევს გული, სამშობლოა...

— არაფერსაც არ იწევს, დალიე, ეგა სჯობს! არა, ეგ კი არა, აი ის ბოთლი, თეთრი...

— დაიცა, ევდოკია სადღაა?

ევდოკია აღარ იყო სუფრასთან, სამზარეულოშიაც არა ჩანდა და მხოლოდ ახლა, სიმთვრალის ბურუსში დანთქმულმა, ნელნელა გავისიგრძეგანე ყოველივე... საათს შევხედე, საღამოს რვა გამხდარიყო. ოლეშა, ჰა და ჰა, მესტუმრებოდა, მე კი ისე გამომივიდა. თავად სტუმარი ვიყავ სხვის სახლში.

ამ დროს ანფეა მოუბრუნებლად იბნევედა ჩამოვარდნილ წინდას.

— იჯექი, კონსტანტინ, რაღას ადექი. ევდოკია საჯინიბოშია წასული, ამაღამ იქ ათევს, თბილანაში.

— თბილანაში?

ანფეამ არ მიპასუხა, დადგა სარკის წინ. ერთბაშად გაჭრა მთელი ჩემი სიკეთე.

ერთხანს შუა ქოხში ვითრიე ფეხი. მერმე მტკიცედ წარმოვთქვი: — აბა, მე უნდა წავიდე.

ალანძულ ქალს საბუღალს ვიხიე არ მოუცვლია, თმას ისწორებდა.

— კარგად იყავი! — არც თუ ისე მტკიცედ გამოვსხდარი წინკარში.

მოვწიე ურღულს, მაგრამ იმდენად იყო დაკეტილი, გულზე ბოლო წამეკიდა, რაც ძალი და ღონე შეიძლება დაიფარვებოდა. გარბინოთა გარეგან ურღულში გაკვეთებული ფოხი და ანთიო გაიღო. ღუაბი დაძულა ქერბის ნახელავმა მოწყობილობამ, კარგად გამოვიაროთ გარეთ. ანფეა თქვი: — დაქვებო!

77

მივედი შინ, ავანთე ღამა, დავხეჩე კვირა თი დაუღვი სამოვარი. წვერგაპარსული და მოკანმული ოლეშაც მალე მთავარი ქუდი და ქურთუკი რომ ჩამოვართვი და ლურსმანზე ვკიდებოდი, ჩემი დაუნებურად ვკითხე:

— რა იქნება, კოზონკოვსაც რომ დავეუძასო?

— მასპინძელი შენა ხარ, — მითხრა ოლეშამ.

...კვლავ ამიქავა გული სიკეთის ქმნის სურვილმა. სამოვარს მიმიხედვითქი, ვუთხარი ოლეშას და კოზონკოვის მოსაყვანად გავვარდი. თითქოს

ანდრეასთან კვლავ შეხვედრის საფრთხე ამარიდაო, ავენიორი ქუჩაში შე-
მომხვდა: თურმე ბრიგადირს უნდა სწვეოდა ბანქოს სათამაშოდ.

— ერთი საათით გვეწვად, ავენიორ პავლოვიჩი.

კოზონკოვი შეყოყმანდა, მაგრამ უჩვეულოდ მჭევრმეტყველი გავხდი.
წინკარში რომ შემოვუძებნი, გზა ფარნით გავუნათე.

— გამარჯობათ! — ხნამალლა თქვა კოზონკოვმა.

— ავენიორ პავლოვიჩს ვახლავართ, ავენიორ პავლოვიჩს! — დამცინავი
გულკეთილობა გამოკრთა ოლეშას ხმაში.

...მოსვენებას არ მანძევედა სახელდახელოდ შემონახული ერთი ბოთლი
სომხური კონიაკი: ბერიკაცებს ალბათ თავისუფლებაში არ დაეღიათ ასეთი სას-
მელი. სამოვარშაპო მოგვისწრო. გავხსენი კონსერვის ქილები, პური დაეჭერი
და სანახევროდ დავასხი ტიქებში კონიაკი.

— აბა, ავენიორ პავლოვიჩი, ალექსეი დმიტრიევიჩი!

ბერიკაცები რიგრიგობით ათვალეებდნენ კეკელა ეტიკეტს.

— მართალია, ამას ზოგჯერ ბაღლინჯოებზე აყენებენო?

— ტყუიან!

— შეხედე, ხუთწლიანი ყოფილა.

— უყურე შენ...

— ნე მარტო ჩაიში გავუჩვენო...

— ჩაიში არ ვარგა კონიაკი. — ამასობაში ჩაიც დავაყენე. — ამას ყლუ-
პობით სვამენ ხოლმე.

რა სულელი ვარ, განა შეიძლება სტუმრებთან ასე ლაპარაკი? ყლუპო-
ბითო... მაგრამ მოულოდნელად ოლეშამ მიხსნა:

— ძალიანაც კარგი, თუკი ყლუპობით სვამენ. აი, უწინ იყო სმა, თუ
იყო. პატარა სირჩებით სვამდნენ. თითი რომ ჩაგეყო, მორჩა, დაცარიელდე-
ბოდა. ახლა კიდე, სულ ჩაის ტიქებით ურტყამენ არაყს, ეს არი ტკუა?

— ესე იგი, უკეთესი ცხოვრება აქვთ და იმიტომ, — შენიშნა ავენიორმა.

— კი, უკეთესი აქვთ. ვერაფერს იტყვი. ღვინოსაც სულ ხარებივით
სვამენ. დალევენ და აპორწიალებენ მერე ერთმანეთს. ახლა ქალებს არ იტყვი,
რა დღეში არიან? ზოგიერთი... ზოგიერთი, აი, როგორც... — ოლეშას ხველა
აუტყდა.

დამჭირდა სოფლური სტუმართმოყვარეობის გადავიწყებულ წესთა გახ-
სენება.

ოლეშამ დაასლოკინა, აიღო კონსერვის ნაჭერი, ავენიორმაც იგივე ქნა.

— რა ჰქენით. მოათავეთ აბანო? — იკითხა ავენიორმა.

— აბანო. ავენიორ პავლოვიჩი, აწი მაგარი ექნება ამ კაცს. კიდევ ერთ
ოც წელიწადს არ გაქანდება, — თქვა ოლეშამ.

— აბანოზე ვერ იტყვი ცუდს. ზარივითაა.

— მართლაც კარგი აბანოა. შენი აბანოც არაა, პავლოვიჩი, ურიგო. განა
ცუდი აბანო გაქვს?

— ვერ ვიტყვი, ცუდია-მეთქი. ოღონდ ეგაა: ქვაბი მინდა შევლებო,
თეთრად აჯობებს.

მშვიდობიანად ბაასობდნენ. ვისმენდი დურგლების თბილ ხმებს და მათი
მონათხრობი მაგონდებოდა.

რალაც ეშმაკი შემიჯდა, ცბიერი და მოუსვენარი. არა და არ მონცა სამ-
ველი. და აჰა, ისევ შევაფსე ჭიქები და მოვემზადე სიტყვის სათქმელად. მათ
ცხოვრებაზე მინდოდა მეთქვა, ასე მეგონა, საჭიროა საბოლოოდ დაესვას
მეთქი წერტილი მათ კინკლაობას.

— აი, თქვენ ორთავეს დიდი ცხოვრება გაგივლიათ, სულ ერთად ყო-
ფილხართ, არადა, აგერ ახლა მთელი კვირა უბრადა იყავით, არ ესალმებო-
დით ერთმანეთს. გაგერკვიათ მაინც, ვინ ხართ მართალი და ვინ მტყუანი,
დამჯდარიყავით ერთი და გელაპარაკათ ერთი-ერთში!

ეს ნამდვილი პროვოკაცია იყო. მაგრამ უკვე ლაპარაკის ეშხში ვიყავი
შესული და აღარ შემეძლო შეჩერება. პროგრესისაკენ მოვუწოდებდი ორი-
ვეს, ვახვავებდი ისტორიულ მაგალითებს.

ავენირ კოზონკოვმა ჭიქურ გადგა განზე ჭიქა:

— აი, რას გეტყვი მე შენ, კონსტენკინ: ძან გამამაძალდა ხალხი,
დისციპლინა აღარაა, ნერვებს დაძაბულობა აღარა აქვთ. ბრძანებას აღარ
უგდებენ ყურს, მარტო თეთრ-თეთრი დგეზელებს ცხობაში არიან გარ-
თული.

— კარგი, ავენირ პავლოვიჩ, გაჩერდი. განა მაგაშია საქმე? — ოლეშამ
პირაღწა დადგა ჭიქა.

— არა, არ გავჩერდები! განა არ მახსოვს, გავაგზავნიდი თუ არა შე-
ტყობინებას, ტყვიასავით მოჭქროდნენ ხოლმე კრებაზე, ისეთი დისციპლინა
როდი იყო, ახლა როგორიცაა. ყველა მორბოდა!

— კი ბატონო, ყველა მორბოდა. აბა ბიჭი იყავი და არ გაიქცეოდი.
განა შენ არ იყავი, ბედლები რომ სულ უკანასკნელ მარცვლამდე ამოხაპე,
მაშ ვინ იყო: კოლმეურნეობაც არის და კოლმეურნეობაც, კოზონკოვ, დიდი
განსხვავებაა. ხომ გახსოვს, რაიონმა მოგთოკა ნერვ. კიდევ კარგი, მარტო შენ
არ იყავი უჯრედში, კაი ხალხიც იყო.

— შენ კი რა კლასობრივი მტერიც იყავი, იგივე დარჩი, — ხმას აუწია
კოზონკოვმა, — დღესავით ნათელია ეგ.

— არა, არაა ნათელი. ძალზე უთავბოლოდ ვჭონდათ შენ და ტაბაკოვს
ყველაფერი. არ უნდა ლარი და ხაზი. ხარაზები რომ ხარაზებია, იგენიც ამო-
ჩშავეთ, ფისის მხდელებიც. აქაოდა, კერძო ინიციატივა ხართო, საკუთარ
საქმეს აკეთებთო.

— რაო, საკუთარს არ აკეთებდნენ?

— რალა თქმა უნდა, საკუთარს. აბა, ვისი უნდა იყოს? შენ საკუთარი
საქმე უძახე და, მიშა ხარაზი რომ დაიჭირეთ, მთელი სოფელი უფეხსაც-
მლოდ ხომ დარბოდა მთელი შემოდგომა? ახლა, სხვა მხრიდან რომ შევხე-
დოთ, კუზია პერიევი საიდან მოხვდა კულაკების სიაში? იმას ხომ ერთი
ლინკილა ძროხაც კი არა ჰყავდა თავისი; აბანაოში რომ წავედოდა. კაცს
პერანგი არ ჰჭონდა გამოსაცვლელი. იმიტომ დაიჭირეთ, რომ ტაბაკოვს დედა
შეაგინა დღესასწაულზე და ესეც შენ, კულაკობა დაბრადა. ანდა კოლი-
უხა სილანტიევი: კოლმეურნეობამდეც წესიერი კაცი იყო და კოლმეურნე-
ობაშიაც ივარგა, დამკვრელთა სიაში იყო სულმუღამ.

— შენ, სმოლინ, მე ნუ მაბეჩებ, ნაცარს ნუ მაყრი თვალებში. აბა,
ლიხორადოვი თქვი, აგარაკი ჰჭონდა ტყეში, მთელს ამ ოლქში ეგ ვაჭ-
რობდა.



— ვაჭრობა სხვა ამბავია, მოთოკეთ ლიხორადოვი და კარგიცა ჰქონით.

— ფედულიონოვი რით იყო უკეთესი? იგიც ხომ კერძო მესაკუთრე იყო.

— კი, მაგრამ, ფედულიონოვი ხომ თვითონ მუშაობდა, რასაც თავის მიწაზე მოიყვანდა, იმას თუ გაჰყიდდა. ასეთი ვაჭრობა თუ არ ექნა, კაცი ვერც ქალაქში იცხოვრობს და ვერც სოფელში. ლენინიც კი იცავდა ასეთ ვაჭრობას. ლიხორადოვი კი სხვისას ყიდულობდა და ყიდდა. არ არის განსხვავება?

— განსხვავებაა. იგივე სპლოტაციაა ეგეც, ბურჟუა იყო, ფედულიონოვი.

— კარგი ერთი! ფედულიონოვი რა სპლოტაცია ნახე, მარტო თავის ზურგს და კისერს ხედნიდა კაცი!

— ხალხს ქირაობდა ნკასა თუ თიბვაში.

— არაფერსაც არ ქირაობდა, იხმარიებდა ხალხს, ასე ხომ შენც და გობუნოვიც იხმარიებდით.

— ფედულიონოვს სამოვარი ჰქონდა ორი თუ სამი.

— კი მაგრამ, შენ ვილა გიშლიდა, შენც გქონოდა მაგდენი. ის კაცი, აგე, დიდი დღესასწაულიც რომ ყოფილიყო, მაინც მამლის ყივილზე დგებოდა ფეხზე. შენ კიდე, თვითონ ღარიბად გამოაცხადე შენი თავი, არადა, სანამ კარგად ძილით არ გამოძლებოდი, თაფლაკვერითაც ვერ გამოგიტყუებდა კაცი შინიდან.

— აბა, როგორ, ორჯერ ხომ არ ვცხოვრობ ქვეყანაზე.

— მაშ, ფედულიონოვი ცხოვრობდა ორჯერ?

— ხარბი იყო.

— მშრომელი იყო. ცოტა კი, ძუნწიც იყო, რაც მართალია. მაგრამ რევოლუციის შემდეგ რომ თქვეს, მიწა სულაღობაზე იყოსო, შენ შენი მიწა გაატყვევე. იმან კი ორი ახო სხვაც გამოკაფა, წელში ვაწყდა კაცი.

— პოლკო, ძუნწი იყო და იმიტომ.

— შრანობლა ადამიანი, მიწას ეფერებოდა, შენ და ტაბაკოვს კიდე, სად გქონდათ ამის მიხედვრის თავი.

— კარგადაც ექნით. შენც იმაზე იყავი მისაყოლებელი, კონტრა იყავი და კონტრა ხარ.

— შენ იმდენი ხარ კონტრა, ხელისუფლება წამურტლეთ შენ და ტაბაკოვმა შენ თითოც კი არ გაგაძრკებია ამ ხელისუფლებისათვის, ფედულიონოვი კი კოლმაცს იბრძოდა მისი გულისთვის მაშ. ვისი ხელისუფლება ყოფილა?

— შენი იყო.

— მაშ ვისი?

— ვისა და ღარიბების.

— აი, ახლაც: მე ერთს ვანბობ, შენ სხვას გაიძახი. ღარიბების წინააღმდეგ სიტყვა დამცდენია? ვინც მუშაობდა, იმათზე? ისინი ხომ, ვინც მუშაობდა და ღარიბი იყო, თავისი გაჭირვების გამო მიემხრო ახალ ხელისუფლებას. შენ და ტაბაკოვი კიდე, სათქვენო საქმეს აკვარახჭინებდით.

— რაო, რა თქვი? რას ვაკვარახჭინებდი? — კოზონკოვი წამოდგა. — შენ რაო, ხალხში თავსა მჭრი? აი, ამწუთას გიჩვენებ...

XX

ჩარევა ველარ მოვასწარი: ავენირმა ორივე ხელი შესტაცა ოლეშას საყელოში, კუთხეში მიიქცია და მელოტ თავს არახუნებინებდა კედელზე. მაგიდა და სამოვარი შექანდა, ლამის გადაყირავდა, კონიაკი ძირს დაიღვარა იატაკზე. მიეძალა კოზონკოვი, ოლეშას თავს ბრაგვანი გაუდიოდა კედელზე, ძლივს გავაცილე მოხსუბარნი. ოლეშას ჩითის ახალოხი გასკდა და გაიფხრიწა. მეგონა, ჩავაცხრე-მეთქი ჩხუბი, მაგრამ ოლეშა მამალივით გამოხტა მაგიდიდან და მეორე მხრიდან ეცა ავენირს. ისევ ჩააფრინდნენ ერთმანეთს, იატაკზე დავარდნენ და, დაქიჩინაჩებულები, ცდილობდნენ კბილებში ეთავაზებინათ ერთმანეთისათვის მუშტები.

მეც გავცოფდი, ძლივს დავიოკე თავი და კვლავ გაშველებას შევუდექი. მეც საშინლად მომინდა ჩხუბი, სულერთია ვისთან ვიჩხუბებდი და რის გამო. მაგრამ გამახსენდა, მასპინძელი რომ ვიყავი და კვლავ ვაშველებდი მოხსუბართ. რა მექნა? ოლეშასთვის რომ განეკავებინა ხელი, ავენირი მაშინვე ისარგებლებდა ამ უპირატესობით და ცხვირში მისცხებდა მჯიღს, ავენირი დამეჭირა — ოლეშაც იგივეს იზამდა. ოლეშას გამოთქმა რომ ვიხმართ, „ნიფხვის ლურსმნიდან საკიდზე გადატანა“ მომიხდებოდა. დავხტოდი ბერიკაცების გარშემო, ხან აქედან ნოვუვლიდი ხოლმე და ხან იქიდან, ლამის ჩემს წინააღმდეგ ამემხედრებინა ორივე. სწორედ ამ გახურებული ჩხუბის დროს მოდგა კარის ზღურბლზე ნასტასია! ოლეშას დასახედავად მოსულყო და ამ დაკადაკას კი შეესწრო. მარტო თავის ქმარს დაუწყო თათხვა, ხან შტერი უწოდა, ხან დოყლაპია, მხოლოდ მას ერთს ადანაშაულებდა და ამით კიდევ ოპერატიულად ჩააცხრო ჩხუბი... ოლეშა შინ წააჩანჩალა, მე კი ავენირს მივეშველე ადგონაში, დრო შევურჩიე, ხელი მკლავში გამოვდე და ისიც შინ წავიყვანე.

— მე! მე... — ავენირი ძლივს მიადგამდა ფეხებს. — კოლექტივის გულისთვის დვიძლი ძმის თავსაც არ დავინანებ. ეგრევე გადავარდება განზე!

სახლთან რომ მივიყვანე, ცოტათი კი დაცხრა. მომეხვია და შინ შემიბატიყა, კიდევ მაქვს ერთი ბოთლიც; ბრალია, საათი მქონდა ხელზე, თორემ ამ ოლეშას ვასწავლიდი ჭკუასო...

შინ დავბრუნდი, ფანჯარასთან დავჯექი და დიდხანს ავსცქეროდი მთვარეს. საათიც ნოშლილიყო ამ ჩხუბში, გაჩერებულიყო. ოლეშას ქუდი ეგდო იატაკზე, გადაეგდო ყურები. სამარისებური სიჩუმე იდგა მთელს სახლში. გულგრილად ავძვერი ღუმელზე, დარდი მეძალვებოდა და არც ამ დარდს გავძალიანებივარ, დავწექი...

არ მახსოვს, ზედიზედ რამდენ საათს ვიწექი ასე, რახანია არ ავმდგარვარ, ღუმელი არ გამიხურებია. ვთვლემდი და ყელშიაც რაღაც მწიწკნიდა, უეჭველი გრიპის ნიშანი იყო, ავადობა მეწყებოდა. მთელი ტანი ნტეხდა, თავის ტკივილმა და პირის სიმშრალემ გამაბეზრა, ამივარდა სიცხე. მთლად გამოცივდა სახლი. თანდათან გრილდებოდა ღუმელი. ვიწექი ზედ და უაზროდ ავსცქეროდი ჭერს, მერმე თავდავიწყებაში ვიძირებოდი და კოშმარები მეხვეოდა. ხან მესინზრებოდა, თითქოს სულმთლად გახდილა, ტიტველი ვიჯექი საღდაც,



გარშემო კი ხალხი იყო. ხანაც სულ სხვა, უცხო სამყაროში ვბორიალობდი. ყურები მიბუჟოდა, უხილავი ზარი რეკდა სიბნელეში. ვცდილობდი დამენახა ეს ზარი, მაგრამ მხოლოდ სამრეკლო აჩხორილიყო ბინდბუნდში და იქიდან რატომღაც ავენიარ კოზონკოვი აგურის ნატეხებს ისვროდა. სეტყვასავით მოდიოდა აგურის ნამტვრევები, გაქცევა მინდოდა, მაგრამ ფეხები აღარ ნემორჩილებოდა. უცებ სამრეკლო აბანოდ იქცა და პეტია-მჭედელი დადიოდა მის ირგვლივ. იდეალური სახე მქონდა, ათშაურიანებს ეძებდა კუთხეებქვეშ. მერმე აბანოცა და პეტია-მჭედელიც გაიქნა ბინდში და მესმოდა გაუხედნავი ულასის ჭიხვინი, რატომღაც ოლეშას ქუდით აღრჩობდა ცხენს ბრიგადირი. უცებ ულასი ავენიარის ქოფაკად იქცა და შინაურულად დამიწყო სუნვა.

გარახუნდა კარი.

თავს ძალა დავატანე, აზრი ნოვიკრიბე, გავტოკდი. ანასტასია იყო, მოულოდნელად შემოვიდა და იატაკზე დაგდებული ქუდი აიღო:

— ოჰ, ეს ალქაჯი, ეგა! ისევ დათვრა და ქუდი დაკარგა! კონსტენკინ, შენს წასაყვანად მოვედი. თუ არ მოიყვან, შინ ფეხი არ მოდგაო, მითხრა.

— აღარ შემიძლია, ნასტასია, ძალიან ცუდადა ვარ.

— შეუძლოდა ხარ?

— ჰო.

— აბა წავალ და ხმელ ჟოლოს მოგიტან. იმწუთას მოგარჩენს.

წავიდა ნასტასია, კოშმარებს შეერია ისიც. ზარი კვლავ რეკდა სადღაც შორს და შორს, რეკდა ჟამიდან ჟამზე. ცისარტყელები ამიჭრიატდა თვალეებში. ნალველი მახრჩობდა, შენდეგ კი, აზრი რომ მომიბრუნდა, შემიბურთ ზიზღმა, მსაგდა ყველაფერი ამქვეყნიური და ჩემი თავიც მათ შორის. ყველაფერი ინგრეოდა, იშლებოდა.

თავი მისკდებოდა ტკივილისაგან, ტირილი მსურდა და ამ სურვილის გამოც დავცინოდი ჩემს თავს: „მე, მარტო მე ვარ ან ჩხუბში ბრალეული, მე მოვისტრევე სიცხადე შემეტანა მათ ურთიერთობაში, მე გამოვიხმე წარსულიდან მიწყნარებული სულები. მერმე თავად შევშინდი და ბერიკაცების შერიგება მოვიანდონე. იმიტომ, რომ ეგოისტი ვარ და ყველაზე მეტად მე მჭირდება ჰარმონია, განსაზღვრულობა და სიცხადე, ნეტარი მსოფლწესრიგი. კაი შერიგებაა, დმერთმანი“. ყურებში ისე ცხადად ჩამესმოდა კედელზე მირტყნილი ოლეშას თავის ბრახაბრუხი, რომ გავწითლდი სირცხვილისა და ჯაფრისაგან: „რა ეშმაკი მრჯიდა, რატომ ჩავერიე? ახლა იმათ ორივეს ვძულვარ. მტრები არიან ხელახლა ერთნანეთისა, მტრებს კი არც ის უყვართ, ვინც მათ ერთიმეორეზე ასისიანებს და არც ის, ვინც მათ შერიგებას ცდილობს. ამას წყალი არ გაუვა. მტრობა ხელს არ შეუშლით, ჩემს წინააღმდეგ შეკრან ბირი. ჰოდა, ვედარასოდეს გავატარებ მშვიდად ამ ოცდაოთხ დღეს ჩემს მამულში. აი, რა გადარდებს თურმე! თავიდან ეგრე გეთქვა... აქაც ნარტო საკუთარ თავზე ფიქრობ. ოცდაოთხი დღე კვირეების ჩაუთვლელად... არა, მარტო ეგ არ არის. მაშ, საინტერესოა, სხვა რადაა კიდევ? ის, რომ... ის, რომ...“

რატაც აზრი კოდოსავით მიტრიალებდა ყურთან, მაგრამ ვერა და ვერ დავიჭირე. ყველაფერი ამერია გონებაში: „უნდა ავდგე. უპირველეს ყოვლისა, უნდა ავდგე. კუბოში მენახოს ეს ბრიყვული გრიბი! ახლავე ავდგები, ნასტასიას მივაკითხავ, ჟოლოს მომიხარშავს. მახლას, სძულდეს ოლეშას კო-



ზონკოვი, დიახაც დაიმსახურა ეს სიძულვილი. ავენირსაც, დაე, სძულდეს ოლეშა, ეგეც კარგი ვინმეა. ეტყობა, ასეც უნდა იყოს ყველაფერი. ჰო! ჰო!

ალარ მახსოვს, როგორ ჩავიცვი თექურები. ჩამოვედი ღუმელიდან, ჩავიცვი ბარბაც-ბარბაცით, გარეთ გამოვედი.

* * *

კარი დაკეტილი იყო. სისუსტისაგან აბარგანავეებული ავედი კიბეზე, ურდულს მოვეჭიდე...

ღმერთო, ეს რაღაა? თვალებს ვერ დავუჭერე. მაგიდას უსხდნენ და ტკბილად, ვითარცა ძველი ვეტერანები, ჭუკჭუკობდნენ ოლეშა და ავენირი. ალარც ყვირილი იყო, არც რაიმე ხმაური. ბოთლი მოხანდა მწვანედ ჩაის ჭურჭლეულობაში, სამოვარი ცხრებოდა მაგიდაზე მდგარი.

— რახანია გიცდით, კონსტენკინ, აბა მოდი, აქ დაგვიჯექი. რაო, შეუძლოდ ხარ? — შენეხმიანა ოლეშა.

— არა, მგონი არაფერია.

— ამ წუთას მოგარჩენთ.

ნახევარი ჭიქა მუქი ჩაი დამისხა. ნასტასიამ ხელახლა მოხარშა სხვა ჩაი, უკვე ყოლოთი. შექარი გავადნე და ოლეშამაც არყით შემევისო ჭიქა. დაისხა, კოზონკოვსაც დაუსხა.

— რახანია გიცდით, ყმაწვილო, აგე, ნასტასიაც გამოვუშვით შენს მოსაყვანად, — თქვა ავენირმა და ასწია ჭიქა; ასი გრამი არაყი ესხა შიგ.

— ღნერთმა ქნას, უკანასკნელი არ იყოს, — წარმოთქვა ოლეშამ.

შემახურა პუნშმა. მხრებში ნელ-ნელა გამიღნასიცვივე, რაღაც გაურკვეველი გრძნობა მომეძალა, სითბოდ ჩანედვარა თვალეებში. იქნებ ვბერდები და გულჩვილი ვხდები, იმისი ბრალია. ეპ, დალახვროს ღმერთმა. მაინც კარგი რამ არის ცხოვრება!

— აბა, მივცხოთ!

მეცლებოდა ავადობის ბურუსი და ბუნდოვნად მესმოდა ავენირისა და ოლეშას ბაასი.

— არა, ავენირ პავლოვიჩ, შენ ჩემზე მეტს გაძლებ.

— რა იცი, ეგებ შენ მოგიწიოს ჩემი დამარხვა, ოლეშა.

— ორივე ერთ მიწაში ჩავალთ, ავენირ პავლოვიჩ. მე უკვე გამოთვლილი მაქვს, ორმოცდარვა ლურსმანი უნდა კუბოს. ოღონდ, თუ იქაურობა ჭკუაში არ დამიჯდა, დავკრავ ფეხს და გამოვიქცევი, კი ავიღებ მაგის საშვეს. აი, რა, ბიჭო, მოდი, პოჭოჭიკებით დამიჭედე კუბო, დამიჭედე კუბო პოჭოჭიკებით, თორემ რაღა გამოვიდა! გარმონიც დაუკარით, ფეხს მაინც გავაქნევ საფლაგში! — ოლეშამ ფეხი დასცხო იატაკს.

— პოჭოჭიკებით. პოჭოჭიკებით დაჭედილი კუბო, რაღა თქმა უნდა, ის აღარაა, რაც ლურსმნებით, უფრო მაგარია... — კოზონკოვი პურსა ღეჭდა.

— ჰოდა, მოდი, პირობა ვთქვათ.

— იყოს, არა ვარ წინააღმდეგი, — თქვა კოზონკოვმა.

— მოწმეების თანდასწრებით!

- აბა!
- მომე ხელი, რომ პოტოჭიკებით გააკეთებ!
- იქნება მე ვკვდები პირველი.
- მაშინ მეც ეგრე ვიზამ.

ბერიკაცებმა მაგრად ჩამოართვეს ერთმანეთს ხელი და ოლეშამ უცებ წხიარულად, გულიანად წამოიმღერა:

ცეკვას ესწავლობდით
ჯერაც ბიჭები,
შიწას ვწვდებოდით
ხელის თითებით!

ნასტასიამ სიცილით მოუღერა ხელი:

— ჰოი, ამას უყურეთ ერთი, რა დღეშია! სიმღერა არ დამიწყო?

— მაშ, მეტი რაღა დამრჩენია! აგე, ხვალ შენ კოსტიას გაჰყვები, მე კიდე, ავღვები და ვინმე ჯეელ დედაკაცს ვიშოვნი, ცოლად მოვიყვან. წავალ საავადმყოფოში და ჩავაბარებ სუყველა ანალიზებს. ოგარკოვოში გავუტევ სიძე-კაცი!

მერმე ნან და ავენირმა ძველებური, გაბმული სიმღერა წამოიწყეს წყნარად და ხმაშეწყობილად. მღეროდნენ და სულ უფრო და უფრო დაბლა ჰხრიდნენ სისვ თავებს.

ველარ ავყევი — სიტყვაც კი არ ვიცოდი ამ სიმღერისა.



რომანი

ფრანგულიდან თარგმნა ნესტან იორღანიშვილმა



ნება მიბოძეთ, ბატონო, დახმარება შემოგთავაზოთ. არ მინდა თქვენს თვალში აბეზარი გამოვჩნდე, მაგრამ, ვშიშობ უჩემოდ ვერაფერს შეასმენთ ამ პატივსაცემ გორილას, აქაურობის ბედს რომ განაგებს. ჰოლანდიურის მეტი არა იცის რა და, თუ თქვენს დამცველად არ ამიყვანთ, ვერც კი მიხვდება, რომ ჯინი გსურთ. მე კი, მგონია, მიმიხვდა უკვე. ეს თავის კანტურიც იმასა ნიშნავს, რომ ეთანხმება ჩემს საბუთებს. ხედავთ, აქეთკენ გამოემართა ბრძნულის სიმშვიდით. ბედი გჭონიათ, არც კი ბუზღუნებს. როცა სამსახურზე უარს ამბობს, ერთს ჩაიბუზღუნებს და მორჩა, ველარაფრით დაიყოლიებ. მხოლოდ დიდ-დიდ ცხოველებს ძალუძთ ირჯებოდნენ ასეთავიანთ ნებაზე. ახლა კი წავალ, ბატონო; მოხარული ვარ, რომ შემწეობა აღმოგიჩინეთ. მადლობას მოგახსენებთ და დაგთანხმდებოდით კიდევ, დარწმუნებული რომ ვიყო, თავს არ შეგაწყენთ. ერთობ კეთილი ბრძანდებით, ბატონო. მაშ, ჩემს ჭიქასაც თქვენსას მოვუდგამ გვერდში.

წელან სწორადა ბრძანეთ, მისი დუმილი კაცს მართლაც საგონებელში ჩააგდებს. ესაა უდაბურ ტყეთა პირთამდე სავსე მდუმარება. ხანდახან მიკვირს კიდევ, რად შემოსწყრომია ეს ჩვენი უსიტყვო მეგობარი ცივილიზებულ ენებს. მისი ხელობა ხომ ყველა ეროვნების მეზღვაურთა დახვედრა და გასტუმრებაა ამსტერდამის ამ ბარში, რომელსაც, კაცმა არ იცის რატომ და, „მეხიკო-სიტი“ უწოდა. როგორა ფიქრობთ, მისი ხელობის კაცს ეგ უვიცობა განახელს არ უნდა უშლიდეს? წარმოიდგინეთ პირველყოფილი ადამიანი ბაბილონის გოდოლზე. უცხოობა მაინც გასტანჯავდა. ეს მედუქნე კი სულაც არა გრძნობს უცხოობას, მიდის თავისი გზითა და ნირს ვერაფერი შეაცვლევინებს. ხმას იშვიათად ამოიღებს და ერთადერთი წინადადება, რომელიც მისგან გავიგონე, იყო: ან უნდა გაიტანო, ან წააგო. რა უნდა გაეტანა? რა უნდა წა-

ეგო? ალბათ თავისი თავი. გამოგიტყდებით და, ასეთი ძლიერი ბუნების ხალხი მიზიდავს ხოლმე. როცა თავადაც ესურს და ხელობაც გაიხულებს ადამიანებზე ბევრი იფიქრო. უპირატესობას პრიმატებს აძლევს ხოლმე. უხაკველნი არიან და გულში არავითარი ბოროტი ზრახვა არ უდევთ. მთლად ასე არ ითქმის ჩვენს მასპინძელზე, მაგრამ მის ბოროტ ზრახვათ კაცი ვერ გაუგებს თავსა და ბოლოს. რაკი არ ესმის მისი თანდასწრებით რას ლაპარაკობენ, ცოტა უნდობლობა დასჩემდა. ამას უნდა მივაწეროთ მისი მფრთხალი სიღარბისლეც. თითქოსდა გუმანი აქვს, რომ კაცთა შორის ყველაფერი ვერაა რიგზე. ეს გუნებაგანწყობილება მასთან გარეშე საქმეებზე მსჯელობას აძნელებს. ერთი შეხედეთ მის თავს ზემოთ კედელზე თეთრად დარჩენილ ოთკუთხედს. ეს ოთხკუთხედი იმასა მოწმობს, რომ ოდესღაც აქ სურათი ეკიდა. მართლაც სურათი ეკიდა და ძალიანაც საინტერესო. ნამდვილი შედეგრი იყო. მე მომსწრე ვარ, როგორ შეიძინა მაგ კაცმა ეს სურათი და მერე როგორ დათმო. ორივეჯერ საოცრად ფრთხილობდა, მთელ თვეს ფიქრობდა და ჭოჭმანობდა. ეტყობა, ამ მხრივ საზოგადოებამ ცოტათი გარყვნა მისი უმწიკვლო ბუნება.

მაგრამ მერწმუნეთ, სულაც არ ვადაწაშაულებ. მისი უნდობლობა გამართლებულად მეჩვენება და გავიზიარებდი კიდევ, ჩემი გულლიაობა ხელს რომ არ მიშლიდეს. სამწუხაროდ, ყბედი ვარ და ადვილად ვუახლოვდები ადამიანებს. თავს ყველას ვუყადრებ-მეთქი, არ ითქმის, მაგრამ ნაცნობობის გაბმის არც ერთ შემთხვევას ხელიდან არ ვუშვებ. საფრანგეთში რომ ვცხოვრობდი, არ შემეძლო ჭკვიან კაცს შევხვედროდი და იმწამსვე არ მეწყო მასთან საუბრად. ო, ვხედავ, რომ იტმუნებით ამ „მეწყო საუბრადის“ გაგონებაზე. გამოგიტყდებით და, მიყვარს ამგვარი გამოთქმები და საერთოდ, ლამაზი საუბარი. რა ვქნა, მეც ვჩივი, მაგრამ სუფთა საცვლების სიყვარული აუცილებლად იმას კი არ მოწმობს, რომ ფეხები ბინძური გაქვთ. სტილი, როგორც თხელი ქსოვილი, ხშირად ეგზემას ფარავს ხოლმე. თავს იმით ვინუგეშებ, რომ ისინი, ვისაც სიტყვის სიტყვაზე გადაბმა უჭირთ, ჩვენზე უცოდველნი როდი არიან. მაგრამ თქვენ სწორად ბრძანეთ, სჯობს ისევ ჯინს მივხედოთ.


ამსტერდამში დიდხანს დარჩებით? ლამაზი ქალაქია, არა? მომჯადოებელი? ეგ სიტყვა რა ხანია არა მსმენია, მას შემდეგ, რაც პარიზიდან წამოვედი. უკვე მერამდენე წელია. მაგრამ გულსაც აქვს თავისი მახსოვრობა და მეც არ დამგიწყებია ჩვენი ლამაზი დედაქალაქი; სენის სანაპიროებიც სულ თვალწინ მიდგას ხოლმე. პარიზი ნამდვილი თვალსატყუარია, შესანიშნავი დეკორაცია, სადაც ოთხი მილიონი აჩრდილი ცხოვრობს. უკანასკნელი აღწერის თანახმად თითქმის ხუთი მილიონი? ო, რანაირად გამრავლებულან. თუმცა რა გასაკვირია. მე მუდამ იმ აზრისა ვიყავ, რომ ჩვენს თანამოქალაქეებს ორი ზნე სჭირთ: აზროვნებენ და მრუშობენ, სადაც მოუწევთ. მაინც ნუ დავძრახავთ. მარტო ეგენი ხომ არ არიან, მთელი ევროპა ამ დღეშია. ხანდახან ვფიქრობ, რას იტყვიან-მეთქი ჩვენზე მომავლის ისტორიკოსები? დღევანდელი კაცის დასახასიათებლად ეს ერთი წინადადებაც ეყოფათ: მრუშობდა და გაზეთებს კითხულობდაო, დაწერენ, და ამრიგად საკითხიც, თუ შეიძლება ითქვას, ამოწურული იქნება.

ჰოლანდიელები? ო, არა. ეგენი უფრო ჩამორჩენილები არიან. მაგრამ მალე დაგვეწვიან: აბა, უცქარეთ! რასა შერებიან? თითქმის ყველანი ქალე-

ბის ხარჯზე ცხოვრობენ: თუმცა მამაკაცებიცა და ქალებიც ნამდვილი ბურჟუები არიან და აქ სიბრძნვესა და ლეგენდების სიყვარულს მოუყვანია. ერთი სიტყვით, ზედმეტი ფანტაზიის, ან ფანტაზიის უქონლობის გამო ზოგჯერ ეს ვაჟბატონები დანებსა და რევოლვერებსაც ატრიალებენ. ოღონდ არ იფიქროთ, რომ ეს ამბავი სიამოვნებთ; უბრალოდ როლი მოითხოვს და შიშით კვდება, როცა უკანასკნელ ვაზნას დაცლიან ზოლმე. მე მაინც ესენი უფრო სინდისიერ ხალხად მიმაჩნია, ვიდრე ისინი, ვინც მოყვასს „შინაურობაში“ კლავს, ანდა შიმშილით ართმევს სულს. განა არ შეგინიშნავთ, რომ ჩვენს საზოგადოებას სწორედ ასეთი ბედი მოელის? ალბათ ყურმოკრული გექნებათ, რომ ბრაზილიის მდინარეებში ერთი პაწია თევზი ცხოვრობს. ასეთი თევზები წყალში გუნდ-გუნდად დათარეშობენ, თავს ესხმიან დაუდევარ მოცურავებს, ფლეთენ, პირწმინდად ხრავენ და რამდენიმე წამში ჩონჩხად აქცევენ. რა გაეწყობა, ასეთი ზნე სჭირთ. „გინდათ რიგიანი ცხოვრება გქონდეთ? იცხოვროთ ისე, როგორც ყველა ცხოვრობს?“ ცხადია, თანხმობას იტყვიან. ან კი უარი როგორ უნდა თქვათ? „კეთილი, ჯერ კარგად გაგწმენდთ: აჰა, ხელობა, აჰა, ოჯახი, ესეც ორგანიზებული დასვენება“ და პაწაწინა კბილები ხორცს გაგლეჯენ, ძვლებამდე გხრავენ. თუმცა უსამართლობას ვიჩენ. ეს მართლმართლი სჭირთ ზნედ. ჩვენც ასე გავუჩენივართ ბუნებას. საქმე ისაა, ვინ ვის დაასწრებს...

როგორც იქნა, ჯინი მოგვადირსეს. თქვენი დღეგრძელობისა იყოს, ბატონო. დიახ, გორილამ ბაგე გახსნა და დოქტორი მიწოდა. ამ ქვეყანაში ყველა დოქტორი ან პროფესორია. უყვართ ხალხის პატივისცემა. სიკეთე ამოძრავებთ თუ უბრალოდ, მოკრძალებულები არიან, არ ვიცი, მაგრამ გეტყვით და შეგიძლიათ მერწმუნოთ, რომ ბუნებით უბოროტო ხალხია. ისე კი, მართლა დოქტორი არ გეგონოთ. თუ გსურთ იცოდეთ, აქ ჩამოსვლამდე ვექილი გახლდით. ახლა კი მონანიე მსაჯული ვარ.

ნება მიბოძეთ, ჩემი თავი წარმოგიდგინოთ: ჟან ბაბტისტ კლემანსი, თქვენი მონა-მოსამსახურე. მოხარული ვარ თქვენი გაცნობისა. თქვენ უთუოდ კომერსანტი ბრძანდებით. დაახლოებით? საუცხოო პასუხია! თანაც ბრძნული. ჩვენ მხოლოდ დაახლოებით თუ წარმოგადგენთ რასმე. ნება მიბოძეთ, გამოძიებლის როლი გავითამაშო. დაახლოებით ჩემი ხნისა იქნებით; ორმოც წელს მიტანებული, ბევრის მომსწრე მამაკაცის გამოხედვა გაქვთ, კაცისა, ყველაფერი რომ უნახავს და ყველაფერი გაუკეთებია: ჩაცმითაც არა გიჭირთ რა, რიგიანად გაცვიათ, ე. ი. ისე, როგორც საერთოდ აცვიათ ჩვენში. ხელებიც მოვლილი გაქვთ, მაშასადამე, ბურჟუა ბრძანდებით... დაახლოებით! ოღონდ მეტად დახვეწილი ბურჟუა. მეწყო საუბრად-მეთქი, რომ გითხარით, წარბი შეიკმუხნეთ. ეს ორმაგად მოწმობს თქვენს განსწავლულობას: ერთი იმიტომ, ცნობთ ამ ფორმასა და მეორეც იმიტომ, რომ გაღიზიანებთ. თან ჩემი საუბარიც გართობთ; პატივმოყვარეობა როდი მაღაპარაკებს, მაგრამ ესეც მოწმობს, რომ მეტად გონებაგახსნილი კაცი ბრძანდებით. დაახლოებით... მაგრამ ამას რა მნიშვნელობა აქვს? ხელობა მე სექტებზე ნაკლებ მაინტერესებს. ნება მიბოძეთ, ორი რამ გკითხოთ და ნუ მიპასუხებთ, თუ ამ კითხვებს კალნერებაში ჩამომართმევთ. ქონება თუ გაქვთ? არც მთლად უმაგისობაა? კეთილი, ეგ ქონება გაუყავით თუ არა ღარიბებს? არა? მაშასადამე, იმათ რიცხვს ეკუთვნით, ვისაც მე სადუკეველებს ვუწოდებ. საღვთო წერილის მცნებას არ



მისდევთ, მაგრამ დარწმუნებული ვარ, ამით ბევრი არ მოგიწოდებოდა. მაშ, საღვთო წერილსაც იცნობთ? ახლა კი ნამდვილად გულისხმაში ხამაგდით.

მე კი... თუმცა თავადვე განსაჯეთ. სიმაღლით, მხარ-ბეჭითა და პირქუში სახით რეგბის მოთამაშესა ვგავარ, არა? მაგრამ თუ სიტყვა-პასუხის მიხედვითაც იმსჯელებთ, უნდა აღიაროთ, რომ სინატიფეც არ მაკლია. გაქუცული პალტო მაცვია... აქლემი, რომლის ბეწვისაგანაც ეს პალტოა შეკერილი, უთუოდ ქეციანი იყო. სამაგიეროდ ფრჩხილები მოვლილი მაქვს. მეც გამოცდილი კაცი ვარ და მაინც ნახვისთანავე მოგენდეთ მხოლოდ თქვენი სახის შემხედვარე. და ბოლოს, თუმც რიგიანი ქცევა მაქვს და კარგი საუბარიც მეხერხება, მეზღვაურთა ბარში შინაურ კაცადა მთვლიან... მეტს ნულარ მკითხავთ. ხელობაც ორგვარი მაქვს, როგორც ბუნება. მონანიე მსაჯული ვარ-მეთქი, ეგ უკვე მოგახსენეთ. ერთი რამ კი ცხადზე ცხადია: არაფერი მახადია. ადრე კი მდიდარი ვიყავ. არა, ღარიბებისთვის არაფერი მიმიცია. ეს რას ამტკიცებს? იმას, რომ ადრე მეც საღუკეველი გახლდით. ოჰო! გესმით საყვირების ხმა? ამაღამ ნისლი იქნება ზეიდერზში.

უკვე მიდიხართ? მაპატიეთ, თუ შეგაყოვნეთ. დანახარჯს, თქვენის ნებართვით, მე გადავიხდი. „მეხიკო-სიტი“ ჩემი სახლია. თავს ბედნიერად ვრაცხ, რომ მესტუმრეთ. ხვალაც უეჭველად აქ ვიქნები; ხვალაც, ზეგაც, მაზეგაც, და თქვენს მოპატიუებას სიამოვნებით მივიღებ. გზა როგორ გაიგნოთ აქედან?.. ეგ სულ იოლი საქმეა და, თუ ნებას მომცემთ, ნავსადგურამდე მე მიგაცილებთ. ებრაელთა უბანს რომ გასცდებით, ლამაზ გამზირებზე გახვალთ, სადაც ყვავილებითა და მქუხარე ორკესტრებით გაჭედილი ტრამვაები დაქრიან. თქვენი სასტუმრო იმ გამზირზეა, დამრაკს რომ ეძახიან. მხოლოდ თქვენს შემდეგ, ბატონო... მე ებრაელთა უბანში ვცხოვრობ, ანუ იმ ადგილას, სადაც უწინ ებრაელები სახლობდნენ, სანამ ჩვენმა ძმებმა, ჰიტლერელებმა იქაურობა არ გაწმინდეს. რა წმენდა იყო! სამოცდათხუთმეტი ათასი ებრაელი სულ ერთიანად გადაასახლეს და გაჟლიტეს. ერთი კაციც კი არ დატოვეს. მომწონს მათი გულმოდგინება, მეთოდურობა და მოთმინება. თუკი სიმტკიცე არ გაგაჩნია, მეთოდურობა მაინც უნდა გამოიმუშავო. აქ მეთოდურობამ უდავოდ სასწაულებრივი ნაყოფი გამოიღო და მეც იმ ადგილას ვცხოვრობ, სადაც ერთ-ერთი უდიდესი დანაშაული მოხდა კაცობრიობის ისტორიაში. იქნებ ესეც მიწყობს ხელს გავიგო გორილას გულისთქმა და მისი უნდობლობაც გავიზიარო. ასე შემოიძლია გულში ჩავიკლა ბუნებრივი მიდრეკილება, ხალხთან სიახლოვეს რომ დაეძებს. როცა ახალ სახესა ვხედავ, რაღაც შინაგანი ხმა ყურში ჩამძახის, ფრთხილადო; მაშინაც კი, როცა ვინმე ძალიან მომეწონება, შინაგანად გადარაჯებული ვარ.

იცით თუ არა თქვენ, რომ ჩემს პატარა სოფელში, როცა ფაშისტები დათარეშობდნენ, ერთმა გერმანელმა ოფიცერმა თავაზიანად სთხოვა მოხუც ქალს, თქვენი ორი ვაჟიდან მძევლად რომელი დავხვრიტოთ, თავადვე ამოირჩიეთო. ამოირჩიეთო, გესმით თუ არა? ესა? არა, ეს. მერე კი უნდა ეცქირა, როგორ წაიყვანდნენ. სიტყვას ნულარ გავაგრძელებთ ამაზე, მაგრამ ხომ ხედავთ. კაცი მართლაცდა რას არ მოესწრება ხოლმე. მე თავად ვიცნობდი ერთ წმინდა გულის კაცს, ვინც უარი თქვა უნდობლობაზე. თავისუფლების მოყვარე იყო, პაციფისტი, ერთნაირის სიყვარულით უყვარდა ადამიანებიცა და ცხოველებიც. კურთხეული რამა ყოფილა? ეგ შესანიშნავად

ბრძანეთ. და აი, ევროპაში უკანასკნელი რელიგიური ომების დროს სოფლად გაიხიზნა და თავისი სახლის ზღურბლს დააწერა: საიდანაც არ უნდა მოდიოდეთ, კეთილი იყოს თქვენი მობრძანებაო. მერედა, თქვენის აზრით, ვინ გამოეხიზნა-ურა ამ საუცხოო მოპატიჟებას? პოლიცია. პოლიციელები შეიჭრნენ მის სახლში და მუცელი გამოფატრეს.

ო, მაპატიეთ, ქალბატონო! მაგრამ ეტყობა, არაფერი გაუგია. მაინც რამდენი ხალხი დადის ასე გვიან ქუჩაში, თუმც რამდენიმე დღეა, რაც გადაუღებლად წვიმს. ბედად ჯინი გვაქვს; ერთადერთ სხივად შემოგვრჩენია ამ წყვდიადში. გრძნობთ, რა სანეტარო ცეცხლი შემოგვიგზნოთ? მიყვარს ქალაქში სეირნობა საღამოობით, როცა ჯინი თბილად მივლის ძარღვებში. მთელ დამეს ასე დავეხეტები, ვოცნებობ ხოლმე, ანდა ჩემს თავს ვესაუბრები, როგორც ამ საღამოს. ვშიშობ, რომ თავი შეგაწყინეთ. გმადლობთ მაგ კეთილი სიტყვისათვის. რა ვქნა, გულში ვერ დამიტევია სათქმელი. პირს გავაღებ თუ არა, სიტყვები ნიაღვარივით მოჰქუხს. ეს ქვეყანაც სალაპარაკოდ განმაწყობს, შთამაგონებს. მიყვარს ეს ხალხი, ქვაფენილებზე რომ ფუთფუთებს სახლებსა და წყალს შორის, ერთი ცილა მიწაზე გამომწყვდეული. თავს მუდამ ნისლი ადგათ, მიწა ცივია, ზღვას კი სარეცხის ქვაბივით ოხშივარი ასდის. მიყვარს, რაკი თვითონაც გაორებულა: აქაცაა და არც არის აქ.

ღიახ, ყური უგდეთ მათ მძიმე ნაბიჯებს, უცქირეთ, გაზინთულ ქვაფენილზე როგორ ზანტად დააბიჯებენ თავიანთ დუქნებს შორის, ოქრონაყარი ქაშაყითა და მჭკნარი ფოთლებისფერი სამკაულებით რომა აქვთ გატენილი... ეგება გგონიათ, რომ ამ საღამოს თავადაც აქ არიან? ამ კეთილ ხალხს თქვენც სინდიკალისტთა და ვაჭართა მოდგმად მიიჩნევთ, თავიანთ ფულსა და საუკუნო ცხოვრების შანსებს ერთად რომ ითვლიან? გგონიათ ლირიკოსებად მხოლოდ მაშინ იქცევიან, როცა ფართოფარფლებიან ქუდებს დაიხურავენ და ანატომიის გაკვეთილს უსმენენ? ძალიან ცდებით. მართალია, ამ წუთას თქვენს გვერდით დადიან, მაგრამ ხედავთ, თავები სადა აქვთ? ნეონის ნისლში, ჯინოსა და პიტნის ნაყენის ნისლში, წითელ და მწვანე აბრებიდან რომ ეშვება. პოლანდია სიზმარია, ბატონო, ოქროსა და კვამლის სიზმარია: დღისით გვამოს სჭარბობს, ღამით ოქროსფერი და ღლისითაც და ღამითაც ამ სიზმარში ღოგნაგრინები მოსახლეობენ, ამ ქაბუკებივით ოცნებაში ვართუდნენ რომ დასრიალდებიან თავიანთი შავი, მაღალი ველოსიპედებით და მგლოვიარე გეოგებსა პეგანან, შეუსვენებლივ რომ დაქრიან ზღვათა გარშემო, არხების გასწვრივ, ოცნებულად, წრეს უვლიან და მოღარეულუბაგია ლოცოლუბებენ ნისლის მოოჭრობად სკამეველში გახვეულები. უკვე აქ არარც კი არიან. სადღაც ათასობა კილიმეტრის იქით გადახვეწილან, იაგაზე — შორეულ კუნძულზე — ევედრებიან ინკანეზიის დამანჭულ ღმერთებს. აქ ყველა ვიტრონაში რომ ნახათ გამოღენილი, ეს ღმერთებია, გარს რომ გვახვევია, ჩვენს ირველივ დაძრწიან, ხან მაიმუნებივით ებლაუჭებიან აბრებსა და კიბე-კიბედ გამართულ სახურავეებს, რათა გაახსენონ ამ მწუხარე კოლონიისტებს, რომ პოლანდია მარტო ვაჭართა ევრობა როდია; იგი ზღვაცაა, რომელსაც სიპანგომდე და იმ კუნძულებამდე მივყავართ, საცა ადამიანები შეშლილები და ბედნიერები იხოცებიან.

მაგრამ სიტყვა ერთობ გამიერაქელდა. პირდაპირ ქადაგად დავეცი. მაპატიეთ, ჩვეულება თავისას შვრება ხოლმე. თან მინდა უკეთ გაგაგებინოთ ამ ქალაქის ბუნება; მინდა საგანთა არსს ჩასწვდეთ. აკი ამ არსამდე მიგვდით კი-



დეც. არ შეგინიშნავთ, რომ ამსტერდამის ერთად თავმოყრილი არხები ჯოჯოხეთის წრეებსა ჰგვანან? ბურჟუაზიული ჯოჯოხეთია და ბუნებრივია, შიგ ავი სიზმრები მოსახლეობენ. როცა გარედან მოდიხარ და ერთიმეორის მიყოლებით გაივლი ამ წრეებს, ცხოვრება და მისი დანაშაულებანი თანდათანობით უფრო მძიმდება და უფრო ამაზრზენი ხდება. ჩვენ აქ უკანსკნელ წრეში ვართ. წრეში, სადაც... აა! თქვენ ესეც იცით? დალახვროს ეშმაკმა, თქვენი რაიმე ჯგუფისათვის მიკუთვნება თანდათანობით უფრო მიჭირს. მაშასადამე, გესმით, რატომ ვამბობ, მოვლენათა ცენტრი სწორედ აქაა-მეთქი, თუმც კონტინენტის დასალიერზე ვიმყოფებით. მგრძნობიარე კაცი შეიძლება გულისხმაში ჩავარდეს და გაიგოს ეს უცნაურობანი. ასეა თუ ისე, გაზეთების მკითხველებსა და მრუშებს ამაზე შორს წასვლა არ ძალუძთ. ისინი ევროპის ყველა კუთხიდან მოდიან და ჩერდებიან აი, ამ ზღვის პირას, ფერდაკარგულ, ქვიშიან სანაპიროზე, ყურს უგდებენ საყვირების ხმას, ნისლში ამაოდ დაეძებენ გემთასილუეტებს; შემდეგ ხელახლა გადაივლიან არხებს, წვიმით გალუმპულნი უკან ბრუნდებიან და გათოშილები „მეხიკო-სიტიში“ ყველა ენაზე ჯინს თხოულობენ. იქ მათ მე ველოდები ხოლმე.

მაშ, ხვალამდე, ბატონო ჩემო და ძვირფასო თანამემამულეც. აწი გზას ადვილად გაიგნებთ. ამ ხიდთან დაგცილდეთ ერთიმეორეს. ღამით ხიდზე არასოდეს გადავდივარ. აღთქმა მაქვს დადებული. ხომ შეიძლება ვიღაც წყალში გადავარდეს. მაშინ ორში ერთი: ან თან გადაყვებით, რომ გადაარჩინოთ და ამისთანა ცუდ ამინდში შეიძლება თავს რამე აუტეხოთ; ანდა წყალწაღებულს არ მიხედავთ და მისი უილაჯო ფართხალი დიდა ხნით დაგიკარგავთ სულის სიმშვიდეს. ღამე მშვიდობისა, ბატონო. რაო? ქალები იცქირებიან შუშაბანდებიდან? ეგ ოცნებაა, ბატონო ჩემო, ნამდვილი ოცნება და ძვირიც არა ღირს. ინდოეთში მოგზაურობაა და ბევრი ფულიც არ სჭირდება. ეს დედაკაცები ნელსაცხებელს იცხებენ ტანზე. შეხვალთ, ფარდებს ჩამოუშვებთ და ნაოსნობაც დაიწყება. უფლის გურთხევა ევლინება შიშველ სხეულებსა და კუნძულები წყალს მიჰყვებიან. ქარი უწეწავთ პალმების აშლილ ქოჩრებს. შედით და სცადეთ.

X X X

რა არის მონანიე მსაჯული? თ! როგორცა ჩანს, ამ ამბით კიდევაც დაგაინტერესეთ. არავითარი წინასწარი განზრახვა არ მქონია, დამერწმუნეთ. შემძლია უფრო ნათლად აგიხსნათ ყველაფერი. ეს ჩემი მოვალეობაცაა. მაგრამ ვერ ზოგი რამ უნდა გაამბოთ, რომ უკეთ გაიგოთ ჩემი ნათქვამი.

რამდენიმე წლის წინათ ვეჭილი გახლდით პარიზში და, ღმერთმანი, საკმაოდ ცნობილი ვეჭილიც. ცხადია, თქვენთვის ჩემი ნამდვილი სახელი არ მითქვამს. მე ჩემი არჩევანი მქონდა — ხელს მარტო კეთილშობილურ საქმეებს ვკიდებდი, ქვრივ-ობლებს ვიცავდი ხოლმე. არკი ვიცი რატომ და, ამას კეთილშობილურ საქმეებს ეძახიან ადვოკატთა წრეში. თუმცა, კაცმა რომ თქვას, განა ცოტანი არიან ბოროტი ქვრივები და სისხლ-სმსმელი ობლები? საკმარისი იყო ბრალდებულს მსხვერპლისა სცხებოდა რამე და ჩემი მოსასხამის სახელოებიც ამოქმედდებოდნენ. აფრიადდებოდნენ და მერე როგორ!

ნამდვილ ქარიშხალს ამოვაცდებდი. ისეთის რიხით ვლაპარაკობდი, იფიქრებ-
დით, მართლმსაჯულებას ყოველდამ ჩემთან ეძინა ხოლმე. დატყუებული
ვარ, თქვენც მოგხიბლავდათ ჩემი დასაცავი სიტყვის კილო, გრძნობათ
წრფელობა, დამაჯერებლობა და სიბო, სამართლიანი გულისწყრომა, ოსტა-
ტურად რომ ვიოკებდი. ბუნებამ უხვად დამაჯილდოვა გარეგნობითაც, კეთილ-
შობილური იერიც უშრომლად მომივიდა. ამას გარდა ორი გულწრფელი
გრძნობაც მხარს მიმაგრებდა: კმაყოფილების გრძნობა, რომ ქველ საქმეს ვე-
დექ მსახურად და ინსტინქტურა ზიზღი მსაჯულებისადმი. თუმცა ეს ზიზღი,
კაცმა რომ თქვას, მთლად ინსტინქტურიც არ ყოფილა. ახლა ვხვდები, რომ
ამ სიძულვილსაც თავისი მიზეზები ჰქონდა. მაგრამ გარეგნულად ვნებას მოჰ-
გავდა. იმას ვერ ვიტყვი, დღესდღეობით მსაჯულები საჭირონი არ არიან-
მეთქი, და მაინც ვერ გამეგო, კაცს თავისი ნებით როგორ უნდა აერჩია ეს სა-
ოცარი ხელობა. მაგრამ მსაჯულებს ჩემი თვალით ვხედავდი და მათ არსებო-
ბასაც ისევე ვურიგდებოდი, როგორც კალიების არსებობას. ოღონდ იმ განსხ-
ვავებით, რომ კუტკალიების შემოსევას ჩემთვის ერთი სანტიმის მოგებაც კი
არ მოუტანია, მაშინ როდესაც ფულს იმ ხალხთან კამათში ვშოულობდი, აგ-
რერიგად რომ მეზიზღებოდა.

მაგრამ შეგნება იმისა, რომ უკეთეს მხარეს ვიდექ, კმაროდა ჩემი სინდი-
სის დასამშვიდებლად. რწმენა იმისა, რომ მართალი ვიყავ, საკუთარი თავისად-
მი პასუხისმგებლობის გრძნობა სიხარულით შავსებდა. ეს ყოველივე კი
მძლავრი იარაღია, რომ ფეხზე დაგვაყენოს და წინ წაგვწიოს. თუ კაცს ამ
გრძნობებს წაართმევთ, ცოფიან პირუტყვს დაემსგავსება. რამდენი დანაშა-
ულსაც კი სჩადის იმის გამო, რომ მტყუანად ყოფნა ვერ აუტანია. ადრე ერთ
მეწარმეს ვიცნობდი, საუცხოო ცოლი ჰყავდა, ყველა აღტაცებული იყო.
ქმარი კი მაინც ღალატობდა. თან აქვით ცოფდებოდა, ცოლთან დამნაშავე რომ
იყო და ქვეყნად ვერავინ ვერ ეტყოდა, ის კი არადა, თვითონაც ვერ ეტყოდა სა-
კუთარ თავს, ნამუსიანი კაცი ხარო. რაც უფრო მეტ კეთილ ზნეს იჩენდა მისი
ცოლი, მით უფრო გიჟდებოდა. ბოლოს სინდისას ქენჯნას ვედარ გაუძლო და
იციო, რა მოიმოქმედა? თავი ანება ცოლის ღალატს? არა. მოკლა ქალი. მეც
სწორედ მაშინ გავიცანი.


ჩემი მდგომარეობა უფრო სახარბიელო იყო. იმიტომ კი არა, რომ არ შე-
მეძლო გამეზარდა ბოროტმოქმედთა ბანაკი (კერძოდ, ვერაფრით ვერ მოვკ-
ლავდი ცოლს, რადგან უცოლო ვიყავ), არამედ იმიტომ, რომ მათ დაცვასაც
ვკისრულობდი; ოღონდ ერთის პირობით: კეთილი მკვლელები უნდა ყოფი-
ლიყვნენ, ისევე, როგორც კეთილი ველურები გვხვდებიან ხოლმე. დაცვას ისე
წარვმართავდი, რომ თავადაც სიამოვნებას მეგვრიდა. ჩემი ხელობის მქონე კა-
ცის კვალობაზე უზადოდ მეჭირა თავი. ქრთამი რომ ჩემს დღეში არ ამიღია, ეს
უთქმელადაც ცხადია, არც რაიმე უკადრისი საქმის ჩადენით შემიბღალავს სა-
ხელი და რაც უფრო იშვიათია, არასოდეს ვცდილვარ რომელიმე ჟურნალის-
ტის გული მომეგო, რომ ჩემზე ორიოდ კეთილი სიტყვა დაეწერათ გაზეთებში.
არც რომელიმე დიდ მოხელეს მიგთოლისმებევარ. თუმცა ვიცოდი, რომ მათი
მეგობრობა ოდესმე დიახაც გამომადგებოდა. ერთი-ორჯერ საპატიო ლეგი-
ონის ორდენიც კი შემომთავაზეს, მე მოკრძალებით, ღირსეულად ვთქვი უარი
და ჭეშმარიტ ჯილდოსაც ამაში ვპოვებდი. დაბოლოს, ღარიბებისათვის არასდ-
როს გამომირთმევია გასამრჯელო და არც არასდროს მომიწონებია ამით თავი.

არ იფიქროთ, რომ ამეებით ვტრაბახობდე, ბატონო. ეს ჩემი დამსახურება როდი იყო: სიხარბე, ჩვენს საზოგადოებაში პატივმოყვარეობის ადგილი რომ დაიჭირა, მუდამ სასაცილოდ მიმაჩნდა ხოლმე. მე უფრო მაღლა ვუმიზნებდი. როცა ყველაფერს შეიტყობთ, თავადვე დარწმუნდებით, რომ ეს გამოთქმა ზედგამოჭრილია ჩემთვის.

წარმოიდგინეთ ჩემი კმაყოფილება. ვტკბებოდი საკუთარი ბუნებითა და მოგეხსენებათ, კაცის ბედნიერებაც ეს გახლავთ, თუმცა ერთიმეორე რომ დავამშვიდოთ, თავი ისე მოგვაქვს, ვითომცდა ვკიცხავთ ამგვარ გრძნობებსა და ეგოიზმის სახელით ვნათლავთ. სხვა თუ არაფერი, ჩემი გულზიარობა მაინც მატკობდა, მიხაროდა, რომ თანავუგრძნობდი ქვრივ-ობლებს. ბევრი ვეცადე და ამ გრძნობამ ბოლოს და ბოლოს მთავარი ადგილი დაიჭირა ჩემს ცხოვრებაში. მაგალითად, ქვეყანას მერჩია ბრმების ქუჩიდან ქუჩაზე გადაყვანა. შორიდანვე მოვკრავდი თუ არა თვალს, რომ ვინმე ჯოხს აფათურებდა ტროტუარის კიდეში, მაშინვე მასთან გავჩნდებოდი და თუმცა ვხედავდი, რომ უკვე სხვა უწვდიდა დახმარების ხელს, ამ სხვას დავასწრებდი და ბრმის შემწეობას არავის ვაცლიდი. ნაზად, მაგრამ მტკიცედ ჩავავლებდი ხელს მკლავში, გადასასვლელზე ათას ხიფათს გავატარებდი, და მანამ არ მოვეშვებოდი, სანამ ტროტუარის მშვიდ ნავსაყუდელამდე არ მივალწევდით. აქ კი ერთმანეთს ვცილდებოდი ერთმანეთის მადლიერნი და აღელვებულნი. ქუჩაში ვინმესთვის გზის სწავლებაც მიყვარდა, ცეცხლის მიწოდებაც, დატვირთული ურიკებისთვის ხელის შეშველებაც. თუ მანქანა გაიხირობოდა სადმე, ხელს მასაც წავკრავდი ხოლმე. მოხუცი ქალისაგან ყვავილების ყიდვაც მიყვარდა, თუმცა ვიცოდი, რომ ეს ყვავილები მონპარნასის სასაფლაოზე ჰქონდა დაკრეფილი. მოწყალების გაცემაც გულით მიყვარდა, მაგრამ ამეებზე ლაპარაკი, ცოტა არ იყოს, მიჭირს. ერთი ჩემი მეგობარი, დიდად ქველმოქმედი ქრისტიანი აღიარებდა, პირველი გრძნობა, რასაც მათხოვრის შემხედვარე განიცდი, უსიამოაო. უსიამო კი არა და, მათხოვრის დანახვაზე სიხარულით ცას ვეწეოდი ხოლმე. მაგრამ თავი ვანებოთ ამას.

სჯობს, ჩემს თავაზიანობაზე ვისაუბროთ. მე მეტად ზრდილი კაცის სახელი მქონდა გავარდნილი. თავაზიანი მოპყრობა მართლაც დიდ სიხარულს მანიჭებდა. თუ შესაძლებლობა მომეცემოდა დილით დამეთმო ტაქსი მათთვის, ვისაც ჩემზე უფრო ეჩქარებოდა, ავტობუსსა ან მეტროში ჩემს ადგილს დამესვა, ვისაც უფრო ღვიძია უჭირდა, ამდროს რაიმე ნივთი, მოხუც ქალს რომ დაუფარდა და დიმილით მიხეწოდა, თუ ვადისკრიმინებული მქონდა. ისიც მიხაროდა, როცა ტრანსპორტის მუშაკები გაიდგებოდა და შესაძლებლობა მეძლეოდა ჩემს მანქანაში ჩამესვა ჩემი უბედურა ქალაქელები, ავტობუსის გაჩერებაზე რომ შეკრებილიყვნენ და შინ წასვლა ვერ მოეპერხებინათ. თეატრშიც სიამოვნებით ვდგებოდი სავარძლიდან, რომ შევეჩვიებოდი ერთად დაჯდომის საშუალება მისცემოდათ. მატარებელშიც ქალიშვილს სიამოვნებია გუდებდი ჩემოდანს ხადეში, რომელსაც თვითონ ვერ სწვდებოდა. ამგვარ გმირობას სხვებზე ხშირად ჩავდიოდი, რადგან სულ გადარაჯებული ვიყავ, შემთხვევას არ ვტოვებდი და ყოველივე ეს ჭეშმარიტად დიდ სიამოვნებას მგვრიდა.

გულუხვ კაცად მთვლიდნენ და გახლდით კიდეც. ბევრი გამიცია საჯაროდაც და მარტო მყოფსაც. როცა რაიმე ნივთს, ან თანხას უნდა გამოვთხოვე-



ბოდი, სულაც არ მწყინდა. ის კი არა და, მიხაროდა კიდევ. სიხარულს მიორ-
კეცებდა გულს შემოპარული რწმენა იმისა, რომ ჩემი მოწყალება დადგინდა
ვის წაადგებოდა და მას შესაძლოა, უმადურობაც მოჰყოლოდა. გაცემამ იმდენ-
ნად მიყვარდა, რომ ვერ ვიტანდი, როცა სამოწყალოს ძალით მართმევდნენ.
ხელმოსაწერ ფურცლებზე რომ ზუსტი თანხა იყო აღნიშნული, ეს მაღიზიანებ-
და და ფულს უგუნებოდ ვაძლევდი ხოლმე. მე ისეთი ბუნების კაცი ვიყავ,
ქველმოქმედებაც ჩემს ნებაზე მსურდა გამეწია.

ყოველივე ეს წვრილმანია, მაგრამ მიგახვედრებთ, რა გამუდმებულ ნეტა-
რებაში მამყოფებდა ჩემი ცხოვრებაცა და ხელობაც. მაგალითად, რა სჯობია
იმას, რომ სასამართლოს დერეფანში გაგაჩეროს ბრალდებულის ცოლმა, სა-
მართლიანობის გულისთვის, ანდა უბრალოდ სიბრაღის გამო, ერთი სიტყ-
ვით, სამადლოდ რომ დაიცავი და ჩურჩულით გითხრას: ვერაფრით, ვერაფ-
რით გამიგია, რაც ჩვენი გულისთვის ჩაიდინეთო, შენც უბასუხო, ეგ ბუნებ-
რივი იყო, ჩემს ადგილას ყველა ასე მოიქცეოდა-თქო და დასძინო, ახლა მძიმე
დღეები გელით, ხელზეც ვამბორო და ცოტაოდენი ფულიც შესთავაზო. მერწ-
მუნეთ, ბატონო ჩემო, რომ ამით მიაღწევთ მაღალ მწვერვალებს, რომელთაც
უბრალო მოკვდავნი თავის დღეში ვერ შესწვდებიან, მწვერვალებს, სადაც
სათნოება მართოდენ თავისი თავით იკვებება.

მოდით, ჩვენც ამ მწვერვალებზე შევჩერდეთ. ახლა ხომ გესმით, რა მქონ-
და მხედველობაში, როცა გითხარით, უფრო მაღლა ვუმისწვდები-მეთქი. სწო-
რედ ამ კულმინაციურ წერტილებსა გგულისხმობდი, რადგან მართო ამ სიმაღ-
ლებზე შემეძლო ცხოვრება, ღიას, არასოდეს არსად არ მიგრძენია თავი ისე
თავისუფლად, როგორც ამაღლებულ ვითარებაში. თვით წვრილმანებშიაც
კი მსურდა სხვაზე მაღლა ვყოფილიყავ. ავტობუსი მერჩია მეტროს, თავახდ-
ლი ეტლი — ტაქსი. აივნები — ანტრესოლს. სპორტული თვითმფრინავებიც
მიყვარდა, რადგან შიგ რომ ყდები. თავი ცაში გაქვს: ზღვაშიაც ზენო გემბანს
ვარჩევდი ხოლმე, მთაშიაც გაუფრბოდი ხეობებს, გულს უფელტეხილებასაც
მიმიწევდა. ბედს რომ ჩემთვის ცუდი იქნებოდა, ხეებზე ვერგუნებოდა, ხარბის,
ან მხურავის ბედი, დაწმენილი ბრძანოვდა. საბუღალტროს ავი გული
და თავბრუს ხვევას არ შევუწინდებოდი. ტრადიციის, სადაც უნდა, მაწინავე
გამოქვაბულები, უფსკრულები მიყვამ ნაძვრის მდებარეობის შესახებ
მძულდა სპელეოლოგიებსა და სხვათა მსგავსებს. პირველი მსგავსება იყო
ხოლმე. მათი მიღწევები ჩემს გულს ამაოვნი ანთროპოლოგიის მსგავსად
ზიზღსაც მგვრიდა. მათი მსგავსება იყო, როცა ვინმე ვინმეს დასწრე
რულში ჩასვდა. საუბარს დასრულებულიყო, ხალხი დაეკვირვებოდა და
კლდის ნაპრაღში ჩაქვდა. მათი მსგავსება იყო, როცა ვინმე ვინმეს და-
გეჩხროს? ასეთი საჭმელი მსგავსება იყო, როცა ვინმე ვინმეს და-
ბედუკუდმართი კაცი უნდა დაეკვირვებოდა. უფელტეხილებასაც დასწრე
თას-ექვსასი მეტრის სიმაღლეზე შეიპარო შეგებზე ვერცხლი თაფს. სადა-
ნაც მზის სხივებში მოხანოვ მოვარე თაბანდა მე ვადრე მაინც. თუ ნაბტო ვი-
ყავ, ადამის ბეთა ჭიანჭველეთს განრიდებულა. ვარჯელ შეხნოდა რად ქადა-
გებდნენ, რად წინასწარმეტყველებდნენ, ამ უფსკრის სასწაულები რად ზღე-
ბოდა მწვერვალებზე. ჩემის აზრით ვერაფერ ვერაფერს მოიფიქრებდა სარ-
დაფებსა და საბატიმროებსში (თუკი, რა თქმა უნდა, საკანო კოშკში არ იყო
ჩატანებული და თვალწარმტაც ხედს არ ვაღაპყურებდა): სარდაფში კაცს ობი

ეკიდება. კარგად მესმოდა იმისა, ვინც ბერად შედგა და მერე მონასტრიდან გამოიქცა, რაკი მისი სენაკი ველ-მინდვრების ნაცვლად ყრუ კედელს გადასტკეროდა. დარწმუნებული ბრძანდებოდეთ, რომ მე ობს აბ ვიცილები. ყოველ ცისმარე დღეს, ყოველ წუთას, მარტო თუ სხვების თანდასწრებით, მწვერვალებზე ავდიოდი, იქ ბრიალა კოცონს ვაჩაღებდი და ყურს ვაპყრობდი, რა სიხარულით მესაღმებოდნენ ქვევიდან. ასე ვტკბებოდი ცხოვრებითა და საკუთარი სრულყოფილებით.

ბედად ამ მწვერვალების სიყვარულში ჩემი ხელობაც ხელს მიწყობდა. მოყვასის მიმართ ხინჯად არაფერს მიტოვებდა გულში. მოყვასისა, აგრერიგად დაგალებული რომ მყავდა, თავად კი მისი არაფერი მემართა. ჩემი ხელობის წყალობა იყო. მსაჯულზე მაღლა რომ მაყენებდნენ. მსაჯულს კი მე იმ ბრალდებულზე მაღლა ვაყენებდი, მომადლიერებული რომ მყავდა. კარგად აწონდაწონეთ ყოველივე ეს. ბატონო ჩემო: მე დაუსჯელად ვცხოვრობდი. ვერავითარი მსჯავრი ვერ მომწვდებოდა. სასამართლოს სცენაზედაც კი არა ვჩანდი. მე სცენის ზემოთ, ცხაურაზე ვიჯექ, როგორც ის ღმერთები, დროდადრო რომ ჩამოეშვებიან რაღაც მანქანებით, რათა მოქმედებას სახე უცვალონ და აზრი წთაბერონ. ესეც არ იყოს, უმრავლესობა მხოლოდ მაშინ შემოგცქერის და თაყვანსა გცემს, თუ მაღლა მოექცევი.

ჩემს კეთილ დამნაშავეთაგან ზოგმა სწორედ ამ მიზეზთა გამო ჩაიღინა მკვლელობა. თქმა არ უნდა, რომ გაზეთების კითხვამ, საკუთარმა უმნიშვნელო როლმა ცხოვრებაში და თავის თავზე დიდმა წარმოდგენამ ალამართვინათ მოყვასზე ხელი. ბევრისა არ იყოს, მათაც არ შესწევდათ უნარი შერიგებოდნენ იმ აზრს, რომ ცნობილნი არ იყვნენ და კაცის კვლამდეც სწორედ სახელის მოხვეჭის წყურვილმა მიიყვანა. სახელი რომ გაგივარდეს, ამისათვის ხომ კონსიერჟი ქალის მოკვლაც კმარა. ქვეყნად იმდენი კონსიერჟი ქალია, ვინც დანის ჩაცემას იმსახურებს და მართლაც დანის წერა ხდება. დანაშაული მუდამ წინა პლანზეა, თვით დამნაშავე კი მხოლოდ წუთით ჩნდება სცენაზე და მყისვე ქრება. თან ეს ხანმოკლე აღზევებაც მეტისმეტად ძვირი ჯდება. ჩვენ კი, ვექილებს, დიდების წყურვილით ანთებულ ამ უბედურ პატივმოყვარეთ რომ ვიცავთ, ნამდვილად შეგვიძლია სახელის მოხვეჭა. თანაც ამას უფრო იოლი გზით ვაღწევთ. და ამიტომაც სულ იმის ცდაში ვიყავ, რომ ამ უბედურ დღეზე გაჩენილებსაც, თავიანთი დანაშაულისათვის სამაგიეროს რომ ზღავდნენ, რაც შეიძლება ნაკლები გადახდოდათ, რაკი ერთგვარად ჩემი სახელისთვისაც იღწვოდნენ. ჩემს ნიჭს, აღშფოთებას, გულისწყრომასა და იმ მღელვარებას, მათი დასაცავი სიტყვის წარმოთქმისას რომ განვიცდიდი, მათი ვალიდან ამოგყავდი. მოსამართლენი სჯიდნენ მათ, რაკი დამნაშავემ თავისი დანაშაული უნდა გამოისყიდოს. მე კი, მე არავითარი ვალი არ მაწვა კისერზე, არც სამართალი მემუჭრებოდა, არც სასჯელი და ვმეფობდი ჩემთვის, სამოთხის შუქით გარემოსილი.

ან კი სამოთხე როგორ არ დავარქვა იმ უზრუნველ, ნეტარ არსებობას, ჩემო ძვირფასო? მე ვნეტარებდი; ჩემს დღეში არ დამჭირვებია ცხოვრება მესწავლა. ეს ნიჭი დედის მუცლიდან დამყვა. ზოგი მთელ ძალ-ღონეს იმას ახმარს, რომ კაცთ განერიდოს, ზოგი კი მასთან მორიგებას ცდილობს. მე არავისთან მორიგება არ მჭირდებოდა. თუ საჭირო იყო, თავი უბრალოდ მეჭირა, თუ საჭირო იყო, დუმილს ვარჩევდი. ხან ლაღი და მხიარული ვიყავ, ხან მკაცრი და, რა გასაკვირია, რომ ხალხს ვუყვარდი. საზოგადოებაში წარ-



მატებისათვის იმდენჯერ მიმიღწევია, რომ სათვალავიც მქონდა არცერთი. თვალტანადობით არ დავიწუნებოდი, დაუცხრომელ მოცეკვავედა და ნაკითხ კაცად ვითვლებოდი. მიყვარდა ქალები და მათთან ერთად მართლმსაჯულებასაც ვეჭრფიალებოდი, თუმც ამ ორი ვნების მორიგება არცთუ ისე იოლი საქმეა; გატაცებული ვიყავი სპორტით: ხელოვნებასა და ლიტერატურაშიც კარგად ვერკვეოდი. მეტს არას გეტყვით, თორემ საკუთარ თავში შეყვარებულ კაცად ჩამთვლით. მაგრამ წარმოიდგინეთ საღ-სამალათი, არცთუ მთლად ჭაბუკი, მაგრამ არც ხანდაზმული მამაკაცი, ბუნებას უხვად რომ დაუჭილდობია, ფიზიკურ და გონებრივ ვარჯიშობაშიაც ერთნაირად რომაა გაწაფული, არც ღარიბია და არც მდიდარი, არც უძილობა აწუხებს, სავსებით კმაყოფილია საკუთარი თავისა (ამ გრძნობას მხოლოდ ყველასათვის სასიამოვნო გულზიარობაში ამჟღავნებს) და დამეთანხმებით, თუ ვიტყვი, ბედს ვიყავ-მეთქი ნაწევრი.

ღიახ, ცოტა ვინმეს თუ უცხოვრია ჩემსავით ბუნებრივად. ცხოვრებას იმთავითვე კარგად შევეწყვე, მას ისეთნაირად ვღებულობდი, რაგორიც იყო, თავიდან ბოლომდე, მთელი სიგრძე სივანით, მთელი მისი უკუდმართობით, სიდიადითა და მონობით. ხორცი, მატერია — ერთი სტყვით, ყოველივე ზორციელი, რაც კი გუნებას უფუჭებს, ან თავგზას უბნევს ადამიანს სიყვარულსა თუ მართობაში, როდი მთრგუნავდა; ის კი არა და, მზდამ სიხარული მომქონდა ჩემთვის. ჰეშმარიტად ხორციელი სხეულისათვის ვიყავ შობილი. ამის წყალობა გახლდათ სულიერი ჰარმონია და თავდაპერილობა, რომელსაც ხალხი ამჩნევდა ჩემში. ხშირად იმასაც მეუბნებოდნენ, ეგ შენი ნიჭი ცხოვრებაში ჩვენცა გვმველისო. ამიტომაც იყო, რომ სულ ჩემს სიახლოვეს ყოფნასა ცდილობდნენ. ზოგჯერ ახლადგაცნობილ ადამიანებსაც ეჩვენებოდათ, რომ წინათაც ხშირად შემხვედროდნენ. ცხოვრება უხვად მასაჩუქრებდა. ადამიანებიც ყველა სურვილს მისრულებდნენ. ყველა ამ სიკეთეს გულმოდგინადად სიამაყით ვიფერებდი. ისე სისხლსავსედ ვცხოვრობდი, ისე უბრალოდ და ისეთი ძალით ვგრძნობდი ჩემს კაცურ ბუნებას, რომ თავი თითქმის ზეკაცად მყავდა წარმოდგენილი.

პატიოსანი, მაგრამ უბრალო ოჯახის შვილი ვიყავ (მამა ოფიცერი მყავდა), მაგრამ ზოგჯერ, დილით, გულწრფელად ვადიარებ, თავი უფლისწული ან აღმოდებული მაყვლოვანი მეგონა ხოლმე. ოღონდ მერწმუნეთ, თავი მართო უჭკვიანეს კაცად კი არ მიმაჩნდა, ეს სულ სხვა გრძნობა იყო. თანაც ასეთ რწმენას არავითარი აზრი არა აქვს, თუნდაც იმიტომ, რომ ათასობით ბრძოლი ქვეყნად ამ რწმენით სულდგმულობს. რაკი ცხოვრება ასე მანებივრებდა, მრცხვენია კიდევ ამის გამხელა, თავი რჩეული მეგონა. ვფიქრობდი, ყველასგან გამორჩეული კაცი ვარ, ბედი თავის დღეში არ მიმუხთლებს და წუთისოფელს სულ სიამტკბილობაში გავლევ-მეთქი. ამ აზრს ჩემი მოკრძალება შთამაგონებდა: ჩემს უზომო წარმატებას მართო საკუთარ ღირსებას როდი მივაწერდი, არც იმის დაჯერება შემეძლო, რომ ერთ არსებაში ამდენი კეთილი თვისების შეზავება შემთხვევითი იყო. სწორედ ამიტომ მთელი ჩემი ბედნიერი ცხოვრების მანძილზე ვგრძნობდი, რომ ეს ბედნიერება რაღაც უზენაესი ძალით მქონდა მომადლებული. რომ გითხრათ, სრულიად ურწმუნო კაცი ვარ-მეთქი, კიდევ უფრო კარგად იგრძნობთ, რა უჩვეულო იყო ასეთი რწმენა. თუმცა, ჩვეულებრივი გახლდათ თუ არაჩვეულებრივი, ეს გრძნობა დიდხანს მამადლებდა ყოველდღიურობაზე; მისი წყალობით იყო, წლების განმავლობაში

მალა ეთერში რომ დავცურავდი; იმ წლებს რომ ვიხსენებ, ახლაც სინანულით მეგსება გული... ასე დავცურავდი, სანამ ერთ საღამოს... მაგრამ ეს სულ სხვა ამბავია და სჯობს, დავიწყებას მივცეთ. თუმცა შეიძლება ვაჭარბებ. მართალია, ბედი მწყალობდა, მაგრამ ვერაფრით გამძლარიყო ჩემი სული და გული. ყოველი სიამე ახლის განცდის წყურვილს აღმიძრავდა. ლხინს ლხინი მოსდევდა. ხშირად გათენებამდე მიცეკვია: ცხოვრებასა და ადამიანებსაც სულ უფრო და უფრო ვუმიჯნურდებოდი. ხანდახან, გვიან ღამით, როცა ცეკვა, ღვინო, ჩემი სიშმაგე და თანამეინახეთა თავაწყვეტილობა ფრთებს მასხამდა, დაღლილ-დაქანცულს წამით ისიც კი მეჩვენებოდა, სამყაროსა და ადამიანთა საიდუმლოს ჩავწვდი-მეთქი. მაგრამ დილით დაღლილობა გადამივლიდა, მავიწყდებოდა ეს საიდუმლოცა და ისევ სიტკბოებას დავეძებდი. სიამეს ბევრს ვპოულობდი, მაგრამ არაფერი მაკმაყოფილებდა; ვერ ვძლებოდი, არ ვიცოდი სად და როდის შევჩერდებოდი და ასე გრძელდებოდა იმ დღემდე, ან უკეთ იმ საღამომდე, როცა მუსიკა უეცრად შეწყდა და ჩაქრა შუქი. ზეიმი, სადაც ასე ბედნიერი ვიყავ... მაგრამ ნება მიბოძეთ, ისევ ჩვენს მეგობარ პრიმატს ვუხმო. თავი დაუქნიეთ მადლობის ნიშნად და, რაც მთავარია, ჩემთან ერთად შესვით; მე თქვენი კეთილი განწყობა მჭირდება.

ვხედავ, რომ ამ ჩემმა ნათქვამმა გაგაოცათ. განა თქვენ უეცრად არასდროს დაგჭირვებიათ ვისიმე თანაგრძნობა, შემწეობა ან მეგობრობა? იცოცხლე, დაგჭირდებოდათ. მე კეთილ განწყობასაც ვჯერდები. მისი პოვნა უფრო იოლია და არც არაფერს გვავალებს. როცა ენით „ჩემი კეთილი განწყობის იმედი გჭონდეთო“, გეუბნებიან, გულში უკვე იმასა ფიქრობენ, ახლა სხვა საქმესაც მივხელოთო. ასეთ თანაგრძნობას პრეზიდენტიც კი უცხადებს კატასტროფაში მოხვედრილთ. მეგობრობა ასე მარტივი გრძნობა როდია. ის ხშირად ხანიერია და მისი მოპოვებაცა ჭირს; მაგრამ თუ ერთხელ შეეკარ ვინმეს მეგობრობით, აბა, სტაღე და დაიძვრინე თავი. უნდა დაითმინო, ვერაფერს გახდები. თლონდ არ იფიქროთ, რომ მეგობრები, როგორცა მართებთ, ყოველ საღამოს დაგირეკავენ ტელეფონით, რომ ვაიგონ, თავის მოკვლა ხომ არა გაქეთ განზრახული. ან ვინმესთან ყოფნა, ან სულაც სადმე წასვლა ხომ არ ვინებებიათ. დამშვიდებული ბრძანდებოდეთ, თუ თავი რეკავენ, სწორედ იმ საღამოს, როცა მარტო არა მართლაც ცხოვრებაც საამერად გეჩვენებიათ. თვითმკვლელობისაკენ კი თვითონ უბიძგებენ. ვიფიქრებ, რომ სასაზიო, ანონ იმდენ უ თავის წინაშე დაღვრულად ვეღარ მოასწრებო. დმერთმა დაგიუფრას, მაგონო ჩემო, რომ ნეკომსებს ვერაობ დალი წარმატებენა მჭონდეთ ჩვენსუ; რაც შეეძება იმით, ვინაშე ვიღოთ ვუფიან ვა - მთავრად მათი შეეს მათისა უხა და თანამართავედნი (იდ, რა სიტყვაა!). აქ სულ სხვა საქმეა. მით იტაან, რა ვიფხრან. სწორედ ასეთ საქმედა შეუჩრდენ. ღვინასკეთ რომ მოგხვდეთ, ვღაწო: ტელეფონითაც ისე ვარეკენ, რომ თქვას თოფს ვესერაანო. ნიშნად არ ავდენენ ტყუას შივ ტყუიაში აჯენენ!

რათ? ან საღამოსე ვიანბოთ? იქამთეე მივად, თლონდ ცოცა მოთმინება იქონაეთ. თუმცა, კაცმა რომ თქვას, მაგ სათქმელს უკვე მივადექი. როცა მეგობრებსა და თანამზოახველებზე ჩამოვაგდე სიტყვა. გამიგონია, ერთი კაცი, რაკი მეგობარი ციხეში ეგულებოდა, ყოველდამ საწოლის მაგივრად შიშველ იატაკზე იძინებდაო. არ უნდოდა ესარგებლა იმ კეთილდღეობით. რომელსაც მისი საყვარელი მეგობარი იყო მოკლებული. ერთი მითხარით, ჩემო კარგო,

ჩვენი გულისათვის ვინ დაწვება იატაკზე? თუნდაც მე ძალმიძს ასე გადავდოთ თავი? მოვინდომებ კია, და შევძლებ კიდევ. დიას, ერთ მშვენიერ დღეს ყველანი შევძლებთ და ჩვენი ხსნაც ამაში იქნება. მაგრამ ეს იოლი რამეა, ანუ რობა ხშირად გულმავიწყია. ბევრი რამის ძალაც არ შესწევს. ნდომით კი უნდა, მაგრამ ძალ-ღონე არ მოსდევს. იქნება გულით არ უნდა? იქნებ საკმარისად არ გვიყვარს სიცოცხლე? შეგიძინევიათ თუ არა, რომ მხოლოდ სიკვდილი აღვიძებს ჩვენს გრძნობებს? რა გულმხურვალედ გვიყვარს მეგობრები, რომლებიც სიკვდილმა გამოგვგლიჯა ხელიდან, არა? რა აღტაცებაში მოვყავართ ჩვენს მასწავლებლებს, რომელთაც ლაპარაკი აღარ შეუძლიათ, რადგან პირი მიწითა აქვთ სავსე! ახლა მათ უზომოდ განვადიდებთ და ვინ იცის, იქნებ მთელი თავიანთი სიცოცხლის მანძილზე ჩვენს სადიდებელ სიტყვას ამაოდ უცდიდნენ. იცით, მკვდრების მიმართ რატომა ვართ უფრო სულგრძელნი და სამართლიანნი? მიზეზი უბრალოა. მათი აღარაფერი გვმართებს. ისინი ჩვენს თავისუფლებას აღარ ზღუდავენ; შეგვიძლია, როცა მოგვესურება, მაშინ ვცეთ თაყვანი, თუ მოგვეპრიანება ქება შევასხათ მაშინ, როს კოკტილსა ვსვამთ და ლამაზ საყვარელს ველოდებით, ერთი სიტყვით, თავისუფალ დროს. მკვდრები მართო ერთ რამესა გვთხოვენ, არ დაგვივიწყოთო. მაგრამ შეხსიერება მოკლე გვაქვს. გულს მხოლოდ ახლახან გარდაცვლილ მეგობართა მოგონება გვიყუჩებს. ახლახან განცდილ მწუხარებას, ესე იგი, ჩვენსავე თავს ველოლიავებით.

ერთი მეგობარი მყავდა: მუდამ გავუბობდი, რადგან მოსაწყენი კაცი იყო და სულ ჭკუას მარიგებდა. მაგრამ როცა ლოგინად ჩავარდა და სიკვდილის პირას იყო მისული, მაშინვე მასთან გავჩნდი. ყოველ ცისმარე დღეს ვნახულობდი, ერთი დღეც არ გამიცდენია. რომ იცოდეთ, როგორ შემადლიერებოდა: სიკვდილის წინ სულ ჩემი ხელი ეჭირა ხელში. ერთი ქალიც მყავდა გადაკრძებული, საშველს არ მაძლევდა, მაგრამ კეთილი ინება და ახალგაზრდა მოკვდა. რომ იცოდეთ, მყისვე რა დიდი ადგილი დაიჭირა ჩემს გულში! სიკვდილი იქით იყოს და ახლა თვითმკვლელობა თქვით! ღმერთო, რა შიეთ-მოეთი ატყდება მაშინ! ტელეფონი განუწყვეტლად რეკს, ერთმანეთს გულს უხსნიან, განზრახ ნაწყვეტ-ნაწყვეტად ლაპარაკობენ, ფრაზებში გადაკვრით ნათქვამი და შეკავებული მწუხარება გამოსჭვივის: ასე განსაჯეთ, ხშირად თავსაც კი იდანაშაულებენ!

კაცი ასე გაუჩენია ბუნებას, ჩემო კარგო. ორპირობა თვითგან მოსდგამს. არ ძალუძს სხვისი შეყვარება, თუ თავიც არ შეიყვარა. თვალყური ადევნეთ თქვენს მეზობლებს, როცა თქვენს სახლში ვინმე მოკვდება. ყველა თავის პატარა ცხოვრებით ცხოვრობდა, წყნარად და უშფოთველად და აი, უცბად შვეიცარმა მოგჭამათ ჭირი. მყისვე გამოფხიზლდებიან, ერთი შერბენ-გამორბენა აუტყდებათ, იწყებენ გამოკითხვასა და სინანულით აქნევენ თავებს. მიცვალებული გაპათიოსნებულია, ნახვა შეიძლება და აი, წარმოდგენაც იწყება. ხალხს ტრაგედია სჭირდება, რას იზამ, ასეთი ჯილაგისა არიან, ეს მათი აპერიტივია! იცით, შვეიცარი ტყუილად არ მიხსენებია. ერთი შვეიცარი გვყავდა: ართვალი და ავგული, არაფრის მაქნისი და დიდი აფყია ვინმე: თვით ფრანცისკელ ბერსაც კი მოთმინებიდან გამოიყვანდა. სიცოცხლეში ხმასაც არა ვცემდი. მის შემხედვარეს ყოველი ცისმარე დღე ჩამწარებული მქონდა. მაგრამ აი, მოკვდა და მის დასაფლავებაზე წავედი. მითხარით ერთი, რა მოჩიდა?

იმ ორი დღის განმავლობაში, დასაფლავებას რომ უსწრებდა წინ, ბევრი საინტერესო რამ მოხდა. ქვრივი უქეიფოდ იყო, ლოგინში იწვა და რაკი იმ ერ-



თი ოთახის მეტი არა ჰქონდათ, იძულებული გახდნენ, კუბო საწოლის გვერდით დაედგათ. მდგმურები წერილებისა და გაზეთების ასაღებად თვითონ მოდიოდნენ. კარს შემოაღებდნენ, გამარჯობათ, ქალბატონო, იტყვიდნენ და ყურს უგდებდნენ გარდაცვლილის ქებას, რომელზედაც ქვრივი ხელით მიუთითებდა. წერილებითა და გაზეთებით ხელში უკან ბრუნდებოდნენ. ვერაფერი შვილი სიამოვნებაა, დამეთანხმებით და მაინც, ყველა შევიდა იმ ოთახში, სადაც კარბოლმყაყას სუნი დიოდა. მსახური არავის გამოუგზავნია; ყველას უნდოდა სანახაობით დამტკბარიყო. მსახურები ცალკე მოდიოდნენ, ოღონდ მალულად. გამოსვენება დააპირეს და აღმოჩნდა, რომ კუბო კარებში არ ეტეოდა. „ო, რამოღუნა ყოფილხარ, საყვარელო“, — ამბობდა ლოგინში მწოლიარე ქვრივი გაკვირვებით, ალტაცებითა და მწუხარებით. „ფიქრი ნუ გაქვთ, ქალბატონო, — პასუხობდა გასვენების გამრიგე, — ცოტათი დავაფერდებთ და ისე გავიტანთ“. კუბო ააყირავეს და ისე გაიტანეს. ჩვენი შვეიცარი თურმე ყოველდღე მეზობელი დუქნის შიკრიკთან სვამდა და ამ კაცის გარდა მხოლოდ მე, დიახ, მხოლოდ მე გავყევი სასაფლაომდე და ყვავილებიც დავაყარე კუბოს, რომელმაც თავისი მდიდრული იერით გამოაცა. შემდეგ ქვრივსაც ვეწვიე და მისი მადლობაც მოვისმინე. ნეტა რა მრჯიდა? არაფერი. უთუოდ აპერიტივად მიჩნდა ყოველი.

ერთი თანამშრომელიც გავასვენე ვეჭილთა კოლეგიიდან. ყოველად უჩინარი კაცი იყო, მაგრამ მე შეხვედრისას მუდამ ხელს ვართმევდი. თუმცა, კაცმა რომ თქვას, სამსახურში ხელს ყველას ვართმევდი, ხშირად დღეში ორჯერაც კი. ამ უბრალო ყურადღების გამოჩენით სულ იაფად მოვიპოვე საყოველთაო სიყვარული, რომელიც ასე მჭირდებოდა, უფრო რომ გავლადებულ იყავი. იმ კაცის გასვენებაზე ჩვენი კოლეგიის თავმჯდომარე არ მოსულა. მე კი საჭიროდ ვცან, მივსულიყავი, თუმცა მეორე დღეს სამოგზაუროდ მივდიოდი და ეს გარემოება არავის დარჩენია შეუნიშნავი. მაგრამ მე ხომ იმთავითვე ვიცოდი, რომ ჩემს იქ ყოფნას შენიშნავდნენ და დიასაც შემაქებდნენ. მაშ, წარმოიდგინეთ, რომ ვერ შემაშინა ვერც თოვლმა, ბევრს წამოსვლა რომ გადააფიქრებინა.

რაო? ო, ფიქრი ნუ გაქვთ, სათქმელი არ დამვიწყებია. მაგრამ ჯერ ნება მიბოძეთ შევნიშნო: ის ჩვენი შვეიცარის ქვრივი, პირდაპირ რომ გაიყიდა ძვირფასი ჯვარცმისა და სახელურმოსევადებული მუხის კუბოს ყიდვით (რომ უფრო დამტკბარიყო საკუთარი მწუხარებით), ერთი თვის შემდეგ ვიღაც მომღერალ ფრანტს გადაეყარა და შინ მოათრია. კაცი ხშირად სცემდა; მათი ოთახიდან სულ წივილ-კივილის ხმა გამოდიოდა. მაგრამ ცემა-ტყეპას რომ მორჩებოდა, კაცი ფანჯარას გამოაღებდა ხოლმე და თავის საყვარელ რომანსს მღეროდა: „ქალებო, ლამაზებო!“. ხედავთო? — ამბობდნენ მეზობლები. ვითომ რა იყო სანახავი? კი ბატონო, ბარიტონსაცა და შვეიცარის ქვრივსაც შერცხვენილი ჰქონდათ პირი. თუმცა ვინაა იმის თავმდები, ერთმანეთი არ უყვარდათ? ვერც იმის თავმდებად დადგება ვინმე, ქმარი არ ყვარებიაო. მას შემდეგ, რაც ფრანტი გაუჩინარდა (როცა ხმა ჩაეხრინწა და ხელიც დაეღალა), ერთვული მეუღლე კვლავ განსვენებულის ქება-დიდებას მოჰყვა. დიახ, ბოლოს და ბოლოს, ბევრი შემთხვევა ვიცი ისეთი, როცა უნუგეშო ქვრივთ ერთის შეხვედვით ვერაფერს უძრახავთ, მაგრამ სინამდვილეში ამ შვეიცარის ცოლზე მეტად გულწრფელნი როდი არიან. ერთი ნაცნობი მყავდა, ოცი წელი

ვიღაც ჩიტირეკია ქალს შესწირა; მას ანაცვალა მეგობრები, სამსახური, სინდის-ნამუსი და ერთ მშვენიერ დღეს აღმოაჩინა, რომ ეს ქალი თავის დღეში არ ჰყვარებია. უბრალოდ, მოწყენილი იყო, როგორც ადამიანთა უმრავლესობა და ამიტომაც შექმნა რთული და დრამებით აღსავსე ცხოვრება. ყველას სურს რაღაც მოხდეს! და ადამიანებიც თუ ხელს ჰკიდებენ რამეს, ეს უმთავრესად ამით აიხსნება. რაღაც უნდა მოხდეს, თუნდ დავიხოცოთ! თუნდ ომი ატყდეს, თუნდ უსიყვარულო მონობა გვხვდეს წილად! მაშ, გაუძარჯოს გასვენებას!

თუმცა მე ასეთი გასამართლებელი საბუთი არა მქონდა. მოწყენილიც არ მეთქმოდა, რადგან მეფობა მხვდა წილად. იმ საღამოს კი, რომელზედაც მინდა გიამბოთ, უფრო ნაკლებად მოწყენილი ვიყავ. ვიდრე ოდესმე და სულაც არ მსურდა რაღაც მომხდარიყო. და მაინც... წარმოიდგინეთ, შემოდგომის მშვენიერი საღამო იდგა. ქალაქში ჯერ კიდევ თბილი, მდინარის ნაპირას კი ნესტიანი მწუხრი წვეებოდა. დასავლეთით ცა წითლად ღვიოდა, მერე თანდათანობით შეეპარა ბინდი. ფანრები ოდნავ ბუტბუტავდნენ. მარცხენა სანაპიროს მიყვებოდი. ხელოვნებათა ხიდზე მინდოდა გავლა. ბუკინისტების დაკეტილ დუქნებს შორის მდინარეს ვერცხლისფრად გაჰქონდა ბზინვა. სანაპიროზე ცოტა ხალხი იყო: პარიზელები უკვე ვახშამს მისხდომოდნენ. ფებს გაბიჯებდი დამტვერილ, ყვითელ ფოთლებს, ჯერ კიდევ ზაფხულს რომ აგონებდნენ კაცს. ცაზე თანდათანობით აკიაფდნენ ვარსკვლავები. ფანარს გვერდს რომ ჩაუვლიდი და გასცილდებოდი, მაშინ უფრო მკაფიოდ მოჩანდნენ ისინი. ვტკბებოდი ირგვლივ გამეფებული სიჩუმითა და საღამოს სილამაზით. კმაყოფილი ვიყავ განვლილი დღისა. ბრმას ქუჩიდან ქუჩაზე გადასვლაში ვუშველე: იმედი გამიმართლდა და ბრალდებულს, რომელსაც ვიცავდი, განაჩენი შეუმსუბუქეს; მანაც მხურვალედ ჩამომართვა ხელი: ცოტა გულუხვობაც გამოვიჩინე. სადილის შემდეგ კი, მეგობართა წრეში სახელდახელოდ ისეთი სიტყვა შევთხზი, იმდენი ვილაპარაკე მმართველი წრეების გულქვაობასა და ჩვენი ელიტის პირფერობაზე, რომ ყველამ ალტაცებით დამიკრა ტანში.

ხელოვნების ხიდზე გავედი. მინდოდა მდინარისათვის შემეგლო თვალი. ხიდზე ამ დროს კაცი არ ჰჭანებდა. გავჩერდი. მოაჯირზე გადავიხარე და მდინარეს დავაშტერდი, ჩამოწოლილ წყვილიადში ძლივს რომ მოჩანდა. ჯერ ვერ-გალანის პირდაპირ შევჩერდი, ზედ კუნძულის თავზე. ჩემში იზრდებოდა საკუთარი ძლიერებისა და თუ შეიძლება ასე ითქვას, საკუთარი სრულყოფილების გრძნობა და გულს სიხარულით მივსებდა. წელში გავსწორდი და როგორც გვჩვევია ხოლმე კმაყოფილების ჟამს, სიგარეტის გაბოლება მომიინდა. უეცრად ჩემს ზურგს უკან სიცილი გაისმა. გაოცებულმა მოვიხედე — არავინ იყო. მისადგომთან მივედი, არც კარჭაპი ჩანდა სადმე და არც ნავი. ისევ ძველ ადგილას დავბრუნდი კუნძულთან და ზურგიდან ისევ სიცილი შემომესმა. ახლა უფრო შორიდან, თითქოს მდინარეს ქვივითკენ მიჰყვებოდა. ადგილზე გაიშეშდი. სიცილი ნელდებოდა. მაგრამ ჩემს ყურამდე მაინც აღწევდა. საიდან უნდა მოსულიყო, თუ არა წყლიდან? გული ამიჩქროლდა. ოღონდ მერწმუნეთ, ამ სიცილში არაფერი იყო საიდუმლოებით მოცული. გულდია, ბუნებრივი, თითქმის მეგობრული სიცილი იყო, ყველაფერს თავის ადგილს რომ მიუჩენს ხოლმე. მალეც მიწყდა: უკვე აღარაფერი მესმოდა. ისევ სანაპიროს დავუყევი, დოფინის ქუჩაზე გავედი და პაპიროსი ვიყიდე. თუმცა სრულიადაც



არ მიჭირდებოდა. გაოგნებული ვიყავ, სუნთქვა მიჭირდა. მოგვიანებით ამხსნავს დავურეკე, მაგრამ შინ არ დამხვდა. სადმე ხომ არ წავიდე-მეთქი, ვფიქრობდი და უეცრად ფანჯრებს ქვემოდან ისევ სიცილი შემომესმა. ფანჯარა გამოვადე. ძირს, ქვაფენილზე ახალგაზრდები ერთმანეთს ეთხოვებოდნენ სიცილ-ხარხარით. მხრები ავიჩეჩე და ფანჯარა მივხურე; რაღაც საქმე მქონდა ვადასასინჯი. სააბაზანოში შევედი, ჭიქით წყალი დავლიე. სარკეში ჩემს სახეს მოვკარ თვალი, მიღიმოდა. მაგრამ ეს ღიმილი ყალბი მეჩვენა.

რაო? მაპატიეთ, ფიქრებმა წამიღეს. ხვალ უთუოდ შევხვდებით ერთმანეთს. ხვალე. არა, არა, დღეს ვეღარ დავრჩები. ხედავთ, ის დათვი რჩევისთვის მეძახის. წესიერი კაცია, მაგრამ პოლიციელები რატომღაც კრიჭაში უდგანან და მოსვენებას არ აძლევენ. მაშ, თქვენ ამბობთ, რომ მკვლელს მიუგავს სახე? ასეთი სიფათი ზედგამოჭრილია მისი ხელობის კაცისათვის. ჰო, მძარცველია და რა თქმა უნდა, გაგიკვირდებათ, თუ გეტყვით, რომ ეს ტყუილი სურათებით გაჭრობს ხოლმე. პოლანდიაში ყველა საუცხოოდ ერკვევა მხატვრობასა და ტიტათა ჯიშებში. ამ კაცს, თუმცა ერთის შეხედვით მოკრძალებული ვანმე ჩანს, ერთ-ერთი ყველაზე უფრო გაბედული ქურდობა აქვს ჩადენილი. დიახ! სურათი მოიპარა. რა სურათი? იქნებ გითხრათ კიდევ. ნუ გიკვირთ, რომ ვიცი. თუმცა ნონანოე მსაჯული ვარ, მეცა მაქვს ჩემი თავშესაქცევი: ამ კეთილი ხალხის იურისკონსულტი ვარ. ქვეყნის კანონები საგანგებოდა მაქვს შესწავლილი: აქ დიპლომს არაფერ თხოვლობს და ამ უბანში მუშტრებიც ბლომად გავჩინე. ჯერ მიჭირდა, მაგრამ აკი გითხარით, ხალხის ნდობას ადვილად ვიმსახურებ-მეთქი, ისეთი გულღია სიცილი მაქვს, ისეთი ვაჟკაცური ხელის ჩამორთმევა ვიცი... ეს კი ბევრს ნიშნავს. თანაც აქაურებს რამდენიმე დახლართულ საქმეში აღმოვუჩინე შემწეობა და ასე მარტო გამორჩენის მიზნით როდი მოვტყულებარ. რწმენაც მამოძრავებდა. კახპების ხარჯზე მცხოვრებნი და ქურდები ყველგან და ყოველთვის რომ დაისაჯონ, პატიოსანი ხალხი თავს მთლიან უპირობოდ ჩათვლიდა ყველაფერში და მე რომ მკითხოთ, — ახლავე, მოვდივარ! — სწორედ ამას უნდა ერიდოს კაცი, თორემ სასაცილო შევიტყუებოდა.

X X X

ჩემო ძვირფასო თანამემამულევ, ძალიან მახარებს თქვენი ცნობისმოყვარეობა. თუმცა, კაცმა რომ თქვას, ჩემს თავგადასავალში უჩვეულო არაფერია. რაკი გაინტერესებთ, გეტყვით: რამდენიმე დღის განმავლობაში სულ ამ სიცილზე ვფიქრობდი, მერე მიმავიწყდა. მაგრამ დროგამოშვებით მაინც ჩამესმოდა. სადღაც ჩემში ხშიანებდა ეს სიცილი, თუმცა სხვა რამეზე ფიქრის ვაუტანასაც ადვილად ვახერხებდი.

მაგრამ უნდა ვადიარო, რომ იმ დღიდან პარიზის სანაპიროებზე აღარ დამიდგამს ფეხი. როცა მანქანით ან ავტობუსით მიხდებოდა გავლა, უცნაური სიჩუმე დაისადგურებდა ჩემს სულში. მგონი, ველოდი. მაგრამ სენას ისე გავცდებოდა, არაფერი ხდებოდა და მეც თავისუფლად ამოივისუნთქავდი ხოლმე. იმხანაუ ცოტა უქეიფობაც დამჩემდა. განსაკუთრებული არაფერი მაწუხებდა, მაგრამ უგუნებობას ვგრძნობდი. ეჭიმებს ვეჩვენე. რაღაც გამახალისე-


ბელი წამალი მომცეს მეც ვხალისობდი და მერე ისევ უგუნებობა დაძრევდა ხელს. ცხოვრება გამიჭირდა. როცა სხეული მოწყენილია, გულიც ვეღარ იხალისებს. მეჩვენებოდა, რომ ნაწილობრივ დამვიწყნოდა ის, რაც თავის დღეში არ მისწავლია და რაც ასე კარგად ვიცოდდი. ცხოვრებაზე მოგახსენებთ. დიახ, დარწმუნებული ვარ, რომ სწორედ მაშინ დაიწყო ყველაფერი.

მაგრამ არა, ვერც ამ საღამოს ავაწყვე სათქმელი. გაჭირვებით ვაკონწიწებ სიტყვებს. მგონია, ცუდად ვლაპარაკობ და ნათქვამიც ნაკლებ სარწმუნო გამოდის. უთუოდ ამინდის ბრალია. სუნთქვა ჭირს. ჰაერი ისეა დამძიმებული, რომ გულზე გვაწვება. ჩემო ძვირფასო თანამემამულევ, ქალაქში გავლაზე უარს ხომ არ მეტყვით? გმადლობთ.

რა ლამაზია ეს არხები საღამოობით! მიყვარს დამღვარი წყლის სუნთქვა, წყალში ჩამჰკნარი ფოთლებისა და ყვავილებით სავსე, იალქნიანი სამგლოვიარო ნაგების სუნი. არა, არა, მერწმუნეთ, ამ სუნის სიყვარულში არაფერია ავადმყოფური. სიმართლე თუ ვნებავთ, თავს ძალასაც კი ვატახ, რომ ეს არხები მოვიწონო. გამოგიტყდებით და, ქვეყნად ყველაზე უფრო სიცილია მიყვარს, მზის სხივებში გახვეული კუნძულსა და ზღვას რომ გადმოჰყურებს. იაცაც მიყვარს, მაგრამ შენწველი, ხორშაკი ქარების დროს. დიახ, ახალგაზრდობაში გახლდით იქ. საერთოდ ყველა კუნძული მიყვარს, რადგან იქ უფრო ადვილია მეფობა.

საუცხოო სახლია, არა? ამ ორ თავს რომ ხედავთ. ზანგი მონების თავებია აბრის მაგივრობასა სწევენ. სახლი მონათვაჭარს ეკუთვნოდა. მაშინ თავიანთ ხელობას როდი მალავდნენ! ძალაც შესწევდათ. თამამად აცხადებდნენ: „საკუთარი სახლი მაქვს, მონებით ვვაჭრობ, შავ საქონელს ვყიდიო“. წარმოგიდგენიათ, დღეს რომ ვინმემ საჯაროდ განაცხადოს, მონათვაჭარი ვარო? ყველა ყიჟინას დასცემს. თითქოს ჩემი პარიზელი კოლეგების ხმაც ჩამესმის ყურში. ასეთ საქმეში შეურიგებელნი არიან. მყისვე ორ-სამ, ან იქნებ უფრო მეტ მანიფესტსაც გამოუშვებენ! ცოტა ფიქრის შემდეგ მეც ჩემს ხმას მათსას შევუერთებდი. მონობა? რა საკადრისია. ჩვენ წინააღმდეგნი ვართ. ცხადია, იტულებული ვხდებით მონობა დავამყაროთ ჩვენს ოჯახებსა და ქარხნებში, უმისოდ არ იქნება, მაგრამ ამით თავის მოწონება?...

კარგად ვიცი, შეუძლებელია იცხოვრო ისე, რომ არ მბრძანებლობდე და ვინმე არ იმსახურო. ყველა ადამიანს სჭირდება მონები ისევე, როგორც სუფთა ჰაერი. მბრძანებლობა ხომ სუნთქვასავითაა. განა თქვენ სხვა აზრისა ბრძანდებით? სუნთქვას კი ყველაზე უპოვარნიც ახერხებენ. სოციალური კიბის ბოლო საფეხურზე მდგომსაც კი ჰყავს შეუღლე ან ბავშვი. თუ უცოლოა, ძალღმობაინც ეყოლება. მთავარია, შეგეძლოს გაუჯავრდე ვინმეს, მას კი შემოპასუხების უფლება არა ჰქონდეს. „მამას სიტყვას არ უბრუნებენ“, იცით ეს კანონი? ერთის მხრივ უცნაურიც კი არის. ეს უნდა შეეპასუხო, თუ არ იმას, ვინც გულით გიყვარს? მეორეს მხრივ კი დამაგვრებლად მოჩანს. ვიდაცამ ხომ უნდა თქვას საბოლოო სიტყვა. თორემ ყოველ მოსაზრებას შეიძლება საწინააღმდეგო დავუპირისპიროთ და ამას ბოლო აღარ ექნება. ძალაუფლება კი ერთბაშად წყვეტს ყველაფერს. ამეების გაგებას ბევრი დრო მოვანდომეთ, მაგრამ ბოლოს მაინც შევითვისეთ. უთუოდ თქვენც შეამჩნევდით, რომ ჩვენი ბებერი ევროპა ბოლოს და ბოლოს რიგიანადა სჯის. უკვე აღარ გამბობთ ისე, როგორც იმ გულუბრყვილო დროს: „მე აგრე ვფიქრობ. თქვენ რა აზრისა ბრძანდით“



ბით?“ უფრო გამჭრიახნი გახლავართ და დიალოგი კომუნიკაციის მეშვეობით „ასეთია ჭეშმარიტება. შეგიძლიათ არ გვენდოთ, ჩვენ ეს არ გვინტერესებს, მაგრამ რამდენიმე წელიწადში პოლიტიკაც აქ გაჩნდება და დაგიმტკიცებთ, რომ მე მართალი ვარ“.

ო, ტკბილო პლანეტავ! ახლა ყველაფერი ნათელია შენს ზურგზე. ჩვენ ვიცნობთ ჩვენს თავსა და ვიცით, რისი უნარაც შეგვწევს. მაგალითად ისევ ჩემს თავს მოგიყვანო, საუბრის საგანს თუ ვერ შევცვლი: მე მუდამ მიხდოდა, რომ დიმილით მომმსახურებოდნენ. თუ მოახლე ქალს ცხვირ-პირი ჩამოსტიროდა, მთელი დღე ჩამწარებულნი მქონდა. ცხადია, შეეძლო მხიარული არ ყოფილიყო, მაგრამ ჩემთვის რომ გეკითხათ, მისთვისაც სჯობდა საქმე სიცილით გაეკეთებინა და არა ტირილით. თუმცა ეს მართლაც ჩემთვის იყო უმჯობესი. ეგებ ეს ჩემი მსჯელობა მთლად სასახელოც ვერ იყო, მაგრამ მთლად საფუძველსაც არ ჩანდა მოკლებული. სწორედ ამის გამო იყო, რომ ჭირის დღესაც მძულდა ჩინურ სასადილოებში შესვლა. რატომ? იმიტომ, რომ აზიელებს, როცა თეთრკანიანთა წინაშე დუმან, ამპარტავნული იერი აქვთ. კერძს რომ გაწვდიან, მაშინაც ამრეზით გიცქერენ. მაშ, როგორღა დატკბეს კაცი შემწვარი წიწილითა და რაც მთავარია, როგორღა ირწმუნოს, რომ მართალია ყველაფერში?

ჩვენში დარჩეს და, მონობა, უბირატესად მომლიმარე, აუცილებელია. მაგრამ ამასვე ხმამაღლა ლაპარაკი არ იქნება. თუკი მონების გარეშე ცხოვრება არ შეგიძლია, განა არა სჯობს, ამ მონებს თავისუფალ მოქალაქეებს ვუწოდებდეთ? ჯერ ერთი, პრინციპის გულისათვის, მეორეც იმიტომ, რომ ხალხი სასოწარკვეთილებაში არ ჩავაგდოთ. განა ამ საზღაურის ღირსნი არ არიან? ასე სიცილ-სიცილით მოგვემსახურებიან და ჩვენც სუფთა გვექნება სინდისი. თორემ იძულებული გავხდებით თავს ჩავუკვირდეთ: მაშინ მწუხარება გავვაგაყვებს, ანდა თავმდაბლობა დაგვჩემდება. აფიშები, თანაც ასეთი სამარცხვინო. ჩვენ არა გვჭირდება. თუ ყველა ისე შემოუჯდა სუფრას, რომ თავისი ჭეშმარიტი ხელობა და გინაობა გაამჟღავნა, აღარ გეცოდინება საით წაიღო თავი. წარმოგიდგენიათ, ჩვენს სავიზიტო ბარათებზე რომ წავაწეროთ: დიუბონი, ლაჩარი ფილოსოფოსი. ანდა ქრისტიანი მესაკუთრე, ან კიდევ — მრუში ჰუმანისტი და თუ გნებავთ სხვა ამგვარი რამე. მაშინ ჩვენი ცხოვრება ნამდვილ ჯოჯოხეთად იქცეოდა! დიახ, ჯოჯოხეთი ასეთი უნდა იყოს: ყველგან აბრაა გამოკრული და თავს ვერვინ იმართლებს. სახელი სამუდამოდ გექნებათ მიკერებული.

თქვენც, ჩემო ძვირფასო თანამემამულევ, ურიგო არ იქნება მოიფიქროთ, რას წააწერდით თქვენს აბრაზე. დუმხართ? კეთილი, მერე მიპასუხებთ. მე კი, ჩემდა თავად, ვიცი, რაც დამმშვენდებოდა: ორპირი კაცი, მომხიბვლელი იანუსი. ზევით კი ჩემი დევიზი იქნებოდა გამოყვანილი: „ნუ მიენდობით, ერიდეთ“. ჩემს სავიზიტო ბარათზე კი ეწერება: „ჟან ბაპტისტ კლემანსი — კომედიანტი“. იცით, იმ საღამოს შემდეგ, მე რომ გაიმბეთ, ბევრი რამ აღმოვაჩინე. როცა ბრმა ქუჩიდან ქუჩაზე გადამყავდა, გამოთხოვებისას ქუდს ვუხდიდი ხოლმე. ცხადია, ეს საღამო მისთვის არ იყო განკუთვნილი, ბრმას ჩემი დანახვა არ შეეძლო. მაშ, ვისთვისღა ვცდილობდი? მაყურებლებისათვის. როლს რომ შეასრულებ, მაყურებელს თავიც უნდა დაუკრა. ურიგოა ვითომ? მეორე დღეს კი, როცა გზაში გახიარულ მანქანას ხელი შევაშველე და პატრონი მად-

ლობას მიხდოდა, ვუთხარი, ჩემს ადგილას ასე არავინ მოიქცეოდა-მეთქი. ცხადია, ყველა ასე მოიქცეოდა-მეთქი, უნდა მეთქვა და ეს უნებლიე მარცნი ღიძხანს მაწვა გულზე, აკი თავმდაბლობაში ბადალი არა ძყავდა.

სინამდვილეში კი, ჩემო ძვირფასო თანამემამულევ, უნდა გამოგიტყდეთ, რომ პატივმოყვარეობა მახრჩობდა. სულ მე და მე იყო ჩემი ტკბილი ცხოვრების მისამღერი, ყველა ჩემს სიტყვაში რომ გაისმოდა. ჩემს დღეში არაფერი მიტქვამს ისეთი, რომ თავის ქებაც არ მიმეყოლებინა, განსაკუთრებით თუ ამას იმგვარი ოსტატური თავდაჭერილობით ჩავიდენდი, რომლის საიდუმლოც ჩემს მეტმა არავინ იცოდა. ისიც მართალია, რომ მთელი ჩემი ცხოვრების მანძილზე მუდამ თავისუფალი და ძლიერი გახლდით. დარწმუნებული ვიყავ, არავისი არაფერი მმართებს-მეთქი და ეს სულ იმის წყალობა იყო, რომ ქვეყნად არავინ მეგულებოდა ჩემი ბადალი. ჩემი თავი მუდამ ყველაზე ჭკვიანი მეგონა-მეთქი, უკვე გითხარით; მჯეროდა ისიც, რომ ყველაზე უფრო მგრძნობიარე და მოხერხებულიც მე ვიყავი; მანქანა ჩემზე უკეთ არავის დაჰყავს, საუკეთესო მსროლელი და საუკეთესო მიჯნური ვარ-მეთქი, ვფიქრობდი. იმ დარგშიც კი, საცა სულ ადვილი იყო სხვისი უპირატესობა დამენახა, თუნდაც ჩოგბურთში, სადაც გვარიან მოწინააღმდეგედ თუ გამოვდგებოდი, თავს არ ვუტყდებოდი და სულ იმას ვამბობდი: ვარჯიშის დრო რომ მქონდეს, პირველობას აქაც არავის დავანებებ-მეთქი. წამით არ შემპარვია ეჭვი, რომ ყველა-სა ვჯობდი; ამიტომაც გული მუდამ საგულეს მქონდა და ყველას მიმართ კეთილგანწყობილებას ვიჩენდი. თუ ვეხმარებოდი ვინმეს, ასე მეგონა, დიდ წყალობას ვიღებდი, და ჩემი კეთილი ქცევა კიდევ უფრო მამაღლებდა საკუთარ თვალში.

სხვა ჭეშმარიტებებთან ერთად თანდათან ეს ჭეშმარიტებანიც აღმოვაჩინე იმ საღამოს შემდეგ, რომელზედაც გელაპარაკეთ. მაგრამ ასე უცებ არა; არც ასე ერთბაშად გავრკვეულვარ ყველაფერში. ჯერ მეხსიერება დამიბრუნდა. თანდათან უფრო ცხადად დავინახე ყველაფერი; უფრო უკეთ ჩავწვდი იმას, რაც ადრეც ვიცოდი. აქამდე მუდამ მშველოდა ჩემი საოცარი გულმავიწყობა. მაგიწყდებოდა ყველაფერი და პირველ რიგში რაც რამ მქონდა განზრახული. ომს, თვითმკვლელობას, სიყვარულს, სილატაკეს სათვალავში არ ვაგდებდი; ცხადია, ყურადღებას კი ვაქცევდი, როცა გარემოება მაიძულებდა, მაგრამ მართო ზერელედ, თავაზიანობის გულისთვის. ხანდახან ისე ვიჭერდი თავს, თითქოსდა კიდევაც მიტაცებდა ისეთი რამ, რაც ჩემს ყოველდღიურ ცხოვრებასთან სულაც არ იყო დაკავშირებული. სინამდვილეში კი ამგვარ რამეებს ყურადღებასაც არ ვაქცევდი. მხოლოდ მაშინ გამოვიღებდი ხელს, როცა ჩემი თავისუფლება აღმოჩნდებოდა საფრთხეში. როგორ გითხრათ? ყველაფერი სხლტებოდა და ცურდებოდა. ჩემს გულზე სხლტებოდა ყველაფერი.

სიმართლეს ნუ დამიკარგავთ; ზოგჯერ ჩემი გულმავიწყობა სასახელოც კი გახლდათ. უთუოდ შეამჩნევდით, რომ არსებობენ ადამიანები, რომელთაც რჯულადა აქვთ სხვას ყოველგვარი შეურაცხყოფა აპატიონ და მართლაც შეუნდობენ, მაგრამ დავიწყებით თავის დღეში არ იგიწყებენ. მე კი ისეთი სულგრძელი როდი ვიყავ, რომ შეურაცხყოფა მეპატიებინა ვინმესთვის, მაგრამ წყენა მუდამ მაგიწყდებოდა ხოლმე და იმათ გაოცებასაც საზღვარი არ ჰქონდა, ვისაც მტრად მივაჩინდი და ხედავდა, რომ გულლიად, ღიმილით ვესაღმებოდი. ვინც რა სულიერი ავლა-დიდებისა იყო, იმისდა მიხედვით სჯიდა: ზო-



გი ალტაცებული იყო ჩემი სულგრძელობით, ზოგი კი ჩემს სიმბნალებს დას-
ცინოდა და არ კი ფიქრობდნენ, რომ მე სულ უბრალო მიზენი მქონდა: აღ-
არც შეურაცხყოფა მახსოვდა და აღარც შეურაცხყოფელი. იმავე ნაკლს, სხვა
შემთხვევაში გულცივადა და უმადურად რომ მაქცევდა, ახლა სულგრძელად
გამოვყავდი.

ვცხოვრობდი ასე და დღეცისმარე ჩემი თავის მეტი არაფერი მაგონდე-
ბოდა. სულ მე და მე იყო ჩემი საფიქრალი. ყოველდღე ქალები, ყოველდღე
სათნოება და მრუშობა, მაწანწალა ძაღლების შესაფერისი: მაგრამ ჩემი თავის
მეტი არაფერი მაღარდებდა და ფეხზედაც მაგრად ვიდექი. ასე მივცურავდი
ცხოვრების ზედაპირზე, მაგრამ ეს მხოლოდ სიტყვით, სინამდვილეში წინ არ
მივიწევდი. სანახევროდ წაკითხული წიგნები, ნახევრად საყვარელი მეგობრე-
ბი, ხანმოკლე სტუმრობა ქალაქებში, უდღეური რომანი ქალებთან... მოწყენი-
ლი ვიყავ და ყველაფერს თავშესაქცევად ვაკეთებდი. ადამიანები მხვდებოდ-
ნენ, უნდოდათ მომჭიდებოდნენ, მაგრამ სიცარიელეს აწყდებოდნენ და ეს დი-
დი უბედურება იყო მათთვის. მათთვის-მეთქი, ვამბობ, რადგან მე, ჩემდა თა-
ვად, წუთში მავიწყდებოდა ყველაფერი. ჩემი თავის გარდა არასოდეს მხსო-
მებია ვინმე.

მაგრამ თანდათან მეხსიერება დამიბრუნდა. ან უკეთ, თვითონ მივმართე
შასა და ჩემს გულში ვაცოცხლდნენ მოგონებანი, რომლებიც მელოდნენ. მაგ-
რამ სანამ ამაზე გეტყოდეთ რამეს, ნება მიბოძეთ, ძვირფასო თანამემამულევ,
რამდენიმე მაგალითი მოგიყვანოთ (რომლებიც უთუოდ გამოგადგებათ ოდეს-
მე) და გითხრათ, ამ კვლევა-ძიებისას რა აღმოვაჩინე.

ერთ დღეს, როცა საჭესთან ვიჯექ და მწვანე შუქზე წამით შემავიანდა
მანქანის დაძვრა, დიდი მოთმინების მქონე ჩვენმა ქალაქელებმა კი საყვირები
ააყვირეს, უეცრად გამახსენდა მეორე შემთხვევა, მსგავს ვითარებაში რომ
მოხდა. წითელი შუქი ენთო. ერთმა სათვალთანმა მოტოციკლეტისტმა გადა-
მისწრო და ჩემს წინ გაჩერდა. ხმელ-ხმელი, ჩია კაცი იყო, გოლფის შარვალი
ეცვა. მოტოციკლეტი რომ დააყენა, ძრავა გაუჩერდა და ვედარაფრით ვერ
აამუშავა. მწვანე შუქი რომ აინთო, რაც რომ შემეძლო, თავაზიანად ვთხოვე,
თუ შეიძლება, განზე გადაქით და გზა მიტიეთ-მეთქი. ძრავა არ იმართებოდა
და ჩია კაცი ძალიან დელავდა. როგორც ჭეშმარიტ პარიზელს შეშვენოდა, მი-
პასუხა, თავიდან მომწყდით. მე კვლავ ზრდილობიანად ვურჩიე, განზე გადა-
ქით-მეთქი, მაგრამ ეტყობა ხმაში ცოტა მოუთმენლობა მაინც მეტყობოდა.
მაშინ არც აცივა, არც აცხელა და მომახალა, თუ არ დამეხსნები, შავ დღეს
დაგაწევო. ამასობაში ჩემს ზურგს უკან რამდენიმე საყვირის ხმაც გაისმა. მეც
უფრო მტკიცედ ვუთხარ იმ გლახას, წესიერად ილაპარაკეთ და მოძრაობას ნუ
აფერხებთ-მეთქი. იმ უდღეურმა კი, ვააგებულმა იმით, რომ ძრავა ვერასგზით
ვერ აამუშავა, მომაძახა, თუ სილა მოგენატრა, მოდი და იწვნიეო. ამ უხიაკმა
პასუხმა მოთმინებიდან გამომიყვანა: საჭეს ხელი ვუშვი და მანქანიდან გად-
მოვედი, რომ თავხედისათვის ჭკუა მესწავლებინა. ვფიქრობ, ლაჩარი არ უნ-
და ვიყო (მაგრამ ფიქრით რას აღარ ვფიქრობთ საკუთარ თავზე!), მთელი თა-
ვით მაღალი ვიყავ ჩემს მოწინააღმდეგეზე, ღონეც მუდამ მერჩოდა და ახლაც
მჯერა, საქმე საქმეზე რომ მისულიყო, სიგრძეს სიგანედ მოვუქცევდი. მაგრამ
ვერ ფეხიც არ მქონდა დადგმული ქვაფენილზე, რომ ჩვენს ირგვლივ შეკრე-
ბილ ხალხს ვიდაც ყმაწვილი გამოეყო, ჩემსკენ გამოქანდა და მითხრა: უკა-



ნასკნელი ვიგინდარა იქნები, თუ მოტოციკლეტზე გადამჯდარ კაცს გაარტყამ; ვერ ხედავ, თავის დაცვა რომ არ შეუძლიაო. ამ არამკითხე მოამბესაც ვენ მაგობ- ხედე, მაგრამ სიმართლე რომ გითხრათ, არც დამინახავს. თავი შემოვებრუნე თუ არა, გავიგონე მოტოციკლეტის რახრახი და ყბაში სილაც მგლიჯეს. სანამ მივხვდებოდი რა მოხდა, მოტოციკლეტი უკვე შორს იყო. დაბნეულ-დარეტი- ანებული გავემართე დ' არტანიანისაკენ, მაგრამ საყვირების უთავბოლო გნიას- მა ამ განზრახვაზე ხელი ამაღებინა. ისევ მწვანე შუქი აენთოთ. მთლად გონს მოსული არ ვიყავ და იმის ნაცვლად, რომ შემეხურებინა ის ბრიყვი, რომე- ლიც წინ გადამიდგა, მორჩილად მივუბრუნდი საჭეს და მანქანა დავძარი. იმ უსინდისომ კი ისე მომაძახა, ლაჩაროო, რომ ის სიმწარე დღესაც არ გამწელებია.

უმნიშვნელო ამბავიაო, იტყვიო უთუოდ. მაგრამ მე კარგა ხანს ვერ გადავიგდე გულიდან. თუმცა რა ჩემი ბრალი იყო? მართალია, მომხდურს ისე გაველახინე, რომ პასუხი ვერ გავეცი, მაგრამ ლაჩრობას ვერავინ დამწამებდა. თავს მოულოდნელად დამესხნენ, აქეთ-იქიდან მეძახდნენ და იმიტომ ამე- რია თავგზა. საყვირების ღრიალმაც მთლად დამაბნია. და მაინც თავს ისე უბედურად ვგრძნობდი, თითქოს სახელი გამტეხოდეს. გონების თვალთ ვხედავდი, როგორ ჩავჯექი მანქანაში სილანაჭამი და ახმაურებული ბრბოს დამცი- ნავი მხერაც თან გავიყოლიე. ყველა აღტაცებაში მოიყვანა ჩემმა შერცხვე- ნამ, უთოდ იმიტომ, რომ, როგორც მახსოვს, ტანთ ძალზე ლამაზი ლურჯი კოსტუმი მეცვა. თითქოს იმ ყმაწვილის ძახილიც ჩამესმოდა ყურში, ლაჩა- როო, რომ მომაძახა და ყველაზე მეტად გულს ისა მტკენდა, რომ ვერც გა- ვამტყუნებდი. მოკლედ, საჯაროდ ვიყავ გამასხარავებული, მართალია, გარე- მოებათა უცნაური დამთხვევის წყალობით, მაგრამ გარემოებებს რა გამოლევს. ახლა უკვე კარგად ვხვდებოდი, როგორ უნდა მოვქცეულიყავ მაშინ. წარმო- ვიდგენდი, როგორ წავაქცევდი დ' არტანიანს ერთი ლაზათიანი დარტყმით, რო- გორ შევახტებოდი მანქანას. გამოვუდგებოდი იმ მაშინს, ალიყური რომ მა- ჭამა, დავეწეოდი, ტროტუართან მივიმწყევლოდი და როგორადაც ეკადრებო- და, ერთი-ორს ისე მაგრად მივცხებდი. გონების თვალთ ასევე მაინც ვნახუ- ლობდი ამ პაწია ფილმს. სანდახან შოგ ნტორეოლიანი ეკოლოცებდა: შიშტიანო, მაგრამ წასულ საჭმეს რაღას ვუშვებოდი: რამდენიმე ჯერ გუნება აღარ გამომიკეთდა.

ხედავთ, ისევ ვაწვდივარ მოტოციკლეტზე და ვაწვდივარ მოტოციკლეტზე და ვაწვდივარ მოტოციკლეტზე ვსაუბრობდი? მთ. დამწვნი. საყვირებს რა ამბავი რომ მომხდებოდა? უნდა დი, რასაც მოასწავებდა იგი. მოკლედ, ჩემმა უცნაურმა დედასთან დასაშინებ- ლის შემოტევას. მე ასე გვეუბნებოდა: უნდა გეცოდინებოდა, რომ ვინც ვინც და შემეძლო ყველაში შეიძლება იმედი ჰქონდეს. უნდა გეცოდინებოდა, რომ ვინც და კაცად კაცისათვისაც. ერთი სიტყვით, ნახევრით ხომ არაა ნაწილი ვინც ვინც ლად წარმომედგინა თავი. ყველგან ბატონობა მხოლოდ, ამოზომა: ყურის მი- დი და ჩემს ფიზიკურ ძალას უფრო დაჩენდი. უფრო გონებრივს. მაგრამ მას შემდეგ, რაც საჯაროდ სილა ვამაწნეს და ზელოცებები გამოვიღე. მე მს თავზე ასეთი დიდი წარმოდგენისა ვეღარ დავრჩებოდი. თუ მართლაც გეშინარტებესა და გონების მეგობარი ვიყავ, როგორადაც თავი მომქონდა, რა მნიშვნელობა უნდა ჰქონოდა ჩემთვის ამ შემთხვევას, მის უნებურ მომსწრეთ უკვე და- ვიწყებული რომ ჰქონდათ? მართო იმაზე უნდა მომსვლიოდა გული, რომ ტყუ-

ილუბრზლოდ გავცხარდი, ჭკუა და გონი წამერთვა, თავს ვერ მოვერეე და აკი ჩემი თავისა დამემართა. ამის ნაცვლად სამაგიეროს გადახდის სურვილით ვიწვოდი. მტერთან შებმა და გამარჯვება მწყუროდა. თითქოსდა ჩემი სასურველი სურვილი ის კი არ იყო, ქვეყნად ყველაზე ჭკვიანი და დიდსულოვანი კაცი ვყოფილიყავ: მარტო ისა მსურდა, გამელახა ყველა, ვინც მომეპრიანებოდა. მინდოდა ვყოფილიყავ ყველაზე ძლიერი, ამ სიტყვის პირდაპირი გაგებით. ამბობენ, და თქვენც უთუოდ მოგეხსენებათ, რომ ყველა ინტელიგენტი განგსტერობაზე ოცნებობს და სურს საზოგადოებაზე ძალით იბატონოს. მაგრამ რაკი ეს ისე ადვილი არაა, როგორც განგსტერული რომანების მკითხველს შეიძლება მოეჩვენოს, უმეტესწილად პოლიტიკას მიმართავენ ხოლმე და ყველაზე უფრო მძვინვარე პარტიაში ეწერებიან. რა მოხდა მერე, თუ ჭკუა-გონებას დავიკნინებთ, თუკი ამ გზით ყველას დავიმორჩილებთ? მივხვდი, რომ თურმე მეც ამ ტკბილ ოცნებას ვეძლეოდი და იდუმალ იმას ვნატრობდი, ვინმე დამეჩაგრა.

და სხვა თუ არაფერი, ეს მაინც დავინამდვილე: დამნაშავეთა და მსჯავრდადებულთა მხარეზე მხოლოდ იმიტომ ვიყავ, რომ მათ დანაშაულს პირადად ჩემთვის ზიანი არ მოჰქონდა. მათ დანაშაულზე მჭევრმეტყველურად ვლაპარაკობდი, რადგან თავად მხსვერბლი არ ვიყავ. მაგრამ თუკი მე დამიშავებდნენ რასმე, მარტო მსაჯულად კი არა და, მძვინვარე ბატონადაც გადავიქცეოდი. და კანონს მხარიც რომ არ დაეჭირა, მოვიწადინებდი დამესაჯა, მეცემა, მეწამები-ნა ჩემი შეურაცხმყოფელი და წამომეჩოქებინა როგორმე. ამის შემდეგ, ჩემო ძვირფასო თანამემამულეგ, ძნელია სერიოზულად იფიქრო, ვეჭილობა ჩემი მოწოდება არისო და ჭკრივ-ობოლთა ჭეშმარიტ დამცველად მიიჩნიო თავი.

რაკი წვიმამ დასცხო და არც არსად გვეჩქარება, მინდა, თუ ნებას მომცემთ, ერთი ამბავიც ვიამბოთ, იმხანად ჩემდაუნებურად რომ ამოტივტივდა ჩემს მეხსიერებაში. მოდიოთ, ამ სკამზე ჩამოვსხდეთ, წვიმამ რომ არ დაგვასველოს. რამდენი საუკუნეა, რაც ადამიანები სხედან აქ და უცქერიან, როგორ ეშხაპუნება წვიმა არხებს. ახლა რაც უნდა გითხრათ, ცოტა ძნელია საამბობლად. საქმე ქალს ეხება. თუმცა ჯერ უნდა მოგახსენოთ, რომ ქალებთან წარმატებას მუდამ იოლად ვაღწევდი. არ დავიჩემებ, მათ გაბედნიერებას ვახერხებდი, ანდა მათ სიახლოვეს მე თვითონ ვიყავი-მეთქი ბედნიერი. არა, უბრალოდ წარმატებას ვაღწევდი. თითქმის უმალვე ვეწეოდი ხოლმე საწადელს. ეს იმიტომ, რომ მომხიბვლელ კაცადა მთვლიდნენ! მომხიბვლელობის ძალა ხომ იცით, რა დიდია: თანხმობას მანამ გეუბნებიან, სანამ გარკვევით მოითხოვდეთ რასმე. იმხანად მეც ასეთ დღეში გახლდით. გიკვირთ, განა? ო, ნუ უარყოფთ. ახლა ისე გამოვიყურები, რომ თქვენი გაოცება ბუნებრივია. სამწუხაროდ, გარკვეული ხნისა რომ მოიყრება, ყოველი კაცი პასუხს აგებს თავის სახეზე. ჩემი სახეც... თუმცა რა მნიშვნელობა აქვს! მთავარი ისაა, რომ მომხიბვლელ კაცად მთვლიდნენ და მეც ვსარგებლობდი ამით.

ოღონდ ანგარიშიანობას ნუ შემწამებთ; გულწრფელი, ან თითქმის გულწრფელი გახლდით. ჩემი ურთიერთობა ქალებთან ბუნებრივი იყო, ლაღი და ძალდაუტანებელი, როგორც იტყვიან ხოლმე. არ მივმართავდი სხვა ეშმაკობას გარდა იმ ერთისა, რომელსაც თავადვე მიიჩნევენ დიდ პატივისცემად. როგორც ამბობენ, მიყვარდა ქალები, ეს კი ნიშნავს, რომ ჩემს დღეში არც ერთი მათგანი არ მყვარებია. დედამთხოველობა მუდამ სიბრიყვედა და უხამ-

სობად მიმაჩნდა და ყველა ქალს, ვისთანაც კი საქმე მჭერია, ჩემზე მაღლა გაყენებდი. მაგრამ ამისდა მიუხედავად მოსამსახურედ როდი ვუხდებოდი, პირიქით, აქეთ ვიმსახურებდი. რატომ? რისთვის?

თქმა არ უნდა, რომ ჭეშმარიტი სიყვარული გამოწვევას: საუკუნეში ერთს ან ორს თუ შეხვდება კაცი, სხვა დანარჩენი კი პატივმოყვარეობა, ან მოწყენილობაა და მეტი არაფერი. ერთი სიტყვით, მე პორტუგალიელი მონაზვნისა არა მეცხო რა. გულქვა კაცი არ გეგონოთ, პირიქით, მგრძნობიარე ვარ და ცრემლიც ადვილად მერევა. ოღონდ მარტო ჩემს თავს ვეცდებოდი და გულიც მარტო ჩემს თავზე მიხუცდება. ტყუილია, თითქოს არასდროს მყვარებოდეს ვინმე ცხოვრებაში. სხვა თუ არაფერი, ერთი დიდი სიყვარული მაინცა მქონდა და ამ სიყვარულის საგანი მე თითონ ვიყავი. ამ თვალსაზრისით თუ შევხედავთ, ცოტაოდენი სიძნელეების შემდეგ, რომლებიც სიჭაბუკეში უეჭველად შეხვდება ადამიანს, უმაღლესი მოგვეგე გონს და ჩემს სასიყვარულო ცხოვრებაში მხოლოდ მგრძნობელობა დავამკვიდრე. სულ იმის ძიებაში ვიყავი, ვინ დამეპყრო და რით დავმტკბაროყავ. ამ საქმეში ტემპერამენტიც მეხმარებოდა. ბუნებამ უხვად დამაჯილდოვა. ამით ძალიან გამაყობდი და აღარც კვიცი, რა უფრო მახარებდა, საკუთარი სახელი თუ განცდილი სიამოვნება. მეტს აღარ გავაგრძელებ, თორემ კვლავ ტრაბახში ჩამომართმევთ. არც მთლად უმაგისობაა, და სირცხვილი მიპყრობს, რაკი ამჯერად იმით მომაქვს თავი, რაც სრული სიმართლე გახლავთ.

ასეა თუ ისე, ჩემი მგრძნობელობა, სხვაზე რომ არაფერი ვთქვათ, იმდენად ძლიერი იყო, რომ ათწუთიანი სასიყვარულო თავგადასავლის გულისათვის საკუთარ დედ-მამასაც კი გავყიდდი, თუნდაც მერე მწარედ მენანა. მაგრამ რას ვამბობ! სხვაზე უმაღლესი სწორედ ამ ათწუთიანი თავგადასავლისთვის, მით უფრო, თუ დარწმუნებული ვიყავ, რომ გრძნობას ხვალინდელი დღე არ გააჩნდა. თან ჩემი დაუწერელი კანონებიცა მქონდა. ვამბობდი, მეგობრის ცოლის ხელის ხლება არ იქნება-მეთქი, მაგრამ საქმე საქმეზე თუ მიდგებოდა, ავიღებდი და რამდენიმე დღით ადრე ქმართან მეგობრობასა ვწყვეტდი. იქნებ ყოველივე ამას მგრძნობელობა არც კი შეიძლება ვუწოდოთ სახელად? თვით მგრძნობელობას ხომ საზიზღარის არა სცხია რა. მოდით, ღმობიერება გამოვიჩინოთ და სიძაბუნე დავარქვათ, როცა კაცს დაბადებით სიყვარულში იმ ერთი რამის გარდა სხვისი დანახვა არ შეუძლია. ეს სიძაბუნე სწორედ რომ მისწრება რამ იყო. ჩემს გულმავაწყობასთან შერწყმული ჩემს თავისუფლებასაც უზრუნველყოფდა. დამოუკიდებელი იერიც ახალ წარმატებებს მაპოვნინებდა. რაკი თავად რომანტიკული არ ვიყავ, ბევრს ვუყვარდი რომანტიულად. ჩვენი მეგობარი ქალები ერთი რამით ბონაპარტსა ჰგვანან, მუდამ ფიქრობენ, რომ წარმატებას მიაღწევენ იქ, საცა სხვებს ხელი მოეცარათ.

ქალებთან ურთიერთობისას მარტო მგრძნობელობას კი არ ვაკმაყოფილებდი, თამაშის ყინსაც ვიკლავდი ხოლმე. ქალები თამაშის მონაწილეებად მყავდა წარმოდგენილი, თამაშისა, რომელიც მთლად უცოდველი ჩანდა. გამოგიტყდებით, საერთოდ მძაგს მოწყენილობა და ცხოვრებაში მხოლოდ დასვენებებს ვაფასებ. გარს რჩეული საზოგადოებაც რომ მეხვიოს, მალე თავს მომაბეზრებს, მაგრამ თუ ქალი მომწონს, მასთან საუბარი არასოდეს არ მომწყინდება. მიჭირს აღიარება, მაგრამ უნდა გამოგიტყდეთ, რომ აინსტიგინთან ათ საუბარს ლამაზ მსახიობ ქალთან პაემანზე პირველად მისვლა მირჩევნია. მაგ-

რამ მეათე პაემანზე მისულს ისევ აინშტეინი და სერიოზული წიგნები მომე-
ნატრება ხოლმე. ერთი სიტყვით, დიდ-დიდ პრობლემებზე მხოლოდ იმ ხნის
განმავლობაში დავფიქრებულვარ, რაც ჩემს სასიყვარულო თავგადასაცემებს
გადარჩებოდა. ხშირად ქუჩაში მდგარსა და ამხანაგებთან ცხარედ მოკამათეს
აზროვნების ძაფი გამწყვეტია, რადგან გვერდით ღმერთივით ქალს ჩაუვლია.

მოკლედ, თამაშსა ვთამაშობდი. ვიცოდი, რომ ქალებს არ უყვართ პირ-
დაპირი იერიშები ჯერ ტკბილი სიტყვა და ქათინაუბრები თუ არ მოისმინეს.
სიტყვების წარმოთქმა მე არ მიჭირდა, რაკი ვეჭილი ვიყავ, ნაზად ყურებაც
მეხერხებოდა, რადგან ჯარში სამსახურის დროს წარმოდგენებში ვმონაწილე-
ობდი. როლს ხშირად ვიცვლიდი, მაგრამ პიესა არ იცვლებოდა. ვამბობდი,
უცნაურად მიმიზიდეთ, რაღაც გაუგებარი, უმიზეზო, დაუძლეველი გრძნობა
დამეუფლა, თუმცა სიყვარულისაგან უზომოდა ვარ დაღლილი-მეთქი და სხვა.
ეს ძველისძველი როლი იყო ჩემს რეპერტუარში, მაგრამ მუდამ სჭრიდა. სხვა
ნომერიც მქონდა; ვამბობდი, რაღაც იდუმალი ბედნიერება მეწია, დღემდე
არც ერთ ქალს რომ არ მოუწიებია ჩემთვის. სიტყვების წუთები ახლაც
ხანმოკლე იქნება (თავი ხომ უნდა დაიზღვიოს კაცმა), მაგრამ მათ ქვეყნად
არაფერი შეედრება-მეთქი. ერთი საუცხოო სიტყვაც შევადგინე, რომელსაც
ყველა ალტაცებაში მოჰყავდა; დარწმუნებულად ვარ, თქვენც მომიწონებთ.
მთავარი იყო, მწუხარედ, ხვედრს შერიგებული კაცივით მეთქვა, რომ არა-
ფერს წარმოვადგენდი, რომ ჩემი შეყვარება არ ღირდა, რომ არასოდეს გან-
მიცდია უბრალო, ყოველდღიური ბედნიერება, თუმც ეს ბედნიერება შეიძ-
ლება ყველაფერს მერჩია. მაგრამ ვაი, რომ გვიანლაა უკვე. ოღონდ რატომ
იყო გვიან, ამაზე კრინტსაც არ ვძრავდი, რადგან ვიცოდი: სჯობს საიდუმლო-
ებით მოცული დარჩე ქალის თვალში. სიმართლე თუ გნებავთ, ისე შევი-
სისხლხორციე ეს როლი, რომ თითქმის მჯეროდა კიდევ, რასაც ვამბობდი და
რა გასაკვირია, რომ ჩემი პარტნიორებიც არ აყოვნებდნენ სცენაზე გამოსვ-
ლას. მათგან ყველაზე უფრო მგრძნობიარენი ცდილობდნენ, გაეგოთ ჩემთვის
და თავადაც გულს მიხსნიდნენ. სხვები კი, კმაყოფილები იმით, რომ თამაშის
წესებს ვიცავდი და სანამ საქმეზე გადავიდოდა, ლამაზ სიტყვებს არ ვაშუ-
რებდი, აქედან გამომდინარე ვეჭვებოდა, მაშინ მცდე თრიაკვად ვაყავ გამარჯვე-
ბული; სასიყვარულო ტინის დახდა თავმოყვარეობასაც ვაემაყოფილებდი, რა-
ც ჩემს ძალმოსილებას გამოვცდიდი ხოლმე.

ამიტომ, მაშინაც კი, როცა ქალი დიდ სიამოვნებას იტო მომანატრებდა,
ვერცხვობდი, შეგვეფიქსიოთ ამ ღამეზე რვა მისი ყველაზე განსაკუთრებული და დროდა-
დრო მაინც შეგვეფიქსიოთ, რათა ვაშინებოდას ვეჭვებოდა, რათა ვაშინებოდა
და ნიჭიერება. ვამ ქალიც ნიჭი იყო, ვედაც ამყოფოდა, თანაც მინკოდა, რად-
განწინებულყოფად, ჩვენს კარშირი საბოლოოდ არ დაჩვივდეს, რადგან მოიინო-
ებოდა თუ არა მაშინვე შეგებოდა მის განაზღვრებას-მცდე, ჩანდა, რომ ქალის ღირსაც
ვართმევდი, რომ სხვისთან საქმეს არ დაუჭერდნენ, რადგან არ მინდოდა გრძე-
ანიობით ვავტანჭულიყავ, მაგრამ გულის სიდრნეში ეს ამბავი დიდად არ მა-
ნადუნებდა. ჩემს თავში ანაუნად გახლულით დარწმუნებულად, მიჭირდა წარ-
მოდგენა იმისა, რომ ქალი, რომელსაც ერთხელ დავეუფლე, სხვა საყვარელ-
საც გაიჩენოდა, მაგრამ ამ ჩამორთმეული ფიცით მათ ხელ-ფეხს ვეჭრაფდი, მე
კი არაფერი მბოჭავდა, ჩემგან მიტოვებული ქალი სხვას არ შეიყვარებდა, მა-
მაშასადამე, ადვილად შემეძლო ხელი ამელო მასზე, სხვაფრიც კი ეს თითქმის

შეუძლებლად მესახებოდა. ერთხელ და სამუდამოდ მყავდნენ გამოცდილნი და ძალაუფლებაც დიდი ხნით დამყარებული მქონდა. საოცარია, არა? მაგრამ ასე კი იყო, ჩემო ძვირფასო თანამემამულევ. ერთნი მოითხოვენ, გიყვარდეთ, მეორენი: ნუ შემიყვარებო! მაგრამ არიან ისეთებიც, ეს ხალხი კი უბედური და უარესია, რომლებიც მოითხოვენ, ნუ გეყვარები, მაგრამ ჩემი ერთგული დარჩიო.

მოგეხსენებათ, ყოველ სულიერს თავიდან უნდა მოუწყო ხოლმე გამოცდა. რაკი გამეორება გიხდება, თანდათან იწაფები კიდეც. მალე უკვე დაუფიქრებლად ლაპარაკობ, სიტყვები თავისით სწყდება ბაგეს და ერთ მშვენიერ დღეს შენიშნავ, რომ სულ იოლად დაეპატრონე იმას, რაც ჭეშმარიტად არც კი გინატრია. მერწმუნეთ, რომ ზოგიერთებისთვის იმის არ აღება, რაც არ უნდათ, ქვეყნად ყველაზე უფრო ძნელი საქმეა.

მეც ასე დამემართა. ერთხელ ერთ ქალს შევხვდი; ზედმეტია იმის თქმა, რომ ძალიან არ მალეღვებდა, მაგრამ როგორღაც მიმიზიდა თავისი მორჩილი და ხარბი იერით. გულწრფელად რომ გითხრათ, როგორც მოსალოდნელი იყო, დიდი ვერაფერი შვილი გამოდგა, მაგრამ კომპლექსები ჩემს დღეში არა მქონია და რაკი მეტად აღარც შევხვედრივარ, სულ მალე დავივიწყე ის ქალიცა და მისი ამბავიც. მეგონა არაფერი შეუნიშნავს-მეთქი და ვერც კი წარმომედგინა, რომ შეიძლება საკუთარი აზრი ჰქონოდა; ისეთი უმოქმედო იყო, ქვეყნისაგან გეგონებოდათ განაკიდი. მაგრამ რამდენიმე კვირის შემდეგ შევიტყვე, რომ სხვისთვის გაუნდვია ჩვენი ამბავი და კიდევაც გავუქირდივარ. მყისვე ისეთი გრძნობა დამეუფლა, თითქოს მომატყუეს. ქალი ისეთი პასიურიც არა ყოფილა, როგორც მეჩვენა და თურმე განსჯის უნარიც შესწევდა. მხრებიღა ავიჩეჩე, სიცილში ჩავატარე ეს ამბავი. ბევრიც ვიცინე, რადგან ამეებისათვის დიდი მნიშვნელობა არ მიმიცია. თუკი არსებობს სფერო, სადაც მოკრძალებულობა კანონად უნდა იქცეს, ეს პირველ რიგში სექსუალურ ცხოვრებაზე ითქმის, სადაც უამრავ მოულოდნელ რასმე შეიძლება გადაეყაროს კაცი; ასე არ არის? მაგრამ არა. ყველას უნდა სხვას აჯობოს, თუნდაც თავის თავთან მართოდ დარჩენილმა მართალია მხრები კი ავიჩეჩე, მაგრამ იცით, როგორ მოვიქცევი? ცოტა ხნის შემდეგ კვლავ შევხვდი იმ ქალსა და ყველაფერი გავაკეთე იმისათვის, რომ მისი გული მომენადირებინა და კვლავ დავუფლებოდი. დიდად არ გამჭირვებია: ქალებსაც არ უყვართ, როცა იმედი უცრუვდებათ. ამ ხნიდან მოყოლებული თითქმის ჩემდაუნებურად სულ ვაწვალელებდი. ჯერ მივატოვებდი, მერე ისევ ვინადირებდი, ვაიძულებდი მოუხერხებელ დროსა და მოუხერხებელ ადგილას დამნებებოდა, მუდამ უხეშად ვეპყრობოდი და ბოლოს შევეთვისე კიდეც ისე, როგორც სატუსალოს დარაჯი ეთვისება ხოლმე თავის პატიმარს. ასე გრძელდებოდა მანამ, სანამ ნაძალადევი და მტკივნეული ვნებით ატანილმა ხმამალა არ შეასხა ხოტბა იმას, რაც იმონებდა. ამ დღიდან იყო, თანდათანობით ზურგი რომ ვაქციე. ბოლოს კიდეც მიმავიწყდა.

თუმც თავაზიანად დუმხართ, მაგრამ მაინც ვხვდები, რას ფიქრობთ ჩემზე და დაგთანხმდებით კიდეც, რომ ამ ამბავში მაინცდამაინც სახარბიელოდ არ გამოვიყურები. მაგრამ თქვენს ცხოვრებასაც გადახედეთ, ჩემო ძვირფასო თანამემამულევ! იქნებ თქვენს მეხსიერებაშიც ამოტივტივდეს მსგავსი სურათი, რომ შემდეგ მომიყვეთ. მე, ჩემდა თავად, როცა ეს ამბავი გამახსენდა, კვლავ სიცილი ამიტყდა, მაგრამ ეს სულ სხვაგვარი სიცილი იყო და იმას მოჰ-

გავდა, ხელოვნებათა ხიდზე მდგარს რომ ჩამესმა ყურში. მეცინებოდა ჩემს მჭევრმეტყველებასა და სასამართლოში წარმოთქმულ სიტყვებზე; უფრო სასამართლოში წარმოთქმულ სიტყვებზე, ვიდრე ქალებთან სალაპარაკებზე. ქალებს, რაც უნდა იყოს, ცოტას ვატყუებდი. ინსტინქტი მალაპარაკებდა და სამარცხვინო ხრიკებს არ მივმართავდი. სასიყვარულო აქტი ხომ აღსარებაა. მასში აშკარად მოჩანს ეგოიზმი, პატივმოყვარეობა, ანდა ჭეშმარიტი დიდსულოვნება. მოკლედ, ამ სამწუხარო ამბავში უფრო გულწრფელი გახლდით, ვიდრე სხვა ხრიკებში, უფრო გულწრფელი, ვიდრე თავად მეგონა, რადგან ნათლად გავამჟღავნე, ვინ ვიყავი და როგორ შემეძლო ცხოვრება. ერთი შეხედვით შეიძლება სხვაგვარად მოგეჩვენოთ, მაგრამ ჩემს კერძო ცხოვრებაში უფრო პატივისცემის ღირსი ვიყავ მაშინაც კი, როცა ისე ვიქცეოდი, როგორც გიამბეთ, ვიდრე მაშინ, როცა სასამართლო დარბაზში უცოდველობასა და სიმართლეზე მაღალფარდოვან სიტყვებს წარმოვთქვამდი. ადამიანებთან ჩემს დამოკიდებულებას თვალს რომ ვავლებდი, აშკარად ვგრძნობდი რა შვილიც ვიყავ. არა კაცი თავის სიამოვნებაში პირმოთნე არ არისო, ნეტა სადმე ამოვიკითხე ეს აზრი, თუ თვითონ მომაფიქრდა?

როცა ავწონ-დავწონე, როგორ მიჭირდა ქალთან საბოლოოდ ჩამოშორება — ისე მიჭირდა, რომ ხშირად ერთსა და იმავე დროს რამდენიმე საყვარელიცა მყავდა — მივხვდი, ეს იმიტომ კი არ მომდიოდა, რომ ერთობ მოსიყვარულე გული მქონდა დიახ, გულჩვილობა როდი მამოქმედებდა, როცა რომელიმე ჩემი მეგობარი ქალი იღლებოდა ჩვენი ვნების აუსტერლიცის ლოდინით და ჩემთან განშორებას დააპირებდა. მაშინ პირველი მე გამოვიღებდი ხელს, უამრავ დათმობაზე მივდიოდი, ენაწყლიანობას ვიჩენდი. სინაზეს, ტკბილ გრძნობებს ვადვიძებდი ქალში, თუმცა მხოლოდ გარეგნულად ვიყავ აღელვებული; უბრალოდ, მაღიზიანებდა ქალის უარი და კავშირის გაწყვეტაც მენანებოდა. ხანდახან მეგონა, მართლა ვიტანჯები-მეთქი, მაგრამ საკმარისი იყო აჯანყებული ქალი წასულიყო და მყისვე მავიწყდებოდა. თუმცა დავიწყებით მაშინაც ვივიწყებდი, როცა დამიბრუნდებოდა. არა, სიყვარული ან სულგრძელობა როდი მამოძრავებდა, როცა სატრფოსთან განშორება მელოდა, უბრალოდ, მინდოდა ვინმეს ვყვარებოდი და მიმელო ის, რაც ჩემის ფიქრით მეკუთვნოდა. მაგრამ გულს მოიბრუნებდა თუ არა ჩემზე, მყისვე მავიწყდებოდა ჩემი მიჯნური. სამაგიეროდ მე ვბრწყინავდი, თავს საუცხოოდ ვგრძნობდი და მომხიბვლელობაც მემატებოდა.

ისიც უნდა გითხრათ, რომ ხელახლა მოხვეჭილი სიყვარული გულზე მძიმე ლოდად მაწევებოდა. უგუნებობის ჟამს ვფიქრობდი, ჩემი საყვარლის სიკვდილი საუცხოო გამოსავალი იქნებოდა-მეთქი. ეს სიკვდილი საბოლოოდ განამტკიცებდა ჩვენს კავშირსა და ბორკილებსაც ამხსნიდა. მაგრამ არ შეიძლება ყველას სიკვდილი ინატრო კაცმა და მთელი პლანეტის მოსახლეობა ამოწყვიტო, რათა დატკბე თავისუფლებით, რომლის მიღწევაც სხვაფრივ არ მოგიხერხდება. ამგვარ რამეს მე ვერ ვიქმნოდი, გული მეუბრუნებოდა, ხალხის სიყვარული არ მანებებდა.

ერთადერთი ჭეშმარიტი გრძნობა, რომელსაც ამ სიყვარულობანას დროს განვიცდიდი, იყო მაღლიერების გრძნობა, როცა ყველაფერი კარგად მიდიოდა, ჩემს მშვიდობას არავინ ხელყოფდა და ნებას მაძლევდნენ სადაც მომეგუნებებოდა, იქ წავსულიყავ. დიახ, არასდროს გყოფილვარ ისე მხიარული

და კეთილი ერთთან, როგორც მაშინ, როცა მეორის სარეცელს ვტოვებდი; თითქოს ყველა ქალს ვუმადლოდი იმ სიამოვნებას, ერთმა მათგანმა რომ მომანიჭა. გარეგნულად რა არეულიც არ უნდა ყოფილიყო ჩემი გრძნობები, მიზანი ნათელი მქონდა: საყვარლებს მხოლოდ იმიტომ ვიკრებდი გარს, რომ ყველა მათგანი მომეხმარა, როცა კი მსურდა. თავადაც შესანიშნავად ვგრძნობდი, რომ ცხოვრება მხოლოდ იმ პირობით შემეძლო, თუ დედამიწის ყოველი სულდგმული მე შემომეყურებდა, დამოუკიდებელ ყოფას იყო მოკლებული, ყოველ წუთს ჩემს დაძახებას ელოდა და გულხელდაკრევით იჯდა იმ დღემდე, სანამ კეთილს არ ვინებებდი და ჩემს ცხოველყოფელ შუქს არ მივფენდი. მოკლედ, ბედნიერად რომ მეცხოვრა, ჩემს რჩეულთ არსებობა უნდა შეეწყვიტათ და თავიანთი წილი სიცოცხლე მხოლოდ ჟამიდან ჟამს, ჩემის წყალობით უნდა მიეღოთ ხოლმე.

ო, დამერწმუნეთ, არაფრად მეპიტნავენა ამეებს რომ გიამბობთ. იმ დღეებს რომ ვიხსენებ, როცა ყველაფერს ვთხოვლობდი, სანაცვლოდ კი არაფერს ვიძლეოდი, როცა ამდენ ხალხს ვიმსახურებდი და თითქოს ყველა მათგანს მაცივარში ვინახავდი, რომ როცა კი დამჭირდებოდა, ხელთა მყოლოდა, არ ვიცი რა ვუწოდო იმ უცნაურ გრძნობას, რომელიც მეუფლება. იქნებ სირცხვილია? განა სირცხვილი ცოტათი არ გვწვავს ხოლმე, ჩემო ძვირფასო თანამემამულეებ? ჰოო? მაშ, როგორცა ჩანს, სირცხვილი ყოფილა, ანდა ერთ-ერთი იმ სასაცილო გრძნობათაგანი, ღირსების სახელი რომ ჰქვია. ასე იყო თუ ისე, ეს გრძნობა წამითაც არ მშორდებოდა იმ ამბის შემდეგ, რომელიც ვერაფრით ამოვიგდე მეხსიერებიდან. ეს ამბავიც უნდა გიამბოთ, მეტი გადადება აღარ შეიძლება, თუმცა თემიდან ხშირად გადავუხვიე და თხრობაშიაც იმდენი მონღომება ჩავაქსოვე, რომ ვიმედოვნებ, საკადრისს მომაგებთ უეჭველად.

შეხედეთ, წვიმამ გადაიღო! დამდეთ პატივი და შინ მიმაცილეთ. საოცრად დაღლილი ვარ; ლაპარაკით კი არა; დაღლას მაშინა ვგრძნობ, როცა გამახსენდება, რომ კიდევ ის ამბავი დამრჩა საამბობი. არა უშავს რა. რამდენიმე სიტყვა კმარა ჩემი მთავარი აღმოჩენის გადმოსაცემად. რაზე გავავრცო? ქანდაკება რომ შიშველი გამოჩნდეს, ლამაზ-ლამაზი სიტყვების საფარველი უნდა ჩამოვხსნათ. მაშ, ყური მიგდეთ. ნოემბრის ერთ საღამოს, იმ დღიდან ორი თუ სამი წლით ადრე, როცა ზურგსუკან ანაზღად სიცილი შემომმესმა, სამეფო ხიდის გავლით შინისაკენ მივდიოდი. დამის პირველი საათი იყო, წვრილი წვიმა ცრიდა; უამინდობას გამვლელებიც კი გაეფანტა. ის იყო, მეგობარ ქალს დავცილდი. ქალს ალბათ უკვე ეძინა. ბედნიერი ვიყავი, სისხლი საამოდ მიჩუხჩუხებდა ძარღვებში, წვიმაში სიარულიც მსიამოვნებდა. ხიდზე ვიღაც იდგა, მოაჯირზე გადახრილიყო. ეტყობა, მდინარეს უცქერდა. ახლოს რომ მოვედი, ახალგაზრდა, გამხდარი ქალის სილუეტი გავარჩიე. ძაძები ეცვა, მუჭი ფერის თმებსა და პალტოს საყელოს შორის ქორფა და სველი კისერი მოუჩანდა. ამ კისრის დანახვამ მეტად ამაღელვა, მაგრამ დიდხანს არ დამიხანებია, ისევ ჩემი გზა განვაგრძე. ხიდი გავიარე და სენ-მიშელის სანაპიროს დავუყუვი. ბინა იქით მქონდა. მაგრამ ორმოცდაათიოდე მეტრიც არ მექნებოდა გავლილი, როცა უეცრად ხმაური შემომმესმა. თუმცა შორს იყო, მაგრამ მაინც მკვეთრად გაისმა ღამეულ სიჩუმეში. წყალში სხეულის ჩავარდნის ხმას ჰგავდა. ადგილზე გავშეშდი, მაგრამ უკან არ მიმიხედავს. წამიც და. ყვირილიც გავიგონე, ყვირილი რამდენჯერმე განმეორდა, მდინარის დინებას გაჰყვა და

უეცრად მიწყდა. კვლავ სიჩუმე ჩამოწვა ირგვლივ და ეს სიჩუმე დაუსრულებლად მეჩვენა. მინდოდა გავქცეულიყავ და ადგილიდან არ ვიძროდი. მგონი, სიცვივისა და მღელვარებისაგან კიდევაც ვკანკალებდი. ვეუბნებოდი ჩემს თავს, წამის დაკარგვაც არ იქნება-მეთქი და ვგრძნობდი, რომ ერთ უთქმელმა სისტემამ დამრია ხელი. კარგად არც კი მახსოვს, რას ვფიქრობდი მაშინ; უთუოდ: გვიანდაა, მეტად შორსაა-მეთქი... ვიდექ უძრავად და ყურს ვუგდებდი. მერე ნელ-ნელა გავშორდი იმ ადგილს. არც არავინ გამიფრთხილებია.

ხედავთ, მოვედით. ეს ჩემი სახლია, ჩემი თავშესაფარი! ხვალ შევხვდეთ ერთმანეთს? ბატონი ბრძანდებით. სიამოვნებით წაგიყვანთ მაკერენის კუნძულზე; ზეიდერზესაც გიჩვენებთ. ხვალ, თერთმეტ საათზე „მეხიკო-სიტიში“ მობრძანდით. რაო? ის ქალი? ღმერთმანი, არ ვიცი, არაფერი არ ვიცი. არც მეორე დღეს და საერთოდ იმ დღეებში გაზეთები არ წამიკითხავს.

* * *

თოჯინების სოფელია, არა? თან სილამაზეც რომ არ აკლია! მაგრამ ამ კუნძულზე სილამაზის სანახავად არ მომიყვანიხართ. ყველას შეუძლია გიჩვენოთ ეს ქუჩები, ხის ქოშები და მოჩუქურთმებული სახლები, რომელთა პარმალზედაც, მასტიკის სუნში მეზღაღურები მშვიდად აბოლებენ თავიანთ ყალიონს. მე ერთი იმ იშვიათ კაცთაგანი ვარ, ვისაც შეუძლია ის დაგანახოთ, რაც აქ მთავარია.

ხედავთ, კაშხალსაც მივადექით. მას უნდა გავყვეთ, რომ ცოტათი მაინც გავცილდეთ ამ კოპწია სახლებს. აი, აქ ჩამოვსხდეთ, ბატონო. რას იტყვით ამ ადგილზე? განა ეს უფერულზე უფერული სურათი არაა? ხედავთ, ჩვენს მარცხნივ ნაცრის მთელი მთა აღმართულა, აქაურები სილახვავს რომ უწოდებენ: მარჯვნივაც ნაცრისფერი კაშხალია; ფეხქვეშ მსხვილი ქვიშა გვიყრია, ჩვენს წინ ზღვა გადაჭიმულა, ფერით ნარეცხ წყალს რომ გვაგონებს. თავს უკიდევანო ზეცა დაგვყურებს, სადაც ფერმკრთალი წყლები ირეკლება. მართლაც უღიმღამო ჯოჯოხეთია! მხოლოდ ჰორიზონტალური ხაზები ჩანს, ერთი სხივიც კი არ კიაფობს; სივრცე უფერულია, ადგილი — მკვდარი. ყველაფერი წაშლილია და კაცის თვალი თითქოს არყოფნას შეიგრძნობს... აქ ვერც ძეხორციელს ნახავთ სადმე. დიახ, კაცი არ ჭაჭანებს. მხოლოდ მე და თქვენლა დავრჩენილვართ ამ გაუბედურებულ პლანეტაზე. რაო, ცა ცოცხალია? თქვენ მართალი ხართ, ძვირფასო მეგობარო. ცა ჯერ სქელდება, მერე ირღვევა, აჩენს ჰაერთა კიბესა და ღრუბელთა კარებს რაზავს. მტრედები არიან. განა არ შეგინიშნავთ, ჰოლანდიის ცაზე მილიონობით მტრედი რომ დაფარფატებს? სანამ მალა არიან, თვალთ არ ჩანან; ფრთების შრიალით აღმა-დაღმა დასრიალებენ და ციურ სივრცეს მონაცრისფრო ბუმბულის ტალღებით ავსებენ; ქარი ამ ბუმბულს აქეთ-იქით მიმოაქროლებს. მტრედები კი იცდიან მალა. მთელ წელს იცდიან, დედამიწას თავს დასტრიალებენ, მალლიდან ზვერავენ, ძირს დაშვებას ლამობენ; მაგრამ ძირს აღარაფერია ზღვის, არხებისა და აბრებიანი სახურავების მეტი. ერთი თავიც კი არ მოიძვევება, რომ ზედ დაჯდომა შეიძლებოდეს.

ვერ ხვდებით, რისი თქმა მინდა? გამოგიტყდებით, რომ უკვე დავილაღე.

საუბრის ძაფი მიწყდება; არც ის გონების სიცხადე შემრჩა, რისთვისაც ჩემი მეგობრები ქება-დიდებას მასხამდნენ. მეგობრები-მეტქი, ამას ისე ვამბობ, თორემ მეგობრები აღარა მყავს, მხოლოდ თანამზრახველები შემრჩნენ. სამაგიეროდ, მათმა რიცხვმა იმატა. მთელი კაცობრიობა ჩემი თანამზრახველია. ეს პირველ რიგში თქვენზე ითქმის. ვინც გვერდითა გვყავს, პირველიც მუდამ ისაა ხოლმე. საიდან ვიცი, რომ მეგობრები აღარა მყავს? ეგ სულ უბრალოდ შევეტყვე- მაშინ, როცა მათ გასამასხარებლად თუ დასასჯელად თავის მოკვლა განვიზრახე. მაგრამ ვინ უნდა დამესაჯა? ზოგს გააკვირვებდა ჩემი საქციელი, მაგრამ დასჯილად თავს არავინ იგრძნობდა. მაშინ კი მივხვდი, რომ მეგობრები არა მყოლია და რომც მყოლოდა, რას მოვიგებდი? რომ შემეძლოს თავი მოვიკლა და მერე ვნახო, რა სახეს მიიღებენ, მაშინ კიდევ ჰო, ღირს თამაში. მაგრამ მიწაში ბნელა, მეგობარო, ხე და სუდარა შუქს არ ატარებს. სულის თვალებიო? კი, რა თქმა უნდა, ოღონდ, თუკი სული არსებობს და თვალებიც გააჩნია! მაგრამ ვაი, რომ ეგ დარწმუნებით არავინ იცის, არც არასოდეს სცოდნია ვისმე; თორემ რაღაც საშველი მაინც იქნებოდა, ხალხს ვაიძულებდით, ანგარიში ვაეწიათ ჩვენთვის. მათ მაშინ სჯერათ თქვენი სიმართლე, თქვენი გულწრფელობა, თქვენი გაჭირვება, როცა სული ამოგხდებათ. სანამ ცოცხალი ხართ, მუდამ ეჭვის თვალით გიციქერენ. აი, დანამდვილებით რომ იცოდეთ, სანახაობით დატკობა გველისო, მაშინ ნამდვილად ღირს დაუმტკიცოთ ამ ხალხს ის, რისი დაჯერებაც არ უნდოდათ და მით გააოცოთ. მაგრამ დღეს მოისწრაფებთ და დაგიჯერებენ თუ არა, რა მნიშვნელობა აქვს თქვენთვის? თქვენ ხომ აქ აღარ იქნებით და მათ გაოცებასა და სინანულს (თუნდაც წამიერს) ვეღარ იხილავთ. ვერ განახორციელებთ ყველა ჩვენგანის სანუკვარ ოცნებას, საკუთარი გასვენების ხილვით ვერ ისიამოვნებთ. ეჭვის თვალით რომ არ გიციქერდნენ, უნდა გამოესალმოთ ამ წუთისოფელს.

მაგრამ ეგებ ასე სჯობია კიდევ? თორემ მათი გულგრილობა გაგვტანჯავდა. განანებო, უთხრა ქალიშვილმა მამას, რაკი მოხუცმა ერთ პეწენიკს არ გაატანა და თავი მოიკლა. მაგრამ მამას ბევრი არაფერი უნანია. გაგიჟებით უყვარდა ანკესით თევზაობა და სამი კვირის შემდეგ კვლავ მდინარეს მოაშურა: „გულის გადასაყოლებლადო“, როგორც თავად იტყოდა ხოლმე. ანგარიში არც შემეცდარა, გული მართლაც გადააყოლა. მართალი თუ გნებავთ, სხვაგვარად რომ მომხდარიყო, გასაკვირი ის იქნებოდა. ზოგი ფიქრობს, თავს მოვიკლავ და ცოლს დავსჯიო, სინამდვილეში კი ქალს თავისუფლებას ანიჭებს. სჯობს, ვეღარაფერი დაინახონ ჩვენმა თვალებმა და ვეღარც ის გავიგონოთ, ჩვენს თვითმკვლელობას რა მიზეზს აბრალებენ. თითქოს მესმის კიდევ მათი ნათქვამი: თავი იმიტომ მოიკლა, რომ ესა და ეს ვერ აიტანაო. ეჰ, მეგობარო, რა გონებაშეზღუდულნი არიან ადამიანები. ყოველთვის ჰგონიათ, რომ კაცი თავს მართო ერთი რამის გულისთვის იკლავს. განა არ შეიძლება თავს ორი, ან სამი რამის გამო იკლავდე? არა, ეს წუთითაც არ მოუვათ ფიქრად. მაშ, რატომღა გამოვეთხოვოთ სიცოცხლეს ჩვენი ნებით, რად შევეწიროთ იმ აზრს, რომელიც ჩვენს შესახებ გვინდა გამოუმუშავდეთ? როცა დავიხოცებით, ჩვენი სიკვდილით ისარგებლებენ და ჩვენს საქციელს რაღაც სულელურ საბაბს გამოუნახავენ. წმინდა მოწამეთ, ძვირფასო მეგობარო, ან დავიწყების მტვერი ფარავთ, ან დაცინვა, ან მათი სახელის ბოროტად გამოყენება უწერიათ: გაგების იმედი კი თავის დღეში არ უნდა ჰქონდეთ.



თან გამოტეხილად უნდა გითხრათ და, მიყვარს სიცოცხლე. ვერ დავფარავ, ეს ჩემი ნაკლია. სიცოცხლე ისე მიყვარს, რომ მის გარდა არაფრის წარმოდგენა არ შემიძლია. ასეთ სიხარბეს რაღაც პლებეური შესდგამს. არა? არისტოკრატია თავის თავსა და თავის სიცოცხლესაც თითქოს გარედან უცქერის. თუ საჭიროა, კვდებიან კიდევ: გადახრას გადატყდომას ამჯობინებენ. მე კი ადვილად ვიხრები: ვიხრები, რადგან ჩემი თავის სიყვარული ვერ დამითმია. იმ ამბის შემდეგ, გუშინ რომ გაამბეთ, თქვენის აზრით, რა მომივიდა? თავი შემზიზნდა? ნურას უკაცრავად, ზიზღს სხვები მგვრიდნენ. ცხადია, ვიცოდი რა ნაკლიც მჭირდა და ვწუხდი კიდევ, მაგრამ სანაქებო სიჯიუტით ვცდილობდი ყველაფრის დავიწყებას, სხვათა მიმართ კი მკაცრი ვიყავ, არავითარ შეცოდებას არ ვაპატიებდი. გიკვირთ, განა? იქნება ფიქრობთ, ეს საღაური ლოგიკააო. მაგრამ ლოგიკას ვინ დაეძებდა. მთავარია, ხელიდან დაუძვრე, დიახ, მთავარია, მსჯავრი აიცდინო თავიდან. სასჯელი აიცდინო-მეთქი, როდი ვანბობ; სასჯელი მსჯავრის გარეშე ადვილი ასატანია. მას სახელად უბედურება ჰქვია, რაც ჩვენს უცოდველობას ამტკიცებს. მთავარია, მსჯავრი აიცილო თავიდან, რომ სამუდამოდ მსჯავრდებულები არ დარჩე და განაჩენიც არ გამოგიტანონ არასოდეს.

მაგრამ ეს მთლად ადვილი როდია. დღეს მსჯავრის დასადებად, ისევე, როგორც მრუშობისათვის, მუდამ მზადა ვართ. განსხვავება მხოლოდ ისაა, რომ აქ მარცხისა არ გვეშინია. თუ ეჭვი გეპარებათ, ყური მიუგდეთ, რას ლაპარაკობენ სუფრასთან ზაფხულობით სააგარაკო სასტუმროებში, სადაც ჩვენი გულმოდწყალე თანამემამულენი თავიანთ მოწყენილობას მკურნალობენ. თუ კვლავაც ვერ გამოგიტანიათ საბოლოო დასკვნა, წაიკითხეთ ჩვენს დიდ თანამედროვეთა ნაწერები, ანდა დააკვირდით თქვენი საკუთარი ოჯახის წევრებს. გარწმუნებთ, გაოცებული დარჩებით. ძვირფასო მეგობარო, ჩვენი განსჯის იოტისოდენა საბაბსაც ნურავის მივცემთ, თორემ ნაკუწ-ნაკუწად გვაქცევენ. იგივე სიფრთხილე გვმართებს, რაც ნადირთ მომთვინიერებელს. თუ გალიაში შესვლამდე სამართებლით თითი გაეჭრა, ნადირთა ლუკმად იქცევა. მე ეს ერთბაშად გავიგე იმ დღეს, როცა ეჭვი შემეპარა, იქნებ მთლად უზადოც არა ვარ-მეთქი. მას შემდეგ იყო, რომ უნდობლობა დამჩემდა. რაკი ცოტა სისხლი მდიოდა, წასული იყო ჩემი საქმე: მთლად გადამსანსლავდნენ.

ჩემი ურთიერთობა თანამედროვეებთან გარეგნულად არ შეცვლილა, მაგრამ ცოტა დაძაბული კი გახდა. ჩემი მეგობრები არ შეცვლილან. ყოველთვის თუკი შესაძლებლობა მიეცემოდათ, მიქებდნენ თავდაჭერასა და შენს სიახლოვეს გული მუდამ საგულესა გვაქვსო, მეუბნებოდნენ. მაგრამ მე მხოლოდ ჩემს სულში დაბუდებულ წინააღმდეგობებსა და უწესრიგობას ვაქცევდი ყურადღებას. თავს დაჯავშნულად ველარა ვგრძნობდი და ვფიქრობდი, რომ საზოგადოებრივი მსჯავრისაგან ველარაფერი დამიფარავდა. გარს ვინც მერტყა, ჩვეულ, მოკრძალებულ მსმენელთ კრებულად აღარ მიმაჩნდა. წრე, რომლის ცენტრიც მე ვიყავი, ერთბაშად დაიმსხვრა და ისინი ჩემს წინ ერთ რიგად ჩამწკრივდნენ, როგორც სასამართლოში. იმ წუთიდან, როდესაც შიშმა შემიპყრო, ვაითუ ჩემშიაც არის-მეთქი რამე დასაძრახისი, მივხვდი, რომ მათ მსჯავრის დადების დაუოკებელი წყურვილი ჰკლავდათ. დიახ, წინანდებურად ჩემთან იყვნენ, მაგრამ დამცინოდნენ: ან უკეთ რომ ვთქვა, მეჩვენებოდა, რომ ყველა, ვისაც კი იმხანად ვხვდებოდი, გულში დამცინოდა. ისეთი გრძნობა

ამეკვიატა, თითქოს გამუდმებით კვანტს მიდებდნენ. რამდენჯერმე კიდევ წავიბორძიკე, როცა ხალხმრავალ დაწესებულებაში შევდიოდი. ერთხელ იატაკზედაც გავიშხლართე. ჩემისთანა კარტეზიანელი ფრანგი გონს მოეგებოდა და ამ ამბავს ერთადერთ გონივრულ ღვთაებას — შემთხვევითობას მიაწერდა, მაგრამ მე უნდობლობა ვერ იქნა და ვერ გადავიგდე გულიდან.

რაკი სულ გადარაჯებული ვიყავ, ადვილად მივხვდი, რომ თურმე მტრებიც მყოლია. მმტრობდნენ სასამართლოსა და ადვოკატთა წრეშიაც და მაღალ საზოგადოებაშიაც. ზოგი იმიტომ მომერჩოდა, რომ დავალებული მყავდა, ზოგიც იმას მემართლებოდა, ჩემს მიმართ სათანადო ყურადღება არ გამოუჩენიათ. ამაში არაფერი იყო გასაკვირი და მაინცდამაინც არცა მწყენია. სამაგიეროდ ჩემთვის უფრო სამწუხარო და ძნელი ასატანი შეიქნა ფიქრი, რომ იმ ხალხშიაც მყავდა მტრები, ვისგანაც შორს ვიყავ, ანდა სულაც არ ვიცნობდი. ცოტა გულუბრყვილო კაცი ვარ, ამას თქვენც შემნიშნავდით და ისე მეოცნებებოდა, რომ ისინი, ვინც არ მიცნობდნენ, უეჭველად შემიყვარებდნენ, თუკი ჩემი გაცნობის საშუალება მიეცემოდათ. ნურას უკაცრავად! ყველაზე უფრო მტრულად ისინი მიცქეროდნენ, ვინც მხოლოდ შორიდან მიცნობდა და ვისთანაც ახლო ურთიერთობა ჩემს დღეში არა მქონია. უთუოდ ფიქრობდნენ, სისხლსავსე ცხოვრებით ცხოვრობს. ბედნიერი კაცი იყო. ამას კი არავინ გაპატიებთ. ბედის მადლიერი კაცის იერი თუ გაქვთ, ვირები ცოფდებიან. ამას ისიც დაურთეთ, რომ ჩემი ცხოვრება მართლაც პირთამდე სავსე იყო, დრო ცოტა მქონდა და ამიტომ თუმც ბევრი ცდილობდა დამმახლოვებოდა, ეს ცდა ხშირად უყურადღებოდ დამიტოვებია. იმავე მიზეზების გამო ჩემი საქციელიც უმაღვე მავიწყდებოდა. მაგრამ იმათ, ვისაც სისხლსავსე ცხოვრება არა ჰქონდა, და ჩემთან დაახლოებას ლამობდა, ჩემი უარი არ ავიწყდებოდათ და წყენას გულში იხვევდნენ.

ბევრი რომ არ გავაგრძელო, მაგალითისთვის ერთიც გვეყოფა: ქალბთან ყოფნა მეტად ძვირი მიჯდებოდა. ის დრო, რომელსაც მათ ვწირავდი, მამაკაცებისათვის არ შემეძლო დამეთმო და ამას ყოველთვის როდი მაპატიებდნენ ხოლმე. როგორ მოევლებოდა ამ სატკივარს? ბედნიერებასა და წარმატებას არავინ გაპატიებს, თუ მათ დიდსულოვნად სხვებსაც არ უწილადებთ. მაგრამ ბედნიერი რომ იყოთ, სხვებისათვის მაინცდამაინც არ უნდა აიტკივოთ თავი. მაშ, საშველიც არა ყოფილა: ან ბედნიერი და განკიცხული უნდა იყო, ან უდანაშაულო და საცოდავი. მე მაინც მთლად უსამართლოდ მექცეოდნენ: წარსული ბედნიერებისათვის მდებდნენ ბრალს. დიდხანს მეგონა, ირგვლივ სრული თანხმობა სუფევს-მეთქი, და არ კი ვიცოდდი, რომ დაბნეულსა და მომღიმარს ყოველი მხრიდან მსჯავრმდებელთა ისრები და დაცინვა მაწვიმდა. იმ დღიდან კი, როცა გამოვფხიზლდი, თვალი ამეხილა. ყველა ჭრილობა ერთბაშად ვიგრძენი და დავუძლურდი. მთელი სამყარო ახარხარდა ჩემს ირგვლივ.


აი, რისი ატანა არ ძალუძს არც ერთ ადამიანს (თუკი, რა თქმა უნდა, ბრძენი არაა და ცხოვრებას არ განდგომია). მართლაც გაბოროტება თუ გიშველის. ამიტომ ყველა იჩქარის, სხვა გაკიცხოს, რომ თავად განუსჯელი დარჩეს. რას იზამ? ყველაზე უფრო ბუნებრივი აზრი, კაცს გულუბრყვილოდ რომ ებადება, საკუთარი უმანკოების გრძნობაა. ამ მხრივ ყველანი იმ პატარა ფრანგსა ვგავართ, ბუჰენვალდში რომ მოხვდა და ჯიუტად ცდილობდა მასავით პატიმარი გადამწერისათვის, ვინც ახალმოსულთა სიას ადგენდა, საჩივარი გადაეცა.

საჩივარიო? მწერალსა და მის ამხანაგებს სიცილი აუტყდათ: „აზრი არა აქვს, ძმაო. აქ არა ჩივიან“. „კი მაგრამ, ბატონო, — არ ცხრებოდა ის ფრანგი, — ჩემი ამბავი გამონაკლისია. მე უდანაშაულო ვარ!“

ყველანი გამონაკლისები ვართ. ყველას რაღაცის გასაჩივრება სურს! ყველას სწადია, უცოდველად ჩათვალოს, რაღაც უნდა დაუჯდეს, თუნდაც ამისთვის ცისა და მიწის დადანაშაულება მოუხდეთ. კაცს მაინცდამაინც ვერ აამებთ, თუკი შეუქმებთ იმ მოთმინებას, რომლის წყალობითაც ჭკვიანი ან სულგრძელი შეიქნა. მაგრამ უდიდეს ნეტარებას მოგვრით, თუკი მის თანდაყოლილ დიდსულოვნებას შეასხამთ ხოტბას. თუ ბოროტმოქმედს ეტყვით, შენი დანაშაული შენი ბუნებისა და ხასიათისაგან კი არ გამომდინარეობს, არამედ უბედურ გარემოებათა ბრალიაო, ამით სამუდამოდ მოიმადლიერებთ. როცა დასაცავ სიტყვას იტყვით, ცრემლი სწორედ მაშინ დაუნამავს თვალებს. თუმცა დიდი არაფერი დამსახურებაა დაბადებით ჭკვიანი და პატიოსანი იყო და არც ნაკლები პასუხისმგებლობა მოგეთხოვება, თუ ბუნებით კი არა და, გარემოებათა წყალობით ხარ დამნაშავე. მაგრამ ამ გაიძვერებს პატიება, ესე იგი, პასუხისმგებლობის თავიდან აცილება სწადიათ და თავის გასამართლებლად ხან თავიანთ ხასიათს, ხან დანაშაულის შემამსუბუქებელ გარემოებებს იმოწმებენ, თუნდაც აქ თავი ბოლოს არ ებმოდეს. მათთვის მთავარია, უდანაშაულონი იყვნენ, რომ მათ ბუნებრივ სიქველეში ეჭვი არავის შეეპაროს, რომ მათი შეცოდებანი გარემოებათ დაბრალდეს და დროებით უბედურებად ჩათვალოს. აკი გითხარით, მთავარია, კაცი მსჯავრს დაუძვრეს-მეთქი და რაკი ერთობ ძნელია აიძულო ხალხს კიდევაც მოგიწონოს და კიდევაც მოგიტევოს, ამიტომ, ყველა ცდილობს მდიდარი იყოს. რატომ? გიფიქრიათ ამაზე? იმიტომ, რომ ძალაუფლება იგდონ ხელში. დიახ, მაგრამ კიდევ იმიტომ, რომ მდიდარ კაცს მსჯავრს ეგრერიგად ვერავინ დასდებს. სიმდიდრე გაშორებთ მეტროში თავშეყრილ ბრბოსა და გაკრიალებულ მანქანაში გსვამთ, ვრცელ, ქვეყნის ყაყანს მოცილებულ პარკებში, საწოლ ვაგონებსა და მდიდრულ კაბინეტებში განმარტოების ნებას გაძლევთ. სიმდიდრე, ძვირფასო მეგობარო, სრული გამართლება როდია, მაგრამ სასჯელის გადავადება გახლავთ და ამაზედაც მადლობას ვიყოთ.

რაც მთავარია, ნურასოდეს ენდობით თქვენს მეგობრებს, როცა გთხოვენ, გული გადაგვიშალებით. ისინი მხოლოდ იმას იმედოვნებენ, რომ განუმტკიცებთ იმ კეთილ რწმენას, საკუთარ თავზე რომა აქვთ და საამისოდ კიდევ ზედმეტ საბუთს მისცემთ, რაკი გულის კარს გაუღებთ. გულწრფელობა მეგობრობის პირობა როგორ იქნება? სიმართლის სიყვარული ხომ ის გრძნობაა, რომელიც არაფერს ინდობს და რომელსაც ვერაფერი გაუძლებს? ეს ან მანკია, ან ეგოიზმი, ან ფუფუნება. თუ მეგობარი შემოგიჩნდათ, ყოყმანს ნუ დაიწყებთ; გულწრფელობა აღუთქვით და რაც შეიძლება უკეთ იცრუეთ. ამით მას სანუკვარ სურვილსაც შეუსრულებთ და თქვენს სიყვარულსაც ორმაგად დაუმტკიცებთ.

უთუოდ მოგეხსენებათ, რომ იმათ, ვინც ჩვენა გვჯობია, იშვიათად გავენდობით ხოლმე. მათთან ყოფნას ხშირად გავურბივართ კიდევ. და პირიქით, უმეტეს შემთხვევაში აღსარებას იმათ ვეუბნებით, ვინც ჩვენი მსგავსია და ჩვენი ნაკლიცა სჭირს. მაშასადამე, გამოსწორება კი არ გვწყურია, გვინდა ჩვენი განსჯისას ჩვენი სისუსტიცე გაითვალისწინონ. მხოლოდ იმასა ვნატრობთ,




შეგვიბრალონ, გაგვამხნევონ და გზა დაგვილოცონ. ერთი სიტყვით, გვინდა, არც დამნაშავეები ვიყოთ და არც იმაზე ფიქრით ავიტკიოთ თავი, ნეტა როგორ გამოვსწორდეთო. არც საკმარისი ცინიზმი გვაქვს და არც საკმარისი სიქველე. ღმერთს ჩვენთვის არც ავის ჩადენის თავი მოუცია და არც კარგისა. დანტე თუ წაგიკითხავთ? მართლა? დასწყევლოს ეშმაკმა! მაშ, ისიც გეცოდინებათ, რომ დანტე ფიქრობს, ანგელოზები ღვთისა და სატანის ბრძოლაში შეიძლება სულაც არ მონაწილეობდნენო და მათ ლიმბში ათავსებს, თავის ჯოჯოხეთის დერეფანში. ჩვენც დერეფანში ვართ, ძვირფასო მეგობარო.

მოთმინება ვიქონიო? მართალსა ბრძანებთ. მოთმინებით უნდა დაველოდოთ განკითხვის დღეს. მაგრამ, ვაი რომ, ძალზე გვეჩქარება. ისე გვეჩქარება, რომ იძულებული ვარ, მონანიე მსაჯულად ვიქცე. თუმცა ჯერ უნდა შევგუებოდი ჩემს აღმოჩენებსა და შევრიგებოდი ჩემს თანამედროვეთა სიცილს. იმ საღამოს შემდეგ კი, რაც საპასუხოდ მიხმეს (აკი ნამდვილად მიხმეს!), უნდა მეპასუხა, ანდა პასუხი მაინც მეძებნა ამ კითხვაზე. ეს კი იოლი როდი იყო. დიდხანს უგზო-უკვლოდ ვიხეტიალე. მაგრამ ამ გამუდმებულმა დაცინვამ თვალი ამიხილა, ჩემს სულში ჩამახედა და აშკარად დამანახვა, რომ არც ისე მარტივი ვიყავი. ნუ იღიმებით, ეს ჭეშმარიტება არც ისე უბრალოა. როგორც გვგონია. უპირველეს ჭეშმარიტებას ხომ იმას ვუწოდებთ, რომელსაც ყველაზე ბოლოს აღმოვაჩინოთ ხოლმე.

ასე თუ ისე, ჩემს თავს გულდაგულ რომ ჩავუყვირდი, კაცთა მოღვმის ღრმა ორპირობა აღმოვაჩინე. ჩემი მეხსიერება კარგად გადავქეჭე და მაშინდა მივხვდი, რომ ჩემი მოკრძალებულობის გამო ვბრწყინავდი, ჩემს თავმდაბლობას გამარჯვება მოჰქონდა ჩემთვის, სათნოება კი მშველოდა სხვების ჩავერაში. სამშვიდობო იარაღით ხელში ვომობდი, უანგარობას ვჩემულობდი და ყველაფერს კი ვღებულობდი, რასაც ვნატრობდი. ასე მაგალითად, არასდროს დამიჩივლია, ჩემი დაბადების დღე თუ დაავიწყდებოდა ვინმეს. უკვირდათ კიდევ ჩემი თავმდაბლობა ამ საკითხში და ჩემით აღტაცებაში მოდიოდნენ. მაგრამ ჩემი უანგარობის მიზეზი არ იცოდნენ: მინდოდა ყველას დავვიწყებოდი, რომ მერე ჩემივ თავისთვის შემეჩივლა. ჩემი დაბადების დღიდან რამდენიმე ხნით ადრე უკვე გადარაჯებული ვიყავ, ვცდილობდი, არაფერი ჩამედინა ისეთი, რაც ჩემიანებს ამ თარიღს გაახსენებდა. მათი გულმავიწყობის იმედი მქონდა და ერთ დღეს საოჯახო კალენდარში რიცხვების გადაადგილებაც კი განვიზრახე. როცა დავრწმუნდებოდი, რომ ყველამ მიმატოვა, შემეძლო ვაქცაყური სევდისთვის მიმეცა თავი და მით დავმტკბაროყავ.

მოკლედ, ყველა ჩემს ღირსებას ასეთი არასახარბიელო სარჩული ჰქონდა. მაგრამ ამ ნაკლთა უმრავლესობა ჩემს სასიკეთოდ შემობრუნდებოდა ხოლმე. რაკი იძულებული ვიყავ დამემალა ჩემი ცხოვრების მანკიერი მხარეები, ცოტა უკარება გავხდი და ამასაც კეთილშობილებაში მართმევდნენ. ჩემი გულცივობის გამო ბევრს შევუყვარდი, ჩემი ეგოიზმი უმეტეს შემთხვევაში ჩემს დიდსულოვნებაში გამოსჭვიოდა. მაგრამ ამაზე შევჩერდეთ. მეტისმეტი გულმოღვინება ჩემს მტკიცებას დამაჯერებლობას მოაკლებს. თავს ლაგამს ვღებდი და მაინც, ჩემს დღეში არ მითქვამს უარი შემოთავაზებულ ჭიქაზე, ან ქალზე, რომელიც მომწონდა! დაუცხრომელ, აქტიურ კაცადა მთვლიდნენ და ჩემი საუფლო საწოლი გახლდათ. სულ პატიოსნება მეკერა პირზე, მაგრამ არ ყოფილა არც ერთი სულიერი, რომ მყვარებოდეს და მერე არ მეღალატოს.



ცხადია, ეს ღალატი ერთგულებაში ხელს არ მიშლიდა, დაუდევრობის წყალობით დიდძალ სამუშაოს ვასრულებდი და მოყვასსაც მუდამ ვეხმარებოდი, რადგან ეს თავადაც სიამეს მგვრიდა. მაგრამ ტყუილად ვიწმინდებდი თავს, ამეებში მაინცდამაინც დიდ ნუგეშს ვერა ვპოვებდი. ხანდახან, დილით, დიდ ძიებასა და გამოჩხრეკას რომ დავიწყებდი, იმ დასკვნამდე მივდიოდი, ყველაზე მეტად ზიზღი მისწავლია-მეთქი. თანაც ყველაზე მეტად ისინი მძაგდა, ვისაც ყველაზე ხშირად ვეხმარებოდი. თავაზიანად, მღელვარებით ვუთანაგრძნობდი ყველა შემხვედრ ბრმას, სინამდვილეში კი ყველას სახეში ვათურთხებდი.

გულწრფელად რომ ითქვას, აქვს ამას რაიმე გამართლება? აქვს ერთი, მაგრამ იმდენად უმნიშვნელო გახლავთ, რომ მეუხერხულება კიდევ მისი მოხმობა. მაინც ვეტყვით: ჩემს დღეში არ მიფიქრია, რომ ადამიანთა საქმეები საგულისხმო რამ ყოფილიყო. სერიოზულობა სად იყო, წარმოდგენა არა მქონდა, მაგრამ ვიცოდი, რომ ყოველივე იმაში, რასაც ვხედავდი, სერიოზულობის ნატამალიც კი არ ერია. ყველაფერი თავშესაქცევ, ანდა გულისგამაწყალებელ თამაშობად მეჩვენებოდა. ქვეყნად ბევრი მისწრაფება და შეხედულებაა ისეთი, რომელთაც მე ვერაფერი გავუგე. მუდამ ეჭვის თვალითა და გაოცებით ვუცქეროდი იმ უცნაურ ადამიანებს, ვინც თავს იკლავდნენ ფულის გულისათვის, სასოწარკვეთილებაში ცვიოდნენ „მდგომარეობის“ დაკარგვის გამო, ანდა დიდის ამბით ეწირებოდნენ ოჯახის კეთილდღეობას. მე უკეთ მესმოდა ერთი ჩემი მეგობრისა, ვინც გადაწყვიტა, პაპიროსის წევას გადაჩვეოდა და იმდენს ეცადა, რომ საწადელს ეწია კიდევ; მაგრამ ერთ დილით, როცა გაზეთი გახსნა და წაიკითხა, წყალბადის პირველი ბომბი ააფეთქესო, წარმოიდგინა რა საუცხოო შედეგები მოჰყვებოდა ამ ამბავსა და მყისვე თამბაქოს ფარდულს მიაშურა.

ცხადია, ხანდახან თავი ისე მეჭირა, თითქოს ცხოვრებას საღი თვალთ ვუცქეროდი; მაგრამ ძალიან ჩქარა ამ საქმის ფუქსავატობა მეცემოდა თვალში და მარტო იმასღა ვცდილობდი, რაც შეიძლება უკეთ შემესრულებინა ჩემი როლი. თავს ყველას საქმიან, ჭკვიან, სათნო, აღშფოთებულ, ლმობიერ, მამულიშვილური გრძნობით ანთებულ, სანიმუშო, გულმოწყალე კაცად ვაჩვენებდი... მეტს აღარ გავაგრძელებ. ისედაც მიხვდებით, რომ ამ ჰოლანდიელებსა ვგავდი, თითქოს კიდევაც რომ არიან აქ და არც არიან. მეც სწორედ მაშინ არ ვიყავი ადგილზე, როცა ყველაზე მეტი ადგილი მეკავა. ნამდვილად გულწრფელი და გატაცებული მხოლოდ სპორტში ვიყავ და კიდევ ჯარში ყოფნისას, როცა თავშესაქცევად გამართულ პიესებში ვმონაწილეობდი. ორსავ შემთხვევაში თამაშის წესი გვქონდა, რომელსაც სერიოზულობისა არა ეცხო რა, მაგრამ ჩვენ დაკანონებულად მივიჩნევდით და მით ვერთობოდით. ახლაც კი, საკვირაო მატჩების დროს ხალხით გაჭედული სტადიონი და თეატრი, მუდამ თავდავიწყებით რომ მიყვარდა, ერთადერთი ადგილებია ქვეყნად. სადაც თავს უდანაშაულოდ ვგრძნობ.


მაგრამ ასეთ დამოკიდებულებას კანონიერად ვინ ჩავითვლის, როცა საქმე სიყვარულს, სიკვდილს, ან უბედურთა ხელფასს ეხება? მაშ, რა მექნა? იზოლდას სიყვარული მხოლოდ რომანებში და სცენაზე მქონდა წარმოდგენილი. ზოგჯერ მეჩვენებოდა, რომ მომაკვდავნიც კი თავიანთი როლით იყვნენ გატაცებულნი. მეჩვენებოდა, რომ ჩემი ღარიბი მთხოვნელების სიტყვებიც ამავე ქარგაზე იყო ნაქარგი. მას შემდეგ, რაც კაცთა შორის გცხოვრობდი და

მათები სურვილები არ გამაჩნდა, აღარ შემეძლო სერიოზულად მიმელო ის ვალდებულებანი, რომელთაც ვკისრულობდი. იმდენი ზრდილობა კი მქონდა, რომ სამსახურში, ოჯახსა და მოქალაქეობრივ ცხოვრებაში ხალხს როგორც საჭიროდ მიაჩნდა, ისეთად ვჩვენებოდი, ოღონდ ამას ისე უგულოდ ჩავდიოდი, რომ იოტისოდენა მაღლიც კი აღარა ჰქონდა. მთელი სიცოცხლე ჭოჭმანში გავატარე და ჩემი ყველაზე კეთილშობილური ნამოქმედარიც ხშირად ის იყო, დიდ გარჯად რომ არ დამჯდომია. თან ჩემს სისულელეებს ისიც ემატებოდა, რომ ეს ვერაფრით მეპატიებინა ჩემი თავისათვის: თუმცა სინდისის მხილება-სა და ხალხის მსჯავრს გააფთრებით ვეწინააღმდეგებოდი და ვცდილობდი როგორმე მეპოვა გამოსავალი.

კარგა ხანს ჩემი ცხოვრება გარეგნულად იგივე დარჩა, თითქოს არაფერი შეცვლილიყო. ლიანდაგზე ვიდექ და მივრახრახებდი. თითქოს განზრახ, უფრო მეტად მაქებდნენ ნაცნობ-მეგობრები: უბედურებაც სწორედ ამის გამო დამატყდა თავს. ხომ გახსოვთ: „ვამ თქვენდა, თუკი ყველანი ქებას დაგიწყებენ“. ოქროს სიტყვებია! მართლაც რომ ვამ ჩემდა! მანქანამ ჭირვეულობა დაიწყო, ხშირად უმიზეზოდ ჩერდებოდა.

სწორედ ამ დროს შემოიჭრა ჩემს ყოველდღიურ ცხოვრებაში სიკვდილზე ფიქრიც. ვითვლიდი, რამდენი წლის სიცოცხლეა მქონდა დარჩენილი. ვიხსენებდი ჩემი ხნის ადამიანებს, რომლებიც უკვე დახოცილიყვნენ და მტანჯავდა ფიქრი იმისა, რომ ვერ მოვასწრებდი ჩემი ამოცანის შესრულებას. რა ამოცანის? თვითონაც არ ვიცოდი. გულწრფელად რომ ითქვას, განა ღირდა რასაც ვაკეთებდი, იმეების გაგრძელება? მაგრამ ეს როდი იყო თავი და თავი. სასაცილო შიში მოსვენებას არ მაძლევდა: ვაითუ ისე მოგვკვდე, რომ მთელი ჩემი სიცრუე ვერ ვაღიარო-მეთქი. ღმერთისა და მისი მოციქულების წინაშე კი არა, გჯერათ უთუოდ, რომ მე ამეებზე მაღლა ვიდექი, მსურდა კაცისათვის მეთქვა აღსარება, მეგობრისათვის, ან თუნდაც საყვარელი ქალისათვის. თორემ ერთი სიცრუეც რომ დაფაროს კაცმა, მოკვდება და ვეღარავინ შეიტყობს სიმართლეს. ვერ შეიტყობს, რადგან ერთადერთმა კაცმა, ვინც ეს სიმართლე იცოდა, იგი საფლავში ჩაიტანა. სიმართლის ასე საუკუნოდ მოშობა სისხლს მიყინავდა ძარღვებში. დღეს კი, გამოგიტყდებით, ამგვარი რამ დიდ სიამოვნებას მომგვრიდა. მაგალითად, ის აზრი, რომ მართლ მე ვიცი, რისი ცოდნაც ყველასა სწყურია და მაქვს ისეთი რამ, რასაც ამაოდ დაეძებს სამი პოლიცია, ჭეშმარიტად უდიდეს ნეტარებას მგვრის. მაგრამ თავი დავანებოთ ამას. იმხანად წამალი ნაპოვნი არა მქონდა და საშინლად ვიტანჯებოდი.

ბევრჯერ შევუძახე თავს. ვფიქრობდი, აბა, რა მნიშვნელობა აქვს ერთი კაცის სიცრუეს თაობათა ისტორიაში, ან რა უზომო კისრად ღებაა გსურდეს დღის სინათლეზე გამოიტანო ერთი საცოდავი სიცრუე, რომელიც ისეა ჩაკარგული საუკუნეთა ოკეანეში. როგორც ზღვაში მარილის მარცვალი-მეთქი. ჩემს თავს იმასაც ვეუბნებოდი, რომ ხორციელი სიკვდილი, თუკი იმისდა მიხედვით ვიმსჯელებთ, რაც თავად მინახავს, უკვე საკმარისი სასჯელი იყო და ყოველგვარ ცოდვასაც მოგვიტევებდა. იმ ჭირის ოფლით, სულის ხდომისას რომ სდის, მომაკვდავი ხსნას (ესე იგი, სამუდამოდ გაქრობის უფლებას) მოიპოვებს-მეთქი, ვფიქრობდი გულში, მაგრამ უგუნებობა ვერ იქნა და ვერ მოვიცილე თავიდან. სიკვდილი ერთგულ დარაჯად მეჭდა სასთუმალთან, თუ ავდგებოდი, ისიც ამყვებოდა და გარეშეთა ქება-დიდება ჩემთვის სულ უფრო



და უფრო აუტანელი ხდებოდა. მეჩვენებოდა, რომ ამ ქებასთან ერთად იზრდებოდა ჩემი სიცრუეც, იზრდებოდა უსაშველოდ და აწი ველარასოდეს შევძლებდი მის დათრგუნვას.

ბოლოს ისეთი დღეც დამიდგა, რომ ველარ გავუძელი. მაგრამ რა უნდა მოემეოქმელებინა, ჯერ კარგად არც კი ვიცოდი. რაკი მატყუარა ვიყავ, საქვეყნოდ უნდა მეღიარებინა ეს ამბავი. იმ ტუტუცებისათვის პირში უნდა მიმეხალა ჩემი ორპირობა, სანამ თვითონ შემამჩნევდნენ. სიმართლე მიწვევდა და მეც მზად ვიყავი მიმელო ეს გამოწვევა. დაცინვა რომ ამეცილებინა თავიდან, ქვეყანას თვითონ ვუვარდებოდი ყბაში. აქაც მინდოდა, მსჯავრს გავქცეოდი. ვცდილობდი, დამცინავნი ჩემკენ გადმომეპირებინა, ანდა, უკიდურეს შემთხვევაში, თვითონ გადავსულიყავი მათ მხარეს. ერთხელ ისიც კი ვიფიქრე, მოდი, ბრმებს ხელსა ვკრავ ქუჩაში-მეთქი და იმ მოულოდნელი და ყრუ სიხარულით, რომელიც ვიგრძენი, მივხვდი, გულის სიღრმეში რა ზომამდე მძულვებია ისინი. ხეიბართა პაწია მანქანების საბურავების გახვრეტაც მეწადა: მინდოდა ხარაჩოებთან მივსულიყავ და მუშებისთვის შემეგინებინა, ან არა და, მეტროში ჩვილი ბავშვისთვის სილა გამეწნა. ამეებზე მხოლოდ ვოცნებობდი, სინამდვილეში კი ვერაფერი ჩავიძინე, ანდა თუ ჩავიძინე რამე ამის მსგავსი, გადამავიწყდა. როგორც არ უნდა იყოს, სიტყვა სიმართლე საშინლად მაცოდვებდა. იძულებული ვიყავ, ეს სიტყვა კვლავ მეხმარა სასამართლოში გამოსვლისას, მაგრამ შურს ვიძიებდი და საჯაროდ ვწყევლიდი კაცთმოყვარეობას. ვიქადდი, მალე მანიფესტს გამოვაქვეყნებ, სადაც მსურს ვამხილო, რომ ჩავრულები აქეთ ჩაგრავენ-მეთქი პატიოსან ხალხს. ერთ დღეს, როცა რესტორნის ტერასაზე ლანგუსტებს შევექცეოდი, მათხოვარი შემომიჩნდა. სასადლოს პატრონს ვუხმე, ვთხოვე, ეს კაცი კარში გააგდეთ-მეთქი და ამ მოსარჩლის სიტყვებს ტაშის ცემით შევხვდი. „ხომ ხედავთ, ყველას აწუხებთ: აბა, ამ ხალხის ადგილას წარმოიდგინეთ თავი!“ — ამბობდა იგი. ყველას ვუამბობდი, ვისაც სმენა არ ეზარებოდა. ძალიან ვწუხვარ, რომ არ შემიძლია ისე მოქცევა, როგორც ის რუსი მებატონე იქცეოდა, რომლის ხასიათსაც ალტაცებაში მოვყავარ-მეთქი. და დავძენდი: „ის კაცი იმ გლეხებსაც აროზგვინებდა, ვინც მისალმებას გაუბედავდა და იმათაც, ვინც შეხვედრისას თავს არ დაუკრავდა. თან დააყოლებდა, ერთთაც და მეორეთაც კაღნიერებისათვის ვსჯიო“.

მაგრამ ეს რაა, უფრო შორსაც კი წავედი. წერას მივყავ ხელი. მინდოდა დამეწერა „ოდა პოლიციისადმი“. ანდა „გილიოტინის აპოთეოზი“. და რაც მთავარია, იმ კაფეებს მივეტანე, სადაც ჩვენი ცნობილი ჰუმანისტები იყრიან თავს. ჩემმა წარსულმა ცხოვრებამ, ცხადია, იქაც ფართოდ გაძილო კარი. აქ კი მოვყვებოდი ლანძღვა-გინებას: „მადლობა ღმერთს!“, ანდა „ღმერთო ჩემო...“ ვამბობდი თითქოსდა უნებურად. მერედა ხომ იცით, ჩვენი კაფეების ათვისტები რა მორცხვი ღვთისმოსავებიც არიან. ასეთი მკრეხელობის ვაგონებისას წამით განცვიფრება იპყრობდა ყველას, ერთმანეთს გადახედავდნენ; მერე ტყდებოდა აურზაური, ერთნი კაფედან გარბოდნენ, მეორენი აღშფოთებით აყაყანდებოდნენ და ერთმანეთის ნათქვამს ყურს აღარ უგდებდნენ. ყველას კრუნჩხვები ემართებოდა: ისე იგრიხებოდნენ, როგორც ეშმაკი, ნაკურთხ წყალს რომ გადაასხამენ.

თქვენ ეს გულუბრყვილობად მოგეჩვენებათ. მაგრამ ამ ხუმრობას შეიძლება უფრო დიდი მიზეზიცა ჰქონდა. მინდოდა მათი თამაში ამერიკა და, რაც

მთავარია, შემებლალა ჩემი სანაქებო სახელი, აგრერიგად რომ მაცოფებდი. „თქვენისთანა კაციო“, მეტყოდნენ მოწიწებითა და მე ვფითრდებოდი ჩაღრმავდა და არ მიჩნდა მათი პატივისცემა, რადგან ის საყოველთაო არ იყო; ან ვი საყოველთაო როგორ იქნებოდა, როცა თავად მე არ ვიზიარებდი? მაშასადამე, სჯობდა, ყველაფერი — პატივისცემაცა და მსჯავრიც — სასაცილო სამოსელში გამომეწყო. რადაც უნდა დამჯდომოდა, უნდა გავთავისუფლებულიყავ იმ გრძნობისაგან, დახრჩობას რომ მიქადდა. ყველასთვის რომ დამენახვებინა მუცელში რაცა ჰქონდა, მინდოდა დამემსხვრია ის მშვენიერი მანეკენი, რომელსაც ყველგან წარმოვადგენდი. მახსოვს საუბარი, ახალგაზრდა სტაჟიორ ვექილებს რომ ჩავუტარე. უფროსმა ხოტბა შემასხა და ამ მეტისმეტი ქებით გაღიზიანებულმა ვეღარ მოვითმინე. დავიწყე მღელვარედ, მგზნებარებით, სწორედ ისე, როგორც მოელოდნენ ჩემგან; ასეთი რამეები როდი მიჭირდა. მერე კი ავიხირე, დაცვის საუკეთესო საშუალება ამალგამაა. ის ამალგამა კი არა, თანამედროვე ინკვიზიციაში რომ მიმართავენ, როცა ერთსა და იმავე დროს ასამართლებენ ქურდსაც და პატიოსან კაცსაც, რათა პირველის დანაშაული მეორესაც მოახვიონ თავს-მეთქი. ქურდი უნდა დაიცვათ იმით, რომ სააშკაროზე გამოიტანოთ პატიოსანი კაცის, ამ შემთხვევაში ვექილის დანაშაულებანი. ცხადად ჩამოვაყალიბე ჩემი აზრი:

„ვთქვით, ერთი საბრალო კაცის დაცვა ვიკისრე, ეჭვიანობის ნიადაგზე ცოლი რომ შემოაკვდა. ბატონო მოსამართლენო, — ვიტყვი მე, — განა ცოდვა არ არის, გაურისხდე ამ ბუნებით უწყინარ კაცს, გულისთქმის მსხვერპლი რომ შექმნილა? განა მე უფრო მძიმე დანაშაული არ მაწევს კისერზე? მე, აგერ აქ რომ ვდგავარ, ჩემს მერხთან, მე, ვისაც არასოდეს ჩამიდენია სიკეთე და არც სხვისი ღალატის სიმწარე მინახავს; მე თავისუფალი ვარ, მსჯავრს არავინ მღებს, მაგრამ რას წარმოვადგენ? სიამაყით მზე-მოქალაქეს ვუტოლდები, წუწკი კაცი ვარ, განრისხებული ფარაონი, სიზარმაცის ხელმწიფე. არავინ მომიკლავს? ჯერ არა, ცხადია, მაგრამ ღირსეულ კაცთა სიკვდილს განა ხელი შევუშალებ? არა და არა. იქნება მათ დასაცავად ხელს აწიც არ გამოვიღებ. ეს უბედური კი თავის საქციელს აღარ გაიმეორებს. შეხედეთ, ჯერაც ვერ გამორკვეულა, ისე აოცებს თავის ნამოქმედარი“. ამ სიტყვამ, ცოტა არ იყოს, დააბნია ჩემი ახალგაზრდა თანამოძმენი. მერე ნათქვამი ხუმრობაში ჩამომართვეს, სიცილი მორთეს და საბოლოოდ დამშვიდდნენ, როცა სიტყვის ბოლოს მჭევრმეტყველურად მოვუწოდე, დაიცავით პიროვნება და მისი უფლებები-მეთქი. რას იზამ, ჩვეულებამ ამ დღესაც დამძლია.

ასეთი გამოხდომები მერეც არ მომიშლია და ჩემს კეთილ სახელს ცოტა ჩირქი მოვცხე. მაგრამ მსმენელთა და, რაც მთავარია, ჩემივე თავის განიარაღება მაინც ვერ შევძელ. იმ გაოცებამა და უხერხულობამ, ჩემს მსმენელებს რომ გამჩნევდი და ახლა თქვენც იჩენთ (ო, ნუ უარყოფთ!), ვერავითარი შვება ვერ მომანიჭეს. მარტო თავის დადანაშაულება როდი კმარა, უცოდველი რომ შეიქნე, თორემ მამა აბრამის ბატკანი ვიქნებოდი. თავის დადანაშაულებასაც ცოდნა უნდა. საამისო ზერხი ბევრი ვეძებე და ძლივს მივაგენი: თანაც მაშინ, როცა ყველამ ზურგი მაქცია.

მანამ კი ჩემს ირგვლივ სიცილი დაჰქროდა. რა არ ვიღონე, მაგრამ ვერაფრით ჩამოვაშორე მას კეთილმოსურნე და თითქმის მიაღერსე კილო. გულს აგრერიგად რომ მტკენდა.

შეხეთ, მგონი, უკვე ზღვის მოქცევა იწყება. დღე მიიწურა. ჩვენი გემიც საცაა წავა. ხედავთ, მტრედები გუნდ-გუნდად გროვდებიან ცაზე. ეკვრიან, საძრაობა აღარა აქვთ. სინათლეს კლებულობს. მოდით, გავხუმრდეთ. ვუცქიროთ მზის ჩასვლასა და ამ პირქუში ჟამით დავტკბეთ. არა? ჩემი საუბარი გაინტერესებთ? ერთობ პატიოსანი ბრძანდებით. თუმცა ახლა შეიძლება მართლაც დაგაინტერესოთ. სანამ აგიხსნიდეთ, რა არის მონანიე მსაჯული, მინდა ორიოდ სიტყვა გარყვნილებასა და დილეგებზედაც გითხრათ.

* * *

თქვენ ცდებით, ძვირფასო, გემი სწრაფად მიქრის. მაგრამ ზეიდერზე მკვდარი ზღვაა, დაცემული, ნისლში ჩაკარგული ნაპირები აქვს და კაცი ვერ უპოვის თავსა და ბოლოს. ერთი სანიშნიც კი არა გვაქვს, ისე მივქრივართ და არ შეგვიძლია ჩვენი სიჩქარე განვსაზღვროთ. წინ მივიწევთ, მაგრამ ირგვლივ არაფერი იცვლება. ეს ნაოსნობა კი არა და, სიზმარია.

საბერძნეთის არქიპელაგში კი პირიქით იყო. თვალსაწიერზე სულ ახალი და ახალი კუნძულები ჩნდებოდნენ. მათი წვერწამახული მწვერვალები ცას ებჯინებოდნენ და კლდოვანი ნაპირებიც მკაფიოდ იხატებოდა ზღვის ზედაპირზე. არც არაფერი აგერეოდა: ჩახჩახა სინათლეში თითქმის ყველაფერი სანიშნე იყო. და ჩვენს პაწია გემზე მყოფს, წინ ზოზონით რომ მიიწევდა, დღე-დაღამ ისეთი შეგრძნება მქონდა, თითქოს სიცილით მივხტოდით ქოჩორა, გრილ ტალღებზე. მას შემდეგ თვით საბერძნეთიც ცურავს ჩემი მეხსიერების კიდეზე... მეც გამიტაცებს ხოლმე ეს ფიქრი და გრძნობა მერევა. გემუდარებით, შემაჩერეთ, ძვირფასო.

მართლა, საბერძნეთი თუ გინახავთ? არა? მით უკეთესი! თორემ რა უნდა გვეკეთებინა იქ? იქ წამსვლელს წმინდა გული უნდა ჰქონდეს. იცით თუ არა, რომ საბერძნეთის ქუჩებში მეგობრები წყვილ-წყვილად, ხელიხელჩაკიდებულნი დააბიჯებენ? დიახ, ცოლები შინ სხედან, ჭარმაგი, უღვაშიანი მამაკაცები კი, ხელში მეგობრის ხელი რომ ჩაუბლუჯავთ, დიდის ამბით დაალაჯებენ ქვაფენილზე. აღმოსავლეთშიც ასეა ხოლმე? მაგრამ ერთი ეს მიბრძანეთ, პარიზის ქუჩაში თუ ჩამკიდებთ ხელს? ო, გაგეხუმრეთ. ჩვენ ხომ თავის დაჭერა ვიცით, ბინძური ეჭვებისა გვეშინია. სანამ საბერძნეთის კუნძულებს ვეწვევით, საგულდაგულოდ უნდა განვიბანოთ. ჰაერი იქ წმინდაა, ზღვა და სიამე ისეთი ნათელი... ჩვენ კი...

მოდით, ამ სკამებზე ჩამოვსხდეთ. რა სქელი ნისლია! მგონი, დილეგზე მინდოდა მეამბნა თქვენთვის. დიახ, ახლავე მოგახსენებთ ყოველივეს: დიდხანს ვჯიუტობდი, არ მინდოდა შეპუება, მაგრამ არაფერი გამომივიდა; ამ უნაყოფო მცდელობით გულგატეხილმა გადავწყვიტე გავცლოდი კაცთ საზოგადოებას. ო, არა, უკაცური კუნძული არ მიძებნია; ასეთი კუნძულები აღარ არსებობს; უბრალოდ, ქალებს შევაფარე თავი. მოგეხსენებათ, რომ ქალები გულის სიღრმეში არანაირ სიძაბუნეს არ გვიკიჟინებენ. პირიქით, ყოველნაირად ცდილობენ ძალი წაგვართვან და დაგვაკნინონ. სწორედ ამიტომაცაა ქალი მეომრის კი არა და, ბოროტმოქმედის ჯილდო. ქალია მისი ნავსაყუდელი, მყუდრო საგანე და უპირატესად დამნაშავეებს სწორედ ქალის საწოლში პოულობენ ხოლმე. განა ქალი არაა ყველაფერი, რაც მიწიერი სამოთხიდან შეგვრჩია? თავგზაარეულმა მეც ამ ბუნებრივ ნავსაყუდელს მივაშურე, თღონდ ლაპარაკზე კი ხელი ავიღე. თუმცა

თამაშს ისე ვიყავ შეჩვეული, ცოტ-ცოტას ისევ ვთამაშობდი ხოლმე. მაგრამ აღ-
მაფრენა მაკლდა. მეშინია აღიარება, ვაითუ ისევ მაღალფარდოვანი სიტყვები
წამომცდეს-მეთქი. მაგრამ, მგონი, სწორედ იმხანად იყო, სიყვარული რომ მომ-
წყურდა. საძაგლობაა არა? ასეა თუ ისე, რაღაც ყრუ ტკივილსა ვგრძნობდი,
რაღაც მაკლდა და რაკი მოცალეობაც მეტი მქონდა, ჩემდაუნებურად, იქნებ
ცნობისმოყვარეობის დასაკმაყოფილებლადაც, რაღაც ვალდებულებებს ვკის-
რულობდი. რადგან სიყვარული მწყუროდა და მინდოდა სხვასაც ვყვარებოდი,
თავი შეყვარებული მეგონა. ერთი სიტყვით, მთლად გამოვსულელი.

მაღე ისიც შევატყვე. თავს, რომ ჩემს საყვარელს ხშირად ვეკითხებოდი
იმას, რის კითხვასაც წინათ, როგორც გამოცდილი კაცი, მუდამ გავურბოდი.
„გიყვარვარ?“ მოგეხსენებათ, ამ კითხვას ჩვეულებრივ რა პასუხიც მოსდევს:
„შენ?“ თუ ჰოს ვეტყობდი, ცოტას ვაჭარბებდი, თუ გავბედავდი და არას ვიტ-
ყობდი, ქალს შეიძლება გადავეყვარებინე და ვიტანჯებოდი. რაც უფრო მეტი
საფრთხე ელოდა იმ გრძნობას, რომელშიაც თავდავიწყებას ვეძიებდი, მით
უფრო მეტის დაჟინებით მოვითხოვდი სიყვარულს პარტნიორისაგან. თანდა-
თან დაპირებებს მოვუხშირე და თავსაც ვაიძულებდი სიყვარულისათვის უფ-
რო ფართოდ გამელო გულის კარები. სწორედ იმხანად მომეჩვენა, რომ თავ-
დავიწყებით შემეყვარდა ერთი მომხიბვლელი, ჩიტირეკია ქალი, რომელსაც
იმდენი ეკითხა სასიყვარულო დარიგებანი, რომ სიყვარულზე ისეთივე რწმე-
ნითა და თვითდაჯერებით ლაპარაკობდა, როგორც ინტელიგენტი, მომავალ უკ-
ლასო საზოგადოებას რომ ქადაგებს. მოგეხსენებათ, ასეთი რწმენა რა გადამ-
დებიცაა, მეც სიყვარულზე ავლაპარაკდი და ბოლოს ჩემი ნალაპარაკევი თავა-
დაც ვირწმუნე. ჩვენი სიყვარულისა მანამ მჯეროდა, სანამ ის ქალი ჩემი საყ-
ვარელი არ შეიქნა და არ მივხვდი, რომ სასიყვარულო ჟურნალებში სიყვა-
რულზე ლაპარაკს კი ასწავლიდნენ, მაგრამ თავად სიყვარულს კი ვერა. ერთი
სიტყვით, თუთიყუში შევიყვარე, დაწოლა კი გველთან მომიხდა და მეც სხვა-
გან შევუდექი წიგნებში აღთქმული სიყვარულის ძებნას, რომლის მსგავსიც
ცხოვრებაში არასდროს შემხვედრია.

თუმცა, კაცმა რომ თქვას, გატაცებაც მაკლდა. აგერ ოცდაათ წელზე მეტი
იყო, რაც მარტო ჩემი თავი მიყვარდა და ამას როგორ გადავეჩვეოდი? ვერც
გადავეჩვიე, სხვის სიყვარულში კვლავ ძაბუნი დავრჩი და ისევ დაპირებებს
მოვუხშირე. ერთსა და იმავე დროს რამდენიმე საყვარელი მყავდა, ამგვარი
რამ აკი წინათაც მჩვეოდა ხოლმე. მაგრამ ახლა სხვებისთვის უფრო მეტი უბე-
ღურება მომქონდა, ვიდრე უწინ, როცა დაუდევარი და გულგრილი ვაყავი.
განა არ მითქვამს, რომ იმ ჩემმა თუთიყუშმა სასოწარკვეთილებისაგან მიმში-
ლით თავის მოკვლა გადაწყვიტა-მეთქი? სულზე მივუსწარ და სხვა რაღა ჩარა
იყო, მისი ხელი მანამ მეჭირა ხელში, სანამ არ გადაეყარა ერთ თმაშვერც-
ხლილ ინჟინერს, მის ყოველკვირეულ ჟურნალში რომ იყო აღწერილი. ერთი
სიტყვით, მარადისობას ვერ ვეზიარე და ვერც ცოდვებისაგან განვიწმინდე,
როგორც იტყვიან ხოლმე: ის კი არა და, უფრო შემცოდე გავხდი და მთლად
ამერია გზა-კვალი. ისე შემძულდა სიყვარული, რომ რამდენიმე წელი სულ
კბილებს ვადრჭიალებდი, როცა „ვარდნარში სიცოცხლესა“ და „იზოლდას
ტრფობით სიკვდილის ამბავს“ მიხსენებდა ვინმე. მაშინ შეგეცადე ჩემებურად
ხელი ამელო ქალებთან სიახლოვეზე და თავი მონაზონივით უმწიკვლოდ შემე-
ნახა. მეგონა, მათ მეგობრობას ვიკმარებდი, მაგრამ ამ თამაშზედაც ხელი უნდა

ამელო, რადგან თუ გულის წადილს გამოვრიცხავდი, ქალებთან წამში მწყინდებოდა ხოლმე და აშკარად ვხედავდი, რომ მათაც თავს ვაბეზრებდა. თამაშს აღარა ვთამაშობდით, აღარც წარმოდგენა იყო სადმე; მხოლოდ სიმართლე გამეფებულიყო ირგვლივ. სიმართლე კი, მოგეხსენებათ, ერთობ მოსაწყენი რამ არის.

რაკი სიყვარული და უმწიკვლო ყოფა არად წამადგა, მივხვდი, რომ გარყვნილების მეტი აღარაფერი დამრჩენოდა. გარყვნილება ხომ შესანიშნავად ცვლის სიყვარულს, ბოლოს უღებს დაცინვას, სიჩუმეს ასადგურებს ირგვლივ და, რაც მთავარია, უკვდავებას გვანიჭებს; როცა მთვრალს გონება კიდევ შეგრჩენია და ჟინმოკლული გვიან ღამით ორ კახპას შორის წევხარ, აღარც იმედი გაწვალებს; გგონია, რომ დღეიდან გონების მეუფება დამყარდება და რომ ამქვეყნიური ჭირ-ვარამიც სამუდამოდ წარსულს ჩაბარდა. კაცმა რომ თქვას, მე მუდამ გარყვნილებაში ვცხოვრობდი და სულ უკვდავებას ვნატრობდი. ბუნებითაც აქეთკენ ვიყავ მიდრეკილი და ამას გარდა ეს გახლდათ შედეგი იმ დიდი სიყვარულისა, რომელსაც ჩემივე თავის მიმართ ვგრძნობდი და რომელზედაც უკვე გელაპარაკეთ. დიახ, უკვდავების სურვილი მკლავდა. თავი ძალიან მიყვარდა და არ შემეძლო არ მენატრა, რომ უძვირფასესი საგანი ჩემი ტრფობისა თავის დღეში არ გამქრალიყო. მაგრამ საღ გონებაზე მყოფს, თავს ცოტათი მაინც თუ იცნობ, გაგიკვირდება, რად უნდა მიანიჭონ უკვდავება ჩემისთანა ბილწ მაიმუნსაო და შეეცდები ამ უკვდავების სუროგატები მოიხვეჭო. რაკი მარადიული ცხოვრება მსურდა, ყოველდამ კახპებთან ვწვებოდი და ვლოთობდი ხოლმე. დილით, ცხადია, პირში მწკლარტე გემო მქონდა, როგორც ჩვეულებრივ მოკვდავს შეეფერებოდა. მაგრამ ნეტარებით აღსავსე დიდხანს ხომ მაინც დავფრინავდი მაღალ ეთერში. გავბედო და ვაღიარო თქვენს წინაშე? მე დღესაც სიყვარულით ვიხსენებ იმ ღამეებს, როცა ერთ საეჭვო დუქანში დავიარებოდი იქაურ მოცეკვავე ქალთან, წყალობის თვალით რომ მიმზერდა. მისი გულისათვის ერთხელ ვიღაც ბაქია მაწანწალასაც კი ვეჩხუბე. მთელი ღამე დახლთან ვიდექ თავმომწონედ ამ სანეტარო ადგილის მტვერში, წითელი ფანრის ქვეშ, ენას ვიტყავებდი და უზომოდ ბევრს ვსვამდი. ველოდი განთიადს, რომ ჩემი დედოფლის მუდამ აშლილ საწოლში დავნთქმულიყავ. ქალი ანგარიშმიუცემლად მნებდებოდა და მერე მკვდარივით იძინებდა. დღის შუქი ნელა იჭრებოდა ამ სიდუხჭირეში და მე კი, დიდების შარავანდედით მოსილი, ზეცად ვმალდებოდი.

ღვინომ და ქალებმა, ვაღიარებ, ერთადერთი შვება მომანიჭეს, რომლის ღირსიც ვიყავი. ეს საიდუმლო თქვენთვის გამინდვია, ძვირფასო მეგობარო, და გირჩევთ, უეჭველად გამოიყენოთ. მაშინ ნახავთ, რომ ნამდვილი გარყვნილება მხსნელად გვევლინება, რაკი არავითარ მოვალეობას არ გვაკისრებს. გარყვნილებას რომ ეძლევა კაცი, მხოლოდ თავის თავსა ჰპოვებს და სწორედ ამიტომაც, რომ გარყვნილება თავის თავში შეყვარებულთათვის საუკეთესო შესაქცევარია. გარყვნილება ჯუნგლია; მას არც მომავალი და არც წარსული არ გააჩნია. აქ არც დაპირებას გაძლევთ ვინმე და არც უეცარი სასჯელი გემუჭრებათ. ის ადგილები, საცა გარყვნილებას ეძლევიან, ქვეყნიერებას მოცილებულია. მის კარიბჭესთან იმედთან ერთად შიშსაც ვტოვებთ. ბევრი ლაპარაკიც არა გვჭირია: რასაც დავეძებთ, აქ უსიტყვოდ და, ასე გასინჯეთ, ხშირად უფულოდაც კი ვპოულობთ ხოლმე. ნება მიბოძეთ, განსაკუთრებული

ქება შევასხა იმ უსახელო და დავიწყებულ ქალებს, რომლებიც მაშინ დამე-
ხმარნენ. დღესაც კი, როცა მათ ვიგონებ, მათდამი მოწიწებასა ვგრძობ

ამგვარ თავისუფლებას მთელი არსებით მივეც თავი. ბევრჯერ იმ სასტუმ-
როშიაც კი მნახეს, რომელიც საგანგებოდ მრუშობისათვის იყო განკუთვნილი;
აქ ერთსა და იმავე დროს ხანში შესულ მეძავ ქალთან და მაღალი საზოგადო-
ების ქალიშვილთან ვცხოვრობდი. პირველს რაინდულის მოწიწებით ვეპყრო-
ბოდი, მეორეს კი თვალს ვუხელდი ზოგ-ზოგ რამეზე. საუბედუროდ იმ კახპას
ნამდვილი ბურჟუას სული აღმოაჩნდა: დათანხმდა მემუარები დაეწერა ერთი
საეკლესიო გაზეთისათვის, რომელიც ძალიანა წყალობდა თანამედროვე იდე-
ებს. ქალიშვილმა კი გათხოვება ამჯობინა, რათა დაეკმაყოფილებინა თავისი
ლაგამაყრილი ინსტინქტები და თავისი საუცხოო ნიჭისათვის სარბიელი გამო-
ენახა. თავმომწონედ ვაღიარებ, რომ სწორედ იმხანად თანასწორივით მიმიღო
მამაკაცთა კორპორაციამ, რომელსაც ჩვენში ხშირად უსაფუძვლოდ ცილს სწა-
მებენ ხოლმე. ამეების თხრობით თავს არ შეგაწყენთ. თავადაც მოგეხსენებათ,
რომ თვით უჭკვიანეს ადამიანებსაც საამაყოდ მიაჩნიათ, სხვაზე მეტ ბოთლ ღვი-
ნოს თუ სვამენ. ბოლოს და ბოლოს, შეიძლება ამგვარ გართობაში მეპოვნა ღსნა
და სულის სიმშვიდე, მაგრამ აქაც ჩემმა თავმა შემიშალა ხელი. ღვიძლი ამტკივ-
და და ერთბაშად ისეთი საშინელი დაღლილობა ვიგრძენი, რომ დღესაც არ გამ-
ნელდება. კაცს თავი უკვდავად მოგაქვს, მაგრამ რამდენიმე კვირის შემდეგ ისიც
კი არ იცი დანამდვილებით, ხვალინდელი დღე თუ გაგიტენდება.

მთელი ეს გამოცდილება იმაში მაინც წამადგა, რომ როცა ჩემს ღამეულ
გმირობებს თავი ვანებე, სიცოცხლე ნაკლებ სამძიმო მეჩვენა. დაღლილობამ,
სხეულს რომ მიღრღნიდა, ბევრი სულიერი სატკივარიც გამიყუჩა. ყოველივე
წრეგადასული გვითრგუნავს ხორცსა და მაშასადამე, ტკივილსაც გვიმსუბუ-
ქებს. ტყუილად ჰგონიათ, გარყვნილებაში არავითარი სიმშავე არ ურევია; ეს
მხოლოდ ხანგრძლივი ძილია. უთუოდ თქვენც შენიშნავდით, რომ მათ, ვინც
ექვიანობით იტანჯებიან, ყველაზე მეტად იმ ქალთან დაწოლა სწადიათ, ვისაც
ღალატსა სწამებენ. უნდათ ერთხელ კიდევ დაუმტკიცონ თავს, რომ მათი სა-
უნჯე კვლავ მათ ეკუთვნით. და თუ ამ საუნჯეს კვლავ დაეუფლნენ, მერე ნაკ-
ლებად ექვიანობენ. ხორციელი ექვიანობა წარმოსახვის ნაყოფია და ის წარმო-
დგენა, რომელიც საკუთარ თავზე გვაქვს. მეტოქეს იმ ბინძურ აზრებს მივა-
წერთ, მსგავს ვითარებაში თავად რომ გვიჩნდება ხოლმე. საბედნიეროდ, უსა-
ზომო ტკობა აძაბუნებს წარმოსახვასა და განსჯის უნარსაც გვისუსტებს.
ტანჯვა განქარდება ჩვენს მამაკაცობასთან ერთად და მასავით ხანგრძლივად
იძინებს. ამიტომაცაა, რომ ყმაწვილკაცებს, პირველ საყვარელს გაიჩენენ თუ
არა, მეტაფიზიკური შიშიც გაუვლით ხოლმე. ზოგიერთი ქორწინებაც, რაიც
სხვა არა არის რა, თუ არ დაწესებული გარყვნილება, სიმამაცისა და წარმო-
სახვის უღიმღამო კატაფალკად იქცევა. დიახ, ძვირფასო მეგობარო, ბურჟუ-
აზიულმა ქორწინებამ ჩვენს ქვეყანას ფოსტლები ჩააცვა და სიკვდილის კა-
რამდე მიიყვანა იგი.

ვაჭარბებ? არა, უბრალოდ, თემას გადავუხვიე. მინდოდა, ორგინებში გატა-
რებული ერთი თვის უპირატესობანი მეჩვენებინა თქვენთვის. თითქოს ნისლით
მოცულ სამყაროში ვცხოვრობდი, სადაც სიცილი ისე ყრუდ ისმოდა, რომ
ჩემს ყურთასმენას ვედარც კი სწვდებოდა. გულგრილობას, ჩემში რომ დაიბუ-
ღებინა, არავითარი წინააღმდეგობა აღარ ხვდებოდა და ისიც თანდათან იზრ-

დებოდა. ველარავითარ მღელვარებას ველარა ვგრძნობდი! მშვიდი ზნე დამჩემდა; უკეთ რომ ვთქვათ, ხასიათი სულ აღარ შემრჩა. ჭლექიანი ფილტვებიც იკურნება, თუკი გამოშრა, მაგრამ მათი ბედნიერი პატრონი იგუდება ხოლმე. მეც ნელ-ნელა ვეწირებოდი ჩემს განკურნებას. ჩემი ხელობა არ დამივლია, კვლავ მისი შემოსავლით ვცხოვრობდი, მაგრამ ჩემმა უცნაურმა გამოხდომებმა სახელი გამიტეხეს. უწესრიგო ცხოვრებაც ხელს მიშლიდა ბეჯითად მივყოლოდი საქმეებს. ყველაზე საოცარი მაინც ისაა, რომ ჩემს დამეულ თავგადასავლებზე მეტად ენის ჭარტალს მსაყვედურობდნენ. ჩემს დასაცავ სიტყვებში ხშირად ყასიდად მივმართავდი უფალსა და მუშტრებიც უკვე უნდობლად მიცქეროდნენ. ეტყობა, ფიქრობდნენ, ზეცა ისე ვერ დაგვიცავს, როგორც კანონებში გაწაფული ვექილიო. ცოტაც და, ირწმუნებდნენ — ნიადაგ ღმერთს იმიტომ უხმობს საშველად, რომ თავად არაფერი გაეგებაო. მივიდნენ ამ დასკვნამდე და მუშტრებმა ზურგი მაქციეს. ახლა იშვიათადღა მიხდებოდა სასამართლოში გამოსვლა. ხანდახან მავიწყდებოდა, რომ აღარა მწამდა, რასაც ვამბობდი და სიტყვაც ჩინებული გამომდიოდა. ჩემივ ხმა მიტაცებდა, მას მივყვებოდი და თუმც უწინდებურად აღარ დავქროდი ციურ ეთერში, მიწაზე ფეხს მაინც არ ვაკარებდი. თუ არ სამსახურის საქმეებზე, ისე ცოტა ხალხს ვხვდებოდი. თითო-ორილა ქალთანაც არ ვწყვეტი კავშირს, თუმცა ჩვენი გრძნობა უკვე სულს დაფავდა. ზოგჯერ იმასაც ვახერხებდი, რომ საღამოს მეგობრულ საუბარში ვატარებდი, ვნებათაღელვას არ ავყვებოდი, მაგრამ ასეთ დროს მოწყენილობა დამრევდა ხელს და თანამოსაუბრის ნათქვამს მაინცდამაინც ყურს არ ვუგდებდი. ცოტათი გავსუქდი და გავიფიქრე, კრიზისი დასრულდამეთქი. ახლა მხოლოდ სიბერესღა უნდა დავლოდებოდი.

ერთ დღეს, როდესაც ჩემს მეგობარ ქალთან ერთად ვმოგზაურობდი საოკეანო ხომალდით (ქალი სამოგზაუროდ მე დავპატიჟე, ოღონდ არ გამიმხელია, რომ ამით ჩემს განკურნებას ვდღესასწაულობდი), ძალაღ გემბანზე მდგარი ზღვას გავყურებდი. უცებ გაშლილ ზღვაში წყლის ზედაპირზე რაღაც შავი წერტილი შევნიშნე. მაშინვე თვალი ავარიდე; გულმა ბაგაბუვი დამიწყო. როცა თავს ძალა დავატანე და ისევ გავიხედე, შავი წერტილი გამქრალყო. მერე ისევ მოვკარ თვალი და ყვირილი მომიხდა, კინალამ საშველად ვუხმე ვინმეს. რაღაც ყუთის ნამტვრევი იყო, გემიდან რომ ყრიან ხოლმე. მაინც ვერ გავუსწორე თვალი, მეჩვენებოდა, რომ ტალღები დამხრჩვალის გვამს მოაქანებდნენ. მაშინდა მივხვდი ჭეშმარიტებას, რომელიც თურმე დიდი ხანია მცნობებია: ის ყვირილი, ამ რამდენიმე წლის წინათ რომ გაისმა სენის ნაპირას, არ შემწყდარა; ეს ხმა მდინარის წყალმა წამოიღო ლა მანშის სრუტეში; მალე მთელ სამყაროს მოედო, დაიუფლა ოკეანის უსაზღვრო სივრცე, აქ მელოდა დღემდე და შემომხვდა კიდევ. მივხვდი იმასაც, რომ კვლავაც შემომეყრებოდა ზღვებსა და მდინარეებზე, ყველგან, სადაც ჩემი ნათლობის მწარე წყალი იყო. განა აქაც წყალზე არა ვართ? ერთფეროვან, მშვიდ, უსაზღვრო წყალზე, მიწის კიდეს რომ ერთვის? არც კი გჯერა, რომ ოდესმე ამსტერდამში ჩავალთ. მგონია, ამ უზარმაზარ ემბაზს თავს ვერასოდეს დავალწევთ. ყური მიუგდეთ! განა უხილავი თოლიების წივილი არ გესმით? ჩვენ გვეძახიან. ნეტა რად გვიხმობენ?

ეს ის თოლიებია, ატლანტიკის ოკეანეზე რომ წიოდნენ იმ დღეს, როცა საბოლოოდ დავრწმუნდი, რომ არ განკურნებულვარ; კვლავ ჩიხში ვიყავ მომწყვდეული და უნდა დავმორჩილებოდი ხვედრს. დასრულდა ჩემი გმირული

ცხოვრება, მაგრამ სიბრაზესა და ფახიფუხსაც ბოლო მოეღო. ხვედრს უნდა შევრიგებოდი და მეღიარებინა, რომ დამნაშავე ვიყავი. ერთი სიტყვით, დიღეში უნდა მეცხოვრა. მართლა, თქვენ ხომ არ იცით, რას წარმოადგენდა ეს ერთი ცილა მიწისქვეშა საკანი, შუა საუკუნეებში დიღეგს რომ ეძახდნენ? შიგთუ ჩააგდებდნენ ვინმეს, თავის დღეში ველარ იხილავდა დღის ნათელს. ეს საკანი სხვებისაგან თავისი უჩვეულო სიმცირით განსხვავდებოდა. არც ისე მაღალი იყო, რომ კაცს შიგ გამართული დგომა შეძლებოდა და არც ისე განიერი, რომ მთელ სიგრძეზე გამოტოლიყო. ვერც ადგებოდა, ვერც დაწვებოდა; ძილსაც ვერ დაიძინებდა, ფხიზლობდა და სულ ჩაცუცქული უხდა ყოფილიყო. ძვირფასო მეგობარო, საგულდაგულოდ ვწონი სიტყვებს და ვამბობ: ეს სულ უბრალო, მაგრამ გენიალური გამონაგონი იყო. პატიმარი დღეცისმარე გაუნძრევლად უნდა მჯდარიყო: ხელ-ფეხი უბრუყდებოდა და თავადაც რწმუნდებოდა, დამნაშავე ვარ, უდანაშაულო რომ ვიყო, ხელ-ფეხს ჩემს გემოზე გავწვდიდიო. შეგიძლიათ წარმოიდგინოთ ამ საკანში მწვერვალებსა და მაღალ გემბანებს შეჩვეული კაცი? როგორ? შეიძლება ამ საკანში ცხოვრობდე და უდანაშაულო იყო? საეჭვოა, ერთობ საეჭვო! ასე რომ იყოს, ჩემი მსჯელობა კისერს მოიტეხდა. წამითაც ვერ გავივლებ გულში, რომ სიმართლემ ასე მოკუზულად ცხოვრება შეძლოს. ესეც არ იყოს, ძნელია, ვინმეს უდანაშაულობა ვირწმუნოთ; იმის თქმა კი დაბეჯითებით შეგვიძლია, რომ ყველას რაღაცაში მიუძღვის ბრალი. ყოველი კაცი მოწმედ უდგება სხვათა დანაშაულს. აი, ჩემი რწმენა და სასოება.

მერწმუნეთ, რელიგიები ცდებიან, როცა ზნეობის წესებს აყალიბებენ და მცნებებსა ქმნიან ხოლმე. ღმერთი არაა სავალდებულო იმისათვის, რომ კაცს ბრალი დასდო და განაჩენიც გამოუტანო. ამას ჩვენი თანამოძმეებიც შესანიშნავად მოახერხებენ ჩვენი შემწეობით. წელან განკითხვის დღე ახსენეთ. ნება მიბოძეთ, მოწიწებით გავიცინო. მე მაგ დღეს უშიშრად ველოდები. მე მასზე უარესიც გამოვცადე, ვნახე, კაცნი როგორ განიკითხავდნენ. მათთვის არც დანაშაულის შემამსუბუქებელი გარემოებანი არსებობს, კეთილი განზრახვაც კი დანაშაულადაა მიჩნეული. ოდესმე თუ გსმენიათ რამე ფურთხის საკანზე? ეს საკანი ახლახან გამოიგონა ერთმა ხალხმა, რომ მით დაემტკიცებინა, ქვეყნად ყველაზე მოწინავე ერი ვართო. ერთი უბრალო ქვის ყუთია; შიგ პატიმარი გამართული დგას, მაგრამ განძრევა კი არ შეუძლია. კარი, ამ ცემენტის ნიჟარას რომ უბია, ნიკაპამდე უწევს. მხოლოდ სახე მოუჩანს და ყოველი დარაჯი გავლისას ზედ აფურთხებს. პატიმარი კი ისეა თავის საკანში ჩაჭედილი, რომ ფურთხის მოწმენდასაც ვერ ახერხებს, თუმცა თვალების დახუჭვის ნებას კი აძლევენ. დიახ, ჩემო, ეს საკანი ადამიანებმა გამოიგონეს. ღმერთი არ დასჭირვებიათ ამ პაწია შედეგის შესაქმნელად.

ღმერთი იმაში თუ წაგვადგება, რომ უცოდველობის თავდებად დაგვიდგეს. მაშინ რელიგიას დიდ სამრეცხაოდ მივიჩნევდი, თუმცა იყო კიდევ სამრეცხაო, სულ რაღაც სამიოდე წლითა და მაშინ რელიგიაც არ ერქვა. მას შემდეგ საპნის შოვნა გაჭირდა, გამურულები დავდივართ და ერთიმეორეს ვამუნათებთ... ყველანი უმეცრები ვართ, ყველანი — დამნაშავენი. მოდიოთ, სახეში შევაფურთხოთ ერთმანეთსა და პოპლას! დიღეგში გადავეშვათ. მთავარია, პირველი ვინ შეაფურთხებს. დიდ საიდუმლოს გაგანდობთ, ჩემო ძვირფასო. ნუ ვლით განკითხვის დღეს. დღეცისმარე განკითხვის დღეა.

არა, არაფერია, ცოტათი მაკანკალებს; სულ ამ დაწყევლილი სინესტის ბრალია. აჰა, მოვედით კიდევ. არა, თქვენს შემდეგ. ოღონდ ხუთ დამტოვებთ, ცოტაზე გამაცილეთ. ჯერ არ დამიმთავრებია და მინდა ბოლომდე მივიყვანო სათქმელი. გაგრძელება კი ერთობ ძნელია. იცით, რად აცვეს ჯვარს ის, ვისზედაც შეიძლება თქვენ ახლა ფიქრობთ? საამისოდ უამრავი მიზეზი იყო. კაცის მოსაკლავად მიზეზს რა დალევს. იმის საბაბს კი ძნელად მიაგნებთ, რად იცოცხლოს. აი, რატომაა, რომ დანაშაულს ყოველთვისა ჰყავს დამცველები, სიმართლეს კი მხოლოდ ზოგჯერ. მაგრამ იმ მიზეზთა გარდა, რომელთაც აგერ უკვე ორი ათასი წელია გვიმარტავენ, იყო უმთავრესიც, რატომღაც ასე საგულდაგულოდ რომ გვიმალავენ. ჭეშმარიტი მიზეზი ის გახლდათ, რომ მან იცოდა, მთლად უცოდველი რომ არ იყო. თუკი ის ცოდვა არ მიუძღოდა, რაშია ცხად ბრალს სდებდნენ, სხვები ხომ ჰქონდა ჩადენილი, რომელთა შესახებაც თავად არა უწყობდა. არ უწყობდაო? მისით მოხდა ყველაფერი და უთუოდ გაგონილიც ჰქონდა უცოდველ ყრმათა დახოცვის ამბავი. თუ არ მის გამო, მაშ, რისთვის მოსრეს იუდეველთა ყრმანი, სანამ დედ-მამა მას უშიშარ ადგილას გადამაღავდა? თავად არ უნდოდა, ცხადია; აძრწუნებდა სისხლში მოსვრილი ჯარისკაცები და ყრმათა ორად გაპობილი სხეულები. მაგრამ მისი ბუნების კაცს, მჯერა, არ შეეძლო მათი დავიწყება და მწუხარებაც, მის ყველა ნამოქმედარს თან რომ ახლავს, განა უკუბრუნებელი მელანქოლია არ არის კაცისა, ვისაც ყოველდღიან შვილების დამკარგავი რაქელის მწარე კვნესა ჩაესმის ყურში? სასოწარკვეთილი ბღავილი აპობდა ღამეულ ჰაერს, რაქელი უხმობდა მის გამო დახოცილ თავის პატარებს, ის კი ცოცხალი იყო!

ყველაფრის მცოდნე, კაცთა მოდგმის მესაიდუმლე (ვინ იფიქრებდა, რომ ნაკლები დანაშაულია სხვები მოაკვლევინო, ვიდრე თავად არ მოკვდე!) დღისით და ღამით თავის უნებურ ცოდვაზე ფიქრობდა. სიცოცხლე ძნელი გასაძლისი ეჩვენა მაშინ. ერჩია, ბოლო მოღებოდა ყველაფერს, აღარ დაეცვა თავი, მომკვდარიყო, რომ მარტოდ შთენილს ეულად აღარ ეცხოვრა და გახიზნულიყო სხვაგან, იქ, სადაც ეგების შემწეობას აღმოუჩენდნენ. არავინ შეეწია, ეს დაიჩვილა და საბოლოოდ ცენზურის ქარ-ცეცხლშიც გაატარეს. დიახ, თუ არა ვცდები, სწორედ მესამე მახარობელმა გამოტოვა მისი ჩივილი. „ღმერთო, რაფსათვს ღამიტევებ მე?“ განა ეს ამბოხებულის ძახილი არ იყო? არიქა, მაკრატელი! ისე კი, ლუკას რომ არ გამოეტოვებინა მისი ჩივილი, ყველაფერი შეუმჩნეველად ჩაივლიდა. ასეა თუ ისე, თვალში საცემი არ იქნებოდა. მაგრამ ცენზორი სწორედ მას გაჰყვირის, რასაც ამოშლის ხოლმე. ქვეყნად ყველაფერი უცნაურადაა მოწყობილი.


მაგრამ მან, ვინც ცენზურის ქარ-ცეცხლში გაატარეს, ვეღარ გააგრძელა. კარგად ვიცი, რასაც მოგახსენებთ. იყო დრო, როცა ყოველ წუთს იმასა ვფიქრობდი, შემდეგს როგორ მივალწევ-მეთქი. დიახ, შეიძლება იომო ამ ქვეყნად, სიყვარული გაითამაშო, აწამო თანამოძმე, ბრტყელ-ბრტყელი სიტყვები ბეჭდო გაზეთებში, ანდა უბრალოდ, ქსოვისას ძვირი თქვა შენს მეზობელზე. მაგრამ ზოგჯერ ამგვარი ცხოვრების გაგრძელებას, დიახ, გაგრძელებას ზეკაცური ძალა სჭირდება. ის კი ზეკაცი არ ყოფილა, დამერწმუნეთ. მან დაიჩვილა სიკვდილის ჟამს, მწარედ დაიჩვილა და სწორედ ამიტომ მიყვარს იგი, რამეთუ მოკვდა ისე, რომ არ უწყობდა.

უბედურება ისაა, რომ მარტო დაგვყარა და ჩვენც ვაგრძელებთ ცხო-

ერებს, რაც უნდა შეგვემთხვეს; მაშინაც კი, როცა დილეგში ვართ ჩამწყვდილები და ვიცით ყოველივე, რაც მან უწყობდა, მაგრამ ძალა არ შეგვეწევს მისებურად მოვიქცეთ და მასავით მოვკვდეთ. ცხადია, ბევრი კი ეცადა გამოეყენებინა მისი სიკვდილი. ბოლოს და ბოლოს, გენიალური აზრი იყო, ეთქვათ ჩვენთვის: „წმინდანები არა ხართ, ცხადია. ბევრს ნუ გამოვიძიებთ! ყველაფერს მაშინ მოგიტევენ, როცა ჯვარს გაცვამენ!“ დღეს ძალიან ბევრი მიცოცავს ჯვარზე მხოლოდ იმიტომ, რომ შორიდან გამოჩნდეს და არ დაეძებს, თუნდაც ამისთვის ჯვარზე უფრო ადრე გაკრულის გადაქელვა მოუხდეს. ბევრმა დღესულოვნებაზე თქვა უარი და ისე მოჰკიდა ხელი ქველმოქმედებას. რა უსამართლოდ მოექცნენ. ეს უსამართლობა პირდაპირ გულს მიკლავს!

აი, ხომ ხედავთ, ისევ გავუტყვი: ისევ დასაცავ სიტყვას ვამბობ. მაპატიეთ და მერწმუნეთ, რომ ამასაც აქვს თავის გამართლება. იცით თუ არა თქვენ, რომ რამდენიმე ქუჩის იქით მუზეუმი, „მაცხოვარი ჩვენს სხვენზე“ ჰქვია. წინათ პოლანდიელები თავიანთ კატაკომბებს სხვენში აწყობდნენ. რას იზამ, სარდაფებში წყალი ჩასდით ხოლმე. მაგრამ ფიქრი ნუ გაქვთ, დღეს მაცხოვარი აღარც სარდაფში ჰყავთ და აღარც სხვენზე. ღმერთი სასამართლოში გამოჰკიდეს და როზგავენ, მსჯავრს სდებენ, დიახ, მსჯავრს სდებენ მისი სახელით. ის ღმობიერად ეუბნებოდა შემცოდე დიაცს: არცა მე განგიკითხავო. მაგრამ რა. ამათ გამოაქვთ განაჩენი და არავის ინდობენ. უფლის სახელით სამაგიერო მოგეზღოსო. უფლის სახელითო? ღმერთი ამდენს როდი ითხოვდა, მეგობარო. მას უნდოდა, გვეყარებოდა. ეს იყო და ეს. ცხადია, ზოგიერთებს უყვართ კიდეც; ქრისტიანებს შორისაც დაიძებნება ასეთი ხალხი, მაგრამ ისინი თითებზე ჩამოსათვლელნი არიან. მან წინასწარ განჰვრიტა ეს, ხუმრობის ყადრი იცოდა. პეტრემ ხომ გახსოვთ, ლაჩარმა პეტრემ როგორ უარყო: „მე არ ვიციო კაცი ესე“... „არა ვიცი, რასა იტყვ“ და სხვა. შიშმა დაუბნელა გონება. მოძღვარი კი ხუმრობდა: „ამას კლდესა ზედა აღვაშენო ეკლესია ჩემიო“. როგორა გგონიათ, განა ირონია შეიძლება ამაზე შორს წავიდეს? მათ კი სიხარული შესდგომიათ: ასე ბრძანაო. დიახაც, ბრძანა, კარგად უწყობდა ყველაფერი და იმიტომ. მერე კი წავიდა სამუდამოდ და ისინი დაგვიტოვა მსაჯულებად და დამსჯელებად, ვინც სიტყვით პატიებას ქადაგებს, გულში კი სამაგიეროს მიზღვა სწავლია.

თუმცა არ შეიძლება ითქვას, რომ ქვეყნად სიბრაალული აღარ არსებობს, არა, ღმერთებო! ჩვენ მუდამ სიბრაალული და პატიება გვაკერია პირზე, ოღონდ ახლა არავის ასამართლებენ. გარდაცვლილ უცოდველობას მსაჯულნი ჭიანჭველებივით დახვევიან, ყველა ჯურის მსაჯულნი — ქრისტეს მმოსავნიცა და ანტიქრისტეს მიმდევრებიც; თუმცა ერთმანეთისგან არც განსხვავდებიან, დილეგმა დააძმობილა. არ შეიძლება ყველაფერი ქრისტიანებს დავაბრალოთ. დანაშაული სხვებსაც მიუძღვით. იცით, რა ბედი ეწია ამ ქალაქში სახლს, რომელმაც ოდესღაც დეკარტი შეიფარა? საგიჟეთად გადააქციეს. დიახ, ყველას სიგიჟემ დარია ხელი და ერთიმეორის დევნა იწყეს. ჩვენც, რა თქმა უნდა, იძულებულნი ვართ, ამ საქმეში მონაწილეობა მივიღოთ. აი, ხომ ხედავთ, აღარაფერს ვინდობ და დარწმუნებული ვარ, რომ გულის სიღრმეში თქვენც ასე ფიქრობთ. ჰოდა, რაკი ყველანი მსაჯულები ვართ, ერთიმეორის წინაშე ბრალის მიგვიძღვის, დაკნინებული ქრისტეები ვართ და სათითაოდ გვაკრავენ ჯვარზე ისე, რომ თავდაც არა ვუწყით რა. ან უკეთ, გაგვაკრავდნენ, მე, კლე-



მანსს, ხსნა, გამოსავალი რომ არ მეპოვნა და ჭეშმარიტებისათვის არ მიმეგნო...
 ო, ნურაფრისა გეშინიათ, მეტს აღარას გეტყვით, ძვირფასო მეგობარო.
 მალე დაგცილდებით კიდევ; ხომ ხედავთ, ჩემს სახლამდე მოვედით. ო, ნუ დამ-
 ძრახავთ, მარტოობაში დაღლილ-დაქანცულს თავი წინასწარმეტყველი მგო-
 ნია ხოლმე. კაცმა რომ თქვას, მართლაც წინასწარმეტყველი ვარ, ამ ქვათა
 უდაბნოს, ნისლსა და დამყაყებულ წყალს შეფარებული წინასწარმეტყველი;
 უბადრუკი წინასწარმეტყველი უბადრუკ დროთა, ელია მესიის გარეშე, ციებ-
 ცხელებით შეპყრობილი, ღვინოს გადაყოლილი. ზურგიით დაობებულ კედელს
 მივყრდნობივარ, თითი ჩამოქუფრული ცისკენ ამიშვერია და წყევლა-კრულ-
 ვას ვუგზავნი უკანონობის მომქმედთ, რომელთაც არავითარი მსჯავრის ატანა
 არ შეუძლიათ. დიახ, არ ძალუძთ, ჩემო კარგო და სწორედ ესაა საქმე. ვინც
 კანონს იცავს, სასამართლოსიც არ ეშინია, რადგან ამ კანონებით გაასამართლე-
 ბენ და კიდევაც გამართლდება. ყველაზე ძნელი ასატანი უკანონობის მომ-
 ქმედთა მსჯავრი გახლავთ და მაინც სწორედ ეს სატანჯველი გვერგო წილად.
 ლაგამწყაყრილი მოსამართლენი ყველას განურჩევლად ხვევენ ხელსა და ბრალს
 უკანონოდ სდებენ. მაშ, რაღა დაგვრჩენია? ისა, რომ დავასწროთ, არა? ალი-
 აქოთიც ამიტომ ტყდება. წინასწარმეტყველები და მკურნალები მრავლდებიან;
 სანიმუშო კანონების შექმნასა ჩქარობენ, უნდათ უზადო საზოგადოებრივი
 წყობა დაამყარონ, სანამ დედამიწა მთლად არ გაუკაცურებულა. საბედნი-
 ეროდ, მე დასაბამიცა ვარ და დასასრულიც, მე კანონს ვაფუძნებ. ერთი სი-
 ტყვით, მონანიე მსაჯული ვარ.

დიახ, დიახ, ხვალ უეჭველად გეტყვით, რაში გამოიხატება ეს საუცხოო
 ხელობა. ზეგ მიემგზავრებით; მაშასადამე, დრო საშურია. მოდით, შინ მეწვიეთ.
 ზარს სამჯერ დარეკავთ. პარიზს ბრუნდებით? პარიზი შორსაა, პარიზი ლამაზია;
 რა დამავიწყებს პარიზული შემოდგომის საღამოებს. მწუხრი ეფინება მშრალსა
 და მჭვარტლით გადალურჯებულ სახურავებს, ქალაქი ყრუდ გუგუნებს, მდინა-
 რეც თითქოს აღმა მიედინება. ამ დროს მიყვარდა ქუჩებში ხეტიალი. ახლა იქ
 უთუოდ სხვები დახეტიალობენ! მიდი-მოდინ და თავს იტყუებენ, ვითომ და-
 ქანცულ ცოლთან, ჩვენს კერიასთან დაბრუნება გვეჩქარებაო... ო, მეგობარო,
 იცით თუ არა, რაა მარტოსული კაცი, უზარმაზარ ქალაქში მოხეტიალე...

X X X

ძალიან მრცხვენია, ლოგინში რომ გხვდებით. საშიში არაფერია, ცოტა
 სიცხე მაქვს და თავი რომ მოვირჩინო, ჯინს მივეძალე. ასეთ სიცხეებს შეჩვე-
 ული ვარ.. ციებამ იცის. ციება კი მაშინ შემეყარა, როცა პაპი ვიყავ. ეს
 მთლად ხუმრობა არ გეგონოთ. ვიცი, რასაც ფიქრობთ: ჩემს ნაამბობში მართ-
 ლაც ძნელია ტყუილი და მართალი გამოარჩიო. კი ბატონო, სრული ჭეშმარი-
 ტება გახლავთ. მე თვითონაც... იცით, ერთი ჩემი ნაცნობი ხალხს სამ ჯგუფად
 ყოფდა. პირველ ჯგუფში ისინი შედიოდნენ, ვინც ამჯობინებდა არაფერი და-
 ემალა, ოღონდ ტყუილი არ ეთქვა; მეორეში — ისინი, ვისაც საიდუმლოს გამ-
 ხელას ისევ სიცრუის თქმა ერჩივნათ; მესამეში — ისინი, ვისაც საიდუმლოცა
 და სიცრუეც ერთნაირად უყვარდათ. მე რომელ ჯგუფს ვეკუთვნი, ამის გადა-
 წყვეტა თქვენთვის მომინდვია.

თუმცა რა მნიშვნელობა აქვს? განა სიცრუესაც სიმართლესთან არ მივ-

ყავართ ხოლმე? ჩემს ნაამბობსაც, ტყუილი იქნება თუ მართალი, განა ერთი მიზანი, ერთი აზრი არა აქვს? მაშ, რაღას დაეძებთ, თუ ტყუილიცა და მართალიც იმაზე მიანიშნებს, რა ვიყავ და რად ვიქეც? ხშირად კაცი ტყუილის თქმით უფრო გათქვამს საკუთარ თავს, ვიდრე მაშინ, როცა სიმართლეს ღაღადებს. ქეშმარიტება სიმართლესავით გვაბრმავეებს. სიცრუე კი, პირიქით, ამო ბინდია და საგნის მოხაზულობასაც უფრო მკაფიოდ აჩენს. როგორც გინდათ მიიღეთ და, ტყვეთა ბანაკში მართლა პაპს მეძახდნენ.

გთხოვთ, დაბრძანდეთ. ოთახმა დაგაინტერესათ? ცარიელი კია, მაგრამ ირგვლივ სისუფთავე სუფევს. არც დგამი მაქვს და არც ჭურჭელი. წიგნებიც კი არ გამაჩნია; დიდი ხანია, რაც კითხვას თავი ვანებე. წინათ სახლი ნახევრადწაკითხული წიგნებით მქონდა სავსე. საძაგელი ჩვეულებაა; იმ ადამიანთა ზნეს მაგონებს, ბატის ღვიძლს ცოტას რომ მოციცქნიან, დანარჩენს კი გადაადებენ. გამოგიტყდებით, ახლა მხოლოდ აღსარებანი მიტაცებენ, მაგრამ დღესდღეობით აღსარებასაც მარტო იმიტომ წერენ, რომ თავსაც კი არ გამოუტყდნენ იმაში, რაც იციან. მაშინაც კი, როცა გულახდილობას ჩემულობენ, არ უნდა ენდოთ: გვამს ფერ-უმარილსა სცხებენ. მეც ამ საქმის დიდოსტატი ვარ. მოკლედ მოვჭერი: აღარც წიგნებია საჭირო და აღარც უსარგებლო საგნები-მეთქი. გარს მხოლოდ აუცილებელი ნივთები მარტყია, კუბოსავით გალაქულ-გაკრიალებული. ეს ჰოლანდიური საწოლებიც ხომ კუბოსავით მაგარია, გახამებული, ქათქათა თეთრეულიც სუღარას მაგონებს...

ჩემი პაპად ყოფნის ამბები გაინტერესებთ? ბანალური რამაა, მერწმუნეთ. მაგრამ არ ვიცი, მეყოფა თუ არა ძალა საამბობლად... სიცხემ, მგონი, მართლაც მიკლო. მას შემდეგ ბევრმა წყალმა ჩაიარა. აფრიკაში გახლდით, სადაც ბ. რომელის წყალობით ომი მძვინვარებდა. ო, არ იფიქროთ, თითქოს ამ ომში მეც მიმეღოს მონაწილეობა. მაინცდამაინც არც ევროპაში ამტყდარი ომის დროს გავრჩილვარ. გაწვევით კი გამიწვიეს, მაგრამ ცეცხლი თვალითაც არ მინახავს. ეს ამბავი, ცოტა არ იყოს, სანანებლადაც კი დამირჩია. ცეცხლი რომ მენახა, ჩემს ცხოვრებაში იქნებ ბევრი რამ კიდევაც შეცვლილიყო... საფრანგეთის არმიას ფრონტზე არ დავჭირვებოვარ, მარტო უკან დახევაში მივიღე მონაწილეობა. ჩამოვედი პარიზში და გერმანელებიც ვნახე. კინაღამ წინააღმდეგობის მოძრაობაშიც ჩავები. ამ მოძრაობაზე მაშინ დაიწყეს ლაპარაკი, როცა აღმოვაჩინე, რომ მეც პატრიოტი ვიყავი. გეცინებათ? ტყუილად იცინით. ეს ამბავი შატლემში, მეტროს დერეფანში შევიტყვე. ძაღლს გზა არეოდა ლაბირინთში. დიდი ძაღლი იყო, ჯაგარაბეწვიანი, ყურებჩამოყრილი; თვალებს ცნობისმოყვარეობით აცეცებდა აქეთ-იქით. მიკუნტრუშებდა თავისთვის და გამვლელებს ფეხებში ებლანდებოდა. რაც თავი მახსოვს, ძაღლები ყოველთვის მიყვარდა, რადგან მუდამ გვაპატიებენ ხოლმე. დავუძახე: ისიც შეეყოყმანდა, ეტყობოდა, მოსვლა ეწადა და ვერ კი გაებედა. მერე კუდის ქიციანს მოჰყვა და ჩემგან რამდენიმე მეტრის მოშორებით შეჩერდა. ამ დროს ერთმა ახალგაზრდა გერმანელმა ჯარისკაცმა ჩამოიარა. ძაღლთან რომ მივიდა, თავზე ხელის სმა დაუწყო. ძაღლიც მყისვე აედევნა კუდის ქიცინითა და მასთან ერთად თვალს მიეფარა. ამის შემხედვარე ისე გავცოფდი, რომ მივხვდი, ამ გერმანელმა მამულიშვილური გრძნობა შემილახა-მეთქი. ძაღლი რომ ჩვეულებრივ ფრანგს გაჰყოლოდა, სულაც არ ვინაღვლებდი. ახლა კი ვფიქრობდი, ეს საუცხოო ცხოველი გერმანელთა პოლკის ნებიერი გახდებოდა-მეთქი და ბრაზი მახრჩობდა.



მაშინვე სამხრეთის ზონას მივაშურე, რომ წინააღმდეგობის შესახებ შე-
მეტყუო რამე. მაგრამ როცა მიაბხეს, ყოყმანი დავიწყე. ეს წამოწყება ცოტა
გიჟური, ცოტა რომანტიკული მეჩვენა. თან ეს მიწისქვეშა მოღვაწეობაც ვერ
ეგუებოდა ჩემისთანა მაღალი მწვერვალების მოყვარული კაცის ბუნებას. მეჩ-
ვენებოდა, რომ სადაც სარდაფში ხალიჩა უნდა მექსოვა, თავაუღებლივ,
დღისით და ღამით; მერე მხეცები მოვიდოდნენ ჩემს დასაჭერად, ჩემს ნაქსოვ
ხალიჩას ნაკუწ-ნაკუწად აქცევდნენ და მეც მეორე სარდაფში მიკრავდნენ თავს,
სადაც წამებით სულს ამომხდიდნენ. აღტაცებული ვიყავ იმ ხალხით, ვინც ამ
მიწისქვეშა გმირობისათვის თავსა სდებდა, მაგრამ მათი მიბაძვა არ შემეძლო.

ამიტომაც წავედი აფრიკაში. ვფიქრობდი, იქიდან ლონდონში გადასვლა-
საც მოვახერხებ-მეთქი. მაგრამ აფრიკაში დიდი არეულობა იყო; მოპირდა-
პირე პარტიათაგან რომელი იყო მტყუანი და რომელი მართალი, ველარ გავარ-
კვიე და თავი შევიკავე. სახეზე გატყობთ, რასაც ფიქრობთ: ძალიან მიაფუ-
ჩეჩაო ეს ამბები. ეს იმიტომ, რომ თუ სწორად გამოვიცანი თქვენი ხასიათი,
ასე, სასხვათაშორისოდ ნათქვამს უფრო მეტ ყურადღებას მიაქცევთ. ასე იყო
თუ ისე, ბოლოს ტუნისში ამოვყავი თავი. ერთმა მეგობარმა ქალმა მომაწყო
სამუშაოდ. ძალიან ჭკვიანი ქალი იყო და კინოთი გახლდათ გატაცებული. მე
მას ტუნისში გავყევი და მხოლოდ მაშინ გავიგე რა ხელობას მისდევდა, როცა
ალჟირში მოკავშირეები გადმოსხდნენ. გერმანელებმა იმ დღესვე დააპატიმ-
რეს იგი და მეც მიმაყოლეს. არ ვიცი, რა ბედი ეწია ჩემს მეგობარ ქალს. ჩემ-
თვის კი არაფერი დაუშავებიათ და თუმცა ჯერ დიდი შიში ვჭამე, მერე მივხვდი,
რომ ისე, სავინიცობოდ მომხვიეს ხელი. ტრიპოლის მახლობლად, ერთ ბანაკში
მიკრეს თავი, სადაც უწყლობითა და სიშიშვლით უფრო ვიტანჯებოდით, ვიდ-
რე უდიერი მოპყრობით. ამეების მოყოლით თავს არ შეგაწყენთ. ჩვენ, ამ
საუკუნის შვილებს, სურათები არ გვჭირდება, ასეთ ბანაკებს უმისოდაც აღ-
ვილად წარმოვიდგენთ ხოლმე. ამ ასორმოცდაათი წლის წინათ აღამიანები
ტბებისა და ტყეების ხილვით ტკბებოდნენ, დღეს კი საკნების დანახვა ატკ-
ბობთ. მოკლედ, ამ ბანაკის წარმოდგენა თქვენთვის მომინდვია. მე მხოლოდ
იმას დავძენ, რომ თაკარა მზეში, ქვიშაზე ვეყარეთ, ბუხები გვჭამდნენ და
უწყლობა გვტანჯავდა.

ჩემთან ერთად ერთი ახალგაზრდა, მორწმუნე ფრანგიც იყო. დიახ, ჯადოს-
ნური ზღაპარია! დუგესკლენი ხომ გახსოვთ. საფრანგეთიდან ესპანეთში გა-
დასულიყო საბრძოლველად. აქ კათოლიკე გენერალს შეჰკედლებოდა და რა
დაუნახავს, ფრანკისტულ ბანაკებში მუხუდოს შეჭამანდს არიგებენო (ეს შე-
ჭამანდი, თუ შეიძლება ითქვას, თავად რომის პაპის მიერ იყო ნაკურთხი), სა-
შინელ მწუხარებაში ჩავარდა. ვერც აფრიკის ზეცამ, ვერც ტყვეთა ბანაკში
უქმად გდებამ ვერ გაუფანტა ეს ნაღველი. ამ საფიქრებელმა და მცხუნვარე
მზემ გონება აურიო. ერთ დღეს კარავში, სადაც ათიოდე კაცი ბუხებისაგან გა-
ბეზრებულნი ვწრიალებდით და ზევიდან თითქოს გამდნარი ტყვია გვაწვიმდა,
კვლავ რომის პაპის ქირღვას მოჰყვა. დიდი ხნის გაუპარსავი იყო, ამღვრეული
თვალეებით გვიცქეროდა. წელზევით შიშველს ოფლი წურწურით ჩამოსდიოდა
სხეულზე; სიგამხდრისაგან გვერდებზე ნეკნები დაეთვლებოდა და გაძვალტყა-
ვებულ თითებს ზედ ისე უტყაპუნებდა, როგორც კლავიშებზე. გამოგვიცხადა,
ახალი პაპი უნდა ავირჩიოთ, რომელიც იმ რომაელივით ტახტზე მჯდომი კი არ
ილოცებს, ტვირთმძიმეთ შორის იცხოვრებსო. თან ისიც დასძინა, ეს საშური

საქმეა და უნდა ვიჩქაროთო. ამღვრეული თვალებით შემოგვეყურებდა და თავის კანტურით იმეორებდა, რაც უფრო სწრაფად ავირჩევთ, მით უკეთესიაო. მერე ერთბაშად დაცხრა და ყრუდ გვითხრა, პაპი ჩვენს შორის უნდა ავირჩიოთო. მოვნახოთ წესიერი კაცი, ღირსებებიც რომ ექნება და ნაკლიც, მორჩილება აღვეუთქვათ, ოღონდ იმ პირობით, რომ ამ საერთო სატანჯველში ურთიერთსიყვარული განგვიმტკიცოსო. „ჩვენს შორის ვინაა ყველაზე სუსტი?“ — იკითხა მან. ხუმრობით ხელი ავწიე. ჩემს მეტს ეს არავის უქნია და მანაც გადაწყვიტა, მოდით, ჟან ბაბტისტი იყოსო. არა, ასე არ უთქვამს; მაშინ ხომ სულ სხვა სახელი მქონდა. მხოლოდ ისა თქვა, რაკი საკუთარი სისუსტე აღიარა, ყველაზე უფრო სათნოც ეგა ყოფილა და მოდით, ეგ ავირჩიოთო. სხვები ხუმრობით დათანხმდნენ და დიდის ამბით ჩაებნენ თამაშში. გამოგიტყდებით და, ამ დუგესკლენმა ყველანი მოგვუნუსხა. მე მგონი, მთლად არც მე ვხუმრობდი მაშინ. ვფიქრობდი, ჩემი პატარა წინასწარმეტყველი მართალია-მეთქი. ამას დაუმატეთ თაკარა მზე, ქანცგამცლელი სამუშაოები, ყოველ ცისმარე დღეს წყლისათვის ბრძოლა და მიხვდებით, რომ სრულ ჭკუაზე არც ერთი არ ვიყავით. ასე იყო თუ ისე, პაპის მოვალეობას რამდენიმე კვირის მანძილზე უდიდესი გულისყურით ვასრულებდი.

რაში გამოიხატებოდა ეს მოვალეობანი? მე ჩვენი ჯგუფის მეთაური და მდივანი ვიყავი. დანარჩენები, ურწმუნოებიც კი, თანდათან მემორჩილებოდნენ. დუგესკლენი იტანჯებოდა და მე ამ ტანჯვას ვუმსუბუქებდი. მაშინ შევნიშნე, რომ პაპად ყოფნა არც ისე იოლი ყოფილა, როგორცა ჰგონიათ. ეს გუშინაც გამახსენდა, როცა ჩვენს თანამოძმე მოსამართლეებზე ასეთი ზიზღით გელაპარაკებოდით. ბანაკში ყველაზე უფრო ძნელი წყლის განაწილება გახლდათ. აქ სხვა დაჯგუფებანიც შეექმნათ: პოლიტიკური მრწამსის, ან აღმსარებლობის მიხედვით დაყოფილიყვნენ და ყველა თავისიანებს ეხმარებოდა. მეც ჩემი ამხანაგების დაცვა, ე. ი. ცოტა მიკერძოების გამოჩენა მიხდებოდა. მაგრამ თვით ჩვენს შორისაც კი სრული თანასწორობა ვერ დავამყარე. ზოგი ჩემი ამხანაგი ძალიან იყო დასუსტებული; ზოგსაც მძიმე სამუშაო ჰქონდა და მეც ხან ერთს ვანიჭებდი უპირატესობასა და ხან მეორეს. ასეთ განსხვავებას კი, დამერწმუნეთ, ერთობ შორს მივყავართ. მაგრამ ძალიან დავილაღე და აღარ მინდა ამგებების გახსენება. გეტყვით მხოლოდ, რომ ერთ დღეს ნამუსზე ხელი ავიღე და მომაკვდავი ამხანაგის ულუფა შევსვი. არა, არა, დუგესკლენის ულუფა არ შემისვამს. ის, რამდენადაც მახსოვს, უფრო ადრე გარდაიცვალა, რაკი ყველაფერს სხვებს უთმობდა ხოლმე. თორემ ის რომ მყოლოდა გვერდში, მისი სიყვარულით უფრო მეტ ხანს გავძლებდი, რადგან ნამდვილად მიყვარდა, დიახ, მიყვარდა ის უბედური. ერთი სიტყვით, წყალი დავლიე და თავსაც ბოდიში მოვხადე, სხვებს მე უფრო ვჭირდები, ვიდრე ეს ჩემი ამხანაგი, ისედაც სიკვდილის პირას რომ არის-მეთქი მისული. მე სხვებისთვის უნდა გადამერჩინა თავი. ასე, სიკვდილის მზის ქვეშ იბადებიან იმპერიები და ეკლესიები. ჩემი გუშინდელი ნათქვამი რომ გავანელო, გაგიზიარებთ უმნიშვნელო აზრს, ამ ამბებზე საუბრისას რომ დამეზავდა, თუმცა არც კი მახსოვს, ეს ამბები მართლა გადამხდა თავს თუ სიზმრად ვნახე. ეს აზრი გვკარნახობს, რომ უნდა შევუნდოთ პაპს. მას ეს შენდობა ყველაზე მეტად სჭირია. თანაც მხოლოდ ამ გზით თუ ავმალდებით მასზე...

კარი კარგად მიხურეთ? ჰოო? შეამოწმეთ, გეთაყვა. მაპატიეთ, ეს ურდუ-



ლები მუდამ თავ-გზას მიბნევენ ხოლმე. ძილის წინ ვერასოდეს ვიხსენებ; ჩავ-კეტე კარი თუ არა. იძულებული ვარ, ყოველ საღამოს ავდგე და შევამოწმო. აკი მოგახსენეთ, არაფერში არ შეიძლება დარწმუნებული იყო-მეთქი. ოღონდ არ გეგონოთ, რომ გაქურდვისა მეშინია. წინათ გასაღებით არასოდეს ვკეტავდი სახლისა და მანქანის კარებს. არც ფულს ვმაღავდი, ჩემს საკუთრებას არ ვუფრთხილდებოდი ხოლმე. მართალი თუ გნებავთ, ცოტათი მრცხვენოდა კიდევ, ამდენი ქონების პატრონი რომ ვიყავი. საუბარშიაც ხშირად მითქვამს: „საკუთრება ნამდვილი მკვლევლობაა, ბატონებო!“ და რაკი ისე გულუხვი არ ვიყავ, რომ ჩემი სიმდიდრე ღარიბი, მაგრამ ღირსეული კაცისათვის გამეყო, ქურდების ანაბარა ვაგდებდი და ვიმედოვნებდი, რომ უსამართლობას შემთხვევა გამოასწორებდა. დღეს უკვე აღარაფერი გამაჩნია და ჩემი ავლა-დიდება კი არ მაწუხებს, ჩემს სულიერ სიმშვიდეს ვუფრთხილდები. მინდა მაგრად მჭონდეს დარაზული იმ პაწია სამყაროს კარი, სადაც მე მეფეცა ვარ, პაპიცა და მსაჯულიც.

მოდით, გეთაყვა, იმ განჯინის კარი გამოაღეთ. შიგ სურათს ნახავთ. ვერა ცნობთ? ეს „მოუსყიდველი მსაჯულებია“. არ შეკრთით? მაშ არც ისე განსწავლული ყოფილხართ. გაზეთებს თუ კითხულობთ, გაიხსენებდით, რომ 1934 წელს გენტის წმინდა ბავონის ტაძარში ვან ეიკის ცნობილი საკურთხევლიდან — „მისტიკური კრავი“ — ერთი პანო მოიპარეს. ამ პანოს „მოუსყიდველი მსაჯულები“ ერქვა სახელად. ზედ ცხენებზე ამხედრებული მსაჯულები იყვნენ გამობატულნი. წმინდა კრავის თაყვანისსაცემად მიეშურებოდნენ. პანო საუცხოო ასლით შეცვალეს, რადგან ორიგინალს ვერსად მიაკვლიეს. ეს ორიგინალი თქვენს წინაა. არა, მე ბრალი არაფერში მიმიძღვის, „მეხიკო-სიტის“ ერთმა ხშირმა სტუმარმა სიმთვრალეში ერთ ბოთლ ჯინში გაუცვალა გორილას. აი, იმ კაცმა, თქვენც რომ შენიშნეთ იმ დღეს. გორილას ვურჩიე, გამოსაჩენ ადგილას დაკიდე-მეთქი და იმ დროს, როცა ამ სურათს მსოფლიოს ყველა კუთხეში დაეძებდნენ, ჩვენი ღვთისმოსავი მსაჯულები ლოთებისა და კახპების ხელის შემყურეთა თავებს ზემოთ ეკიდნენ „მეხიკო-სიტის“ დარბაზში. მერე ეს სურათი ჩემის თხოვნით გორილამ მე მომაბარა. ცოტა კი იბუზღუნა, მაგრამ როცა საქმის ვითარება ავუხსენი, შეშინდა და დამითმო. მას შემდეგ უფალ მოსამართლეებს ჩემს მეტი არავინ ნახულობს. დახლის თავზე კი კედელს ახლაც აჩნია მათი ნაკვალევი.

რატომ ტაძარს არ დავუბრუნე ეს პანო? ო, თქვენ პოლიციელებითა მსჯელობთ. კეთილი, გიპასუხებთ, ისე, როგორც გამომძიებელს ვუპასუხებდი, თუკი შემიტყვეს, რომ ეს სურათი ჩემს ოთახში მაქვს დამალული. ჯერ ერთი იმიტომ, რომ ჩემი არ არის და „მეხიკო-სიტის“ პატრონს ეკუთვნის; ის კი ისევე იმსახურებს ამ პანოს, როგორც გენტის ეპისკოპოსი. მეორეც იმიტომ, რომ მათ შორის, ვინც „მისტიკურ კრავს“ ჩაუვლის, ერთიც არ მოიძებნება ისეთი, ვინც ასლს ორიგინალიდან გამოარჩევს და მაშასადამე, ჩემი გადამკიდე კაცი არ ზარალდება; მესამეც ის, რომ თავადაც მოგებაში ვარ: მსოფლიო აღტაცებაში მოდის ყალბი მსაჯულების შემხედვარე და მხოლოდ მე ვიცი სიმართლე. მეოთხეც ისა, რომ ეს მსაჯულები უბიწო კრავის სანახავად მიიჩქარიან, კრავი კი აღარ არსებობს; უცოდველობამაც ჭირი მოგჭამათ და მაშასადამე, იღბლიანი ქურდი, ვინც ეს სურათი მოიპარა, უხილავი მართლმსაჯულების იარაღი იყო და ამ მართლმსაჯულებას წინ არ უნდა აღვუდგეთ. და ბოლოს იმიტომ,

რომ ამ გზით წესრიგი დამყარდა. რაკი მართლმსაჯულება საბოლოოდ გამოეყო უცოდველობას, ერთი ჯვარს აცვეს, მეორე კი კარადაში მყავს გამოკეტილი, მეც თავისუფლად შემიძლია ჩემს გუნებისად მოვიქცე. მშვიდი მივიძლია მონანიე მსაჯულის რთულ ხელობას მივდიო, რომელსაც ამდენი ფიქრისა და დავიდარაბის შემდეგ მივალწიე; და რაკი უკვე გამგზავრებას აპირებთ, მინდა ისიც გითხრათ, ეს ხელობა რაში გამოიხატება.

მაგრამ ჯერ ნება მიბოძეთ, წამოვიწიო, თორემ სუნთქვა მიმძიმს. ო, რა დაღლილი ვარ! კარი მიუკეტეთ ჩემს მსაჯულებს. გმადლობთ. ახლა მე მონანიე მსაჯულის ხელობას მივდეგ. მთხოვნელებს, ჩვეულებრივ, „მეხიკო-სიტიში“ ვიღებ. მაგრამ იმ საქმეს, მოწოდებად რომ გვქცევია, მარტო სამუშაო ადგილას როდი ვაკეთებთ-ხოლმე. მე საწოლშიაც, სიცხიანიც კი ვმუშაობ. ეს მარტო ხელობა როდია, ჰაერივითაა და მეც დღენიადაგ მისით ვსუნთქავ ხოლმე. არ იფიქროთ, რომ ხუთი დღის განმავლობაში მხოლოდ საკუთარი სიამოვნებისათვის გესაუბრეთ. არა, უსაგნოდ წინათაც ბევრი მილაპარაკია. ახლა ყოველი ჩემი სიტყვა გამიზნულია. ვცდილობ სასაცილო არ შევიქნე სხვების თვალში და მსჯავრსაც გავექცე, თუმცა ეს ერთის შეხედვით ყოველად შეუძლებელია. მსჯავრს რომ ვერ ვიცვილებთ თავიდან, ამის უმთავრესი მიზეზი ისაა, რომ ჩვენს თავს პირველ რიგში ბრალს თვითონა ვდებთ. მაშასადამე, ყველას განურჩევლად უნდა გამოვუტანოთ მსჯავრი, რომ ჩვენ შედარებით ცოტა გადაგვწყდეს.

თავის დღეში არავის ვაპატიო, აი, რა დავიწესე წესად. არა მწამს კეთილი განზრახვა, უნებლიე შეცდომა, მცდარი ნაბიჯი, შემამსუბუქებელი გარემოებანი. მე არც შეღავათს ვიძლევი და არც ცოდვებს შევუნდობ ვისმე. მარტო შეჯამება მიწევია: „ეს ამდენს უდრის. თქვენ გარყვნილი ხართ, სატირი, მითომანი, ცვედანი, გაიძვერა... და სხვა“. დიახ, ასე მკვახედ. ფილოსოფიასა და პოლიტიკაში ვემხრობოდი თეორიას, რომელიც კაცს უცოდველად არა თვლის და პრაქტიკულადაც ისე ეპყრობა, როგორც დამნაშავეს. მე, ჩემო ძვირფასო, მონობის თავგამოდებული მომხრე ვარ.

მონობის გარდა აკი სხვა საშველი არ არსებობს. მე ძალიან მალე მივხვდი ამას. წინათ მხოლოდ თავისუფლება მეკერა პირზე. დილით, საუზმის დროს ნამცხვარზე ვისვამდი, მთელ დღეს ვცოხნიდი, სულ მისით ვსუნთქავდი. ამ დიდებულ სიტყვას ვჩრიდი ცხვირში ყველას, ვინც მეწინააღმდეგებოდა. ჩემი სურვილებისა და ძლიერების სამსახურში ჩავაყენე იგი, საწოლშიაც მას ვჩურჩულებდი, ყურში ჩავძახოდი ჩემს საყვარლებს, ეს სიტყვა მშველოდა მათ მიტოვებაშიაც. თავისუფლებას ვახსენებდი... ეჰა, ავღელდი და ზომას გადავედი. ასეა თუ ისე, ზოგჯერ თავისუფლებისათვის უანგარო სამსახურიც გამიწევია, და წარმოიდგინეთ ჩემი გულუბრყვილობა, ორჯერ-სამჯერ კიდევაც დავიცავი იგი; თუმცა ცხადია, თავი არ გამიწირავს, მაგრამ რისკი ხომ გავწიე. უნდა მომიტევოთ ეს გაუფრთხილებლობა, რამეთუ არ ვუწყოდი, რას ჩავდიოდი. არ ვუწყოდი, რომ თავისუფლება საზღაური ან ჯილდო როდია, რომლის მიღებასაც შამპანურის სმით აღნიშნავენ. ეს არც მშვენიერი საჩუქარია, ძვირფასი კანფეტებით სავსე კოლოფის მსგავსი. ო, არა! პირიქით. ეს მძიმე სამუშაოა, მარტოხელა კაცის ქანცგამცლელი სირბილი. არც შამპანურია საღმე, არც მეგობრები, შენს სადღეგრძელოდ ჭიქას რომ სწევენ და სიყვარულს გეფიცებიან. მარტოდმარტო ხარ პირქუშ ოთახში, სულ მარტო ზიხარ საბრალოდებლო სკამზე მსაჯულთა პირდაპირ. მარტოდმარტომ უნდა აგო პასუხი სა-



კუთარი თავისა და განმკითხველთა წინაშე. ყველა თავისუფლების წილ სასჯელი მოგველის; სწორედ ამიტომაც იგი მძიმე სატარებლად, მეტადრე მაშინ, როცა ცხელება გჭირთ, როს დარდი შემოგწოლიათ გულზე, ანდა არავინ გიყვართ.

მერწმუნეთ, ძმაო, ვინც სულ მარტოა, არც ღმერთი ჰყავს და არც ბატონი, მას დღეთა სიმძიმე საშინლად აწევს მხრებზე. სჯობს, ბატონი გაიჩინო, რაკი ღმერთს ყავლი გასვლია და თავად სიტყვამაც დაკარგა აზრი. უფლის ხსენება არა ღირს, თორემ შეიძლება ვინმეს კიდევაც ეჩოთიროს. აიღეთ ჩვენი სერიოზული მორალისტები, რომელთაც უყვართ მოყვასი, განა მათ რამე განასხვავებს ქრისტიანებისაგან იმის მეტი, რომ მათსავით ეკლესიებში არ ჰქადაგებენ? თქვენის აზრით, რა უშლით ხელს ღმერთი იწამონ? სირცხვილი და შიში იმისა, ხალხმა ყბად არ აგვიღოსო. სირცხვილის ჭამა არა სურთ და ხვაშიადს გულში იმარხავენ. მე ერთ ათეისტ მწერალს ვიცნობდი, ყოველ საღამოს, ძილის წინ რომ ლოცულობდა. ეს ხელს არ უშლიდა და თავის წიგნებში ღმერთს პირდაპირ შავ დღეს აყრიდა. ერთმა საზოგადო მოღვაწემ, თავისუფლად მოაზროვნე კაცმა, რომელსაც ეს ამბავი გავანდე, ხელები გაშალა და მითხრა: ამ ამბით ვერ გამაკვირვებთ, ყველანი ეგეთები არიანო. მისთვის რომ გეკითხათ, ჩვენი მწერლების ოთხმოც პროცენტს რომ შეძლებოდა თავიანთი წიგნების ხელმოუწერლად გამოცემა, ღმერთის სახელს ყველა სიამოვნებით განადიდებდა. მაგრამ ხელს აწერდნენ მისი აზრით იმიტომ, რომ უყვართ თავიანთი თავი და არც არაფერს განადიდებენ, რადგან ერთმანეთი ეჯავრებათ. და რაკი განსჯა არ ეთმობათ, მორალს ჰქადაგებენ. მოკლედ, სატანური სათნოება ახასიათებთ. უცნაური დროა, ღმერთმანი! რა გასაკვირია, რომ ხალხს გონება არევიან და რომ ერთი ჩემი მეგობარი ათეისტი გახლდათ, სანამ სანიმუშო ქმარი იყო და ქრისტეს რჯულზე მოიქცა, როცა ცოლის ღალატს დაეჩვიან.

ო, ეს მუზმუზელები, ეს კომედიანტები, პირმოთნეები მაინც გულის ამაჩუყებელნი რომ არიან, მაშინაც კი, როცა ზეცას ცეცხლს უკიდებენ. ათეისტები იქნებიან თუ ღვთისმოსავნი, მოსკოველები, თუ ბოსტონელები, მაშინაც შვილიანა ყველანი ქრისტიანები არიან. თუ ღმერთი აღარ არის, აღარც წესრიგია სადმე, თავისუფლები ვართ და ჩვენს თავს თვითონვე უნდა გავუძღვეთ. მაგრამ რაკი თავისუფლება და სასჯელი ყველას აფრთხობს, მოითხოვენ, თითებში გვირტყითო, იგონებენ საშინელ სახაზავებსა და ეკლესიების აგების ნაცვლად კოცონებს აჩაღებენ. პირწავარდნილი სავონაროლანი არიან! ოღონდ მარტო ცოდვა სწამთ, მადლს თავის დღეში არ იწამებენ. ფიქრით კი ფიქრობენ; სწყურიათ კიდევ; ოცნებობენ საყოველთაო თანხმობაზე, ურთიერთგაგებაზე, და ვინ იცის, აკი სენტიმენტალურებიც არიან, იქნებ ნიშნობაზედაც. პატარძალი ქორფა ასულია, ნეფე — წარმოსადეგი ვაჟკაცი, მუსიკა გრგვინავს... მე სენტიმენტალური არა ვარ და იცით, რაზე ვოცნებობდი? დიდ, ყოვლისმომცველ სიყვარულზე, განუწყვეტლივ რომ ეუფლება სულსა და ხორცს დღისით და ღამით. მინდოდა ამ ნეტარებაში მეცხოვრა ხუთი წელი და მერე თუნდაც მოვმკვდარიყავი.


მაგრამ რაკი ნიშნობასა და ყოვლისმომცველ სიყვარულს ვერ ვეღირსეთ, ქორწინება უნდა ვიკმაროთ. უხეში, ძალადობით აღსავსე ქორწინება, ზოგჯერ მათრახსაც რომ იშველიებს. მთავარია ყველაფერი გამარტივდეს. ვიღაცამ გვიხელმძღვანელოს, კეთილი და ბოროტი მკაცრად იქნას გამიჯნული და ნათ-

ლად მოჩანდეს. ამაზე მეც თანახმა ვარ, თუმცა სიცილიელად და იაველად მომაქვს თავი, ქრისტიანობასაც ვერვინ შემწამებს, მერე რა რომ მათგან უპირველესს დიდ პატივსაც ვცემ. მაგრამ პარიზის ხიდებზე გავლისას მეც ვიგრძენი, რომ მეშინოდა თავისუფლების. მაშ, გაუმარჯოს ბატონს, როგორიც არ უნდა იყოს იგი, რაკი ცის კანონსაც ცვლის. „მამაო ჩვენო, დროებით მიწაზე რომ ხვალ... ო, ჩვენო წინამძღოლებო, მძვინვარე მეთაურებო, უღმობელო და საყვარელო ბელადებო“... ერთი სიტყვით, მთავარია, თავისუფალი არ იყო და მონანიებისას ვინმეს ემორჩილებოდე, იმას, ვინც შენზე გაქნილია. როცა ყველანი დამნაშავე ვიქნებით, დემოკრატიაც დამყარდება. ისიც გაითვალისწინეთ, ძვირფასო მეგობარო, შური უნდა ვიძიოთ იმაზედაც, სიკვდილი მარტოღო-მარტოებს რომ მოგვიწევს; დიახ, სიკვდილი მარტოს გვიყვლებს, მონობა კი კოლექტიურია. მისი უღელი სხვებსაც აწევთ მხრებზე და მთავარიც ესაა. ბოლოს და ბოლოს გავერთიანდებით, ოღონდ მუხლმოდრეკილნი ვიქნებით და თავებიც დახრილი გვექნება.

განა ურიგოა საზოგადოების დარად ცხოვრება? მაგრამ მაშინ საზოგადოება მე უნდა მგავდეს. მუქარა, შერცხვენა, პოლიცია, ამ მსგავსების საფუძველია. რაკი მომიძულეს, მჩაგრავენ, მღვენიან, მეც შემიძლია ხელი გამოვიღო და ბუნებრივად მოვიქცე. აი რატომ მოხდა, ძვირფასო, რომ მას შემდეგ, რაც თავისუფლებას საქვეყნოდ ხოტბა შევასხი, გუნებაში გადავწყვიტე, სხვისთვის გადამელოცა იგი. ყოველთვის, როცა კი შემთხვევა მეძლევა, ვქადაგებ „მეხიკო-სიტის“ ტაძარში, ვურჩევ კეთილ ხალხს დაჰყარონ ფარ-ხმალი, მონობის ტკბილი უღელი მორჩილად დაიდგან ქედზე, ოღონდ ამ მონობას ჰემმარიტი თავისუფლება უწოდონ სახელად.

მაგრამ გიყი არა ვარ და კარგად მესმის, რომ მონობა ხვალ არ დამყარდება. ეს მომავლის წყალობა იქნება. ამიტომ აწმყოს უნდა შევეგუო და გამოსავალი ვეძებო, საბოლოო თუ არა, დროებითი მაინც. უნდა მენახა სხვა საშუალება, რომ მსჯავრი სხვებისთვისაც დამელო და მით შემემსუბუქებინა მისი სიმძიმე, მხრებზე რომ მაწევს. მე ამ საშუალებასაც მივაგენი. ცოტა ფანჯარა გამოაღეთ, გეთაყვა, საშინლად ცხელა. ძალიან კი ნუ გააღებთ, არ გავცივდე. ჩემი იდეა უბრალო და ნაყოფიერია. ყველანი წყალში როგორ უნდა ჩაყარო, რომ მზის გულზე მარტო შენ შრებოდე? კათედრაზე ავიდე, როგორც ბევრი ჩემი სახელოვანი თანამედროვე სჩადის და იქიდან კაცთა მოდგმის შეჩვენებას მოვყვე? მეტად სახიფათო საქმეა. ერთი დღეც იქნება და მასხრად ამიგდებენ. რასაც სხვებს უკიჟინებ, ბოლოს და ბოლოს, ბრალად იმას შენვე დაგდებენ. ბრალდება შიგ სახეში მოგხვდებათ და დაგასახიჩრებთ. მაშ, როგორღა მოვიქცეთო, ფიქრობთ უთუოდ. მე კი გენიალური რამ მოვიფიქრე. სანამ ბატონები მოვლენ და როზგს მოიტანენ, ჩვენ კოპერნიკივით უნდა შევატრილოთ მსჯელობა, რომ გავიმარჯვოთ. რაკი არ შეიძლება სხვებს დავდოთ ბრალი ისე, რომ მერე ჩვენს თავსაც არ მოვდგეთ, ჯერ თავი უნდა დავიდანაშაულოთ, რათა სხვების განსჯის უფლება მოგვეცეს. რაკი ყველა მსაჯული ბოლოს მონანიედ იქცევა, პირიქით უნდა მოვიქცეთ, მონანიებით დავიწყოთ, რომ ბოლოს მსაჯულები შევიქნეთ. მიმიხვდით, რისი თქმა მსურს? კეთილი. მაგრამ უფრო ნათლად რომ წარმოიდგინოთ ყველაფერი, გეტყვი, როგორ ვმუშაობ.

ჯერ ჩემი კაბინეტი დავხურე, პარიზიდან წამოვედი, ვიმოგზაურე; შევეცადე სხვისი სახელით მოვწყობილიყავ ისეთ ადგილას, საცა საკმაო პრაქტიკა



მექნებოდა. ასეთი ადგილი უამრავია ქვეყნად, მაგრამ შემთხვევამ, ბედის და-
ცინვამა და თვითგვემის წყურვილმა წყლისა და ნისლების დელაქალაქში,
თხრილებით დასერილ ამსტერდამში ყოფნა მარგუნეს, სადაც სახლები ერთი-
მეორეს აწვებიან და საცა ხალხი მსოფლიოს ყოველი კუთხიდან მოდის ხოლ-
მე. ჩემი კაბინეტი მეზღვაურთა უბანში გავხსენი. ნავსადგურში ათასი ჯურის
ხალხი ტრიალებს. ღარიბები მდიდრულ უბნებში არასოდეს დადიან, მდიდრები
კი, უთუოდ თქვენც შენიშნავდით, ერთხელ მაინც ეწვევიან ხოლმე საძრახის
ადგილებს. მე უმთავრესად ბურჟუებს ვუთვალთვალე, გზააბნეულ ბურ-
ჟუებს, მჭევრმეტყველებით თავბრუს ვახვევ და ვირტუოზივით საუცხოო
ჰანგებზე ვამღერებ.

ეს ერთი ხანობაა, რაც „მეხიკო-სიტიში“ ჩემს სასარგებლო ხელობას მივ-
დევ. როგორც თავადა ნახეთ, ეს პირველ რიგში იმაში გამოიხატება, რომ ჩემს
აღსარებას საჯაროდ რაც შეიძლება ხშირად მოვყვე. მივდგები ამ ჩემს თავსა
და ყველაფერში ვადანაშაულებ. ეს აღარ მიჭირს მას შემდეგ, რაც მეხსიერება
დამიბრუნდა. ოღონდ უხეშად როდი ვირჩები, არც მუშტებს ვიბრაგუნებ
მკერდში. არა, ოსტატურად ვიქცევი, უამრავ ფანდსა ვფლობ, უამრავ ილეთს,
ჩემს სიტყვას მსმენელის ხასიათს ვუფარდებ და მასაც ცეცხლი შემოეგზნება
ხოლმე. ერთმანეთში ვურევ ჩემსა და სხვათა ამბებს. საერთო ნიშან-თვისებებს
ვეძებ, ყველას მიერ განცდილს რასმე, საერთო სისუსტეს, თანამედროვე ადა-
მიანს, ჩემშიაც და სხვებშიაც ერთნაირად რომ მძინვარებს და ამეებით ისეთ
პორტრეტს ვხატავ, ყველას რომ ჩამოჰგავს და არავის ასლს არ წარმოადგენს.
მოკლედ, საკარნავალო ნიღაბსა ვქმნი, მინამგვანიც რომაა და ერთობ გამარ-
ტივებულიც; მისი შემხედვარე ყველა იტყვის, ეს კაცი სადღაც მინახავსო.
როცა პორტრეტი დასრულდება, როგორც ამ საღამოს, გამოვაჩენ და მწუხა-
რებით აღსავსე ვამბობ: ვაგლახმე, ასეთი ვარ-მეთქი. საბრალმდებლო აქტი
მზადაა. და პორტრეტიც, ჩემს თანამედროვეთ რომ ვთავაზობ, სარკედ იქცევა
ხოლმე.

თმებს ვიგლეჯ თავზე ნაცარდაყრილი, სახეს ვიხოკავ, ჩემს სამარცხვინო
საქმეთ ჩამოვთვლი, თან გამჭრიახ მზერას ვავლებ კაცობრიობას, ვუცქერ, რა
შთაბეჭდილებას ვახდენ მსმენელზე და ვამბობ: „მე უკანასკნელთა შორის უკა-
ნასკნელი ვიყავი“. მერე შეუმჩნევლად მხოლობითიდან მრავლობითზე გადავ-
დივარ და „მეს“ ნაცვლად „ჩვენ“-მეთქი, გავიძახი. როცა აი როგორები
ვართ-მეთქი, ვიტყვი, საქმე გათავებულა, შემიძლია თანამოსაუბრეს პირში
მივახალო ყველაფერი. მეც მათსავითა ვარ, ცხადია; ყველანი ერთ წვენში ვი-
ხარშებით, მაგრამ მე უპირატესობაცა მაქვს, რაკი ვუწყვი ეს ამბავი. უფლება
მეძლევა წავაყვედრო. ეს კი მოგეხსენებათ, ერთ რამედა ღირს. რაც უფრო
მეტად ვიდანაშაულებ თავს, მით უფრო მეტი უფლება მაქვს, თქვენც მსაჯუ-
ლად გაგიხდეთ. უფრო მეტიც, თქვენვე გაიძულებთ თავი დაიდანაშაულოთ და
ეს უდიდეს შვებასა მგვრის. ო, ჩემო კარგო, ჩვენ უცნაური, საძაგელი ქმნი-
ლებანი ვართ. თუკი ჩვენს ცხოვრებას თვალს გადავავლებთ, შიგ უამრავ რასმე
ვიპოვით გასაოცებსა და საძრახისს. სცადეთ ერთი! დარწმუნებული ბრძან-
დებოდეთ, თქვენს აღსარებას ჭეშმარიტად ძმურის თანაგრძნობით მოვის-
მენ.

ნუ კი იცინით! თქვენ ერთობ ძნელად მისადგომი კაცი ბრძანდებით; ეს
თავიდანვე შევნიშნე. მაგრამ აღსარებას მაინც მეტყვი. სხვაგვარად არ იქნება.

სხვები უფრო გრძობას აყოლილები იყვნენ, გონება აგრერიგად არ შესწევდათ. მათი მონადირება არ გამჭირვებია. ჭკვიან ხალხთან კი მოთმინების შემოკრება მმართველს. დაწვრილებით უნდა ავუხსნა ჩემი მეთოდი. ისინი ცუდ ფერს იმახსოვრებენ და ფიქრს იწყებენ. ადრე თუ გვიან თამაშ-თამაშში იქნება თუ შინაგანი ძრწოლის ჟამს, ყველაფერს დაფქვავენ. თქვენ მარტო ჭკვიანი კი არა და, ეტყობა, გამოცდილი კაციც ბრძანდებით. მაგრამ აღიარეთ, რომ დღეს მაინც უფრო ნაკლებ კმაყოფილი ხართ საკუთარი თავისა, ვიდრე ამ ხუთი დღის წინათ იყავით. ახლა თქვენს წერილს, ანდა თქვენს დაბრუნებას დაველოდები; რომ დაბრუნდებით, ამაში ეჭვი არ მეპარება. მე ისევ ასეთი დაგიხვდებით; ანკი რად უნდა შევიცვალო, როცა ჩემი სარგო ბედნიერება ვპოვე? ჩემს ორპირობას სასოწარკვეთილებაში აღარ მოვყავარ, შევურიგდი უკვე. მყუდრო სავანედაც კი მიმაჩნია, მთელი სიცოცხლე ამაოდ რომ დავეძებდი. შევცდი, როცა გითხარით, მთავარია, მსჯავრს გაექცე-მეთქი. მთავარია, თავს ყველაფრის უფლება მისცე, თან დროდადრო მოჰყვე დაღადისს, ყოვლად უღირსი კაცი ვარო. მე ახლა თავს ყველაფრის უფლებას ვაძლევ და ზურგსუკანინიდან სიცილიც აღარ ჩამესმის. ცხოვრების ნირი არ შემიცვლია, კვლავ უზომოდ მიყვარს ჩემი თავი და კვლავ სხვებს ვიმსახურებ. ოღონდ ცოდვების აღიარება ნებას მაძლევს უფრო თავისუფლად განვაგრძო ჩემი საქმე და ორმაგად დავტკბე, რაკილა ბუნებრივ მოთხოვნილებებსაც ვიკმაყოფილებ და მონანიებით გამოწვეულ სიტკბობებსაც განვიცდი.

მას შემდეგ, რაც გამოსავალი ვიპოვე, ქალებსაც დავდეგ, ვტრაბახობ კიდევ, მოწყენილობაც დამრევს ხოლმე ხელს, გულღრძობასაც ვიჩენ. ხანდახან ხურვებაც დამიგდებს და ესეც სიამესა მგვრის. როგორც იქნა ხელთ საუკუნო მეფობა ვიგდე. ვპოვე მწვერვალი, რომელზედაც მარტო მე ვდგავარ და შემოიძლია ამ სიმაღლიდან სხვები გავასამართლო. ზოგჯერ, თუმცა იშვიათად, როცა ღამე ღამაზია, შორეული სიცილი ჩამესმის ყურში და კვლავ ეჭვი მიბყრობს. მაგრამ გონს მალე მოვეგები ხოლმე, ადამიანთა მოდგმასა და მთელ სამყაროს ჩემს სიმახინჯესა ვდებ ბრალად და ისევ ისე მოვგულადდები.

მაშ, „მეხიკო-სიტიში“ თქვენს მოსვლას დაველოდები, თუნდაც დიდი ხნის ლოდინი დამჭირდეს. გთხოვთ, გადამხადეთ საბანი, სუნთქვა მეკვრის. ხომ დაბრუნდებით? მე ზოგი ჩემეული ხერხის საიდუმლოებასაც გაგაცნობთ, რადგან მომეწონეთ. ნახავთ, არამხადები ხართ-მეთქი, მთელ ღამეს როგორ ვუქადაგებ ბარში შეკრებილთ. ამაღამვე დავიწყებ. არ შემოიძლია მოვისპო ეს სიამოვნება, არ ძალმიძს უარი ვთქვა იმ წუთით დატკბობაზე, როცა ერთ-ერთი მათგანი ნასმურევს აღსარების თქმას დააპირებს და მკერდში მუშტების ბრაგუნს მოჰყვება. მაშინ საოცრად ვმალდები, ჩემო ძვირფასო, ვმალდები და თავისუფლად ვიწყებ სუნთქვას; მგონია, მაღალ მთაზე ვდგავარ და ძირს ხელისგულივით გადაშლილ ველს დავყურებ. რა საამური გრძობაა; თავი მამა-ღმერთი მგონია და ხალხს შემცოდებობისა და გარყვნილების მოწმობებს ვურიგებ. მე ჩემს ცოდვილ ანგელოზთა დასს ზემოთ ვზი ტახტზე, ჰოლანდიის ცაში და ვუცქერ. ზღვა ხალხი ნისლსა და წყალს როგორ აპობს, განკითხვის მოლოდინში როგორ მოიწევს ჩემკენ. ნელა მოიწევენ მაღლა და აი ერთმა კიდევაც მოაღწია ჩემამდე. მის დაბნეულ სახეზე, ხელით სანახევროდ რომ დაუფარავს, ვკითხულობ, რაში წინასწარ ამწუხრებს საკუთარი და მისიანების ხვედრი და სასოწარკვეთას მოუტყავს, რაკი არ ძალუძს ამ ხვედრს გაექცეს. გულით მებრალება, მაგრამ ცოდ-



ვებს როდი შევუნდობ, მესმის მისი, მაგრამ არ ვაპატიებ; და რაც მთავარია, ვგრძნობ, რომ თაყვანსა მცემენ!

ღიახ, ვწრიალებ, ანკი უძრავად როგორ ვიწვე? მინდა თქვენზე მადლა ავი-
დე: ჩემი ფიქრები მამალლებენ. ღამღამობით, ან უკეთ რომ ვთქვათ, სისხამ
დილით, რადგან დაცემა გამთენიისას ხდება ხოლმე, სახლიდან გამოვდივარ
და სწრაფი ნაბიჯებით დავყვები არხებს. ცრიატ ცაში ბუმბულთა წყება თან-
დათანობით თხელდება, მტრედები მაღლა ადიან, სახურავებზე ბროლნაყარი
შუქი ციალებს და ჩემი ხელით შექმნილი სამყაროს ახალი დღე იბადება. დამ-
რაკზე, ნესტიან ჰაერში პირველი ტრამვაის ზარი გაიწკრიალებს და ევროპის
კიდებზე სიცოცხლის გამოღვიძებას გვამცნობს. ამ დროს მილიონობით ადამია-
ნი — ჩემი ქვეშევრდომები — გაჭირვებით იღვიძებენ; პირში მწკლარტე გემო
აქვთ და დგებიან, რათა უსიხარულო შრომის ჭაპანი ზიდონ. მაშინ გონებით ამ
კონტინენტის თავზე დავფრინავ, კონტინენტისა, რომელიც მე მემორჩილება
და არ კი უწყის, ამომავალი სინათლის აბსენტსა ვსვამ და ბოროტი სიტყვებით
მთვრალი ბედნიერი ვარ. ბედნიერი ვარ-მეთქი, გეუბნებით და გიკრძალავთ,
ჩემი უსაზომო ბედნიერება არ ირწმუნოთ. ო, მზეო, ზღვის სანაპიროვ, ქარ-
მრავალო კუნძულებო და სიჭაბუკეო, რომლის მოგონებაც სასოწარკვეთაში
გვაგდებს.

მაპატიეთ, რომ ისევ ვწვები. მგონი, მეტისმეტად ავლელდი. მაგრამ ტირი-
ლით მაინც არა ვტირი. ხანდახან ვიბნევით, რაც ცხადზე ცხადია, იმასაც ვერა
ვხედავთ, მაშინაც კი, როცა ბედნიერი ცხოვრების საიდუმლოს ჩავწვდებით
ხოლმე. ჩემგან ნაპოვნი გამოსავალი მთლად უნაკლო ვერაა, მაგრამ როცა სა-
კუთარი ცხოვრება არ მოგვწონს, როცა ვიცით, რომ მისი შეცვლა გვმართებს,
არჩევანი არა გვაქვს ხოლმე. ასე არ არის? რა უნდა მოვიმოქმედოთ, რომ გარ-
დავიქმნათ? ვერაფერსაც ვერ მოვიმოქმედებთ. არარად უნდა იქცე, ერთხელ
მაინც ვინმეს გულისთვის თავი დაივიწყო, მაგრამ როგორ? ძალიან მკაცრადაც
ნუ განმსჯით. მე იმ მოხუც მათხოვარს ვგავარ, ოდესღაც კაფეში რომ შემხვდა
და ხელს აღარ მიშვებდა: „ცუდი კაცი არა ვარ, ბატონო; ამ ზომამდე იმიტომ
მივედი, რომ თვალის ჩინი დამეკარგაო“. ღიახ, თვალის ჩინი გვაქვს დაკარგუ-
ლი, დილის სინათლე და წმიდა უცოდველობა, თავს შეცოდებას ადვილად რომ
მიუტევენ ხოლმე.

შეხეთ, თოვს! უნდა გავიდე გარეთ! მინდა ვიხილო ღამეულ სითეთრეში
ჩაძინებული ამსტერდამი, წყვდიადით მოცული არხები, დათოვლილ ხეებქვეშ
მდორედ მდინარი წყალი, უკაცური ქუჩები, ჩემი ნაბიჯების ყრუ ხმას ვუგდო
ყური და ვნახო ის წუთიერი სისუფთავე, რომელიც ხვალ ისევ ჭუჭყმა უნდა
შეცვალოს. შეხეთ ამ უზარმაზარ ფანტელებს, ფანჯრის მინებს რომ აწყდებიან.
მტრედები არიან უთუოდ. მათი ჭირიმე! ბოლოს და ბოლოს, ძირს დაშვებაც
ისურვებს! წყალსა და სახურავებს ბუმბულის სქელი ფენით ფარავენ, ყველა
ფანჯარასთან თრთიან. რა შემოსევაა! იმედი ვიქონიოთ, რომ კარგი ამბის მახა-
რობლები არიან. ყველა გადარჩება, მარტო რჩეულნი კი არა; სიმდიდრეცა და
შრომის ტვირთიც თანაბრად განაწილდება და თქვენ ჩემი გულისათვის
ყოველდამ შიშველ იატაკზე დაწვებით. ძმურად გავიყოფთ ჭირსა და ლხინს!
მოდით, ადიარეთ, რომ განცვიფრებული დარჩებით ზეციდან ჩემს წასაყვანად
ეტლი რომ დაეშვას, ანდა თოვლს უეცრად ცეცხლი რომ გაუჩნდეს. სასწაულებ-
ისა არა გჯერათ? არც მე. მაგრამ ქუჩაში მაინც უნდა გავიდე.

კარგი, ნუ წუხხართ, მშვიდად ვიქნები. ძალიან ნუ ენდობით ჩემს მდგომარეობას, ნურც ჩემს ნაბოდეგს. ორთავ გამიზნულია. აი ახლა, როცა თქვენს თავზე დამიწყებთ საუბარს, მივხვდები, ჩემმა მგზნებარე აღსარებამ მიზანს თუ მიაღწია. მე მაინც ვიმედოვნებ, რომ ჩემი თანამოსაუბრე ოდესმე პოლიციელი აღმოჩნდება და „მოუსყიდველი მსაჯულების“ მოპარვისათვის დამაპატიმრებს. სხვა დანარჩენისათვის კი დაპატიმრებას ვერავინ გამიბედავს, არა? მაგრამ ქურდობა კანონით უნდა დაისაჯოს, მე კი ყველაფერი გავაკეთე იმისათვის, რომ თანამზრახველად ჩამთვალონ. სურათს ვმალავ და თან ყველას ვუჩვენებ. თქვენ თუ დამიჭერთ, კარგი დასაწყისი იქნება. შეიძლება დანარჩენიც მხედველობაში მიიღონ და ბოლოს თავიც მომკვეთონ. ასე გამიქრება სიკვდილის შიში და გადავრჩები. სასერიოდ თავშეყრილ ხალხს ჩემს ახლადმოჭრილ თავს დაანახვებთ, რომ მასში თავიანთი თავი შეიციონ და მეც კვლავ ავმალდები მათ ზემოთ, როგორც სანიმუშო კაცი. ყველაფერი დასრულდება, უჩუმრად დავასრულებ ცრუ წინასწარმეტყველის კარიერას, წინასწარმეტყველისა, უდაბნოში რომ ლაღადებს და უდაბნოს მაინც არ ეშვება.

მაგრამ ცხადია, თქვენ პოლიციელი არა ხართ, თორემ ძალზე უბრალოდ იქნებოდა საქმე. რა ბრძანეთ?.. ოჰო! გამოგიტყდებით და კიდევაც ვფიქრობდი ამაზე. მაშასადამე, ტყუილად როდი შემეთვისეთ. მაშ, თქვენ პარიზში ვექილის საუცხოო ხელობას მისდევთ? გუმანით ვგრძნობდი, რომ ჩვენ ერთი მოდგმისანი ვიყავით. განა ყველანი ერთნაირები არა ვართ, განა მუდამყამს უმისამართოდ არ ვლაპარაკობთ ხოლმე? მუდამ ერთსა და იმავე კითხვებს ვუტრიალებთ, თუმცა პასუხი წინდაწინ ვიცით. მაშ, მომიყევით, ძალიანა გთხოვთ. რა შეგემთხვათ იმ დღეს სენის სანაპიროზე და როგორ შეძელით საფრთხეში არასოდეს ჩაგეგდოთ თავი? თქვით ის სიტყვები, რომლებიც აგერ უკვე წლების მანძილზე ჩამესმის ყურში ღამღამობით და რომელთაც ახლა თქვენი ბაგეებით წარმოთქვამ: „ქალიშვილო, შენს გახარებას, ერთხელ კიდევ გადავარდი წყალში, რომ კვლავ მომეცეს შესაძლებლობა შენც გიხსნა და ჩემი თავიც გადავირჩინო!“ კიდევო? რა სიგიჟეა! წარმოიდგინეთ, სიტყვაზე დაგვიჭირონ; მაშინ ხომ დანაპირების შესრულებაც მოგვიხდება! ბრრ!... წყალი ცივია! მაგრამ ფიქრი ნუ გაქვთ. უკვე გვიანაა. მუდამ ასე გვიან იქნება ხოლმე საბედნიეროდ!

□